



BIBLIOTECA NAZ.  
Vittorio Emanuele III

**XXIII**

**D**

**35**

ARF. I











# INSTITUTIO ASTRONOMICA

*Juxta Hypotheses tam VETERUM quàm*  
COPERNICI & TYCHONIS:

*Dictata Parisiis*

A

PETRO GASSENDO,  
Regio Matheseos Professore.

*Accedunt Ejusdem varij*

TRACTATUS ASTRONOMICI,

*Quorum Catalogum pagina versa indicabit.*

*Editio ultima paulo ante mortem Auctoris recognita.*  
*aucta & emendata.*



AMSTELÆDAMI,

Apud JANSSONIO-WAERSBERGIOS. 1620.


*Mercurius in Sole visus, & Venus in visa Parisiis Anno  
1631 pro Voto & admonitione Keppleri: cum obser-  
vatis quibusdam aliis.*

*Proportio Gnomonis ad Solstitialem umbram observata  
Masilia Anno 1636. pro voto Wendelini: cum aliis  
scitu dignis.*

*Novem Stellæ circa Iovem visæ Colonia exeunte Anno  
1642. & ineunte 1643. cum aliis.*

*Parbelia, seu quatuor Soles Spurii, qui circa Verum appa-  
ruerunt Romæ, mense Martio, Anno 1629. cui sub-  
juncta est descriptio Parheliorum similium ante qua-  
dringenta Annos visorum.*

EMINENTISSIMO  
 S. R. E. CARDINALI  
 LUDOVICO ALPHONSO  
 PLESSÆO RICHELIO,  
 ARCHIEPISCOPO LUGDUNENSI,  
 GALLIARUM PRIMATI,  
 Magno Franciæ Elcemosynario.  
 PETRUS GASSENDUS ET ALIARUM,


 PECIMEN Tibi offero, EMINENTIS-  
 SIME CARDINALIS, meæ illius obser-  
 vantia, qua quod exigendum censuisti abs me,  
 id præstitum putes. Nimirum, cum pro ea  
 cura, quam Regii Collegii demandatum ha-  
 bes, fecisses, ut me Professioni Matheseos Rex  
 Christianissimus destinaret, ipse diu quidem, multumque ab-  
 nuui; sed evincente heinc tua instantia, heinc veneratione, qua  
 te prosequor, adii denique quod iussisti, munus. Cum verò pro  
 tuis, aliorumque votis à compendiosa Astronomiæ Institutione  
 occæpisssem; factum est deinceps, ut conscius Librariæ ejus ex-  
 scriptionem varie procurari; efflagitârit, illam à se mandari  
 typis paterer: ac ipse assenserim quidem; sed eo consilio, ut qua-  
 liscumque opella hujusmodi foret, illustre tuum Nomen in fronte  
 præferret; quod omnes intelligerent, Te esse, qui ipsi, occasioni  
 fuisses.

Hoc ipsum ergo est Specimen, quo me obsequuntur Tibi fidem  
 facio; idque, donec præ jam diuturna invaliditudine, interquiesco.  
 Quippe dudum est, ex quo mea illa pectoris intemperies ita cæ-

## EPISTOLA.

pit exasperari, ut ad victus moderationem, adhibere etiam, ipsi deliniendæ, quietem oporteat. Non possum verò interim non suavissimè recordari humanitatis illius tantæ, qua sollicitudinem testari de mea valetudine es dignatus, & donec in Urbe adfuisti, & dum ex ipsa discessurus, cogitantem me patrium solum, commutandi aeris gratiâ, voluisti tecum deducere, si patiens quidem itineris fuisset. Quin-etiam discedens illud adjecisti tuæ bonitatis argumentum, ut cum Professionem non alia conditione demùm subiiissem, quàm, ut liceret, quoties liberet, citra jacturam tui erga me amoris, ipsi renuntiare; ne audire me quidem de renunciatione verba facientem volueris; & quòd causarer interruptionem futuram fortè longinquam, si ob expositam mox causam, in Provinciam concederem, exceperis, Te cum nemine quidem de residentia dispensare, nullive ab officio immunitatem tribuere; sed velle nihilominus præter ordinem me habere.

Neque verò nova hæc sunt tuæ erga me benevolentie testimonia; quando ex quo usque in sanctissima Eremo enituit, singulari fuisti erga me affectu; & ritu antiquo, ex illa assumptus, ut præficereris, ac regeres Præsul Provinciæ nostræ Metropolim, tum voluisti me cunctantiorē ad te comiter evocatum; tum quanta in me propensione fores, nulla non fecisti occasione perspectum. Deinceps autem aliò translatus, & in Purpuratum cooptatus Collogium, variisque auctus honoribus, idem erga me perstitisti; neque unquam remitti quicquam ex pristina illa, ac facillima familiaritate es passus; & plerumque, absentem licet, hædere me tamentibi in medullis, præcordiisque significasti. Quæ commemoro quidem lubens, ut quanta possum animi gratitudine infnuem, nequicquam non esse, quòd Te mihi pridem fenuoso fixi in pectore; verum nihil jucundius est, quàm præterea commeminisse, quod mihi semper peperit insignem ut admirationem, ita venerationem tui.

Id autem fuit maximè singularis animi candor, quo, fingere nescius,

## EPISTOLA.

nescius, talem in prospectu, qualem in secessu Te semper præbui-  
sti; ac pro indole generosa, nihil unquam præter decorum; pro  
antiqua fide, nihil præter fas, & æquum, unquam præstitisti.  
Heinc fuit semper sincera illa, & sine fūco pietas, qua præsci, ac  
legitimi in Deum cultus retinentissimus, es semper omnem no-  
vitatem, superstitionemque averſatus; quasque, ut patienter eos  
nunquam tulisti, qui Religioni prætexerent fucum; sic miro ar-  
dore infectatus novos Alcibiadas, non es passus illos, ob sacra  
Mysteria pessundata, abire impunè. Heinc vera, germanaque  
illa commissi gregis sollicitudo, qua, grassante etiam dira pestis  
lue, ipsi constanter interfuisti, ac fœlicitati vertisti posse ani-  
mam pro eo ponere; raro in hac Dignitate exemplo; ac argumen-  
to singulari, nihil Te in speciem fidei pietatis agere: cùm hujus-  
modi sanè occasione persona eripiat, res maneat. Heinc illa in-  
fracta, celsaque constantia, qua eripi Tibi fortunæ bona passus es;  
ac, tum minoris illa ducens, quàm ut Te amisſisse quicquam tu-  
m censes, ne salvis quidem Tibi in alium uti voluisti juri-  
bus; tum superesse Tibi adhuc, quæ abunde essent, professus, ea,  
quæ oblata subinde fuere Sacerdotia amplissima, cordatissimè  
recusasti. Heinc illud propofiti tenax, honestoque incoctum pectus;  
quo, seu in Collegio sacro cōfidents, seu tuo, imò & toti Clero  
Gallicano præfidents, spectasti semper quicquid dignum Sapiente,  
bonoque fuit viro: quoque commissæ Tibi varia titulis variis mu-  
nera, non ad gratiam unquam, sed proprio delectu, ac prout nota  
Tibi fuit cujusque industria semper dispensasti.

Verùm proluxa nimis inductio, si prosequeretur singula; cùm &  
hic locus exigat, ut recenseam potius eximium, quo semper fla-  
grasti, ingeniarum artium amorem, ac hujusce quidem impri-  
mis, quæ in rerum cœlestium contemplatione sita est, quaque ha-  
beri dignior ingenuo homine nulla potest. Vix cerrè unquam ad  
te accedo, quin hisce de rebus me aliquid roges; quin exsultes,  
dum novi quidpiam aut observando deprehensum, aut ratioci-

## EPISTOLA.

nando deductum inaudis. Ex quo fit, ut Tibi banc opellam tantò fidentiùs offeram, quantò de iis rebus est, quas Tibi iucundas cognitu perspexi. Sanè & tametsi aliud nihil, quàm rudimenta artis contineat; nihilo tamen minùs Tibi futuram esse gratam conjicio, quòd ipse quoque non dedigneris à hæc interdum descendere; quodque qualiscumque ea sit, mea sit, & non alio edito sine, quàm quo publicè dictatam voluisti; ut nempe, si quid genii habeat sortisque adeò fœlicis sit, prodesse quam-plurimis possit. Quippe, licet non pauci exstent hoc de argumento & libri, & commentarii doctissimi; non desunt tamen, qui præterea informationem quandam requirant, quæ aliquantò accommodatior nondum initiatis, ac rudioribus, neque brevitate obscura, neque prolixitate importuna sit: & capita scientiæ præcipua non discutiat quidem, sed attingat tamen.

Non is verò propterea sum, qui ejusmodi hanc esse profitear. Testor solùm prònum affectum, quo gratificari discipulis volui; dum, ne aut multitudine, aut caligine rerum obruerentur, in eo fui, ut concisè quidem, sed quàm tamen potui perspicuè, omnia enunciarerem. Feci autem, non modò quòd spectat ad Ptolemaicum Systema, vulgarem-ve Hypothesin, cujus tum Sphæricam Doctrinam, tum Planetarem Theoriam duobus Libris complexus sum; sed etiam quòd spectat ad Systemata, Hypothesiis-ve minùs vulgareta tam Copernici, quam Tychois, quas singulari Libro exposui; votis eorum facturus satis, qui me impensè de iis rogàrant, expetierantque, ut congererem, ac meo modo dicerem, quæ aut diffusius aut confusius ab aliis tradi existimarent. Et quidpiam-ne præstiterim, quale ab ipsis fuerat præsumptum, ipsi viderint, dixerintque; mihi satis est, si Tibi uni prober, & fuisse ex hac opella agnoscar, ut Tibi obsequentiissimus, ita observantissimus Tui. Vive, E. M. I. NENTISSIME CARDINALIS, magno Ecclesiæ bono, ac VALE. Parisiis, Eidib. Julij M. DC. XLVII.

LIBRO-



# LIBRORUM ET CAPITUM INDEX.

## LIBER PRIMUS.

### De Doctrina Sphærica.

<i>Caput I.</i>	Quid Sphæra sit, & ex quibus constet.	pag. 9
<i>Cap. II.</i>	De vocato Cælesti Globo, quatenus idem cum Sphæra est.	8
<i>Cap. III.</i>	De representata in medio Sphæra Terra.	9
<i>Cap. IV.</i>	De Axe, & Polis, qui dicuntur Mundi.	11
<i>Cap. V.</i>	De Circulis Sphæra, ac primum de Horizonte.	12
<i>Cap. VI.</i>	De Meridiano.	13
<i>Cap. VII.</i>	De Aequatore.	16
<i>Cap. VIII.</i>	De Tropicis.	17
<i>Cap. IX.</i>	De Polaris.	18
<i>Cap. X.</i>	De Coluris.	ibid.
<i>Cap. XI.</i>	De Zodiaco, & Ecliptica.	19
<i>Cap. XII.</i>	De signis Zodiaci.	21
<i>Cap. XIII.</i>	De aliis quibuscumque in Sphæra intellectis Circulis, ut qui dicuntur Verticales, Altitudinis, Distantiæ, Positionis, seu Domorum cælestium.	23
<i>Cap. XIV.</i>	De Circulis item aliis, ut Declinationis, ac Latitudinis: ubi & de Ascensione, ac Longitudine Siderum.	26
<i>Cap. XV.</i>	De triplici positu Sphæra, Recto, Obliquo, Parallelo.	29
<i>Cap. XVI.</i>	De Zonis, ac idcirco de Ventorum Plagis per Parallelos Sphæra circulos designatis.	32
<i>Cap. XVII.</i>	De Climatibus, deque varietate Incolarum Terræ propter Parallelos.	34
<i>Cap. XVIII.</i>	De Crepusculis, quæ ad horizontem in quovis Sphæra situ videntur.	36
<i>Cap. XIX.</i>	De Radorum Siderorum Refractionibus, quæ ad horizontem maximè contingunt.	38
<i>Cap. XX.</i>	De Ortus, Occasusque Siderum Horizontali.	39
<i>Cap. XXI.</i>	De Ortus, & Occasusque Siderum Heliaci.	41
<i>Cap. XXII.</i>	De partibus Temporis (cujus mensura est Primus Motus revolutione Sphæra designatus) ac primum de Die.	43
<i>Cap. XXIII.</i>	De Hora.	45
<i>Cap. XXIV.</i>	De Hebdomade.	46
<i>Cap. XXV.</i>	De mense.	48
<i>Cap. XXVI.</i>	De Anno.	50
<i>Cap. XXVII.</i>	De Epochis Temporum.	53

## LIBER SECUNDUS.

### De Doctrina Theorica.

<i>Cap. I.</i>	DE Phenomenis variis, quæ secundorum Mobilium Theoriæ occasionem fecerunt.	56
<i>Cap. II.</i>	Varia genera Hypothescon salvandis, sive explicandis hujusmodi Phenomenis.	59
<i>Cap. III.</i>	Hypothesis Ptolemæica, seu communis, quæ est per Eccentricos, & Epicyclos.	61
	<i>Cap. IV.</i>	

# I N D E X.

<i>Cap. IV.</i>	De Theoria Solis.	67
<i>Cap. V.</i>	De Theoria Lunæ.	70
<i>Cap. VI.</i>	De Theoria trium Superiorum Planetarum, nempe Saturni, Jovis, & Martis.	75
<i>Cap. VII.</i>	De Theoria duorum Inferiorum Planetarum, Veneris nempe, & Mercurii.	78
<i>Cap. VIII.</i>	De Theoria Firmamenti, & super-exstructi unius, alterius-ve Crystalini.	81
<i>Cap. IX.</i>	Quare Planetæ nunc Majores, nunc Minores appareant.	84
<i>Cap. X.</i>	Quare nunc Veloces, nunc Tardi.	86
<i>Cap. XI.</i>	Quare nunc Directi, nunc Retrogradi, nunc Stationarii.	87
<i>Cap. XII.</i>	Quid Parallaxis, ob quam Planetæ aliores, aut humiliores judicantur.	90
<i>Cap. XIII.</i>	Quæ sit proinde singulorum, & Fixarum eam, à Terrâ distantia: quique adeo Cælorum ordo.	92
<i>Cap. XIV.</i>	Quæ item eorumdem, & Fixarum sit (sed habitis simul apparentibus diametris) vera Magnitudo.	95
<i>Cap. XV.</i>	Quæ Planetarum Adspèctus sint.	97
<i>Cap. XVI.</i>	De variis Lunæ Phænis, pro varietate Adspèctuum, Configurationumve ipsius cum Sole.	99
<i>Cap. XVII.</i>	De Eclipsi Lunæ.	103
<i>Cap. XVIII.</i>	De Eclipsi Solis.	109

## LIBER TERTIUS.

### *De Specialibus Copernici, & Tychonis Systematibus.*

<i>Cap. I.</i>	Quos imitatus Copernicus in Systemate confingendo fuerit.	113
<i>Cap. II.</i>	Quo proinde situ, atque ordine Terram, Sideraque habuerit.	115
<i>Cap. III.</i>	Cujusmodi triplicem motum Telluri attribuerit.	119
<i>Cap. IV.</i>	Quinobrem de motu, quiete ve Telluris, aut Siderum, fidendum sensui non duxerit.	122
<i>Cap. V.</i>	Quæ visæ magis congruæ rationes ad adstruendum motum Telluris Diurnum.	124
<i>Cap. VI.</i>	Quæ visæ magis congruæ ad asserendum Annuum.	126
<i>Cap. VII.</i>	Quæ visæ demum magis congruæ ad motum Tertium inducendum.	132
<i>Cap. VIII.</i>	Quid Copernicani ad ea, quæ obijci solent ex Astronomia, respondeant.	137
<i>Cap. IX.</i>	Quid ad ea, quæ ex Physica.	141
<i>Cap. X.</i>	Quid ad ea, quæ ex S. Scriptura.	146
<i>Cap. XI.</i>	Quid de Siderum à Terrâ distantia, & magnitudine desinant.	149
<i>Cap. XII.</i>	Quale Mundi Systema sit, quod Tycho Braheus induxit.	151
<i>Cap. XIII.</i>	Quibus rationibus adductus illud excogitaverit.	154
<i>Cap. XIV.</i>	Quæ ratione id à Tychonis sectatoribus propugnatur.	155
<i>Cap. XV.</i>	Quæ sit juxta ipsum Distantia, & Magnitudo Siderum.	158
	Oratio Inauguralis.	161

# INSTITUTIONIS ASTRONOMICÆ PROŒMIALIA.



Quam Plato Astronomiam, alij plerique Veterum etiam Astrologiam dixeret. Ex quo autem Chaldaei suam in hoc in Doctrinam hanc invexerunt, est fere Astrologia nomen tributum Genethliacæ (quæ & Judiciaria fere appellatur.) Astronomia verò nuncupata est, quæ in contemplandis, dimetiendisque Astrorum motu, distantia, ordine, magnitudine, colore, adjunctisque cæteris consimilibus occupatur.

Origenem ipsi fecit admiratio; tum nimirum, cum homines præter splendorem, varietatem, multitudinem, amplitudinem Siderum, observarent in ipsis motum tam constantem, tam regularem, tam incessanter diem, ac noctem, statisque, & hyemis vicissitudines inducentem.

Commendat illam summopere dignitas subjectæ materia, quæ non aliæ est, quam amplissima, nobilissimaque totius Mundi regio; Cælestis nempe, quam homines ut contemplantur, tum obtinere oculos, tum erectos habere vulnus à Sæcentioribus dicuntur.

Certam de ejus Inventione, & Antiquitate Babylonij, ob authorem Bædam; Egyptij, ob Mercurium; Mauri, ob Ailampum, & Herculeum; Græci, ob Jovem, Orpheum, & Atreum; Scythæ, ob Prometheum, &c.

Quorum supersunt Observationes, antiquissimi Babylonij sunt, Nimirum habet Ptolomæus aliquot Eclipses ab his observatas annis paulo plus ante Christum septingentis. Quod de ulterioribus memorant, aut nullo probatur monumento, aut fabulam sapit.

Sunt verò Observationes eorum, quæ in Astris apparent (ac Phenomena dicere vocantur) germana totius Astronomiæ fundamenta: quatenus factis comparatisque Observationibus plusculi, confinguntur Hypotheses, supponunturque

nunturve circuli, & orbes, juxta quos moveri Sidera probabile sit, ad hoc, ut ea, quæ observantur, qualia observantur, appareant.

Præterea autem subinde condi quas Tabulas vocant Astronomicas: Abacos nimirum exprimenteis numeris, notisve Arithmeticis ea Tempora, quæ Sidera in absolvendis, juxta assumptas Hypothesi, circuituionibus insumunt.

Præterea & ex Tabulis Ephemeridas, seu Diaria parari, quæ videlicet certis motuum, atque temporum constitutis initijs, exhibeant quibus in Cælo locis Sol, Luna, cæteraque Astra diebus singulis sint, ac inter se configurantur.

Porro cum Astronomia pars sit præcipua Cosmographia, sive delineationis Mundi; sicque nihil possit congruè de Cælo, ac Sideribus dici, aut intelligi, nisi habeatur Systema Mundi generale ob oculos; idè subjiciendum heic Schema, quo dispositio partium Mundi, qualis vulgò & concipi, & tradi solet, representetur.

In ipso, quem Orbiculum vides intimum, Terra, & Aqua globum refert; succedentes duo circuli Aërem, & Ignem (quæ duo Elementa superiora sunt, representant.

Circuli undecim sequentes Calos undecim mobileis exhibent; septem scilicet Planetarum proprios, dictosque Luna, Mercurij, Veneris, Solis, Martis, Jovis, Saturni: unum Stellarum Inerrantium, quod idcirco Aplanes, & firmamentum dicitur: duos Crystallinos, ita dictos, quod, cum sint ævaspos, expertes Sideribus, speciali ratione pellucidi sint; ac unum denique Supremum, ipsum quoque ævaspos, & Primum Mobile appellatum.

Dico verò Mobileis Calos; quia Theologi duodecimum, ipsumque Immobile statuerunt, calum videlicet Empyreum, quod sit Mentium beatarum sedes, & habeatur forma exterius quadrata, quod Civitas sancta in Apocalypsi descripta, posita in quadro dicatur.


Numero, ordineque Calorum memoriâ tenendis conferre potest hoc distichon,

Luna, & Mercurius, Venus, & Sol, Mars, Jove, Satur,

Firmamen, duo Crystalli, Primum, Empyreumque.

Cum in Mobilibus autem Calis duplex generatim observetur motus, unus dicitur Primum, seu Diurnus, omnium communis; alter Secundus, & aliquorum, aut singulorum proprius; & Priori explicando excogitata sit, quam Sphæram materiale vocant; Posteriori, quam Theoriam Planetarum appellant: heinc efficiuntur,

# COELVM EMPYREVM IMMOBILE.



tur, ut dua soleant Astronomia partes distingui, quarum una Doctrina Spha-  
rica, alia Theorica nominetur.

Itaque & nos de utraque compendio dicturi, quoniam opera pretium est  
tam imprimis cognoscere juxta receptam vulgò sententiam, qua Systema Mun-  
di, cujusmodi est mox antè descriptum, supponit: eapropter id duobus exseque-  
mur Libris; in quorum Primo trademus ea, qua ad Doctrinam Sphericam, in  
Secundo ea, qua ad Theoricam spectant.

Subindè verò, quod per celebria jam evaserint duo alia Systemata, unum  
Copernici, alterum Brahei, quorum utrumque nobilem fautores adipiscitur:  
ideo Tertium Librum, quasi appendicem aliquam hisce attexemus: ut cog-  
noscere etiam liceat, quanam illa sint, & quàm a Sectarioribus defendan-  
tur.



IN.

3

# INSTITUTIONIS ASTRONOMICÆ LIBER PRIMUS. S I V E DOCTRINA SPHÆRICA.

---

## CAPUT I.

*Quid Sphæra sit, & ex quibus constet.*



Cum ex ordiendum igitur à doctrina Sphærica sit; supponendum est Sphæaræ nomine intelligi heic Instrumentum illud vulgare, & mox (prout repræsentari in plano potest) exhibendum, quod ex variis circulis, armillisve constans, & axe, cum globulo in medio, trajectum, usurpari solet tum Machinæ Mundi, tum cælestibus motibus, ac præsertim Primo, seu diurno repræsentandis.

Nam primum quidem Globulus ille, qui sustentatur in medio, Terram in centro Machinæ Mundanæ constitutam refert: & trajicientis axis extrema, super quibus fit convolutio, duos referunt Polos, alterum quidem Boreum, alterum verò Austrinum vocatos, super quibus tota Machina cælorum eo volvitur motu, qui spatium 24. peragitur, & ut Latinis dicitur diurnus, ita Græcis *ἡμερήσιος*, quasi *nocti-dialis*, quod diei, & noctis spatium completatur.

Ac non est quidem Sphæra contexta ex tot orbibus, quot antè descripsimus cælos: sed tota tamen cælorum stitues intelligi potest ex hac simplici circularum compagine: quatenus ut ista movetur super polis Sphærae, ita illa tota unico abrepta movetur super polis Mundi.

A 3

Nimi-

Nimirum tametsi inferiores cæli speciales motus obeant, quibus se in ortum veluti subducant, idque secundum eum circulum, qui mox dicitur Zodiacus: omnes tamen impetu uno à super-exstante Primo mobili versus occasum abripiuntur, circumducunturque inter idem tempus, horarum nempe 24. Unde & fit, ut quæ in ipsis constituta sunt Sidera, dietim oriri, & occidere, seu ire, redireque appareant; & qui ipsis imprimuntur, motus Raptus appellatur.

Supponit inter hæc hic Raptus esse debere omnes cælos non modò perspicuos, sed etiam contiguos, sol dos, ac duos; & sidera ipsis hære: ut scilicet simul possint abripi. Quod utcumque verum reipsa non sit; admitti tamen, ut Hypothesis explicandis motibus potest.

Ad circulos Sphæræ quod spectat, ii distinguuntur numero decem; & ex ipsis sex dicuntur Majores (live Maximi) quatenus eorum quilibet Sphæram in duas partes æquales dispartit; Horizon puta, ac Meridianus, intra quos immobiles reliqui voluntur; ac præterea Æquator, Colurique duo, & Zodiacus, seu circulus latior, secundum cujus medium ea ducitur, quæ & appellatur Ecliptica linea.

Quatuor autem dicuntur Minores, quatenus eorum quilibet Sphæram dividit in duas partes inæquales; duo Tropici nempe, & duo Polares; qui etiam una cum Æquatore idè Paralleli vocantur, quod à se invicem undique æquidistant.


Quod obiter Zodiacum circulum esse latum dixi, supponit esse reliquos indivisibiles concipiendos: utcumque in sphæra tales non habeantur, quod tales parari, compingique non valeant. Concipiendos autem addo, quatenus illi non oculis, sed mente sola percipiuntur (horizonte tamen excepto) cum eos in cælo requirimus.

Et sunt alii quidem præterea in cælo intelligendi circuli; sed de illis erit posterius dicendum.

Adnotandum hæc, Quem vis circulum dividi solere in gradus, seu partes æquales 360. & quemlibet gradum subdivisum intelligi in 60. particulas, quas Prima Minuta, & Minuta etiam simpliciter vocant: ac pari ratione, plerumque quodlibet Minutum primum subdivisum intelligi in 60. vocata Secunda; quodlibet secundum in 60. Tertia, & ita deinceps, si quid opus fuerit, in Quarta, Quinta, &c.

Quo modo etiam diviso Die in horas 24. solet Hora subdividi in 60. Mi-





60. Minuta prima; quodlibet primum in 60. secunda; quodlibet secundum in 60. tertia, &c.

## C A P U T I I.

*De vocato Cælesti Globo, quatenus idem cum Sphæra est.*

**S**OLENT circuli Sphæaræ memorati repræsentari etiam in eo, qui manibus omnium vulgò teritur, appellaturque Globus Cælestis, idemque adco cum Sphæra est, si quæ sunt in Sphæra inania circulorum mobilium interstitia, oppleta esse, contornataque; & illis Stellarum Imaginibus insignita intelligantur.

Scilicet aliunde superficies Globi repræsentat nobis Firmamenti faciem, prospectumve Stellarum fixarum, redactarum pridem in certas Figuras, seu Imagines, quas *ἀστρονομία*, seu Constellationes, & Signa cælestia appellant; quasque, quia Aratus, post Eudoxum, descripsit, non desunt, qui Cælestem Globum vocitent Aratæam Sphæram.

Fuere porro Constellationes à priscis usque temporibus distinctæ 48. comprehendentes stellas in Græcia, totaque orbis terræ cognita tunc parte conspicuas. Sunt verò ex iis 12. descriptæ in Zodiaco: 21. ad Zodiaci Boream: 15. ad Austrum ejusdem: exprimique solent his carminibus.

*Insunt signifero bis sex cælestia signa;*

*Suntque Aries, Taurus, Gemini, Cancer, Leo, Virgo,  
Libra, Scorpius, Arcitenens, Capet, Amphora, Pisces.*

*Ad Boream verò ter septem conspiciuntur:*

*Ursa Minor, Major, Custos, Draco, Gemma, Genuque  
Prolapsus, Lyra, Olor, Zephæus, & Cassiopeja,  
Perseus, Andromede, Deliotum, Auriga, Caballus,  
Ricinus Equi, Delphin, Telum, heinc Aquila, Anguifer, Angui.*

*Denique converti ter quinque notantur ad Austrum:*

*Cetus, & Eridanus, Lepus, Orionis & Astrum,  
Sirius, & Procyon, Argo ratis, Hydraque, Crater,  
Corvus, Centaurus, Lupus, Ara, Coronaque, Piscu.*

Nuperis autem temporibus, & postquam navigando in Austrum directæ sunt stellæ; quæ fuerant Priscis inconspiciæ; distinctæ sunt præterea

area Constellationes octodecim (præter duas quasdam nebulosas) ex  
uibus redactæ ad numeros sunt duodecim, quæ hocce ditlichio conti-  
entur.

*Phoenix, Grus, Indus, Xiphiæ, Pavo, Anser, & Hydrus,  
Gasser, Apis, Triquetrum, Musca, Chamaque Leon,*

Prætereo verò quasdam minores Constellationes designatas in majo-  
bus illis fuisse, uti Pleiadas, & Hyadas in Tauro: Presepe & Ascellos in  
Cancro: Capellam, ac Hædos in Auriga. &c.

Prætereo etiam aliquas stellas in ipsarum Constellationum interstitiis  
vasi relictas, idèò informeis appellari, quod extra Formas, Imaginesve,  
quas ceteræ attinent, visantur: cùm & ex earum aliquibus fuerint dein-  
eps aliquæ constellationes deformatæ, ut ad flexum caudæ Leonis coma  
icrenices, sub Aquila Antinous.

Prætereo demùm, cùm forent pridem Stellæ potissimum conspicuæ  
numeratæ mille, & viginti duæ: fuisse earum præcipuas dictas Magnitu-  
dinis esse Primæ, quales sunt Sirius (dictus Canis major, & Canicula)  
emque Lyra, Capella, Arcturus, & aliæ: nonnihil minores, Secundæ,  
uales sunt, Polaris vocata in extrema cauda Ursæ minoris: & quæ in  
Ursæ majore appellantur Septentriones: non-nihil adhuc minores, Ter-  
æ: & rursus Quartæ, Quintæ, Sextæ: adjunctis etiam aliquibus, quas &  
nebulosas, & Obscuras dixerunt.

An adnotabo Nebulas, ut vocatum Præsepe Cancri, deprehensas  
telescopio, Opticove Tubo, nihil esse aliud, quàm aggeries aliquas mi-  
atissimarum stellarum, quarum conjunctæ luculæ speciem alboris, ac  
eluti nubeculæ cujusdam creent?

An, deprehensum quoque esse, Lacteam circulum in Globo descri-  
um, & veteribus habitum pro undecimo, (ipsoque Zodiaci instar, lato)  
rculo, nihil esse aliud, quàm texturam quandam ejusmodi nubecularum,  
u ineffabilem stellarum minutissimarum congeriem, qualem jam pri-  
em Democritus apud Plutarchum conjecerat.

### C A P U T III.

*De representata in medio Sphæra Terra.*

AM, cùm globulus, qui in medio Sphæra, representare Terram sit  
dictus; idèò sciendum imprimis est, esse Terram formæ Globosæ: ne-  
B que

que enim montes vallesque ipsius rotunditati magis officiunt (spectata nimirum ambitus amplitudine) quam malo arantio granulositas cutis.

Et probant quidem Physici hanc rotunditatem ex coitione omnium partium, quæ ex æquo in centrum nitantur; Sed Astronomi eam convincunt, ex eo, quod tendentibus in Boream, Austrumve, aliz, alizque cæli partes heinc retegantur, inde occultentur, & Polus conspicuus evadat heinc elatior, inde depressior, quodque prout quisque est magis ad Orientem, aut Occidentem, altra videat citius, tardiusve oriri, & occidere; atque adeò, dum Luna, v. c. patitur Eclipsin, qui est orientior, plureis horas à meridie, aut media nocte numeret; qui occidentior, pauciores.

Est verò nomine Globi Terræ comprehendenda simul Aqua; quatenus Aquæ, & Terræ partes versus idem centrum conspirant, & maris superficies sic cum Terrestri continuatur, ut eadem, quæ dicta mox sunt, navigantibus in Boream, Austrumve, & rursus ad ortum, occasumve positis contingant; ac vel illud probat non esse maris superficiem planam, quòd à portu solventibus Terra sensum sic occultetur (à gibbo maris videlicet) ut nulla denique appareat. Ne memorem umbram, quæ in disco Lunæ Eclipsin patientis à Terræ, & Maris superficie creatur, esse perinde circularem.

Deinde, esse Terram in centro Mundi (atque ideò centrum ipsius cum centro Mundi idem esse) probari à Physicis, ex recessu omnium gravium à Mundi superficie, confluxuque in ejus centrum à quo recedere ascendere sit; & in quo proinde Terra quasi suis ponderibus librata teneatur. Probari verò ab Astronomis, ex eo quòd alioquin non appareret Mundus in duo Hemisphæria divisus; & ampliùs idcirco, aut minus, quam sex signa supra Terram conspicerentur; quodque Eclipses Lunæ non contingerent in oppositione cum Sole ex diametro facta (Terra scilicet non intercipiente) aliaque similia.

Ad hæc, licet Terra ambitu suo contineat leucas mediocreis (seu quantum una ex Italicis tribus milliaribus conficitur) octies mille, & proximè octingentas: esse eam tamen, ad Firmamentum dum comparatur, quasi punctum; idque probari, quatenus, ubicumque oculus in Terra sit, dimidium cæli conspiciat, & undecumque Stellas aspiciat, eas neque majores, neque minores deprehendit. Quinetiam dici posse punctum ad cælum Solis comparatam; prout videmus umbras Solis circa

instru-

instrumentorum, & horologiorum centra non minùs regulariter, quàm circa Terræ centrum moveri; planè, ut si inter Terræ superficiem, & centrum nihil interesset.

Denique Terram in medio Mundi constitutam quiescere, ex eo probari solere, quòd ì neque moveatur motu recto, quia exiret ex ipso centro, sicque ascenderet, quòd ì gravitati ejus repugnat: neque circulari; quia id non potest, neque circa proprium, neque circa alienum axem. Nam si movetur quidem circa proprium axem versus ortum, existentia in aëre omnia, ut nubes, & volucres apparerent ferri in occasum; nihilque præterea secundùm perpendicularum caderet; secus ad fieri observatur. Si circa alienum, variaretur nobis in Terræ superficie quiescentibus Poli altitudo, quod nusquam contingit.

## CAPUT IV.

*De Axe, & Polis, qui dicuntur Mundi.*

**H**IS cæ præmissis de Globulo Terram, & Aquam representante, dicendum quidpiam videretur de Interstitio, quod inter illum, compaginemque circulorum est, quasi referente Aërem, & Ignem: Verùm quia seu aer nihil aliud est, quàm textura halituum, corpusculorumve ex terra, & aqua prodeuntium, & vix ad paucorum milliarium altitudinem assurgentium; seu non exstat sub Luna ignis ille, cujus crassitudo sit leucarum plusquàm septuaginta millium; sed ab aëre usque crasso, terrenoque, succedens est ad Lunam usque purissimus æther, aura-ve, ut jam dicunt, ætherica; idcirco necesse non est, ut quidpiam heic de aëre, igneve illo comminiscamur.

Adnotandum est potiùs circa Axem, quo Globulus ille in medio hujusce interstitii sustentatur; non sustentari quidem similiter Terram Axe ullo visibili, qui ad ipsum cælum terminetur; sed intelligi tamen lineam individuum per ipsius, ac Mundi centrum transeuntem, quæ heinc inde producta ad usque Primum mobile, in ea duo puncta desinat, quæ appellant Polos, seu Cardines Mundi; adeò proinde, ut Poli Mundi nihil aliud sint, quàm extrema Axis.

Diximus jam horum Polorum unum esse Boreum, seu Septentrionalem, alium Austrinum, seu Meridionalem: Ille autem solet præterea

dici Arcticus à vicinia Ursæ geminæ, quæ Græcis ἄρκτος (quippe & jam diximus ab ejus vicinia reciproce dici Polarem eam Stellam, quæ in cauda Ursæ minoris extremo est sita, ac ab ipso distat, hocce tempore, duos gradus cum tribus quintis) iste verò Antarcticus, quòd sit Arctico è regione.

Appellantur autem Poli, seu Cardinales Mundi, quòd præcipua pars Mundi, cælorum nempe Machina, super ipsis dictum vertatur (περὶ enim vertere est) & conversionem integram ab ortu in occasum perficiat. Notum est fuisse quoque Polos Vertices latinè à vertendo dictos; ac Poëtam propterea ita expressisse conspicuum nobis Arcticum, & Antarcticum inconspicuum.

*Hic Vertex nobis semper sublimis; at illum*

*Sub pedibus Stryx atra videt, Manesque profundi.*

Quin-etiam Poli mundi dicuntur (ac etiam Primi Mobilis) ut distinguantur à Zodiaci Polis, super quibus scilicet fiunt conversiones propriæ Secundorum Mobilium, sive cælorum inferiorum (eæque tendendo ab occasu in ortum oblique) imprimis autem ipsius Solis, qui quòd continenter incedat per lineam dictam Eclipticam, idcirco Poli Eclipticæ & præcipui sunt, & frequentius nominantur.

Heinc Mundi quoque Axis vocatur, qui terminatur ad Polos Mundi, & circa quem verti tota cælorum Machina diurno illo motu intelligitur; cum Axis Zodiaci ille sit, qui etiam per terram trajici intellectus, ad inferiores cælos terminatur, & circa quem fieri concipimus propriam cujusque conversionem. Unde solent in quibusdam Sphæris concludi tum circuli, tum portiones axium, quibus cæli, & axes, Solis, ac Lunæ potissimum, representari quadantenus possint.

Tametsi verò quilibet Axis per mediam trajectus terram concipiatur; quia nullus est tamen præter Mundantum fixus, idcirco hic solus, qui parte ex terra heinc inde quasi egreditur, duo in terra designat puncta, quæ quòd directè subjiciantur cælestibus Polis, dicuntur ipsa quoque Poli (ipsius terræ videlicet) & alter quidem similiter Arcticus, seu Boreus: alter Antarcticus, seu Austrinus.

## CAPUT V.

*De Horizonte.*

**A**D Circulos quod attinet, ille Horizon dicitur, qui in Sphæra extremus est, & cæteros ambit.

Repræsentat verò in Mundo illum circulum, qui dum in planitie versatur, oculosque circumducimus, apparet nobis quasi quædam cæli, terræque commissura; ac idcirco Græcè *ᾠζών*, & Latine *Finis*, *Finitorque* dicitur, quòd quicquid videmus ex terra, definiat; & partem etiam cæli visam à non visa dirimat; duoque Hemisphæria, quæ vocant Superius, Inferiusque distinguat.

Is est, supra quem emergentia Astra oriri dicuntur, infra quem labentia dicuntur occidere.

Quamvis autem Horizon respectu cujusque specialis terræ loci immobilis sit; universè tamen concipiendus mutabilis est, quatenus dum locum in terra mutamus, etiam Horizontem mutamus.


Potest verò Sphære Horizon hanc varietatem repræsentare, quatenus tametsi non moveatur ipse circa Sphæram reliquam; mobilis est tamen reliqua Sphæra intra ipsum; ac nihil interest, utrius sit motus, ut eadem creari mutatio appareat.

Creatur porro ista mutatio ob convexitatem superficiæ terræ, ac illius speciatim portionis, quam circumspicimus; Quippe etiam quæ libellata est, licet plana esse ad sensum appareat; est tamen reipsâ leviter devexa; atque idcirco, dum movemur, aliquid ipsius ex una parte perditur, aliquid ex opposita refarcitur.

Quod dico verò superficiem Terræ etiam libellatam non esse planam, sed devexam, intelligitur vel ex ipso mari, quod sponte se ad libellam componens, componit se simul in orbicularem figuram: utrumque illa in parvo spatio plana, sive recta ad sensum videatur; ac ea propter usurpari solet ad libellandum, probandumve num quæpiam area plana sit.

Ex hoc obiter intelligitur, nulla duo perpendiculara esse reipsâ parallela; atque idcirco neque duos etiam vicinos parietes ad perpendicularum erectos parallelos esse, utcumque esse ad sensum appareant; quatenus cum omnia perpendiculara in superficiem convexam cadant, coitura in centro sunt, si producta intelligantur; ut perspicue vel ex figura appolita intelligi licet.

Quod heic attingendum de Recto, Obliquo, Parallelo Horizonte foret, perageretur postea commodius.



Adnotandum heic solum, distingui à quibusdam Horizontem duplicem, Sensibilem, ac Rationabilem. Et Sensibilem quidem esse eum, qui hactenus descriptus est, quatenus planities apparet; Rationalem verò eum, qui appareret, si terrâ bisectâ & altero dimidio evanido factò, è centro circumspiceretur.

Intelligi utrumque licet ex Figura appolita, in qua circulo interiore referente Terram, exteriore Cælum, linea per centrum transiens repræsentat Rationalem, & quæ superficiem contingit, Sensibilem. Ambæ autem parallelæ in cælum usque producuntur; ut intelligamus acceptum in cælo tantum intervallum, quanta semidiameter terræ est, habitum iri quasi punctum (sineis putâ coire visis, ob immensam distantiam) sicque stellam in eodem loco visum iri, sive ex terræ superficie, sive ex ejus centro videatur.





## CAPUT VI.

*De Meridiano.*

**A**Lius in Sphæra circulus, intra quem innotum cæteri moventur, Meridianus est: Is nempe qui & Horizontem ad rectos secatur angulos, & axis extrinsecus, seu Polos sustentat.

Repræsentat autem in Mundo illum circulum, quem transire concipimus per polos Mundi, perque duo puncta, quorum unum vertici imminens Verticale dicitur, & voce Arabica frequenter Zenith; alterum ipsi sub pedibus oppositum appellatur Nadir; ne memorem hæc duo puncta quasi Horizontis polos reputari.

Is dividens Mundum in duo Hemisphæria, quorum alterum Orientale, alterum Occidentale sit, ideò Meridianus vocatur, quòd quoties Sol ad ipsum emergit, Meridies creetur; distans nempe tunc æquis intervallis ab ortu, & occasu punctis; ut proinde quantum ab ortu transactum fuerit temporis, tantum transigendum ad occasum restet.

Prætereo autem ut pars Meridiani superior diurnum tempus in duas æquales partes dividit; ita inferiorem in duas æquales nocturnum secare.

Quòd sit porro in Sphæra Meridianus immotus, repræsentat quidem specialis cujusque loci Meridianum, qui ipse quoque est invariatus; verum quia quoties seu in ortum, seu in occasum dessectimus, seu novis, novisque Meridianis sumus; idcirco plureis, ac varios Meridianos non repræsentat, nisi quatenus Sphæra reliquæ emotione sit instar plurimum.

In ortum verò, seu occasum dico; nam si quis directè in Boream, Austrum-ve iter fecerit; erit illi semper idem Meridianus.

Notum est proinde, cur iis, qui sub eodem sunt Meridiano, Meridies contingat eodem tempore; cum iis qui sunt sub orientaliore, contingat maturius; iis, qui sub magis occiduo, tardius; quòd Sol nimirum illius prius, istis posterius Meridianum attingat.

Notandum autem, cum Sidera ad Meridianum usque ascendunt, & ex eo deinceps descendant: ideò, & maximam cujusque altitudinem dici Meridianam; & punctum illud Meridiani, per quod transit, dici Meridiam

dium cæli, respectu ipsius; uti & Imum dicitur, quod illi è regione oppositum sub terra est.

Notandum etiam Elevationem, sive Altitudinem Poli in unaquaque regione nihil esse aliud, quàm Meridiani arcum, qui inter Horizontem, Polumque elatum intercipitur, cuiusque complementum ad usque Zenith, sive ad quadrantem circuli, est semper æquale altitudini Æquatoris.

Sic nimirum, cùm in hac urbe Parisina, exempli causâ, Altitudo Poli sit 48. graduum, & 50. Minutorum; illius complementum, sive altitudo Æquatoris 41. graduum, & Minutorum 10. erit.

## C A P U T I X.

### *De Æquatore.*

**P**ORRò Æquator, circularum in Sphæra Mobilium præcipuus, is est, qui ab utroque Mundi Polo æquis undique distat intervallis.

Quare & representat in cælo illum circulum, quem concipimus ab utroque polo ex æquo distare, ac Mundum in duo Hemisphæria, alterum Boreale, alterum Australe partiri.

Dicitur verò etiam Æquinoctialis (dicunt Græci potius *ἡμερινός*, sive Æquidiale) quòd Sol bis in anno, hoc est sub diem 20. Martii, & 23. Septembris eum secans (nempe quâ principia Signorum Arietis, & Libræ sunt) duo creet Æquinoctia, exæquet-ve nocteis diebus, ob æqualem moram supra, infraque horizontem; quatenus sectus ab Horizonte Æquator in duas abit partes, alteram superiorem, alteram inferiorem, constanter æqualeis.

Vides obiter, nomine Diei heic intelligi moram Solis supra horizontem; nomine Noctis moram infra; nempe quod vocant tam matutinum, quàm vespertinum Crepusculum, computari in noctem solet.

Reticendum autem non est, esse Æquatorem præcipuam Temporis mensuram, quatenus ipse præcipue est, penes quem primi Mobilis revolutio attenditur: adeò ut, si integra, seu 360. graduum (cum addita particula, de qua infra) revolutio sit unius diei (sumpto jam nempe die alio sensu) Sin partis solum vigesimæ-quartæ, sive graduum 15. duratio sit unius horæ; atque ita de cæteris.

CA-

## CAPUT VIII.

## De Tropici.

**E**X quatuor circulis Æquatori parallelis, duo, qui heinc inde in Sphæra propiores sunt, Tropici sunt.

Repræsentant illi in cælo duos circulos à Sole descriptos; unum cum accessit maximè ad Boream; alterum, cum discessit maximè ad Austrum; unde & propter *æquales conversiones*, dicuntur *æquales* quasi *Conversionis*, quòd Sol, ubi ab Æquatore ad ipsos usque promotus est, non progrediatur ulterius, sed redeat versus Æquatorem.

Et circulus quidem, qui ad Boream, dicitur vulgò Tropicus Cancrì, quòd Cancrì Signum in eo incipiat; qui verò ad Austrum, Tropicus Capricorni, quòd ab eo incipiat Signum Capricorni.

Dicitur ille præterea circulus Æstatis, quòd Sole in ipso versante Æstas incipiat; iste circulus Hyemis, quòd Sole in ipso existente incipiat Hyems: intellige respectu nostri, qui ad Boream degimus.

Quin-etiam ille vocari solet circulus Solstitii alti, quòd Sole ipsum occupante, summèque, nostri respectu, alto, creetur Solstitium diei maximis hic circulus Solstitii imi, quòd constituto in illo Sole, & nobis quidem summè depresso, diei minimi Solstitium creetur.

Notum vero est Solstitium vocatum, quòd die (hoc est mora Solis supra horizontem) neque crescente, neque decrescente sensibiliter, Sol stare, hoc est, neque in Boream, Austrumve procedere; neque versus Æquatorem recedere sensibiliter, per aliquot dies videatur.

Distantia autem Tropici utriusque ab Æquatore est graduum 23. minutor, 31. tantumdem enim, & non amplius, potest Sol ab Æquatore recedere, declinareve; unde & eadem dicitur maxima Solis Declinatio.

Et quia eadem met distantia est mensura Obliquitatis, qua Zodiacus, Eclipticæ linea sese habet ad Æquatorem; heinc fit, ut etiam Obliquitas Zodiaci, seu Eclipticæ 23. graduum, & 31. minutorum esse dicatur.

## C A P U T IX.

*De Polaribus.*

**C**ÆTERI duo Paralleli, qui heinc inde ab Æquatore remotiores sunt, Polares idcirco dicuntur (ac alter quidem Boreus, Arcticusque; alter Austrinus, & Antarcticus) quòd vicini sint ipsis Polis.

Repræsentant autem in cælo duos Circulos, quos utrimque à Polo vicino tantumdem distare, quantum Tropicos ab Æquatore concipimus, hoc est gradibus 23. & minutis 31.

Id nempe, quia Zodiacus ad Æquatorem obliquus ita attingit Tropicos, ut ipsius Poli tantum necessario à Polis Æquatoris distent, quantum Tropici ipsi ab Æquatore; & aliunde concipimus circulos Polares à polis Zodiaci circa Polos Æquatoris, seu Mundi describi: atque ita quidem juxta recentiores.

Juxta Veteres, circuli Polares (seu, ut illis solum appellabantur, Arcticus, & Antarcticus) paralleli quidem Æquatori erant; verùm cum possent paralleli innumeri intelligi inter æquatorem, & utrumque polorum ducti; alii quidem semper apparentes circa polum elevatum; alii semper occulti circa polum depressum; cæteri una sui parte apparentes, alia occulti ob horizontis interceptionem; idèò circulorum Polarium, alter habebatur maximus semper apparentium, alter maximus semper occultorum: variiq; adeò pro varietate altitudinis Poli erant, tanquam altera parte sui præter-radentes horizontem.

Hac ratione Parisiis circuli Polares, hoc est tam maximus semper apparentium circa polum Boreum, quàm maximus semper occultorum circa polum Austrinum, distarent à suo uterque polo 48. gradibus, & 50. minutis.

## C A P U T X.

*De Coluris.*

**S**EQUUNTUR Coluri, seu duo majores ex mobilibus Sphæræ circulis, qui se invicem ad angulos rectos in polis mundi interfecantes,

tes, mobileis alios interfecant, & in quaternas parteis æqualeis distinguunt.

Repræsentant verò in cælo duos circulos, quos concipimus pari modo sese, & alios interfecare; ac ideo putantur *αἰσώπες*, quasi *mutuli* appellati, quòd nunquam neque integrè, neque uniformiter supra horizontem (intellige obliquum, seu in Sphæra obliqua, de qua dicitur postea) appareant.

Alter porrò Æquinoctiorum, alter Solstitiorum Colurus vocatur, quòd prior per puncta æquinoctialia transeat, principia nimirum Arietis, ac Libræ: & posterior per solstitialia, principia nimirum Cancris & Capricorni.

Designant verò Coluri in Zodiaco quatuor appellata puncta Cardinalia, Principium nempe Arietis, in quo dum Sol est, nox dici æquatur, & Ver incipit: Principium Cancris, in quo dum est Sol, maximus est dies, & incipit Æstas: Principium Libræ, in quo dum est Sol, æquatur iterum nox diei, & Autumnus incipit; Principium Capricorni, in quo dum est Sol dies est minimus, & incipit Hyems. Hûc spectant vulgata illa carmina,

*Hac duo Solstitium faciunt, Cancer, Capricornus;*

*Sed nocteis æquant Aries, & Libra diebus.*

Notandum autem illud proprium Coluri Solstitiorum esse, ut Zodiaci Poli in eo designentur; scilicet ad duo opposita puncta, in quibus Polareis secant circulos, quæque undique à Zodiaco æqualiter distant.

## C A P U T XI.

### *De Zodiaco, & Ecliptica.*

**Z**ODIACUS demùm est latus ille, & mobilibus cæteris superductus circulus, qui Tropicos heinc inde attingens, & Equatorem obliquè secans, duodecim figuris notatur, ac media in longum interstinguitur lineâ, quæ Ecliptica dicitur; Sphæramque in Boream, Austrinamque parteis discernit.

Repræsentat autem in cælo parem circulum, latum scilicet, obliquumque, & pari modo sese habentem ad Equatorem, & Tropicos; ac similiter interstinctum lineâ vocatâ Eclipticâ, insignitumque 12. Asterisfinis:

& distinguentem similiter cælum in duo Hemisphæria, alterum Boreale, alterum Australe.

Dicitur verò Zodiacus, quòd hujusmodi Asterismi *non Zodiaci Animalium* formis majori ex parte pingantur; uti & quòd tales Asterismi Signa dicantur, appellatur Signifer; cum & à situs obliquitate non rarò vocetur circulus Obliquus.

Cæterùm latus decernitur, quòd cum Planetæ per eum moveantur, non omnes eandem teneant viam, sed Sole quidem incedente medio, per lineam putà Eclipticam, cæteri obliquos ad hanc lineam cursus insituant, & ob vias ab ipsa duobus in locis oppositis intersectas, nunc in Boream, nunc in Austrum deflectant; isti quidem plus, illi autem minus; ac ideò sit congruum isti circulo tribuere latitudinem, quæ deflexiones has complectatur; existenteis putà heinc inde sex, septem, octo, plus, minùs graduum.

Sed de motibus quidem Planetarum dicendum erit expressiùs in succedente Theorica parte; heic, propter illa, quæ dicenda supersunt circa Sphæricam, anticipandum est aliquid necessario de Motu Solis.

Itaque, cum Sol abreptus à Mobili primo circuitum dietim ab ortu in occasum perficiat; ipse tamen intereà proprio, lentoque motu regreditur, tenditque in ortum (& obliquè quidem, secundum Zodiaci ductum) eo modo, quo nauta à navi abreptus incedere contrario motu, à prora nempe in puppim, potest.

Lentum dico: siquidem Sol non nisi unum proximè gradum hocce suo motu intra unum diem, seu horas 24. conficit; neque circuitum integrum, nisi intra annum absolvit. Unde & sicut potest Formica, dum à rota abripitur, & centies, plurisq; integrè circumagitur, potest, inquam, ipsa interim opposito motu incedens unam integram circuitionem peragere: ita Sol abreptus à Mobili primo, trecenties sexagies, & quinquies circumagitur in occasum, dum interim ipse semel proprio motu versùs ortum revolvitur.

Hic porrò est motus, quo per medium Zodiaci describitur circulus, seu Orbita Solis, quam idcirco vocant Eclipticam lineam, quòd Luna ipsam pertransiens, dum Soli conjungitur, aut opponitur, sui, Solisve Eclipsin pariat; ut dicendum inferiùs est.

CA-

## CAPUT XII.

*De Signis Zodiaci.*

**D**ICTUM est jam antè Zodiaci Signa esse numero duodecim; En verò quibus representari characteribus soleant, Aries  $\gamma$ , Taurus  $\tau$ , Gemini  $\pi$ , Cancer  $\sigma$ , Leo  $\Omega$ , Virgo  $\nu$ , Libra  $\epsilon$ , Scorpius  $\mu$ , Sagittarius  $\iota$ , Capricornus  $\wp$ , Aquarius  $\kappa$ , Pisces  $\text{X}$ .

Mos est, ut unicuique signo attribuantur 30. gradus (tametsi ipsi Asterisimi inæquales inter se sint, seu alii breviores, alii prolixiores) totidem enim gradus prodeunt, ubi 360. dividuntur per 12.

Innum autem ducitur ab Ariete, hoc est à sectione verni Æquinocti, prope quam Arietis asterisimus fuit, cum ante bis mille annos circiter, excoli in Græcia Astronomia cœpit.

Tametsi enim hic Asterisimus ob lentum Firmamenti motum, de quo dicitur postea, exinde jam recesserit, & totus penè transierit in locum, in quo erat asterisimus Tauri; ipsi tamen 30. primi gradus retinent semper nomen Arietis, uti & sequentes 30. nomen Tauri, licet pariter asterisimus Tauri locum Geminorum occupaverit; & ita de aliis.

Ex hoc autem fit, ut distinctionis gratiâ hi terdeni gradus non asterisimi quidem, sed Signa tamen Arietis, Tauri, Geminorum, &c. vocentur, & dicantur præterea *Dodecatemoria*, quòd sint duodecim Zodiaci partes.

Dicitur verò Sol, aut alius Planeta, esse in aliquo Signo, cum est sub ipso, seu cum inter oculum nostrum ac tale Signum intercipitur; Stellæ autem fixæ, quæ extra Zodiacum sunt, esse in eo Signo, seu potius referri ad id Signum dicuntur, inter quod, & proximum Zodiaci vultum, contingit ipsas intercipi.

Ex his Signis,  $\gamma$ ,  $\tau$ ,  $\pi$ ,  $\sigma$ ,  $\Omega$ ,  $\nu$ , dicuntur Borealia;  $\epsilon$ ,  $\mu$ ,  $\iota$ ,  $\wp$ ,  $\kappa$ , Australia: At verò  $\wp$ ,  $\kappa$ ,  $\gamma$ ,  $\tau$ ,  $\pi$ . Ascendentia;  $\sigma$ ,  $\Omega$ ,  $\nu$ ,  $\epsilon$ ,  $\mu$ ,  $\iota$ , Descendentia.

Rursus  $\gamma$ ,  $\tau$ ,  $\pi$ , dicuntur Verna;  $\sigma$ ,  $\Omega$ ,  $\nu$ , Æstiva;  $\epsilon$ ,  $\mu$ ,  $\iota$ , Autumnalia;  $\wp$ ,  $\kappa$ , Hyemalia.

Prima autem quæque horum ternionum  $\gamma$ ,  $\sigma$ ,  $\epsilon$ ,  $\wp$ , i. dicuntur Cardinalia, quòd Sole in eas ingrediente anni Tempèstates, Quadrantesque

incipiant; itemque Mobilia, quòd tunc fiat qualitatū mutatio: Media vcrò  $\vartheta$ ,  $\Omega$ ,  $\pi$ ,  $\equiv$ , dicuntur Immobilia, quòd tunc tempestates quasi fixæ sint; Extrema  $\pi$ ,  $\pi$ ,  $\pi$ ,  $\times$ , Communia, comparata scilicet ad Mobilia, & Immobilia; itemque Bicorporea, quòd  $\pi$ , &  $\times$ , duplicia manifestò sint;  $\pi$ , ex equo, & homine constet;  $\pi$  Spicam manu gcllet.

Sunt & variz præterea denominationes Signis attributz, maximè quo ab Astrologis: nam (cætera inter) accipiendo illa ab  $\gamma$ , tribus quibusque intermissis,  $\gamma$ ,  $\Omega$ ,  $\pi$  dicuntur Signa Ignea, Calida, Cholericæ;  $\vartheta$ ,  $\pi$ ,  $\psi$  Terrea, Sicca, Melancholica:  $\pi$ ,  $\pi$ ,  $\pi$  Aërea, Humida, Sanguinea;  $\vartheta$ ,  $\pi$ ,  $\times$  Aquea, Frigida, Phlegmatica; ac dicuntur adeò  $\gamma$ ,  $\Omega$ ,  $\pi$ , constituere Trigonum Igneum;  $\vartheta$ ,  $\pi$ ,  $\psi$  Ferreum;  $\pi$ ,  $\pi$ ,  $\pi$  Aëreum;  $\vartheta$ ,  $\pi$ ,  $\times$  Aqucum.

Sic alia dicunt Masculina, alia Fœminina; alia Humana, alia Bruta; alia Fœcunda, alia Sterilia; alia Pulcra, alia Deformia, alia Diurna, alia Nocturna, alia Planetarum Domos, alia Exsilia, alia eorundem Exaltationes, alia Casus, & alia id genus complura, quæ attingere nihil est necesse.

Adnotare præstat Solem ingredi mense quolibet in speciale Signum, ut putà Martio in  $\gamma$ , Aprili in  $\vartheta$ , Majo in  $\pi$  atque ita porrò, quousque Februario ingrediatur in  $\times$ .

Ut noscatur autem, quo circiter die hic ingressus fiat mense quolibet, notari carmina hæc possunt.

*Livor mente latens insultat honoribus, horret*

*Grandia gesta, hærens insigni laude notatis.*

Nimirum, si has 12. dictiones in 12. mensis sic tribuas, ut prima Martio, secunda Aprili, tertia Majo, cætera cæteris ex ordine respondeant, & attendens quota in Alphabeto sit prima cujusque litera, totidem ex 30. unitates detrahas, numerus residuus indicabit diem ingressus in Signum.

Exempli eniū causà, quia Martio dictio *Livor* respondet, & prima ejus litera L in Alphabeto decima est, subtraha 10. ex 30. & remanentia 20. indicabunt Solem ingredi Signum  $\gamma$  die 20. mensis Martii. Ac pari ratione litera M vocis secundæ respondentis Aprili, monstrabit 11. ex 30. detractis, Solem ingredi in  $\vartheta$  die Aprilis 19. Et non secus litera N vocis ultimæ respondentis Februario, suggeret, detractis 12. & 30. Solem in  $\times$  ingredi die Februarii 18. atque ita de cæteris.

Si



Si quærat<sup>ur</sup> autem in quo proximè Zodiaci gradu sit Sol quolibet mensis cujusque die, nihil aliud oportet, quàm addere ad propositum diem numeram literà designatum.

Nam si numerus quidem prodiens excedat 30. excessus (unitate addita) indicabit gradum Signi, in quod illo mense ingreditur Sol: Sin verò deficiat, ipsemet indicabit gradum ejus Signi, in quod fuerit ingressus Sol à mense usque antecedente.

Exempli causâ, si quærat<sup>ur</sup> ubi sit Sol die Septembris 28. ad 28. adde 7. ob literam G vocis *Grandia*, respondentis Septembri, in Alphabeto septimam; prodibunt 35. detrahe 30. & excessus 5. cum unitate, hoc est 6. indicabit Solem versari in gradu 6. in quam illo mense ingreditur Sol. Et, si quærat<sup>ur</sup> ubi sit Sol die ejusdem mensis 12. Ad 12. adde iterum 7. consurgent 19. & hic numerus indicabit versari Solem in 19. gradu, in quam ingressus fuerit à mense usque superiore.

## CAPUT XIII.

*De aliis quibusdam in Sphæra intellectib<sup>us</sup> circulis, ut qui dicuntur Verticales, Altitudinis, Distantiæ, Positionis, seu Domorum caelestium.*

**P**RÆTER circulos hæcenus descriptos, intelligi possunt in Sphæra, aut caelesti globo (atque adeò etiam in cœlo) alij circuli, quorum crebra est apud Astronomos mentio; adeò proinde, ut non sint aliqui præcipui ex iis reticendi.


Verticales itaque circuli dicuntur, qui per Zenith, seu verticale punctum, & per Nadir ipsi oppositum transeunt; rectaque proinde horizontem secant. Solent autem hi circuli Arabica voce Azimutha dici.

Cùm hujusmodi verò circuli secare horizontem innumerari possint, ex quo à Meridiano (qui pro uno verticalium habetur) in ortum, occasumve disceditur; Primarius tamen Verticalis habetur is, qui transit per intersectiones Horizontis & Æquatoris.

Altitudinis circuli ii sunt, qui supra horizontem ac ipsi horizonti paralleli sumuntur; sensimque decrescunt, seu semper minores, minoresque sunt, quousque definant in verticis punctum. Vocari autem & ipsi solent Arabica voce Almicanarath.

Mos est utrosque hos circulos in ipsis, ut vocant, Astrolabiis, Planisphæ-

nis hæc ille representari: cum & possint intelligi ex subiecto heic schemate Sphæræ dimidium (prout in plano perspicui potest) representante. Scilicet A B, est Horizon; C, Zenith; D, Nadir; C A D B, Meridianus: Cæteri circuli à Zenith in Nadir per denos horisontis gradus ducti, ipsi Verticales; ac in illis C E D, Verticalis primarius: at F G, H I, & alii ad horisontem paralleli, & per denos gradus meridiani ducti, circuli sunt Alitudinis.




Distantiæ circuli appellantur, qui ex majoribus cum sint, transeunt per duo Sidera, quorum proinde mutua distantia nihil aliud est, quam interceptus inter ipsa arcus alicujus hujuscemodi circularum.

Talem in schemate præmisso possumus intelligere circulum magnum K L, transeuntem per M, stellam Pollucis, & N, Spicam Virginis.

ginis. Arcus nimirum MN, qui 90. graduum, cum dodrante est, ipsa est stellarum istarum distantia.

Positionis, sive Domorum cælestium circulos appellant tam Horizontem, ac Meridianum, quam alios quatuor circulos, qui se invicem, & cum ipsis, ad communis eorundem meridiani, ac horizontis sectiones intersecant; &, sex cum sint, ut totam Sphæram, sic universum cælum distribuunt in duodecim parteis, quas Domos cælestes appellant, quarumque sex infra, sex supra horizontem sunt.

Prima autem habetur, quæ est proximè infra horizontem ad ortum, diciturque & Horoscopus, & domus Vitæ; Succedens inferius dicitur domus Divitiarum; Tertia consequens domus Fratrum;



Quarta in in imo cæli domus Parentum; cæteræque ex ordine, prout hifce duobus carminibus indignantur,

*Vita, Lucrum, Fratres, Genitor, Natiqve, Valetud',  
Uxor, Mors, Pietas, & Munia, Amici, Inimici.*

Notandum autem hos positionis, five Domorum circulos dividere in partes æqualeis, juxta aliquos quidem, Æquatorem; juxta alios, Zodiacum; juxta alios, Verticalem primarium.

Intelligere rem licebit ex appposito schemate; in quo hemisphærium orientale repræsentante, AB, est Horizon; CADB, Meridianus; AEB, AFB, AGB, Positionum circuli; IK, vel Æquator, vel Ecliptica; CD, Verticalis primarius; designatus autem domorum ordo, infra horizontem quidem I, II, III, suprà verò X, XI, XII, cum & residuarum numerum, ac seriem oporteat intelligere in hemisphærio occidentali.

Prætereo placere quibusdam, Positionum circulos se interfecare non quâ dictum est, sed in polis Mundi; quo casu rejecto horizonte, adhibetur ad Meridianum quintus. Quibusdam in polis Zodiaci; quo casu rejecto etiam Meridiano, adhibetur sextus: ut domus semper sint duodecim.

## C A P U T XIV.

*De Circulis itidem aliis, ut Declinationis, ac Latitudinis: ubi & de Ascensione, ac Longitudine Siderum.*


**P**RÆCIPUE verò cognitu necessarii sunt, qui circuli Declinationis, & Latitudinis appellantur.

Et Declinationis quidem circuli ii sunt, qui per polos Mundi ducti, fecant Æquatorem ad angulos rectos. Cum enim Syderum Declinatio computetur ab Æquatore, tendendo in polum Mundi alterutrum; perspicuum est Declinationem cujusque Sideris, alteriusve cæli puncti, nihil esse aliud, quàm cujusque horum circulorum arcum, qui inter Æquatorem, & tale Sidus, aliudve punctum intercipitur.

Constat

Constat autem Declinationem esse proinde duplicem; aliam Borealem, aliam Australem; prout scilicet id punctum, aut Sidus ad Boream, Austrumve Equatoris est.

Sic in subjuncto schemate; cum AB sit Equator; C polus Mundi Boreus, D Austrinus; CADB colurus Solstitiorum, CED Colurus Equinoctiorum; erunt tam ipsi Coluri, quàm Circuli CFD, CGD, CHD, CID Declinationum circuli; ac Stellæ K Declinatio (& Borea quidem) erit arcus HK; Stellæ L, Declinatio (& Australis quidem) arcus IL. Parique modo punctorum Solstitialium M, & N, Declinatio erit, Borea quidem BM, Austrina verò AN.



D 2

N 2

Notandum verò copulari cum Declinatione Ascensionem rectam: Ita scilicet nominant arcum *Æquatoris*, qui à principio  $\Upsilon$  ad punctum usque, quo circulus Declinationis designatus *Æquatorem* secat, intercipitur; quatenus hujusmodi punctum oritur, ascendive simul cum designato cæli puncto, aut Sidere in horizonte recto. Quis autem sit rectus, quis obliquus horizon, intelligetur statim uberius ex insequente capite.

Sic Ascensio recta Stellæ K, erit arcus *Æquatoris* E H; Stellæ L, arcus E I; Initii Cancræ M, arcus E B; quadrans scilicet, seu 90. gradus; Initii Capricorni arcus E B, cum toto reliquo hæmisphærio ad usque A; do-drans scilicet, seu gradus 270.

Dicitur autem Ascensio Recta; quoniam ubi est horizon obliquus, Ascensio quoque Obliqua est; neque illud idem *Æquatoris* punctum, cum designato cæli puncto, Sidereve oritur ampliùs; sed aliquod aliud prius, aut posterius. Ex quo efficitur, ut *Æquatoris* arcus hisce duobus punctis interceptus Ascensionalis differentia vocetur.

Sic in hac Urbe, exempli gratiâ, differentia Ascensionalis Initiorum  $\Xi$  &  $\Psi$  est 30. graduum; & quia Initium  $\Xi$  posterius, Initium  $\Psi$  prius, quàm punctum Ascensionis rectæ oritur; sit, ut Ascensio obliqua Initii  $\Xi$  sit Parisiis 120. graduum; & Initii  $\Psi$  240; quod idem proportionem intelligendum in Stellis est.

Latitudinis circuli ii sunt, qui per Polos Zodiaci, seu *Eclipticæ* ducti *Eclipticam* secant ad angulos rectos. Cum enim Siderum Latitudo ab *Ecliptica* computetur, perspicuum est Latitudinem nihil esse aliud, quàm cuiusque horum circularum arcum, qui inter *Eclipticam*, & designatum Sidus (aliud-ve cæli punctum) intercipitur.

Constat verò similiter Latitudinem esse duplicem, aliam *Boream*, aliam *Austrinam*, prout Sidus ad *Boream*, *Austrum*ve *Eclipticæ* est.

Sic in præmissis schemate, cum NM sit *Ecliptica*, O polus *Eclipticæ* Boreus, P Austrinus; Q N P M idem Solstitiorum Colurus; Erunt tam ipse Colurus, quàm punctati circuli O Q P, O R P, O S P, O T P, O U P Latitudinis circuli; ac Stellæ K Latitudo (& Borea quidem) erit arcus V K; Stellæ L Latitudo (& Australis quidem) arcus T L.

No.

Notandum autem copulari heic quoque cum Latitudine Longitudinem; Ita enim appellantur Eclipticæ arcum, qui ab initio  $\Upsilon$ , ad punctum usque, quo circulus Latitudinis Eclipticam secat, intercipitur.

Sic Longitudo Stellæ  $R$ , erit arcus Eclipticæ  $SV$ ; Stellæ  $L$ , arcus  $ST$ . Ac pari modo Solis existentis in principio  $\mathfrak{S}$ , Longitudo erit arcus  $SM$ ; quadrans scilicet, seu gradus 90; existentis in principio  $\Psi$ , idem arcus, cum toto hæmisphærio residuo, ad usque  $N$ , dodrans scilicet, seu gradus 270.

Prætereo porro perspicuum esse, Quod Sidus est in Æquatore, carere omni Declinatione; & quod est in Ecliptica, carere omni Latitudine: ac præterea, tam Declinationem, quam Latitudinem non posse excedere gradus 90, sive quadrantem circuli; quòd utraq; terminetur heic inde ad oppositos Polos; cum tamen tam Ascensio recta, quam Longitudo excurrant ad usque 360: videlicet secundum totum tam Æquatoris, quam Eclipticæ ductum, quousque discessione facta ab initio  $\Upsilon$ , ad idem redeatur.

Prætereo item facillè caveri æquivocationem, qua Geographi voces Longitudinis, Latitudinisque usurpant; quippe advertendum solummodo est, dum ipsi quoque in Terra Æquatorem, & Meridianos, seu circulos transeuntes per polos designant, Longitudinem ab iis dici, quam heic Ascensionem rectam dicimus; Latitudinem, quam Declinationem.

## C A P U T XV.

*De triplici positu Sphæra, Recto, Obliquo, Parallelo.*

**E**XPOSITIS hæcenus Sphærae circulis, sequitur paucis attingamus (quod jam semel, ac iterum circa Horizontem insinuavimus) cuiusmodi sint positi, juxta quos Sphæra Recta, Obliqua, Parallela statuitur; ac potest idem proportionè intelligi in ipso Mundo.

Itaque Recta dicitur Sphæra, in qua utroque polo horisonti insistente, Sidera oriuntur, & occidunt recta; sive ascendunt, descenduntque factis angulis ad horizontem rectis; unde & in tali situ horizon Rectus dicitur.

Obliqua, in qua altero polorum supra horizontem elato, altero infra depresso, Sidera oriuntur, occiduntque oblique; sive ascendunt, descendunt.


**D**;

cedunt.

ceduntque factis angulis ad horizontem obliquis; unde & in tali situ horizon dicitur Obliquus.

Parallela, in qua altero polorum constituto ad Zenith, altero ad Nadir, Sidera neque oriuntur, neque occidunt; seu neque ascendunt, neque descendunt; sed moventur motu ad horizontem parallelo; unde & in tali situ Horizon Parallelus vocatur.

Potest triplex situs sic repræsentari.



In Sphæra Recta, omnia Astra oriuntur, & occidunt. In Obliqua, aliqua oriuntur, & occidunt; aliqua nunquam oriuntur, sed sub horizonte



zonte semper delitescunt; aliqua nunquam occidunt, sed perpetuo sunt supra horizontem. In Parallela, ut jam dictum, nulla neque oriuntur, neque occidunt; sed pars semper supra, pars semper infra horizontem sunt: nisi quòd Æquatore coeunte in eundem cum Horizonte circulum, & dimidio Zodiaci semper elato, dimidio semper depresso, ea quæ percurrunt Zodiacum dimidio decursus conspicua, dimidio inconspicua fiunt.

In Recta sunt Sphæra, qui directè sub Æquatore habitant; in Parallela, qui directè sub Polis; in Obliqua, qui degunt in locis inter Æquatorem, & alterutrum polum intermediis.

In Recta perpetuum æquinoctium est, seu tam dies, quàm nox est semper 12. horarum; quòd Sol ubicumque in Zodiaco sit, tantum temporis supra, quantum infra horizontem moretur; ut potè omnibus ejus circuitibus (sive Parallelis quasi circulis) ab horizonte constanter bisectis.

In Parallela dies perseverat totos sex menses continuos; & nox etiam continuos sex: quòd Sol, ut supra Æquatorem, ita & supra horizontem totos sex menses inaneat (idque dum per treis gyRANDO ascendit, & per treis descendit) ac infra consuevit.

In Obliqua, inæqualitas est dierum, & noctium; quòd ab usque Æquatore versus polum elevatum, arcus diurni Solaris motus (si nemque qui sunt supra horizontem) sint semicirculo majores; & nocturni versus depressum, minores. Atque ita quidem, ut citra (v. c.) Æquatorem, maximus dies, qui contingit Sole existente in principio S, evadat sensum, tendendo nos versum, horarum 13. 14. 15. sitque heic Parisiis 16. ac porro pergat fieri 17. 18. &c. quousque degentibus sub Polari circulo (ubi ipse Tropicus S est apparentium maximus; horizontemque adeò stringit) sit horarum 24. Cum & exinde procedendo mora Solis supra horizontem plurium, pluriumque dierum evadat, & fiat etiam mensis unius, & duorum, & trium, & quatuor, & quinque, & sub polo denique sex. Quod eodem proportionem modo concipiendum est circa noctem, existente Sole ultra æquatorem.

Ubi illud consideratu dignum, nullum esse in terra locum, cui intra annum integrum non sit ut diurnum, sic nocturnum tempus sex mensium: quatenus in Sphæra quidem Parallela, utrumque tempus est continens; in Recta, diem per alternas vices æqualeis distribuitur; in Obliqua,

quæ, prolixitas dierum, & brevitæ noctium per æstatem, compensatur cum brevitate dierum, & prolixitate noctium per hyemem. Et quot per æstatem sunt continentes ultra Polarem dies, tot per hyemem sunt continentes noctes.

## C A P U T XVI.

*De Zonis, ac idè de Ventorum Plagis per Parallelos Sphæra circulos designatis.*

**H**ISCE cohærens est, ut dicamus de Zonis; seu ingentibus quasi fasciis, quas per descriptos Sphære circulos Parallelos descriptas antiquissimum est in cælo agnoscere, juxta illud Virgilio,

*Quinque tenent calum Zona, quarum una cornu  
Semper Sole rubens, &c.*

Fuere autem semper quinque habitæ; una scilicet media, appellata Torrida; inter duos Tropicos contenta: duæ extremæ, Frigidæ vocatæ, ac inter Polareis, vicinosque Polos comprehensæ: duæ heinc inde Temperatæ dictæ, & Tropicos inter, Polareisque interjectæ. Ac Polybius quidem Torridam in duas, Æquatore medio, distinxit; verum sectatoribus caruit.

Notandum vero, cum ab usque Thalete, Temperatæ, & Frigidæ separarentur per Polareis, quales in Sphæris jam habentur; sicque eas fecerit constanteis, cum prius, prout varia Poli altitudo, aut dilatarentur, aut contraherentur.


Cum ipse porrò Terræ globus cælo subiaceat undique; idcirco sunt eadem Zonæ ipsi Terræ attributæ; juxta illud Ovidii.

*Utque duæ dextra calum, totidemque sinistra  
Parte secant Zona, quinta est ardentior illis;  
Sic Onus inclusum, &c.*

Quin etiam Zonæ Terrenæ sunt, quibus propriè competit, ut Torrida, ac Frigidæ, Temperatæque nominentur: cum & terrestres Torrida sit, quæ credita olim inhabitabilis fuit ob nimium fervorem, ex radiis Solis ad perpendiculum immixtis creatum; & Frigidæ similiter ob algorem nimium, ex obliquè nimium appellentibus radiis; Tametsi fuere non ita primum tam in Torrida, quàm in Frigidis (sed in Torrida maxime) numerosissimi incolæ reperti.

Quo-

Quomodo autem terrestres Zonæ respondeant ipsis cælestibus; videtur non incommodè intelligi ex sequente Figura.



Cæterùm, si quem interiorem circulum repræsentare Terram vides, quasi Horizontem cujuslibet regionis habeas; & præter punctum B, quo interfecatur à Meridiano ad Boream, & punctum A, quo ad Austrum, adnotes decem alia puncta, quinque videlicet ad ortum, & quinque ad occa-

E

occa-

occasum, ut putā C D, E F, G H, I K, L M, quibus intersecatur ab Æquinoctiali, Tropicis, & Polaribus: ac tum ex his duodecim punctis flare concipias totidem ventos versus Punctum N, horizontis umbilicum, ipsiusve spectatoris locum; intelligere exinde licebit quomodo Antiqui plagas cæli determinarint, ex quibus venti adventarent (nisi quod puncta designata à circulis Polaribus fuere primitus propter causam jam declaratam inconstantia.)

Nimirum à puncto B, flantem dixere *Απηντίας*, *Septentrionem*: à puncto A, *Νότος*, *Austrum*: à puncto C, *Απηντίας*, *Subsolanum*: à puncto D, *Ζέφυρος*, *Favonium*: à puncto E, *Βορέας*, *Καινίας*, *Aquilonem*: à puncto F, *Αρρίστη*, *Σειγώνη*, *Ολομπίαν*, *Εκχασονίαν*, *Caurum*, seu *Corum*: à puncto G, *Εύρος*, *Vulturnum*: à puncto H, *Λίβα*, *Africum*: à puncto I, *Μίερος*, quibusdam *Boream*, quibusdam *Aquilonem*, quibusdam *Caciam*: à puncto K, *Θεσπίας*, aliquibus *Corum*: à puncto L, *Φοινίκας*, *Ευρότοτος*, aliquibus *Vulturnum*; à puncto M, *Λιβύτοτος*, *Altanum*.

Prætereo autem, ut recentiores, ac Nautæ præsertim, distinguere soliti ventos numero 32. (horizonte nempe in parteis 32. æqualeis diviso) non alia curent ex his punctis, quàm quatuor Cardinalia B, A, C, D, nominando Ventos, qui ab ipsis flant, in mari quidem Mediterraneo, *Tramontana*, *Ostro*, *Levante*, *Ponente*: in Oceano verò, *Nord*, *Sud*, *Est*, *Ouest*; & flanteis à punctis inter ipsa mediis, in Mediterraneo quidem, *Greco*, *Maestro*, *Sirocco*, *Garbino* (alias *Lebechio*) in Oceano verò *Nord-est*, *Nord-ouest*, *Sud-est*, *Sud-ouest*: ac flanteis rursus à punctis intermediis, compositis vocibus, *Tramontana-Greco*, *Tramontana-Maestro*, &c. *Nord-nord-est*, *Nord-nord-ouest*, &c. incipiendo semper ab iis, qui flant à punctis Cardinalibus: flanteis denique à punctis iterum intermediis, per quadranteis octantium, hoc modo, *Quarta di Tramontana-Greco*, *Quarta di Tramontana-maestro*, *Quarta di Greco tramontana*, &c. *Nod-gen esten*, *Nord-gen ouesten*, *Nord-est gen-nordē*, &c. incipiendo semper ab iis, qui flant ab octo primariis punctis.

## C A P U T XVII.

De Climatibus, deque varietate Incolarum Terræ, propter Parallelor.

CUM Zonarum potro distinctio antiquis non sufficeret, ut varietatem situs regionum citra Æquatorem notarent: idcirco adhibendos esse plures

pluribus parallelos censuerunt, quibus quædam veluti Zonæ minores subdistinguerentur, eæque vocatæ Climata, quasi dicas Inclinationes, siue deflexiones à Sphæræ rectæ situ.

Cùm unumquodque autem Clima ita limitarent duobus parallelis, initio ab Æquatore ducto, ut in remotiore ab Æquatore maximus anni dies esset horæ dimidio, quam in breviori, prolixior: non habuere tamen rationem primi Climatæ, in altero cuius extremo maximus dies esset horarum 12. cum semisse: quasi illud foret prorsus inhabitabile: verùm habuere quasi primum illum, in cuius altero extremo dies maximus foret tredecim horarum; quasi illic Torrida Zona propius accedens ad Temperatam, habitari inciperet.

Non fuere verò soliti distinguere plura Climata, quàm septem, quòd ea abundè regiones omnes tum notas comprehenderent; indigitarunt autem illa nuncupationibus locorum quorundam celebrium, quæ in singulis comprehendebantur, appellaruntque adeò ipsa, *Asia Magna*, *Asia Europa*, &c. hoc est, quasi transeuntia per Meroen, per Syenam, per Alexandriam, per Rhodum, per Romam, per Pontum, per Borysthenem.

At recentiores, ob Terram jam longè, latèque cognitam, distinguunt illa 24. ob 24. horarum semisseis, seu 12. horas, quibus dies maximus increfcit ab usque Æquatore, ad usque circum Polarem, in quo Climata desinunt, die maximo excedente modum.

Prætereo autem unumquodque Clima ita distingui solitum, interducto alio parallelo, in duas partes, siue Zonas adhuc minores, ut in alterius cuiusque extremis discrimen diei maximæ sit unius quadrantis horæ. Taleis porrò Zonulas, siue semisseis Climatam, nuncupavere (speciali vocis usurpatione) Parallelos; quos proinde constat distingui jam posse 48.

Hac ratione, cùm in hac Urbe, v. c. dies maximus sit horarum 16. patet quorum dici possit constituta urbs in fine octavi Climatæ: ac simul in fine Paralleli decimi-sexti.

Quamquam non designant jam ampliùs Astronomi loca, per Climata, & Parallelos; sed per polares Elevationes; aut etiam (Geographorum more) per ipsas locorum Latitudines, distantias-ve ab Æquatore.

Addendum verò, si Parallelos quotlibet distinctos in Sphæra concipias, tum concipi querinadmodum singuli Incolarum terræ suos habeant, quos dicunt *Periploas*, quasi dicas *Circumcolas*; *Arreolas*, quasi *Adversicolas*; & *Antipodas*, quasi *opposita habentes vestigia*; seu *Antipodas*, quasi *Incolas opposita terræ*.

nifi quod degentes directè sub polis (quòd in parallelo nullo sunt) Antipodas solùm, seu Antichthonas habent.

Nam aliquin Pericæci quidem invicem dicuntur, qui sub eodem sunt Parallelo; sed speciatim tamen, qui an parteis meridiani oppositas, hoc est in diversis à polo ad polum semissibus. Antæci, qui sub parallelis, cis, ac ultra æquatorem æquè diffusi; sed ad eandem partem meridiani acceptis. Antipodes, Antichthonesve, qui sub æqui distantibus quidem utrimque ab æquatore, sed ad parteis tamen meridiani oppositas sitis.

Notum verò est pro hac situs incolarum diversitate, cam varietatem dierum, noctiumque, & tempestatum contingere, ut Pericæcis quidem sint diversis temporibus dies, & nox, sed iisdem æstas, ac hyems: Antæcis verò dies, & nox iisdem æstas, ac hyems diversis: Antipodibus denique diversis omninò tam dies & nox, quàm æstas, & hyems.

Addendum quoque Incolas Parallelorum omnium intra Tropicos contentorum appellari solitos *Amphionios*, quasi *utramque umbram habentis* (meridianam videlicet) quatenus Sole exsistente ad Boream, umbram habent versam ad Austrum; & exsistente ad Austrum, habent versam ad Boream. Incolas verò à Tropici inclusivè ad usque Polareis, *Exporionios*, quasi *habentis alteram solum umbram* (ut nos habemus ad Boream) hucque adeò spectare, quod habet Lucanus de Arabibus intra Torridam degentibus, & ad Temperatam appulsis.

*Ignotum vobis, Arabes, venistis in orbem,  
Umbras mirati nemorum non ire sinistras.*

Incolas demùm à Polaribus ad-usque Polos inclusivè, *Hæmionios*; quasi, Sole non occidente, *umbram habentis circum ætham* per omneis plagas horizontis. Dico Sole non occidente; quoniam cum, exceptis iis, qui sub polis sunt, Sol interdum cæteris & oriatur, & occidat; ii possunt illo tempore in Heterosciciis haberi.

## C A P U T XVIII.

*De Crepusculis, quæ ad horizontem in quovis Sphæra situ visuntur.*

**Q**UONIAM Primi mobilis motus, qui circumductione Sphæræ declaratur, Siderum ortum, & occasum, prout ad horizontem refertur, inducit; ideo de ortu, occasuque consequenter dicturis, præmit-

ten-

tendum est aliquid de Crepusculis, & Refractionibus ad Horizontem observatis.

Inprimis verò Crepusculum nihil est aliud, quàm crepera illa, seu quasi dubia, vel media lux, quæ tam ante Solis exortum in regione orientis apparet, ac Aurora speciatim vocatur; quàm post Solis occasum in regione occidentis, & Crepusculi nomen retinet.

Causa illius est Atmosphæra, seu regio vaporum, qua Terra quasi circumvestitur; Ea quippe productior, quàm extremum terræ conspiciuum, tum citius manè recipit, tum serius vespere amittit degentis infra horizontem Solis radios, ac illos reflectens ad nos, præstat, ut lucida videatur.

Nempe, si nulli essent vapores, sed purissimus solùm aër; nihil planè lucis, sive ante exortum, sive post occasum Solem cerneremus; verùm transitus fieret ex tenebris meris ad diurnam lucem; ex diurna luce ad tenebras meras.

Observandum est autem, initium matutini, & finem vespertini Crepusculi tum contingere, cum Sol est infra horizontem octodecim plus minùs gradibus, secundùm verticalem circulum, perpendiculariterve acceptis. Ea quia quantò minùs Sol ab horizonte abest, tantò ampliùs ex Atmosphæra supra horizontem existente illustrat; ideo tantò quoque sit crepusculum clarius.

Prætereo deductum heinc fuisse, altitudinem Atmosphære supra terram esse 40. circiter Italicorum milliarium: tametsi videtur esse longè minor; Quoniam prima illa, ultimaque lux esse non directè à Sole, sed per reflexionem ex partibus ejusdem Atmosphære inferioribus factam, potest.

Adnoto potiùs Crepusculum ideo in Sphæra recta brevissimum esse, quòd in quocumque parallelo sit Sol, ascensus, descensusque ejus perpendicularis sit; & gradus illi octodecim ut in verticali, sic in parallelo proximè absumantur.

In Sphæra autem obliqua, esse Crepusculum prolixius, quòd arcus paralleli inter punctum orituri, occasive Solis in uno verticali, & punctum gradus decimi octavi in alio verticali, interceptus, obliquè se habeat, sitque aded octodecim gradibus prolixior. Unde & quia per æstatem prolixior, quàm per hyemem est; sit, ut crepusculum æstivum prolixius, quàm hyemale sit; & in hac Urbe, exempli gratià, cum per hyemem

non accedat ad horas duas, accedat tamen per ætatem proximè ad quatuor.

Quin-etiam observari potest, continuari in hac Urbe vespertinum crepusculum cum matutino per dies octo ante, & totidem post æstivum Solstitium; sicque ne in media quidem nocte crepusculum deficere, quòd tunc non de mergatur Sol totis gradibus 18. infra horizontem, sed in ipso quidem Solstitio deficient minuta 20.

Nihil autem est opus admonere Crepusculum iri continuatum per dies tantò plureis, & evalurum etiam in media nocte tantò clarius, quantò Sphæra fuerit obliquior; quòd Sol sit tantò propius ab horizonte abfuturus, quousque supra horizontem circuitum perficiens (sub Polari nempe circulo, & ultrà) diem ut continentem, ita sine ullo crepusculo creet.

Prætermittendum porrò non est, obliquitatem horizontis, & parallelorum inæqualitatem causam fieri, ut cum maximum Crepusculum per æstivum Solstitium sit longissimum, non sit tamen brevissimum per Solstitium hibernum; sed in hac quidem Urbe brevissimum sit sub diem primum Martii, & sub duodecimum Octobris.

In Sphæra demùm Parallela esse continuum Crepusculum per dies proximè 52. quod Sol aut descendens non citius, aut ascendens non tardius ab horizonte absit 18. gradibus secundum verticalem acceptis.

## C A P U T XIX.

*De Radiorum Sidereorum Refractionibus, quæ ad horizontem maximè contingunt.*

**A**D Refractiones quod attinet; cum notum sit radios transeuntes obliquè ex medio rariore in densius, refringi, & versus eum radium, qui perpendicularis habetur, deflecti (veluti ex opposito transeuntes ex deniore in rariis refringuntur, & abeunt ab eodem perpendiculari) Ea propter & Solis, & cæterorum Siderum radii, dum ex purissimo æthere in jam memoratam Atmosphæram incidunt obliquè, ac transituri per ipsam sunt, refringuntur versus perpendicularem, seu versus illum radium, qui dirigitur ex Sole versus centrum terræ, quod idem cum centro Atmosphæræ est.

Et



Et quia tendentes versum nos radii sunt tum maximè versus perpendicularè obliqui, cum Sidus est in horizonte; idcirco tum fit maxima refraction; eaque evadit, in stellis quidem minorum 30. in Sole autem, & Luna 33. aut 34. ac deprehenditur tantò minor, quantò Sidus evecius est; adeò ut Stella ultra vigesimum, Sol, & Luna ultra 35. aut 38. gradum altitudinis, sensibilem nullam refractionem patiantur.

Ex illa porro horizontali refractione efficitur, ut Sol, v. c. in horizonte constitutus, & per radium refractum visus, appareat nobis 34. aut proximè minutis altior, quàm reverà sit, & quàm appareret, si sublatis vaporibus, directo radio conspiceretur: & cum ipsius diameter dimidii gradus, seu minorum 30. sit, ideò possit videri totus, cum est tamen totus reverà infra horizontem.

Id perinde fit, ac dum posito in fundo pelvis calculo, caput ita firmas, ut labium pelvis obstet, ne calculus videas, quem sis tamen aquà infusà visurus, calculo licet, oculoque immotis: Nimirum, qui radius directus desinebat prius in frontem, ita refringitur transeundo ex aqua in aërem, ut allabatur oculo, calculumque ipsi visibilem faciat.

Ex hac interini causa est, cur interdum Luna Eclipsin patiente propter terram ipsi, Solique interpositam, utrumque tamen Luminare supra horizontem existans observetur; Scilicet utrumque est reverà infra; licet propter radios refractos super-extare appareat.

Ex eadem etiam, cur in Nova Zembla post noctem continuam duorum mensium, ac semissis, Hollandi Solem recuperàrint aliquot diebus maturius, quàm merito exspectatur; Atmosphæra videlicet speciem illius evehente.

Prætereo autem obliquitatem, qua species Solis in Atmosphæram respectu nostri allabatur, causam esse, quare nobis Sol horizonti vicinus, non præcisè orbicularis, sed ellipticus, ovatave specie appareat; perpendicularè nempe diametrum transversà contractiorem habent.

## C A P U T XX.

### *De Ortū, Occasūque Siderum Horizontali.*

UT jam de Ortū, Occasūque Siderum aliquid dicamus; is distingui solet universè duplex, Astronomicus, & Poëticus. Non quòd istum quoque

quoque Astronomi non cùrent ; sed quòd Poëtæ ipsum , reliquo neglecto, potissimum usurpent.

Et Astronomicus quidem Ortus, Occasusque, cùm nihil aliud sit, quàm recta, obliquave Ascensio, & Descensio penes Æquatorem spectata; idèò cùm jam dictum de recta , obliquaque Ascensione sit : non est , quorsum heic nos quicquam moeatur.

Poëticus autem attenditur, vel penes Horizontem , supra quem emergunt, aut infra quem demerguntur Sidera ; vel penes Solem, à cujus radiis reliqua Sidera aut liberantur, aut occultantur.

Qui porrò penes horizontem attenditur, distinguitur duplex: alter scilicet Cosmicus, alter Acronychus vocatur.

Cosmicus , seu quasi Mundanus tam ortus , quàm occasus est , qui spectatur propriè circa ipsum tempus exorientis Solis (nempe quasi tunc Mundus , seu Naturæ facies instauretur.) Nam si quod Astrum oritur , quo tempore oritur Sol ; id dicunt Cosmicè oriri. Et si rursus quo tempore Sol oritur (hoc enim inculco , ut caveatur confusio) aliquod Astrum occidit ; illud Cosmicè occidere dicunt.

Cosmico ortu intelligitur oriri Taurus Mense Aprili, quo Soli in ipso existenti cooritur, juxta illud Virgilio,

*Candidus auratis aperit cùm cornibus annum*

*Taurus, ----*

Cosmico occasu intelliguntur occidere Pleiades per ipsum Autumnum , cùm oriente Sole unà cum Scorpione , in quo est , ipsæ in Tauro sitæ horizontem ex adverso subeunt, juxta illud ejusdem,

*Antè tibi Eoa Atlantidis abscondantur ,*

*Debita quàm sulcis committas semina. ----*

Dico autem propriè: quoniam volunt etiam Cosmicè oriri, & occidere (tametsi minùs propriè) quod Astrum oritur , occiditve interdiù , seu donec Sol est supra horizontem.

Acronychus autem tam ortus , quàm occasus est, qui spectatur propriè circa ipsum tempus occidentis Solis , seu initii noctis ; unde factum nomen (depravatè nempe Chronicum appellant.) Nam , si quod Astrum unà cum Sole occidente occidit, occasus est Acronychus ; & , si quod iterum occidente Sole (hoc enim etiam heic inculco) ex adverso oritur , Acronychus habetur ortus.

Acronycho ortu intelliguntur oriri per Autumnum Pleiades, coorientes

tes

tes scilicet Tauro, in quo ut dictum est, sunt fixæ, donec Sol in Scorpione degens ex adverso occidit, juxta illud Ovidii,

*Ut careo vobis, Scythicas detrusus in oras,*

*Quatuor Autumnos Pleias orta facit.*

Quo loco vides obiter, eundem Autumnum exprimi, à Virgilio quidem per occasum, ab Ovidio verò per ortum earundem Pleiadum. Sed videlicet prout ille occasum Cosmicum intelligit; Pleiades enim per illud tempus manè occidunt: iste ortum Acronychum; eadem enim tunc vespere oriuntur.

Acronychi occasus rariora sunt exempla; nam quòd volunt quidem Sagittarium intelligi occasu hoc occidere, cum Lucanus expressurus crepusculum, proximè æstivum Solstitium, ait,

*--- Nam Sol Læda tenebat*

*Sidera, vicino cum lux altissima Cancro est,*

*Nox tum Thebalicas urgebat parva Sagittas;*

constat non posse Sagittarium occidere tunc, nisi Cosmicè, oriente putà Sole cum Geminis; ac fortiri dumtaxat posse occasum Acronychum, dum Sol est in ipso, ac unà cum eo occidit.

Dico verò etiam heic propriè; nam minùs propriè appellant etiam Acronychum ortum, & occasum illum, qui per noctem fit, seu Sole versante infra horizontem.

Nota proinde posse tam ortum, quàm occasum Cosmicum appellari Matutinum; & tam ortum, quàm occasum Acronychum dici Vespertinum.

## C A P U T XXI.

### *De Ortu, Occasusque Siderum Heliacè.*

**Q**UI penes Solem attenditur reliquorum Siderum Ortus, & Occasus, is ab ipso Sole, qui Græcis est  $\eta\lambda\iota\alpha\varsigma$ , Heliacus vocitari solet.

Occidere porro Heliacè illud Astrum dicitur, quod, cum priùs manè, vespereve conspiceretur, ob sui à Sole infra horizontem versante distantiam, conspici deinceps posse desinit, ob Soli viciniam, ipsiusque Astrum immersionem in Solareis radios; utpote quorum splendore quicquid circumquaque est, obducitur, &, ut sic dicam, evanescit.

F

Oriri

Oriri verò illud, quòd cum prius foret, ob Solis viciniam, ejusque radios, inconspicuum, conspici deinceps manè, vespereve posse incipit, ob factam à Sole distantiam, emerfionemque ex ejus splendore.

Causa autem, cur aliqua Sidera occidant manè, & oriantur vespere, est, quòd suo per Zodiacum, seu in ortum motu velociora sint, quàm Sol; sicque eum manè assequantur, & vespere deferant.

Hujusmodi verò est Luna, quàm constat suo in ortum motu & manè subire, & vespere exire ex radiis Solis.

Causa cur aliqua occidant vespere, & oriantur manè, est, quòd Sol suo motu per Zodiacum sit ipsis velocior, sicque ipsa suo splendore assequatur vespere, & deferat manè.

Hujusmodi verò sunt tam Stellæ Fixæ, quàm tres superiores Planetz, Saturnus, Jupiter, & Mars. Celebrant autem Poëtæ præsertim occasum, ortumque Fixarum; sit innuit Ovidius occasum Delphini, dum Sol Capricornum percurrit, illo disticho,

*Quem modò calatum stellis Delphina videbas,*

*Is fugiet visus nocte sequente tuos.*

Sic Virgilius occasum Canis (supple majoris, quem Caniculam quodque, & Sirium, appellari jam diximus) dum Sol versatur sub finem Tauri, illis versibus,

*Candidus auratis aperit cum cornibus annum*

*Taurus, & adverso cedens Canis occidit Astro.*

Uti & occasum Heliacum Coronæ Septentrionalis, dum Cosmicus est Pleiadum, cujus jam meminimus, illis,

*Antè tibi Eoa Atlantides abscondantur,*

*Gnosiaque ardentis decedat Stella Corona,*

*Debita quàm fulci, &c.*

Sic innuit Ovidius Aquarii ortum, dum Sol est Pisces subiturus, illo disticho.

*Jam levis obliqua subsedit Aquarivurnà;*

*Proximus ætherios excipe Piscis equos.*

Et nemo penè Authorum est, qui non celebrârit Caniculæ ortum, uti & consequenteis ipsum 30. 40. aut 50. dies (Authores nempe varii sunt) Caniculareis ex eo vocatos.

Prætereo autem, num tales dies, qui numerabantur pridem à die Julii circiter 17. quo ortus Canis contingebat, numerari debeant etiam num

ab

ab eodem, ut solet vulgò fieri; cùm jam ortus Canis contingat dumtaxat sub medium Augusti.

Cæterùm Planetas dixi superiores; nam duo inferiores Venus, & Mercurius aliquando oriuntur mane, & occidunt vespere; aliquando oriuntur vespere, & occidunt manè.

Causa est, quia cum Solem circumeant; & non semper in ortum cursum dirigant; sed aliquando etiam versus occasum regrediantur, ut dicendum suo loco est: efficitur, ut cùm aliunde sint velociores ipso Sole: Tum assequantur illum manè, dum ab occidente adveniunt; & vespere eum deferant; dum procedere in orientem pergunt; Tum vespere in Solem incurrant, dum ex oriente regrediuntur, & manè ipsum deferant, dum ire pergunt in occidentem.

## C A P U T. XXII.

*De partibus Temporis (cujus mensura est Primus Motus revolutione Sphæra designatus) ac primum de Die.*

**D**ictum est antè Revolutionem, seu motum Primi Mobilis, qui explicari per Sphæram solet, ac penes Equatorem præsertim spectatur, mensuram esse Temporis; quamobrem incongruum non est, ut heic pauca quædam de partibus Temporis, quatenus in ejusmodi mensuram cadunt, attexamus.

Cùm verò Dies primum occurrat, ut quo tempus notius non sit; Notandum est Diem accipi bifariam, sicuti jam antè insinuatum est; primò nempe pro duratione integræ circumductionis Solis circa Terram; & secundò pro duratione, sive mora Solis supra horizontem. Priori sensu Diem Naturalem, posteriore Artificialem appellari vulgare est.

Dies Naturalis, qui etiam *Noctidius*, quasi *Noctidialis* vocatur, quòd tam diem artificialem, quam etiam noctem comprehendat, aut Astronomicus est, aut Civilis.

Astronomicus est temporis spatium, quo revolutio integra Equatoris peragitur, unà cum portione ejusdem Equatoris respondente illi & eclipticæ portioni, quam interim percurrit Sol.

Nam si Sol quidem non moveretur per Eclipticam, & cum eodem Equatoris puncto, quo à meridiano, v. c. discedit, ad meridianum

rediret, tum integra una *Æquatoris* revolutio præcisè mensuraret diem; At quia Sol continuo promovetur, & dietim quidem uno proximè versus ortum gradus; heinc fit, ut puncto *Æquatoris*, cum Sol discessit, ad meridianum redeunte, Sol adhuc non redeat, sed cum uno gradu proximè posteriùs.

Proximè, inquam; nam partim quidem propter *Zodiaci* obliquitatem, partim ob *Eccentricitatem*, de qua dicendum inferiùs est, nunc aliquid ampliùs, nunc aliquid minùs uno gradu addendum occurrit; ac ex eo proinde aliqua creatur inæqualitas dierum. Nota verò obiter, cum Sol motu mediocri percurrat diebus singulis minuta 59½. ex *Zodiaco*, seu *Ecliptica*, percurrere interdum duo proximè minuta ampliùs; interdum duo proximè minùs.

Civilis est, qui pro communi Civitatis, nationisve lege, aut usu, quod ad sui principium, finemve spectat, determinatur. Sic enim olim *Babylonii* diem auspicabantur ab exortu Solis (quod etiam-num *Norimbergenses* faciunt.) *Judæi*, & *Athenienses* ab occasu (quod etiam-num faciunt *Itali*, *Austriaci*, *Bohemi*, *Silesii*.) *Ægyptii* à media nocte (quod etiam-num *Myficienses*, imò & Nos quoque; nisi quod videmur, uti & *Germani*, duplex initium facere, quatenus exactis in meridie horis 12. abfinitate iterum inchoamus 12. residuas.) *Umbri* à meridie (quod etiam-num *Arabes*, & plerique alii.) Ne memorem *Astronomos* inchoare quoque diem à meridie; nisi quod *Tabulæ Prutenicæ* dictæ, principium statuunt in media nocte.

Quæ insuper varietas sit dierum *Festorum*, *Profestorum*, *Comitilium*, cæterorumque hujusmodi, infinitum sit dicere: cum gens unaquæque suos speciatim habeat.

1. Circa diem *Artificialem*, acceptumve pro mora Solis supra horizontem, illa debent sufficere, quæ dicta sunt circa positum multiplicem sphaeræ.

Addendum heic solum dies *Artificiales* inæqualiter crescere, ac decrescere, ob *Zodiaci* obliquitatem. Siquidem circa *Æquinoctia* crescunt, ac decrescunt admodum sensibiliter, quod arcus diurni amplificentur, contrahanturque admodum; circa *solstitia* verò valdè insensibiliter; quod arcus diurni ferè augeantur, aut minuantur nihil.

## CAPUT XXIII.

## De Hora.

**S**olet dies proxima divisione resolvi in Horas; & proxima compositione evadere in Hebdomadas.

Horæ vox antiqua est quidem; sed sumpta nempe pro tempestate; nam usurpata posterius est pro parte diei vigesima quarta; cum Priscis vix alia ratione divideretur dies, quàm in matutinum, meridianum, & vespertinum tempus.

Est autem genus Horarum duplex; nam aliz *Æquales*, aliz *Inæquales* dicuntur.

Hora æqualis (quæ etiam *Æquinoctialis* dici solet) est pars diei Naturalis vigesima quarta; seu id tempus, quo gradus *Æquatoris* 15. meridianum prætercurrunt (nisi quòd exiguum sit additamentum ob causam non multò antè memoratam.) Ac tale est genus horarum, quo semper usi Astronomi, quoque omnes ferè gentes jam utuntur.

Præterea autem Astronomos talem horam dividere in 60. scrupula, seu minuta prima; & quodlibet primum subdividere in 60. secunda; quodlibet secundum in 60. tertia, &c. ut supra insinuatum est: Computatores verò Annaleis dividere horam in 4. quadranteis, seu, ut vocant, puncta; & quodlibet punctum variè subdividere in ostenta, momenta, &c.

Hora Inæqualis (quæ etiam *Temporaria*) est pars duodecima diei artificialis, & pars item duodecima noctis; qualibet nimirum die artificiali in duodecim parteis æqualeis divisa, & nocte consimiliter; adeò proinde, ut hora inæqualis dicatur, non comparata ad alias horas ejusdem diei, sed ad horas aliorum dierum; cum constet horas diurnas per hyemem, esse longè breviores horis diurnis per æstatem, & horas nocturnas per hyemem, æstatemque ex opposito.

Isto Horarum genere usi sunt Judæi, ut ex variis scripturæ locis intelligitur, in quibus cum hora Prima sit ea, quæ immediatè ortum Solis consequitur; Tertia est ea, quam nos dicimus nonam matutinam (intellige verò præsertim circiter ipsum *Æquinoctium*) Sexta, quam meridiem; Nona, quam tertiam pomeridianam; Undecima, à qua superest unica antè occasum Solis.

Eodem genere usos esse Græcos vel ex eo intelligitur, quòd Achilles Tatiùs quærit, explicatque, cur in ea regione diceretur Sol in æstivo Solstitio creare diem 15. horarum, in hiberno novem: cùm in mechanicis horologiis, hydrologiisque dies videretur perpetuò constare ex 12. horis.

Eodem quoque usos Romanos innumera loca Authorum convincunt ejusmodi sunt, v. c. illa.

*Prima salutanteis, atque altera continet hora;*

*Exercet raucos tertia caufidicos, &c.*

Et, *Stertinus, indomitum quod despumare Falernum*

*Sufficiat, quintâ dum linea tangitur umbrâ.*

Ubi constat intelligi horam undecimam matutinam, seu unam horam ante meridiem.

## C A P U T XXIV.

### *De Hebdomade.*

**H**EBDOMADEM esse dierum collectionem omnium antiquissimam, ex sacro textu Geneseos patet.

Illa usos fuisse ab omni memoria omneis Orientaleis propemodùm constat: Occidentaleis autem dumtaxat à Christiana Fide recepta. Nam Græci quidem Decade, Romani Enneade potius utebantur.


Indigitavere Ethnici singulos hebdomadis dies nominibus Planetarum singulis; ac retinentur etiam-num vulgò appellationes apud nos; nisi quòd loco dici Solis, diem Domini, seu Dominicam dicimus, ob reverentiam ejus dici, qua Christus Dominus surrexit à mortuis; & loco dici Saturni, diem Sabbathi, quasi diem Quietis, ob memoriam ejus, qua Deus initio legitur quieviſſe ab omni opere, quod patrârat.

At, cur post diem Solis sequitur dies Lunæ; post hunc dies Martis, &c. nusquàm servato ordine, quo se Planetæ habent in cælo?

Id intelligendum est ex circulo, cujus circumferentiâ in septem partes æqualeis divisâ, & ab utroque fine cujusque partis ductis lineis in punctum oppositum, triangula septem æquicrura creantur, in quorum cuspidibus Planetæ ex ordine collocentur; ut videre licet in appposito schemate.

Vide-





Videlicet, si ex ♄ sequaris ductum lineæ, quæ est ad lævam, incidēs in Solem; si ex Sole sequaris ductum alterius, incidēs in Lunam; si ex Luna alterius, in Martem, atque ita porrò eo ordine, quo dies Hebdomadis nuncupantur.

Exinde etiam intelliges, quæ fiat, quod putant hunc ordinem sequi ex eo Dominio, quod tribuunt Planetis singulis in singulas horas. Cum enim velint primâ diei horâ (incipiendo à meridie) dominari Planetam, qui diei nomen dat; & horâ secundâ Planetam sequentem, juxta ordinem, quem descendendo habent in cælo; ac tertiâ alium, & sic deinceps; etiam redeundo ad supremum, cum ventum fuerit ad infimum, juxta vulgaria hæc carmina,

*Luna, & Mercurius, Venus, & Sol, Mars, Jove, Saturnus,  
Ordine retrogrado sibi quivis vendicat horam.*

*Cum*

Cùm id, inquam, velint, eveniet, ut attribuendo singulos Planetas horis singulis, postquàm perveneris ad vigesimam-quartam, sequatur pro hora vigesima-quinta, hoc est prima dici insequentis, Planeta ille, qui diei illi nuncupationem tribuit; ut circumeundo circulum descriptum, fiet manifestum.

Cæterùm in usu Ecclesiastico, dies indigitamus nomine, ordineque Feriarum (nisi quòd loco Feriæ primæ dicimus rursus Dominicam; loco septimæ Sabbathum) quoniam initium veteris anni Ecclesiastici à Paschate fuit, & dies omnes Hebdomadis primæ Feriati fuerunt (utcumque jam sint non ampliùs, quàm tres) factumque est inde, ut sequentium quoque Hebdomadam dies auspicio, ac imitatione primariæ illius, sint Feriæ vocatæ.

## C A P U T XXV.

*De Mense.*

**M**ENSIS est quidem propriè tempus decursus Lunarìs per Zodiacum; sed hoc nomine venit etiam tempus, quo à Sole decurritur duodecima Zodiaci pars; unde alius mensis Lunarìs, alius Solaris appellatur.

Lunarìs autem mensis aut Periodicus est; ac sunt, qui distinguant præterea mensem, quem appellant Illuminationis.

Periodicus est temporis spatium, quo Luna digressa ab uno Zodiaci puncto, ad idem-met redit; estque dierum 27. cum diei proximè triente.

Synodicus, quo Luna à conjunctione cum Sole digressa, ad conjunctionem aliam redit: estque dierum 29. cum diei proximè dimidio.

Nempe debet Luna, postquàm ad punctum redierit, in quo fuerit Soli conjuncta, duos, & ampliùs dies adhuc progredi, ut Solem, qui interea motum non intermiserit, assequatur.

Illuminationis mensem vocant illud tempus, quod fluit, ex quo primum Luna apparet recens vesperi, quousque jam vetus manè occultetur: estque præter-propter 26 dierum.

Solaris Mensis, si assumatur medius inter excessum, defectumque aliquantulum, est dierum 30. & horarum 10. proximè semissè.

Cùm Mensis porrò alius Astronomicus, alius Civilis distinguatur:  
Astrono-

Astronomicus est propriè Lunaris, tam periodicus, quàm synodicus; synodicus verò præfertim.

Civiles autem Menses sunt, quibus Civitates, nationesque variae pro institutis quæque suis utuntur; nam quibusdam quidem Lunares, quibusdam verò solares placent.

Lunariibus usi sunt olim Judæi, Græci; Romani; alii (utuntur & jam Mohammedani) sed illis nempe synodicis. Quamquam quia semissis illi, & alia id genus fragmenta dierum ex usu civili non sunt; idcirco familiare fuit, ut menses alternis 30. & 29. dierum haberentur, ac diceretur Pleni, & Cavi.

Solaribus usi sunt Ægyptii, sed qui tamen essent omnes dierum 30. Nam confectos quidem dies quinque ex fragmentis illis denarum horarum rejiciebant in finem anni, & confectos sex prope horas ex illis semissibus, nullo quasi habebant loco.

Dici & nos possumus uti; tametsi duodenas circuitus solaris partis inæqualiter in eos distribuamus; & sex illas horas quarto quoque anno solum colligamus, habeamusque pro uno die, qui inter 23. & 24. mensis Februarii inferatur.

Prætereo Julium Cæsarem fuisse, qui annum Lunarem à Romulo usque, Numaque acceptum, in solare commutans, hanc mensium inæqualitatem partim retinuerit, partim fecerit, uti à Macrobio, aliisque narratur.

Prætereo & varia apud varios Mensium nomina; cum sit vulgare, nostrum quidem Martium, sequentis fuisse à Romulo institutos, ac nominatos (nisi quod post Cæsaris mortem Julius dictus est pro Quintili, Augustus pro Sextili) Januarium autem, Februariumque fuisse additos, sicque nuncupatos à Numa: ac notum sit Græcorum mensis dici Hecatombeonem, Anthesterionem, Elaphebolionem, &c. Judæorum Tisri, Marchesuan, Casleu, &c. Ægyptiorum Tioth, Paophi, Athyr, &c. ne quid de cæteris attingam.

Prætereo demùm varias dierum, partiumque mensis nuncupationes; quod genus fuisse apud Romanos Kalendæ, Nonæ, Eidus; apud Græcos Neomenia, Decas, Eikas, &c.

## C A P U T XXVI.

*De Anno.*

**T**AMETSI Annus accipiat interdu[m] pro tempore revolutionis cujusque Planetæ per Zodiacum (imò & interdum pro integra revolutione Firmamenti secundum eundem Zodiacum; quippe eam nonnulli Magnum Annum vocant) nihilominus Annus proprie est id tempus, quod Sol integrè Zodiacum perlustrat.

Distingui autem solet annus in Astronomicum, ac Civilem; & Astronomicus alius Vertens, alius Sidereus appellari.

Vertens est, quo digressus Sol ab uno Zodiaci puncto (ut *Æquinoctii*) aut *Solstitii* ad idem-met revertitur; Sidereus, quo digressus à sidere aliquo, ad idem-met redit:

Et cum Sidereus sit Vertente insensibiliter prolixior, ob motum Fixarum in ortum, quem mox insinuavimus, & de quo inferius dicitur; continet Vertens dies 365, cum horis 5. & minutis proximè 49.

Civilis est, quo Civitates, nationesve pro arbitrio utuntur, & vel spectando quidem solum motum Solis; vel adsciscendo etiam motum Lunæ, ex quo annus alius Solaris, alius Lunar is dicitur.

Solaris, aut constat perpetuò diebus 365, qualem jam insinuavimus fuisse usui apud *Ægyptios*; constantem nimirum ex duodecim tricenis dierum, mensibus ac diebus quinque, qui dicti sunt *ἡμερῶν τεσσαρτῶν*, quasi super-adjecti.

Quo loco notandum; cum illi nihil morarentur abundanteis illas quotannis horas propè sex; idèò solum fuisse evenire, ut intra annos 1460. *Æquinoctia*, & *Solstitia* per omnes anni menses, mensiumque dies decurrerent: quatenus, si hoc anno, v. g. *Æquinoctium* contingat in meridie diei 20. Martii, continget post annum hora 6. vespertina ejusdem diei; & rursus post annum, in media nocte insequente, & iterum post annum, hora 6. matutina diei 21. & post annum denique quartum, in meridie ejusdem diei 21, ac pari modo procedendo, post quatuor alios annos, in meridie diei 22, atque ita de cæteris.

Aut annus quisque ordine quartus constat diebus 366. intercalato scilicet die, quem innuimus jam confici ex illis sex propè horis asservatis.

Notum

Notum autem est intercalationem fieri, ut *Æquinoctia*, & *Solstitia* intra eosdem menses, mensumque dies contineantur, neque excurrant, ut dictum est apud *Ægyptios* fieri.

Notum etiam est annum illum quartum idcirco *Bis-sextilem* dici, quod cum intercalatio fiat, die illo inter 23. & 24. Februarii interposito, dicatur illo anno *bis, Sexto Kalendas Martii*.

Horas autem prope sex dico: quandoquidem defunt 11. proximè minutà. Ex quo proinde intelligitur nimium esse, quod additur quolibet anno *Bissextili*; ac posse idcirco *Æquinoctia*, & *Solstitia* excurrere sensum non procedendo, sed regrediendo; atque exinde evenisse, ut cum tempore Concilii *Nicani* *Æquinoctium* vernum contingeret circiter diem Martii 21. deprehensum fuerit contingere; Patrum nostrorum memoria, circiter diem 11. ejusdem. Aded proinde, ut anno Christi 1582. suppressi fuerint 10. dies, ut rediret ad 21.

Prætereo verò, quia hæc vocatur *Kalendarii reformatio*, facta est à *Gregorio XIII. Pontifice Max.* idè anni formam, qua jam utimur, dici *Gregorianam*; ac novam; cum vetus illa, quam *Provincia*, reformationem non amplexa, adhuc retinet (numerantes proinde *æquinoctia*, *Solstitia*, aliæque anni tempora totis decem diebus posterius, quam nos) *Juliana* vocetur, quasi existens eadem met, seu sine ulla interruptione, quæ fuerit à *Julio Cæsare* instituta.

*Lunaris Annus* est, qui constat ex 12. mensibus *Lunaribus synodicis*; seu diebus 354. cum proximè tricenæ, sive octo horis: sicque *Solari* minor est diebus fere 11. quos quia quotannis adjicimus, ut *Lunarem* cursum ad *Solarem* accomodemus, idè *Epactaleis*, *Epactis*-ve vocamus.

Veteres, cum *Lunarem* annum dierum præcisè 354. haberent; idè reputantes deesse ad *Solarem* dies 11. cum quadrante, qui intra octo annos evaderent dies 90. idè assumebant hos dies, & conficiebant ex ipsis menseis (quosdam appellatos) sive *greis*, dierum tricenum, quos post tertium, quintum, octavum annos intercalarent, quemadmodum *Græci*; sive quatuor, qui essent alternis 22. & 23. dierum, quos alternis intercalarent annis secundo, quarto, sexto, octavo, ut *Romani*.

Intercalabant porro eos *Romani* post diem Februarii 23, seu post *Terminalia* (ut minus sit mirum, fuisse id tempus delectum ad intercalandum

dum Bis-sextilem diem) cum Græci potius intercalarent inter 5. & 6. mensis; unde quia sextus mensis erat illis Posideon, mensis intercalatus vocabatur Posideon prior. Quo modo quoque apud Judæos intercalatus ante 6. qui Adar, prior Adar appellabatur.

Nihil heic addendum de principio anni, quod constat extitisse semper apud varias nationes varium. Nam cum Ægyptii haberent vagum per totam anni seriem; cœpere Judæi Ecclesiasticum annum à mense Nisan, seu à novilunio, quod fuit proximum verno Æquinoctio; & Civilem à mense Tisri; seu à novilunio, quod fuit proximum Æquinoctio autumnali. Sic cœpere Græci ab eo, quod proximum Solstitio æstivo; Romani à Bruma, seu ab ipso hyberno Solstitio: nisi quod propter expectatum à Cæsare, annum instituentem, sequens proximè novilunium, ut in eo die Kalendas Januarii, principiumve anni defigeret, evasit hocce anni principium (quo nos etiamnum utimur) aliquot diebus Brumæ posterius. Sic alii aliis temporibus.

Nihil quoque addendum de divisione anni in tempestates quatuor, aut treis, quas Ægyptii pridem habuisse leguntur (imo etiam mensis interdum) pro totidem annis: ut minus sit mirum, quod hominum vitam adeo longævam, seu annorum vitam numerosorum perhibuerint.

Nihil rursus de temporibus, quæ per repetitos annos mesurantur, ut Olympiade, annorum 4. Lustro, annorum nunc 4. nunc 5. Indictione, 15. Periodo Metonis, seu Cyclo Lunari, Numerove aureo, 19. Cyclo Solari, literarumve Dominicalium, 28. Jubilæo 49. aut 50. Periodo Calippi, 76. Sæculo, 100. Periodo Hipparchi, 304. Periodo Dionysii, 532. Periodo Juliana nuper excogitata à Scaligero, 7980. Anno Magno, qui non modo, pro Revolutione jam memorata Firmamenti, sed etiam pro Restitutione omnium rerum in eundem statum, quem initio habuerint, usurpatus est, habitusque non modò ab Astrologis 25. 36. 49. millium annorum, sed ab aliis etiam aut pauciorum, ita quantalongo plurimum.

## CAPUT XXVII.

## De Epochis Temporum.

**N**ECESSE est Astronomis, dum cælesteis supputant motus, non modò certa cæli puncta, à quibus motus Siderum deducantur, supponere; verùm etiam illa quasi alligare certis momentis temporis, à quibus usque, tanquam principiis, & capitibus, supputatio incipiat. Huiusmodi porrò principia, seu capita sunt, quas Epochas vocant, quasi sint quedam veluti fixa determinataque, & cohibita, non vaga momenta. Dicuntur verò etiam vulgò *Æra*, non tam sortè ex usu Hispanorum vetere, quàm ex abusu, quo singularis, foemineaque vox facta est ex plurali, neutraque *Æra*: sic enim vocabantur pridem ærei illi claviculi, quibus Abaci supputatorii erant instructi. Dicuntur & Radices; quod ut plantæ radicibus, sic temporum series Epochis crescant.

Illustrissima porrò omnium, familiarissimaque nobis, Epoche est Nativitatis Christi, seu Kalendæ ejus Januarii, quem supponimus proximè insequentum Nativitatem Christi Domini, & à quibus ad usque Kalendas Januarias anni hujus labentis dicimus fluxisse annos completos 1645.

Etenim, tametsi nonnulli contendant natum esse Christum non statim à Brumâ, sed sub Autumnale æquinoctium; & sint Chronologi eruditi, qui defendant natum non modò uno, sed etiam duobus, sed tribus, sed quatuor, sed quinque annis priùs, quàm hæc incipiat Epoche: Ea nihilominus & probari, & retineri non desinit, tum propter usum, tum quia nihil refert ad veritatem supputationis, circumstantia actionis, aut rei, quæ Epochæ nomen, aut occasionem dat; si constet modò de quo ab heinc anno, & de quo illius momento sit sermo, cum in ipso supponimus Astrum occupasse id punctum, à quo ejus motum, seu antecesser, seu consequenter deducimus.

Constat interim cur hanc *Æram* vocent vulgarem, ac Dionysianam. Vulgarem scilicet appellant, ad discrimen ejus, quam reputant veram, & juxta quam nobis numerandus foret hic annus, non supra mille simum sexcentissimum, quadragessimus sextus, sed aut 47. aut 48. aut 49. aut 50. aut 51. Dionysianam verò ob Dionysium Abbatem, cognomento Exiguum, qui Author illius extitisse creditur, annis post Christum paul-

lò plus quingentis : à quo usque tempore (nisi potius uno, alterove sæculo pôst) cœperunt anni ab ipsa Christi Nativitate numerari ; cùm priùs solum per Consules, per Olympiadas, ab Urbè condita putarentur.

Cæterùm, ut aliquas alias, quibus partim in Chronologia, partim in Astronomia usus est, attingamus ; Prima inter sacras meritò celebratur Epoche Orbis conditi ; de qua utcumque sit insignis controversia ; videntur tamen illi propius ad veritatem accedere, qui conditum Mûndum deducunt annis ante Christum (seu vulgarem Christi Epochen) 3950.

Prima autem inter prophanas meritò habetur Epoche Olympiadum ; quarum initium ob instauratos ab Iphite Olympicos Ludos, pertinet ad ætatem antihære Christum 777.

Proxima illi est Epoche Urbis conditæ ; quam communior opinio est spectare ad annum ante Christum 752.

Apud Astronomos postissima fuit semper Epoche Nabonassari, Babyloniorum, ut putant, Regis, spectans ad annum ante Christum 747, & ad diem quidem Februarii (tunc suppositi) 26, à quo usque, coincidente cum prima die mensis Thot, supputatio fit per annos Ægyptios, quibus Ptolomæus, & alii plerique Astronomorum, etiam Copernicus, usi sunt.

Sequitur Epoche Obitus Alexandri Magni, ad quam est consimiliter annorum Ægyptiorum usus ; pertinet autem ad annum ante Christum 324, & diem Novembris 12.

Celebris est etiam ante Christum Epoche Julii Cæsaris, præcedens Christi Epochen annis præcisè 45.

Post Christum autem celebris fuit Æra Diocletiani, sive Martyrum (qui nimirum sub eo sunt passi in Regione Coptitarum, prope Nilum) dicitur vero etiam Æra Abyssinorum, & Æthiopum, pertinens ad annum Christi 283.

Itemque Epoche Arabum, alias Hegiræ, seu Fugæ Mohammedis, pertinens ad annum Christi 622, & diem Julii 15.

Ac rursus Epoche Persarum, sive Iesdagird ultimi Persarum Regis, quem devicit, interfecitque Othman, pertinens ad annum Christi 631, & diem Junii 16.

Addi his potest Epoche Reformationis Kalendarii, de qua jam antè diximus,



diximus, pertinet ad annum Christi 1582. & diem 5. mensis Octobris, à quo usque habito pro decimo quinto, desunt deinceps ad annorum Julianorum formam, dies 10.

Prætereo id moris jam esse, ut tam ipsa Christi, quàm cæteræ Epochæ (imo & reliqua tempora) referantur ad seriem annorum Periodi, idcirco vocatæ Julianæ, quòd anni, ex quibus componitur, Juliani sint.

Illius modum ut percipias: cùm memoratus Dionysius Exiguus (ac ante ipsum quoque Victorius Aquitanus) ducto cyclo Solari 28. in Lunarem 19. obtinisset Periodum annorum 532, quibus exactis isti cycli, qui simul cœpissent, simul rursus inciperent; Scaliger hac Periodo in cyclum Indictionum videlicet 15. ducta. Periodum (quæ est ipsa dicta Juliana) obtinuit annorum 7980, quibus exactis tres hi Cycli, qui simul inceperint, simul iterum incipere possint.

Et quia, ut jam in usu sunt hujusmodi Cycli (prout scilicet, v. g. numeramus hoc anno ex Solari 3. ex Lunari 13. ex Indictionali 14. fieri non potest, ut inceperint, incipereve potuerint (nempe si fingamus nostri anni formam retro ante Christum productam) nisi ante annos 6360; efficitur, ut cœpisse hæc Periodus intelligatur ante conditum Mundum.

Quare & extensa Periodo, deprehendemus Epochæ Mundi incidere in annum Periodi Julianæ 764. Epochæ Nabonassari in 3967. Epochæ Christi in 4714. atque ita de cæteris.

IN-

# INSTITUTIONIS ASTRONOMICÆ LIBER SECUNDUS, S I V E DOCTRINA THEORICA.

## C A P U T I.

*De Phenomenis variis, qua Secundorum Mobilium Theoria occasionem fecerunt.*



**T** pars Astronomiæ, de qua hæcenus, Sphærica doctrina dicitur à Sphæra, cujus beneficio Motus Primus explicatur: Sic ista, quam aggredimur, appellatur Theorica, quòd per quasdam Machinulas, aut orbiculareis figuras, quas Theorias vocare solent (fortè, quod quadam scrupulosiore contemplatione indigeant) Secundi Motus declarentur.

Cùm principio porrò prænoscentia sint Phenomena quædam præcipua, quibus observatis homines cœperunt tum cogitare motus alios, præter primum, tum excogitare Hypotheseis, juxta quas ij fieri intelligerentur; idèò adnotari hæc possunt.

Primùm universè circa omneis Planetas; observarunt imprimis nunc istis, nunc illis, horizontis locis oriri, & occidere; & sub meridianum nunc altius in Boream, nunc humilius in Austrum attolli; ac utrumque quidem certas inter metas. II. incedere omneis nunc ocyus, nunc lenius. III. aliquando majores, aliquando minores (etiam citra negotium refractionum) apparere. IV. configurari variè tum inter se, tum etiam cum Fixis: & donec quidem conjunguntur, interdum Fixas ab iis regi  
interdum

interdum ipsos à se mutuo, sive alios ab aliis; & non tamen pariter omnibus respectu omnium Terræ incolarum.

Deinde speciatim circa ipsum Solem; I. Ubi occasum subiit, habere ipsum stellas conspicuas post se occasuras, quæ aliquot post dies amplius non appareant; & oriturum habere ante se inconspicuas, quæ aliquot post dies appareant, & præxoriantur. II. Tendentem Solem ab Æquinoctio Verno in Autumnale, insumere dies 187, & ab Autumnali in Vernal, non-nisi 178. adeo ut versetur totos novem dies in signis Boreis, plusquam in Austrinis. III. Pati Solem Eclipsin interdum totalem, plerumque partialem; & in Novilunio quidem dumtaxat; neque tamen omnino. IV. Visum esse maximam Solis Declinationem tam in Boream, quam in Austrum decrescere; neque enim tantam jam, quantum olim haberi.

Circa Lunam; I. Ex quo nova apparet, ipsam sic dietis removeri à Sole, ut magis, magisque versus stellas orientales semper accedat, quousque circuitum perficiat. II. Ipsam interim variis apparere Phasibus, nempe in crescendo corniculatam, semisectam, utrumque gibbosam; & post plenum orbem decrescendo, iterum gibbosam, bisectam, corniculatam evadere. III. Eclipsin interdum pati, nunc totalem, nunc partialem, & plenilunio quidem dumtaxat; non omni; verum contingenti fere post sex menses. IV. digredi aliquando tam in Austrum, quam in Boream, nunc non-nihil magis, nunc non-nihil minus, quam Solem.

Circa Mercurium, ac Venerem; I. Ejusmodi Planetas esse quasi affectas Solis; neque enim ab eo discedere procul; sed Venerem quidem vix quicquam amplius, quam sesqui-signo: Mercurium ne signo quidem integro. II. Ipsos aliquando antecedere, aliquando subsequi Solem. III. Esse eos interdum Directos hoc est moveri in consequentia, sive secundum seriem, successionem-ve Signorum, ut ab  $\gamma$  in  $\varpi$ , à  $\varpi$  in  $\pi$ : interdum Retrogrados, hoc est moveri in Præcedentia, sive contra Signorum seriem; ut ab  $\gamma$  in  $\kappa$ , à  $\kappa$  in  $\equiv$ : interdum Stationarios; hoc est apparere per aliquod tempus neque in antecedentia, neque in consequentia moveri. IV. Ipsos quoque in Austrum, ac Boream digredi, nunc magis, nunc minus, quam Solem.

H

Circa

Circa Martem, Jovem, Saturnum; I. Non esse ipsos perinde, ac reliquos duos alligatos Soli, sed ita ab eodigredi, ut interdum quoque oppositi sunt, seu ab eo totis sex signis distant. II. Fieri quidem ipsos quotannis promotiores versus stellas orientales; verum fieri quoque aliquando Directos, aliquando Retrogrados, aliquando Stationarios. III. Tum constanter retrogrados esse, ac simul celerimos & adspectu maximos, cum ipsi Soli opponuntur; & spatium retrogradationis competere amplius Marti, quam Jovi; Jovi, quam Saturno; Tempusque è contrà retrogradationis competere amplius Saturno, quam Jovi; Jovi, quam Marti. IV. Et ipsos denique nunc magis, nunc minùs, quam Solem digredi in Austrum, ac Boream.

Circa Fixas denique; nos tueri eas semper eandem à punctis Æquinoctialibus distantiam, sed rendere quoque lentissime in consequentia; & (ut visum quidem aliquibus est) inæqualiter, hoc est nunc velociùs, nunc segniùs. Nam Spicam  $\pi$ , v. c. quam Timocharis non longè ab obitu Alexandri observavit præcedere punctum Æquinoctii Autumnalis octo gradibus; observatam esse ducentis post annis ab Hipparcho, præcedere tantum sex; & 260. post à Ptolemæo, non multò amplius gradibus tribus; ne adjiciam hoc tempore, seu annis 1500. post, observari subsequi ipsum idem punctum gradibus propè 19. Quo modo quoque Stella prima Arietis, quæ Timocharidis tempore distabat solum ab Æquinoctio Verno duobus gradibus, deprehenditur jam distare ultra gradus 28. & dictum antè obiter est stellam in extrema cauda Cynosuræ, Polarem vocatam, distare solum jam à Polo duobus gradibus, cum paullo amplius semisse, quæ tempore tamen Hipparchi distabat ultra 12. atque ita de cæteris.

## CAPUT II.

*varia genera Hypotheson salvandis, sive explicandis huiusmodi  
Phaenomenis.*

**H**Æc igitur sunt, aliaque id genus, quæ quæ fieri possent, apparentve, ut explicaretur, varii varia commenti sunt.

Universè supposuerunt omnes (Pythagoras verò, ac Plato imprimis) tameti nobis cælestes motus inæquabiles, irregularesque appareant, debere tamen æquabileis regularisque secundum se esse (neque enim difformitatem aliquam competere posse corporibus cælestibus, immortalibus, ac divinis.) Quare & quæsiere quomodo per motus circulares, æquabileisque salvari apparentia possent.

Et quia generale fuit, ut id conarentur vel ex supposita quiete, vel ex supposito motu Terræ, sicque haberi potest duplex universæ Hypothesis: idcirco, cum sequente libro de posteriore (seu iuxta quam, Terræ moveatur) dicendum sit; cognoscendum paucis hæc est, quam multiplex facta sit prior.

Supposita ergo Telluris quiete, Hypothesis prima fuit Anaxagoræ, Democriti, quorundam aliorum, qui censuerunt Astra moveri liberrimis spatiis, ac nullas proinde esse Sphæras solidas, quibus alligentur; nullum Primum Mobile, à quo abripiantur; nullum Motum secundum, quo reipsa ferantur in ortum; sed competere solum ipsis motum simplicem in occasum; ac illa apparere moveri in ortum, quæ feruntur segnius in occasum; sicque cum stellæ Fixæ ferantur omnium velocissimè in occasum, circuitumque absolvant intra horas 24. Lunam v. c. ferri omnium segnissimè, non absolventem putà circuitum, nisi intra horas proximè 25. Atque adeò non ipsam proprio motu moveri versus stellas orientales, sed deferri potius à stellis magis occidentalibus: Neque rem carere exemplo in iis, qui ad eandem metam inæquali cursu contendunt.

Hæc ad stipulati sunt recentiorum quidam, qui & addiderunt fieri motus Siderum, ac Errantium præsertim, non directè, seu per circulos parallelos versus occasum, sed obliquè, sive per Spiras; & ex hoc esse, cur ex Austro in Boream, ex Borea in Austrum sensim promoveantur.

H 2

De-

Debuerunt autem etiam addere Planetas cum retrogradi, v. c. apparent, debere cursum intendere, moverique celerius, quam Fixas; & tunc apparere majores, quod cursum demittant, sive propius Terram ferantur; aliaque id genus similia.

Altera Hypothesis eorum fuit, qui censuere Astra illigata, seu quasi implantata esse Sphæris solidis, ad quarum motum circumferrentur, & una cum ipsis abriperentur (si in inferioribus quidem forent) à Mobili supremo, seu primo.

Atque hi quidem propriè fuere, qui invexere Secundos motus; supponentes nempe non posse uni, & eidem mobili duos per se motus competere solum, cum unus per se fuerit, competere posse alium ex accidenti, sive ab extrinseco; ut dum Nauta à prora in puppim, idque, v. c. in austrum movetur per se: nam interim ex accidenti, seu ad motum navis movetur in partem contrariam, videlicet in septentrionem.

Cum ipsi porro Sphæras totales singulorum Planetarum in plures Sphæras, orbisive partiales subdividerint; aliqui tamen fecere omnes istos orbis *copunctos*, *Concentricos*, hoc est idem cum ipsa Terra, sive Mundo centrum habentibus; aliqui verò aut ex toto, aut ex parte *inobruptos*, *Eccentricos*, hoc est cum trunextra, seu aliud habentibus; quam Terram, aut Mundum.

Hypothesis Concentricorum inducta fuit ab Eudoxo, à Calippo autem, & Aristotele amplificata.

Nam Eudoxus primum, præter Sphæram Inerrantium singularem, attribuit Soli Sphærae partiales treis, Lunæ totidem, singulis aliorum Planetarum quatuor; & ea quidem lege, ut suprema quæque in omnibus Planetis sequeretur motum Sphærae Inerrantium, sive primi Mobilis (neque enim aliud ab ea agnoscebat) succedens ferretur in ortum secundum longitudinem; tertia faceret varietatem latitudinis; quarta, quibus adesset, faceret libratione quadam directionem, & retrogradationem. Ille proinde Sphæras Planetarum 26. numero statuit.

Calippus autem nullam quidem Sphæram adjunxit in Saturno, ac Jove, sed in ipsis Marte, Venere, ac Mercurio singulas; in Sole, atque Luna binas. Quo consilio, reticent omnes. Ille proinde Sphæras Planetarum 33. numero fecit.

Ari-

Aristoteles denique singulis Planetarum Sphæris, quæ non sequerentur motum Inerrantium, adjecit alias totidem, quas & Revolventeis vocavit, quòd cæteras revolverent, easque Inerrantium motui conformarent (nisi quòd Lunæ, ut infimæ nullos Revolventeis necessarios censuit.) Quare & Calippicis super-addens 22. constituit Planetarum Sphæras numero 55. & universæ cælestis Sphæras (adjuncto primo Mobili; seu Sphæra Inerrantium) numero 56.

Cum dici inter cætera ex hac Hypothesi non posset, quorsum Planetæ nunc majores, nunc minores conspicerentur, (neque enim motu ipsorum existente contentrico explicari res potuit per minorem, majoremque à Terra distantiam) censuit, qui superiore sæculo revocavit Concentricos, ipsosque Circumducenteis, Circitores, Anticircitores, Contravectos appellavit Fracastorius; censuit, inquam, posse id salvari dicendo Planetas majores, minoresque apparere pro conditione partium cæli, quas pervadunt; quæque refractionem, instar vitrorum variè figuratorum, sic variant, ut talem magnitudinis apparentis varietatem inducant.

Omitto autem ipsum multiplicasse Sphæras Planetarum ad usque 63. attribuentem nempe Soli 4. Lunæ 7. Marti 9. Saturno 10. Mercurio, Veneri, ac Jovi, singulis ij. & præter Sphæram Inerrantium, adjecisse 5. ad variandum ipsius motus; ac insuper Mobile primum; adeò ut ex ejus sententia sint cælestes Sphærae numero 70.

Hypothesis Excentricorum videretur quidem referenda esse ad Pythagoreos; sed quia illi eâ usi sunt ad motum Terræ explicandum; idcirco quod spectat ad communem sententiam, videtur omnino autores habere tum Hipparchum, quatenus illam Homocentricorum farraginem ferre non potuit; tum Ptolemæum maxime, quatenus Planetarum Theoriam per Eccentricos declaravit.


## CAPUT III.

*Hypothesis Ptolemaica, seu communis, quæ est per Eccentricos, & Epicyclos.*

**A**C fuit quidem Ptolemæus ea moderatione; ut contentus fuerit describere Planetarum vias per circulos Eccentricos; at quia invalescente opinione de soliditate Sphærarum cælestium requirebatur sollicitudine,

quī stare earū soliditas cum eccentricitate posset; idē à 200. jam annis  
cepit Georgius Peurbachius tales Sphæras excogitare.

Est heic Sphæra quæpiam totalis, v. c. ipsius Solis, quæ centro  
Mundi, Terræ existente A, concentrica sit tam secundum exte-  
riam, convexamve superficiem B, C, D, E, quæ ambitur à Sphæra  
Martis, quàm secundum intimam, sive concavam F, G, H, I, qua am-  
bit Sphæram Veneris. Assumatur punctum K, & ex ipso, ut centro,  
conceptoque aliunde Sole prope extimam superficiem in L, ducantur  
duo circuli, qui eum complectantur; constat profectò orbem totalem  
sic discretum iri in partiales treis, ut extimus, & intimus futuri sint crassi-  
tudinis inæqualis, & medius ille inter ipsos quasi excavatus, æqualis.



Et




Et quia iste medius est descriptus totus (hoc est tam secundum convexam, quàm secundum concavam sui superficiem) ex centro alio, quàm ipsius Mundi; idcirco ipse est, qui propriè, ac simpliciter appellatur Eccentricus; cæteri autem duo appellantur Eccentrici secundum quid, quatenus non-nisi secundum alteram sui superficiem Eccentrici sunt, extimus putà secundum concavam, intinus secundum convexam.

Iunctis porro centris per lineam traductam B D, & ductâ ipsi ad normam, ac per centrum Terræ A, lineâ C E; tum distantia inter duo centra AK, dici Eccentricitas solet; punctum L, quod in Eccentrico remotissimum à Terra est, Apogæum, itemque Aux, & summa Apsis; punctum M, quod proximum, Perigæum, itemque Augis oppositum, & ima Apsis; lineâ ipsa B D, vel L M, lineâ Apsidum, & ipsa C E, vel N O, lineâ Mediarum longitudinem, quasi cum Sol motus per Eccentricum L N M O, summe à terra elongetur in L, minimum in M; elongatio in N, & O, sit mediocris.


Scilicet volunt Eccentricum, cum solidus sit, revolvî ipsum intra illos duos orbes inæquales; ac Solem ipsi alligatum, implantatumve, unâ convolvî. Vocatur autem medius ille, qui à centro Solis describi concipitur circulus, Deferens Solem; uti & crassorum orbium exterior, Deferens Apogæum; interior, Deferens Perigæum.

Adnota verò, solum circulum Deferentem Solem retineri ex tota ista compagine, à Ptolemæo, ac ipsum propriè esse, qui intelligatur, & vocetur Eccentricus, nempe quatenus ipsa est Solis via, quam pari ratione habes in sequente schemate cum Eccentricitate, & Apsidum, Mediarumque longitudinum lineis. Circulus autem ille exterior, & concentricus intelligendus est representare Primum, aut extimum cælum.



Esto & alia Sphæra totalis, v. c. Jovis, quâ, superioris instar, distinctâ in orbis treis, describatur intra crassitudinem Eccentrici simpliciter circellus PQRS. Is circellus est, quem Epiculum vocant, & quem moveri quidem volunt unâ cum Eccentrico secundum ductum L N M O; sed interim tamen revolvi circa proprium centrum L, ac existentem in sui superficie Planetam circumvolvère secundum ductum PQRS.

Quin-




Quia-etiam appellant punctum supremum P, Apogæum Epicycli;  
R infimum, Perigæum ejusdem; puncta, Q & S, elongationes maxi-  
mas; & circulum illum L N M O, quem centrum Epicycli describere  
concepitur, Deferentem Epicycli.

I

Ad-

Adnota heic rursus hunc circulum esse, quem solum Ptolemæus retinet, unâ cum Epicyclo Planetam vehente; ut intelligis ex hoc schemate, in quo iterum circulus exterior refert Firmamentum, cælumve supremum.



Prætereo autem, quod ille censet, posse per Concentricum cum Epicyclo, idem explicari, quod per solum Eccentricum; ac rursus per Concentricum, cum duplici Epicyclo, idem, quod per Excentricum cum Epicyclo uno, facile esse intellectu: quatenus ipsum corpus Planetæ apparet semper eandem viam circa centrum Mundi (à quo perinde nunc remotius, nunc propius, nunc mediocriter distans efficitur) tenere.

Enimverò, ut Hypothesis juxta speciales Planetarum, Firmamenti-que Theorias declaretur, paulò uberius, & quæ recitata Phænomena sunt, explicentur distinctius, age singulas paucis attingamus,

C A-



Sit A centrum Terræ, seu Mundi, ex quo describatur BCDE, repræsentans Eclipticam in primo cælo (aut si velis in Firmamento) sub qua, & signis in ea descriptis, annuo motu moveatur Sol. Sit autem Eccentricus, qui hoc motu, & ipso quidem existente æquali, describitur, circulus FGHP; ejusque centrum R. Ducatur linea Apſidum, quæ centra connectit, BD; sitque Excentricitas AK; Apogæum F; Perigæum H; & linea Mediarum longitudinum ducatur CE, transiens per centrum Mundi A.

Hoc posito; cum Sol moveatur æquali motu per Eccentricum; Si oculus quidem noster existeret in existeret in K, observaret haud dubiè illum moveri sub Ecliptica æqualiter: at quia videt illum ex A, ideo apparet ipsi Sol inæqualiter moveri.

Discedat Sol, ex gr. ex Apogæo F, & perveniat ad L; tunc oculus ex K, videret illum quasi occupantem in Ecliptica locum M; at ex ipsa Terra, apparet quasi occupans N. Discedat ex Perigæo H, & perveniat in O; ex K, videretur in P; at ex A, videtur in Q; & ita de cæteris locis.

Linea porro KM, & quælibet alia procedens à centro K (ut KR, KS, &c.) in Eclipticam, vocatur linea Medii motus; linea autem AN, & quælibet alia à centro A, ducta (uti AC, AT, &c.) in eandem Eclipticam, linea Apparentis, sive Veri motus.

Nempe Medius motus appellari solet progressio Solis à principio  $\Upsilon$ , seu Verno Æquinoctio, ad usque illam priorem lineam, ut puta arcus  $\Upsilon$  B M. Apparens autem, seu Verus, eadem progressio ad usque posteriorem hanc; ut puta arcus  $\Upsilon$  B N. Et tamen si proclive foret, ut motus Verus diceretur idem, qui Medius; solent tamen Astronomi eundem dicere Apparentem, ac Verum; Ex eoque fit, ut etiam Punctum N, appelletur locus Solis Verus; & punctum M, locus Solis Medius.

Differentia illa inter motum Medium, ac Verum, arcus scilicet MN, appellari solet Æquatio; &, facta etiam jam familiari voce, Prosthaphæresis, qua Additio simul, & Subtrahitio significatur; quoniam habito per observationes motu Vero, talis differentia ipsi nunc addenda, nunc detrahenda est, ut eliciatur motus Medius

dius: Addenda quidem, Sole descendente ab Apogæo in Perigæum; quoniam Verus motus Medium sequitur; subtrahenda verò; Sole ascendente à Perigæo in Apogæum; quoniam Verus motus Medium antecedit. Oppositum autem faciendum est, cum motu Medio habito, inquiritur Verus.

Vides interim Sole existente in Apogæo, aut Perigæo, nullam esse Prosthaphæresin; quia tunc ambæ lineæ Veri, ac Medii motus concurrunt; & Prosthaphæresin aliunde esse maximam, Sole existente in alterutra Mediarum longitudinum G, aut I; ac tantò semper esse minorem, quantò propior est Apogæo, aut Perigæo.

Prætereo verò arcum interceptum inter Apogæum, & locum Medium Solis, id ipsum esse, quod vulgò vocant Animaliam Solis mediam (Argumentum etiam appellant) interceptum autem inter Apogæum, & locum Solis Verum, Anomaliam veram.


Prætereo quoque, tum Apogæum Solis (quod reperitur hoc tempore non longe ab initio septimi gradus ☉) progredi motu admodum lento in consequentiâ (annis scilicet singulis dodrante dumtaxat unius minuti) tum ipsam Excentricitatem reputari varietati obnoxiam; adeò ut, cum jam comperiatur esse pars semidiametri Eccentrici proximè vigesima octava, reputetur lentè, & aliquo usque increfcere, decrefcereque.

Hæc Nota; cum Ecliptica contineat 360. gradus, & Sol non percurrat illam integrè, nisi diebus 365. & horis 5. ac minutis proximè 49. idcirco Solem singulis diebus non conficere motu Medio gradum integrum; sed solum minuta 59, & 8. secunda: cum aliunde motu apparente, seu Vero conficiat, in Apogæo quidem 57. minuta dumtaxat; & in Perigæo gradum unum, cum minuto uno, pauculisque secundis.

C A P U T V.

De Theoria Lune.

**S**EQUITUR dicamus de Theoria Lunæ, in qua, & cæteris, qui sunt perfunct Planetis, attendendus est non modò Longitudinis, sed etiam Latitudinis motus:



De



De priore autem ut priùs dicamus , & crassiores illos orbis nihil moremur ; Esto in præcedente Figura A centrum Mundi ; B C D E Ecliptica ; F centrum Eccentrici (quod mobile sit circa centrum Terræ) G N M O Eccentricus ipse ; A F Eccentricitas ; F L Eccentricitas dupla ; G Apogæum Eccentrici ; M Perigæum ; G M linea Apſidum ; C E , vel N O linea Mediarum longitudinum ; P. Q R S Epicyclus Lunæ , cujus est G centrum ; Q , aut R Luna in superficie Epicycli.

Triplex heic attendendus Motus Primò Apogæi in antecedentia (hoc est à G , in T , V , &c.) regulariter super centro Mundi , diebus singulis graduum 11. minut. 12. ita ut periodus ejus absolvetur intra dies 32. hor. 3. min. ferè 9.

Secundò centri Epicycli in consequentia (hoc est à G , in X , Y , &c.) regulariter quoque circa centrum Mundi , diebus singulis graduum 13. min. 11. ita ut periodus ejus absolvetur diebus 27. hor. 7. min. 43. & hic propriè sit , quem superiùs diximus Periodicum mensem.

Tertiò ipsius Lunæ in Epicyclo , supernè quidem in antecedentia (h. e. à P , versus Q R) infernè verò in consequentia (h. e. ab R , versus S P) regulariter circa punctum L , quod opponitur Eccentrici centro , diebus singulis grad. 13. min. ferè 4. ita ut periodus ejus absolvetur diebus 27. hor. 13. min. ferè 9.

Existente centro Epicycli in ipso Eccentrici Apogæo G , dum utrumque subest , v. c. initio ☿ , in quo etiam supponatur versari Sol ; Quia linea Medii motus Lunæ est ea , quæ ducitur à centro Mundi per centrum Epicycli , idcirco coibunt in unam , linea motus Apogæi , ac linea motus Medii (inò & linea quoque motus Veri ; si Luna quidem fuerit in Q) cum linea Veri motus ea sit , quæ ducta à centro Mundi per ipsum corpus Lunæ transit ac denique etiam linea Medii motus Solis , quasi existentis in B. Suppono autem locum tam Medii , quàm Veri motus Lunæ , supputari , sicut in Sole , à principio ♄.

Perveniat Apogæum ex G , in T , factò Eccentrici centro Z ; pervenerit centrum Epicycli in X ; sicque erit A T linea Apogæi A ♄ linea Medii motus ; A ♄ linea Veri motus , linea autem Medii motus Solis A B erit omninò media inter lineas Apogæi , & Medii mo-

motus Lunæ; quòd, licet Apogæum procedat segniùs dietim duobus circiter gradibus, quàm centrum Epicycli; Sol tamen unum circiter gradum in consequentia dietim percurrans, illum detrahat motui centri Epicycli, apponat motui Apogæi.

Nota verò gradum, quo Sol insequendo Lunam dietim promoveatur, causam esse, cur Luna ad eandem rediens periodum, non amplius ibi reperiat Solem, sed debeat adhuc duos & amplius dies incedere, ut eum assequatur, ipsique rursus congregiatur; sicque cum mensis Periodicus sit dierum 27. ac ferè trientis; Synodicus fiat dierum 29. ac dimidii, cum horæ proximè dodrante; ut superius jam adnotatum fuit.

Perveniat porrò etiam Apogæum in V, in  $\gamma$ , in  $\delta$ , centro Eccentrici factò  $\epsilon$ ,  $\ast$ , L; pervenerit & centrum Epicycli in Y,  $\theta$ ,  $\vartheta$ ; & Luna perveniens ad  $\epsilon$ , totum circumierit Epicyclum; ac linea Mediù motus Solis AB intermedia semper inceserit, &c.

Quod de hac autem Schematis medietate dico; idem & de alia pari proportionem est intelligendum; utcùmque Epicycli ducti in ipsa non sint; neque item lineæ, occultique circuli designantes varios Eccentrici situs; ne nimia intricatio, confusioque inde crearetur.

Exinde interim colligere licet, centrum Epicycli occupare semper Apogæum Eccentrici in omni Coniunctione, & Oppositione media cum Sole; & Perigæum in Quadraturis; & reliqua loca intermediis proportionem temporibus; adeò proinde, ut bis in mense totum Eccentricum percurrat.

Existente rursus Epicyclo in X, Elongatio Lunæ à Sole est GX; & duplum illius, seu distantia Lunæ ab Apogæo TX; quæ cùm diceretur in Sole Anomalia, seu Argumentum; dici heic solet Centrum Lunæ.

Argumentum autem hoc loco vocatur distantia ipsius corporis Lunæ existentis v. c. in  $\ast$ , ab Apogæo Epicycli, aut Vero, quod heic est  $\lambda$ ; aut Medio, quod heic est  $\mu$  (hoc autem designatur per lineam eductam ex puncto K, quod centro Eccentrici opponitur) unde & illud Argumentum Verum; hoc autem Mediùm appellatur.

Cùmque arcus  $\lambda$  dicatur Prosthaphæresis, seu Æquatio centri; tum  $\mu$  dicatur Æquatio Argumenti. Et cùm illa addatur ad Argumentum  
mediùm,

medium, ut habeatur Verum, si centrum Lunæ fuerit minus sex Signis; subtrahatur, si majus; Ista ex opposito, subtrahitur, si minus; additur, si majus.

Ut taceam illam esse nullam, si centrum Epicycli fuerit in Apogæo, vel Perigæo Eccentrici; hanc nullam, si Luna fuerit in Apogæo, Perigæove Epicycli; Ac rursus, illam maximam esse, paullo infra medias longitudes, ut, &\*, Epicyclo exsistente in: istam maximam, cum centrum Epicycli est in Perigæo excentrici, ac Luna in contactu Periphæriæ Epicycli, & lineæ ductæ ex centro Mundi, ut C\*, Epicyclo in Y.


Taceo &, cum ipsa diameter Epicycli exsistentis in Perigæo Eccentrici appareat major, quàm in Apogæo, ut vel arguit ipsum discrimen inter arcum Zodiaci  $\pi$ , quem diameter occupat in Perigæo; & arcum  $\pi$ , quem in Apogæo; ac proportionem aliunde servata in locis intermediis; idcirco totam diversitatem distribui solere in particulas 60, quas appellant scrupula, seu minuta proportionalia; ut proportionem diversitatis adficiatur, quod congruum, est ad æquationem argumenti.

Taceo denique ipsum corpus Lunæ, ubi descendendo ex Q, per  $\pi$ ,  $\phi$ ,  $\psi$  pervenerit ad: & exinde pari ratione per medietatem aliam redierit ad Q, intelligi descripsisse non circulum, sed speciem quamdam ellipsoam, seu ovatam lineam. Atque hæc sunt quidem capita præcipua Longitudinis motum attententia.

Quod ad Latitudinis motum spectat; Notandum est, ut via Solis, seu Ecliptica Equatorem obliquè interfecat in duobus oppositis Equinoctialibus punctis: sic Orbitam Lunæ, seu descriptum Eccentricum, non jacere directè sub Ecliptica, sed eam obliquè interfecare in duobus oppositis punctis, quos Nodos appellant; & Ascendentem quidem, quo ex Austro in Boream; Descendentem, quo ex Borea, in Austrum transiunt.

Et cum id sit commune Lunæ, cum Planetis cæteris; tum ejus est proprium, ut Nodus Ascendens hac forma  $\Omega$  pingatur; & Descendens hac  $\psi$ ; & ille Caput, iste Cauda Draconis vulgò appelletur. Fortè quod, ut Draco, serpens tenuatur in caput, & caudam, tumescit in ventrem; ita spatium dimidio Orbitæ Lunæ, ac Eclipticæ comprehensum teneatur ad Nodos, tumescat

ad medium, quàm limes est, maximave digressio; ut ex hac figura intelligitur.



Notanda verò heic solùm duo; Unum, cùm Luna à Nodo discedens acquirat paulatim latitudinem, quousque ad limitem Boreum, Austrinumve pervenerit; maximam latitudinem, distantiamve, quam in utrovis limite obtinet, esse graduum quinque.


Alterum, Nodos non esse fixos in certis Eclipticæ punctis; sed progredi sensim in antecedentia; & diem quidem paulò ampliùs, quàm tribus minutis; adeò ut circuitum absolvat intra 19. ferè annos: unde existit, quem superiùs & Cyclum Lunarem; & Numerum aureum, & Perìodum Metonis appellavimus. Solet autem propterea fingi seu orbis, seu circulus concentricus Mundo, qui dicitur Deferens Nodos.

C.A.

CAPUT VI.

De Theoria trium Superiorum Planetarum, nempe Saturni,  
Jovis & Martis.

Quod horum trium motus non formâ, sed quantitate sola discrepent  
inter se; idè sufficiat universè pro illis hujusmodi schema.



In ipso, A est centrum Mundi: B C D E, Ecliptica; F centrum Eccentri; G H I K Eccentri: L centrum circuli Æquantis vocati, tantum distans à centro Eccentri; quantum hoc à centro Mundi; M N O P Æquans ipse, Eccentri æqualis, & in plano eodem cum ipso. Æquans autem hic sive orbis, sive circulus inducitur, quòd hujusmodi Planetarum motus in Eccentris, & Epicyclis æquabiles, regularesque sint, non super suis centris, sed super alieno; hujus nempe Æquantis centro. G Apogium Eccentri; I Perigium; M Apogium Æquantis; O Perigium: B D linea Apfidum; C E linea Longitudinum mediarum; Q R S T Epicyclus; G illius centrum; R Planeta in superficie Epicycli.

Triplex autem hic attenditur motus. Primus Apogei in consequentia. Hic autem fit, non semper sub Ecliptica, quemadmodum in Sole; non accedendo, recedendoque ab illa, quemadmodum in Luna; sed secundum parallelum Eclipticæ circulum; adeò ut habeat quidem diversum centrum, sed eundem tamen axem; neque aliam periodum, aut irregularitatem, quàm tribuendam Eclipticæ, cum de Firmamento agetur, obtineat.

Secundus Eccentri, seu majoris centri Epicycli G, in consequentia; h. e. à B, in C, D, E. Hic autem fit oblique ad Eclipticam; & ad circulum motus Apogei; ac secatur illorum axem non in centro, sed versus Eccentri Perigium; unde & major Eccentri pars remanet versus Apogium.

Est verò Diurnus Motus, in Saturno minorum 2. in Jove, minut. 5. In Marte, minut. 31½. Et Circulus totus peragitur, in Saturno, annis Ægyptiis 29. diebus 129. In Jove ann. Ægypt. 11. diebus proximè 16. In Marte, an. 1. diebus proximè 322.

Tertius Epicycli, seu majoris Planetæ in superficie Epicycli; & superiore quidem ejus parte (secus ac in Luna) in consequentia, ut puta in Q, R, S; inferiore in antecedentia, ut puta in S, T, Q.

Estque diem, in Saturno, minut. 57. In Jove, 54. In Marte, ferè 28. Et periodus ejus absolvitur, In Saturno, anno 1. & diebus 13½. in Jove, an. 1. & diebus ferè 34. In Marte, annis 2. & diebus ferè 60.

Esto Epicycli centrum in V; Apogium Epicycli medium X, designatum puta per lineam ex centro Mundi: Erit tum linea Me-

di

dii motus L Z; linea Veri A  $\alpha$ , & arcus  $\gamma$  B Z motus Medius; arcus  $\gamma$  B  $\alpha$  Verus. Et cum linea Veri loci Planetæ existens in  $\beta$  sit A  $\gamma$ , idem Verus Planetæ motus erit  $\gamma$  B  $\gamma$ .

Cum autem distantia ab Apogæo Eccentrici appellari heic quoque soleat non tam Anomalia, aut Argumentum, quam Centrum Epicycli, illudque aut Medium, ut B Z, aut Verum, ut B  $\alpha$ ; tum heic etiam specialiter Argumentum dicitur distantia Planetæ ab Apogæo Epicycli, Medium à Medio, ut arcus X  $\beta$ ; Verum à Vero, ut arcus Y A.

Ut præteream heic eodem modo accipi Prostaphæresin, seu Æquationem Centri, arcum videlicet  $\alpha \gamma$ , & Minuta proportionalia ex diversitate apparente diametri Epicycli; & tempus, quo Æquationes sunt aut nullæ, aut maximæ; & quo addendæ, aut subtrahendæ; & si qua sunt huiusmodi; eodem, inquam, modo heic accipi, quo dictum in Luna; ut vel ex ipsa Schematis inspectione intelligi potest.

Quamquam non est existimandum, cum Epicyclus, illiusve centrum ex G, pervenit ad V, Planetam esse solum promotum per superficiem Epicycli ex R, aut Y, in  $\beta$ , & cum ad H, in  $\gamma$ ; & cum ad I, in  $\delta$ ; siquidem priusquam Epicyclus Saturni, v. g. pervenerit ex G, ad I, ipse Planeta Epicyclum totum percurrit proximè quindicies. Quamobrem Planeta eo sine dumtaxat in iis locis depictus est, ac præterea in  $\zeta$ , cum Epicyclus pervenit ad  $\alpha$ , ut mox dicta intelligantur; utque præterea videas quomodo, cum Epicyclus pervenit ad I, Planeta esse possit in Perigæo Eccentrici, & Epicycli simul.

Quod mirabile interium heic est, ipsa est consensus revolutionis Planetæ per Epicycli superficiem, cum ipso Sole; siquidem talis revolutio completur præcisè tanto tempore, quantum est ex una Coniunctione, aut Oppositione Media cum Sole ad aliam; adeo ut in omni Coniunctione Media, Planeta existat in Apogæo medio Epicycli; & in omni Oppositione, sit in Perigæo; Sicque tantum semper distet Planeta ab Apogæo medio Epicycli, quantum linea Medii loci Solis à linea Medii motus Planetæ; ac subtrahendo proinde Medium motum Planetæ ex Medio motu Solis, Argumentum Medium Planetæ remaneat.

Ex quo licet intelligi, quantò centrum Epicycli circuit tardiùs Eccentricum, veluti in Saturno, tantò Epicyclum Planetamve in

ipſo revolvi celerius; Sol nempe Planetam aſſequitur citius. Ac licet rursus intelligi, Medium Planetæ motum junctum Motui ejus in Epicyclo, æquari Medio motui Solis.

Ad Latitudinem quod ſpectat; dependet ea quidem ex obliquitate; qua ſe habet Planetæ Orbita, ſeu Eccentricus ad Eclipticam; ſed contingit nihilominus ipſam augeri, vel minui ex inclinatione, obliquateque Epicycli non fixa, ſed mutabili, libriliſque.

Vix autem poteſt Latitudo maxima pervenire, in Saturno quidem, ad gradus 2. & min. 5. aut 6. In Jove ad grad. 1. & min. item 5. aut 6. In Marte demum ad gradus 7.

## C A P U T VII.

*De Theoria duorum Inferiorum Planetarum, Veneris nempe & Mercurij.*


**H**Oc ſce duos quoque conjunctim ſpectamus, propter formam motus communem, qua à memoratis tribus diſcrepant.

Et primùm quidem iſtis quoque duobus, tam Eccentricus, quàm Epicyclus competunt; verùm linea Medii motus ipſorum non diſcedit unquam à linea Medii motus Solis; ſed ita eſt una eademque cum ipſa, ut Epicyclorum centra lineæ Medii motus Solis veluti illigata ſint; neque poſſint proinde Planetæ longius evagari à Sole, quàm ipſi illorum Epicycli patiuntur; ſecus proſectò, ac Superiores, qui propter diverſas Medii motus lineas, etiam ad uſque ipſam cum Sole oppoſitionem à Sole diſcedunt.

Exinde interim fieri conſtat, ut non alium Medium longitudinis motum, quàm Sol habeant; utque ratione huiusce motus ſint ſemper cum Sole conjuncti; ac eadem proinde Periodo, unius anni ſcilicet, Excentricum ſuum uterque percurrant. Quæ omnia intelligi, vel ex ſola huius figuræ inſpectione poſſunt.

Et





Et conveniunt quidem rursus cum Superioribus , ut in superiore Epicycli parte, secundum; in inferiore, contra successione[m] Signorum moveantur : ac rursus , ut habeant in ipso Epicyclo Apogaeum tam Medium, quam Verum, à quo ad ipsorum ulque corpora accipiatu[r], numereturque Argumentum tam medium, quam verum ; Et pari

pari proinde ratione Prosthaphæresis, æquatiove tam centri, quàm Argumenti; adhibitis quoque minutis proportionalibus usurpetur: Verùm differunt, quòd donec versantur non modò in Apogæo, sed etiam in Perigæo, sint cum ipso Sole conjuncti; uti vel ex eadem figura mox adhibita intelligitur.

Quod superest autem, Veneris Theoria non alia est à Theoria trium Superiorum; quippe ex iisdem orbibus constat, Eccentrico nempe, ac Epicyclo, & Æquante. Quare & eadem uti figura, quæ pro illis est usurpata licet; si modò lineam Mediæ motus Solis, una transferri, & transire semper per Epicycli centrum concipiamus.

Mercurii verò Theoria eo solùm differt, quòd inter duos orbis crafos, Eccentricosve secundùm quid, concipiant alios duos itidem inæqualis, & inter duos illos collocent Æquantem; inter duos istos Deferentem Epicyclum, seu Eccentricum propriè appellatum, cujus centrum mobile sit in superficie circelli attingentis Diametro sua centrum Æquantis, & centrum Mundi; eo penè modo, quo de centro Eccentrici Lunæ in superficie circelli circumducto declaratum est; unde neque nova Figura heic videtur opus.

Prætereo porrò motum Veneris in Epicyclo esse dietim grad. 1. min. 36. ac totam proinde ipsius Periodum absolvi intra dies proximè 225. seu mensis 7. cum semisse: utcumque ob Solem interim progressum, non appareat nobis conjuncta iteratò in Apogæo, aut iteratò in Perigæo, nisi post 19. mensis.

Mercurii autem motum in Epicyclo esse dietim grad. 4. min. 5½. ac Periodum ipsius absolvi intra dies proximè 88. seu treis propè mensis; utcumque ab una conjunctione Apogææ cum Sole ad Apogæam aliam, aut à Perigææ ad Perigæam, non-nisi post 4. ferè mensis redeat.

Quod ad Latitudinis motum spectat; oritur is etiam partim ex obliquitate Eccentrici, partim ex inclinatione Epicycli; & ea quidem utriusque contemperatione, ut in Venere major sit Latitudo ad Boream, in Mercurio major ad Austrum, & in Venere quidem Latitudo interdum ad 9. gradus perveniat; in Mercurio autem non amplius, quàm ad quinque.

## CAPUT VIII.

*De Theoria Firmamenti, & super-exstructi unius, alterius-ve Crystallini.*

**D**Enique, ut & pauca quædam, ac simul quæ allata de ipso Phænomena sunt, explicentur: sciendum est imprimis, quandiū nullus fuit circa stellas fixas, præter diurnum, observatus motus, tandiū Firmamentum, cui illæ inhærent, fuisse habitum pro extimo Cælo, seu Mobili primo; uti Aristotelis ævo, & sequentibus sæculis, ad Hipparchum, & Ptolemæum usque. Ex quo autem ipsæ quoque Fixæ deprehensæ sunt in consequentia promoveri; tum Nonum cælum coepisse addi, quod esset Primum mobile, cuiusve diurnus motus esset proprius; & Firmamentum habitum pro Secundo mobili, cuius motus ille in consequentia specialis foret. Nimirum, quod duo per se motus uni mobili non competere crederentur; veluti suprâ attigimus.


Porro quia hic motus adnotatus fuit inæquabiliter peragi, ac etiam, juxta aliquos, interdum retrogradus esse, ac observatum aliunde est, Eclipticam unâ cum Fixis sic mutare situm, ut illius Obliquitas, atque adeo Declinatio Solis maxima, evaderet nunc major, nunc minor (quippe quæ tempore Ptolemæi, aut paullo antè, fuit maxima, ut putâ grad. 23. minut. 52. Ea deinceps ita decrevit, ut superiore sæculo credita minima, existerit grad. 23. min. 28.) Idcirco coepit superaddi cælum Decimum, quod esset Primum mobile; ac retineri simul cælum Nonum, dictum plerisque Crystallinum, cui ille in longum, seu in consequentia motus tribueretur; ipsi autem Firmamento assignatus est motus, quem Accessus & Recessus, ac Trepidationis Alphonsini præsertim dixerunt.

Nempe assignata ut mobili Primo, ita Nonæ sphaeræ Ecliptica immobili, fecere ipsam Firmamenti Eclipticam variabilem, seu ita luxatam in superficie duorum circellorum circa puncti Equinoctialia descriptorum, ut exinde duplex hujusmodi irregularitas crearetur. Res operosè declaratur, sed ne tot implicurtricis, ac in re præsertim, quæ fortè non admodum firmo fundamento innititur, contemur dumtaxat eam percipere extralatis circellis, facilitatis gratiâ, circa ipsa solstitialia puncta.

L

Sunto

Sunto in sequente Figura A B C D Colurus Solstitionum in Nona Sphæra ; A, & C Initia  $\mathcal{S}$ , &  $\mathcal{W}$  in eadem, E F G H, & I K L M circelli ipsis circumducti ; E, & I, Initia  $\mathcal{S}$ , &  $\mathcal{W}$  in Octava sphæra, dum Ecliptica utriusque sphære coincidit, & obliquitas minima est. Intelligatur punctum E procedere versus F, ad Boream, & punctum I versus M, ad Austrum, tum & cresceret obliquitas, quousque sit maxima ad F, ad M, & Ecliptica Octavæ sphære facta promotior versus ortum, evadat F M. Intelligantur eadem puncta procedere ab



F h G

Fin G, ab M in L, tum & decreſcere obliquitas, quouſque ſit minima, & Ecliptica Octavæ facta adhuc promotior in ortum, coëat cum Ecliptica Nonæ. Intelligantur eadem pergere à G in H, ab L in K, tum & creſcet iterum obliquitas, quouſque ſit maxima in H, & K, & Ecliptica Octavæ in occaſum reſſa evadat H K. Intelligantur denique eadem pergere ex H in E, ex K in I, tum & decreſcet iterum obliquitas, quouſque ſit minima, & Ecliptica Octavæ adhuc magis in occaſum reſſa coëat iterum cum Ecliptica Nonæ.

Atque hæc omnia quidem ea ratione, ut cum Nonæ ſphæra moveat Eclipticam Octavæ continenter, & æquabiliter verſus ortum, ipſa tamen Ecliptica Octavæ luxatione hac ſua huiusmodi motum irregularem reddat; ac velociorem faciat cum uterque motus conſpirat in ortum, memoratis nimirum punctis procedentibus per medietates circellorum EFG, & IML: ſegniorem autem, cum alter motuum in occaſum eſt, iſdem videlicet punctis procedentibus per medietates oppoſitas GHE, & LKI.

Denique autem viſum eſt ex Nono illo cælo duos facere, & ipſum Primum mobile in Undecimum locum relegare, ac ipſi quidem Firmamento motum Longitudinis, tanquam ipſi proprium reſtituere, motum verò Trepidationis partiri in duas Librationes, quarum una ab occaſu in ortum, ab ortu in occaſum attribueretur Nonæ ſphære, altera à Borea in Austrum, ab Austro in Boream attribueretur Decimæ: ſicque prior faceret illum Longitudinis motum nunc velociorem, nunc tardiorem, & poſterior nunc majorem, nunc minorem Obliquitatem.

Itaque ſolet jam Firmamento motus ille in conſequentia, Longitudinisve attribui, qui ab uſque Copernico Præceſſio, ſeu Anticipatione Equinoctiorum appellatur, quod ille, ob Motum Terræ attributum, exiſtimârit non tam ſtellas Equinoctia immota prætergredi, tendendo verſus conſequentia, quam ipſa Equinoctia ſtellas immotas deferere, tendendo verſus præcedentia. Solet & Nonæ ſphære tribui illa Libratio, quæ ideò vocatur Anomalia Præceſſionis Equinoctiorum, quod motum Præceſſionis Equinoctiorum inæqualem faciat, ac ſolet demum Decimæ attribui Libratio, quæ Anomalia Obliquitatis Eclipticæ ideò dicitur, quod Obliquitatem Eclipticæ non ſemper eandem eſſe patiatur.

Et Motus quidem Firmamenti, seu Octavæ sphaeræ peragitur lentissimè super Polis Eclipticæ, siquidem juxta Ptolemæum, circuitum unum non peragit, nisi intra annorum 36. millia: ut putà unum tantum gradum intra annos centum conficiens, tametsi successio temporis nos docuit peragere potiùs intra annorum proximè 25. millia: ut putà unum intra annos 70. gradum absolvens, utcumque aliunde Alphonsini statuerint circuitum non peragere, nisi intra mille Jubileæ, seu millia annorum 49.

Motus verò Nonæ sphaeræ fit quidem super iisdem Polis, at non circuitum perficiendo, sed leviter solum librando. Nam postquam sphaera progressa est versus ortum per duos gradus, cum triente, hoc est gradum 1. min. 10. citra, & grad. 1. min. 10. ultra Æquinoctialia puncta, reditus ab ortu in occasum fit: atque id quidem etiam perquam lentè: Nam una Libratio eundo, redeundoque peragitur solum intra annos 1700.

Motus denique sphaeræ Decimæ habens pro suis quasi Polis ipsa Æquinoctialia puncta, secundum colurum solstiorum peragitur, libratione adhuc minore, nempe per minuta non plura, quàm 24. quorum sint 12. citra, 12. ultra solstitialia puncta, habita quasi fixa in ipso Primo mobili, ac præterea duplò lentiore, cum una Libratio percurratur solum intra ter mille, & 400. annos.

At circelli quidem heic etiam describuntur, ad explicandum quomodo Librationes sub medium celeriores, sub principium, ac finem lentiores appareant, sed, ut tunc adnotabitur, cum quemadmodum rem Copernicus declaraverit, attingetur, videtur res esse magis commentitia, quàm ut scrupulosius illam prosequamur.

## C A P U T IX.

*Quare Planeta nunc Majores, nunc Minores appareant.*

**N**unc quemadmodum ea Phænomena, quæ sunt initio commemorata, quæque magna ex parte Passiones Planetarum vulgò dicuntur, ex Hypothesi, Theorisiue jam recensitis explicentur; difficile dicta admodum non est.

Ac

Ac illa quidem primum prætereo, quæ ex deductis superiore libro abundè satis intelliguntur; cuiusmodi sunt, observari Solem, aliosque Planetas nunc heic, nunc illeic oriri, & occidere; nunc altius, nunc humilior in meridianum evehi; cæteros à Solis splendore nunc occultari, nunc revelari, aliaque similia.

Cætera ut attingam; videtur imprimis nihil esse mirum, si Planetæ interdum majores, interdum minores appareant. Siquidem, cum in Apogæis sint longè à terra, quàm in Perigæis distantiores; necesse est illeic sub minore specie, heic sub maiore represententur.

Nihil necesse est admonere, non esse heic quæstionem de specie, quæ propter vapores juxta horizontem increfcit, quæque decrefcit, prout Sidera sublime attolluntur; quippe heic agimus de specie, quæ in eadem Planetæ supra horizontem altitudine, etiam meridiana apparet.

Ac in superioribus quidem Planetis res est facilis observatu, manifestaque admodum. Nam quoties Soli opponuntur, idcirco maximi apparent, quod in Perigæis sint Epicyclorum: ne memorem ipsorum speciem tantò adhuc magis increfcere, quantò magis Epicyclus ad Eccentrici Perigæum accedit. Mars certè speciatim, qui aliàs vix stellæ secundæ magnitudinis exæquatur, in oppositione tamen, sive dum Actonichus est, ac utroque potissimum Perigæo concurrente, ea evadit specie, ut Jovis, atque Veneris magnitudinem æmuletur.

Facilis verò etiam est in duobus inferioribus, Venere puta, ac Mercurio: sed Venere potissimum; quippe quæ versus Perigæum, etiam interdiu, ac sub ipsum meridiem facile videatur. Quamobrem autem non perinde videatur, cum versus Apogæum est, etsi ejus species per noctem non esse minor appareat, intelligendum est ex infra dicendis, ubi de ejus cornibus.

In Luna res est paulò difficilior: observavimus ipsi tamen ejus diametrum, dum est tam in Eccentrico, quàm in Epicyclo Perigæa, esse minutorum 31. secundorum 6. Et cum Apogæa, minutorum 26. ac 36. secundorum: utcumque alii ipsam ad tantam exilitatem non deducant.

In Sole difficillima; sed ipsi tamen illius quoque diametrum observavimus, dum Perigeus quidem est, minutor. 31. secund. 6.

quantam nempe ipsius Lunæ; Et cum Apogæus, minuit, 30. secund. 12. planè ut non integrum omnino minutum intersit.

## C A P U T X.

*Quare nunc Veloces, nunc Tardi.*

**P**Ari ratione mirum non est, si Planetæ incedere nunc ocyùs, nunc segniùs appareant. Videlicet tametsi ipsi suis in Eccentricis, & Epicyclis æquabili motu incedant, uti & incedere nobis apparent, si quemadmodum dictum est, in eorum centris existeremus; necesse est tamen observemus ipsos ferri inæqualiter, quod ipsorum motum ex centro alieno spectemus.

Heinc in Sole, exempli gratiâ; cum linea Mediarum longitudinum Eclipticam nobis in duas æquales partes dividens, sic Eccentricum dirimat, ut quæ ejus portio versus Apogæum est, major ea sit, quæ versus Perigæum; idcirco necesse est Sol appareat nobis percurrere alterum Signorum dimidium tempore prolixiore, quam alterum; atque ea de causa uno tempore incedere lentius, quam alio; sicque inæqualiter ferri; & tardissimè quidem in Apogæo, velocissimè in Perigæo.

Et quia Solis Apogæum subest hisce temporibus, ut jam antè attigimus, initio gradus septimi Cancræ, ac Perigæum adeo initio gradus septimi Capricorni; heinc apparet causa, cur ea anni portio, quæ est ab Æquinoctio verno in Autumnale; transeundo per æstatem, sit novem diebus longior illâ, quæ ab Autumnali in vernum, transeundo per hyemem. Nimirum portio Eccentrici percurrenda est per illam, quam per istam, major.

Atque exinde est, cur cum Sol observetur medio tempore conficere diem in motu apparente minuta 59. in Apogæo tamen conficiat solùm 57. & in Perigæo 61. ut supra quoque est adnotatum.

In Luna res secus se habet. Nam quia centrum Epicycli non movetur regulariter super centro Eccentrici, sed super centro Mundi, quod versus Perigæum semper est; idcirco necesse est ipsum in Apogæo Eccentrici ferri apparere velociùs, quam in Perigæo: videlicet illic



illæ majores portiones Eccentrici competunt arcibus Zodiaci æqualibus, quàm heic. Quod idem proportionè dicendum est de motu Lunæ in Epicyclo, quatenus movetur regulariter non super centro proprio, sed super puncto, quod opponitur ipsius Eccentrici centro.

Exinde verò causa est, cur tametsi Luna tam in Conjunctione, quàm in Oppositione cum Sole Apogæa sit; celerius tamen tunc moveri appareat, quàm dum fuerit in Quadraturis Perigæa.

Causa etiam est, cur cum Luna mediocri motu appareat conficere diecim circiter gradus tredecim; interdum tamen conficere non omnino undecim; interdum ultra quindecim appareat.

De Planetis cæteris alia quàm de Luna, est ratio. Nam licet moveantur regulariter non circa centra Eccentricorum, sed circa centra Æquantium, ista tamen Æquantium centra sunt respectu nostri, sive centri Mundi, ultra centra Eccentricorum; atque idcirco necesse est, ut moveri tardius circa Apogæa, quàm circa Perigæa appareant.

## C A P U T X I.

*Quare nunc Directi, nunc Retrogradi, nunc Stationarij.*

**H**æc affectio competit solum quinque Stellis Errantibus, quatenus in partibus variis Epicyclorum suorum versantur.

Nam quia Planeta in superiore Epicycli parte imitatur motum ipsius Eccentrici, centri Epicycli, qui est semper in consequentia; heinc fit, ut duplicatio motu Planeta velut dirigatur, seu secundum seriem Signorum suum cursura intendat, & per ipsum quidem Apogæum ocysimè; heinc, inde autem tantò segnius, quantò amplius ab ipso abest.

Et quia in inferiore parte adversatur motui Eccentrici, ac celerius fertur per Epicyclum in antecedentia, quàm devehatur ab Eccentrico in consequentia; inde fit, ut retrogredi, seu contra Signorum successione moveri appareat; ac per ipsum quidem Perigæum citissimè, heinc, inde tantò lentius, quantò longius ab eo versatur.

*Quia*


Quia demum in parte Epicycli descendente, seu orientali, & qua parte ex Directo Retrogradus fit; ac in ascendente, seu occidentali, qua ex Retrogrado fit Directus, hærere videtur, & eundem sub Fixis quodam tempore locum occupare; heinc est, ut utrobique stare, seu Stationarius fieri dicatur; & in descendente quidem parte esse dicatur Statio prima, in Ascendente verò Statio secunda; cum in Venere, & Mercurio illa præterea Matutina, ista Vespertina vocetur.

Et movetur tunc quidem Planeta, perinde ac aliàs, æquabiliter per Epicyclum; sed non percipit tamen oculus illius progressum; quòd motus tunc fiat oculi respectu secundum rectam quasi lineam ab ipso protensam, non secundum ductum transversum, ut idèd possit animadverti.

Non sunt autem Stationes in maximis ipsis planetæ à Sole Elongationibus, designatis per duas lineas, ab oculo, aut centro Mundi ductas, & Epicyclum heinc inde contingenteis; sed infra ipsas. Ex quo fit, ut arcus Retrogradationis minor semper sit arcu Directionis: cum & aliundè arcus Retrogradationis tantò brevior sit, quantò motus Eccentrici motui Epicycli ampliùs detrahit; arcus Directionis tantò productior, quantò motus Eccentrici motui Epicycli ampliùs addit.

Quæ omnia intelligi ut possint, attendendum solùm est ad Schemata in ipsis Errantium Stellarum Theoriis allata; aut etiam dumtaxat inspicendum in hoc, in quo centrum Mundi, seu Spectatoris oculus A; Zodiacus secundum signorum successionem B C D; Eccentricus E F G; Epicyclus E H G I: contingentes, seu maximarum Elongationum lineæ A B, A D; Arcus Directionis E H G; Retrogradationis G I E; Statio prima K; Statio secunda L.

Interim ex iis, quæ mox dicta sunt, & ex iis, quæ de singulorum Planetarum motibus tam in Eccentricis, quàm in Epicyclis antè attigimus, intelligitur fieri; ut ex tribus quidem planetis Superioribus, non retrogrediatur Saturnus, nisi 7. gradibus; aut ali-quantò plus; Jupiter, nisi 10. Mars, nisi ad summam 20. (interdum enim, nisi 12.) Ex duobus autem Inferioribus, Venus retrogre-



grediatur circiter 16. aut 17; Mercurius interdum tantundem, interdum circiter undecim.

Præterea verò, cum in istis duobus Conjunctio cum Sole sit media inter duas Stationes; esse in illis tribus Oppositionem mediam; & dum Stationes celebrantur, distare à Sole, Saturnum quidem, ultra quadrantem circuli; Jovem, triente; Martem, ultra trientem.

Præterea &, cum ex iis duobus plures sint stationes Mercurii, quàm Veneris, quoniam longè citius percurrente Epicyclum, sæpius

M

pius heinc inde à Sole fit; Ex tribus superioribus opposito modo, plures sunt Saturni, quàm Jovis, & hujus, quàm Martis; quoniam cùm Saturnus sit tardior, quàm Jupiter, Sol ipsum citiùs assequitur; & pari ratione cùm Jupiter sit tardior, quàm Mars, Sol assequitur quoque ipsum citiùs.

Dixi porro hanc affectionem competere solum 5. stellis errantibus; quoniam Sol quidem non movetur per Epicyclum, sed per Eccentricum dumtaxat; in quo proinde potest quidem videri uno tempore moveri tardiùs, quàm alio; at non propterea unquam retrogredi, aut stare: Luna verò movetur quidem per Epicyclum, & superiore quidem parte contra successionem Signorum, at quoniam motus Eccentrici (scilicet centri Epicycli per Eccentricum) est longè velocior, quàm motus Lunæ per Epicyclum; atque idcirco Luna tunc quoque velociùs devehitur ab Eccentrico in consequentia, quàm revehatur per Epicyclum in antecedentia; heinc fit, ut tardiùs quidem moveri; at non propterea stare, regredive appareat.

## C A P U T XII.


*Quid Parallaxis, ob quam Planeta aliores aut humiliores judicantur.*

**P**arallaxeos nomine intelligitur heic non quævis commutatio Visus, quæ appellatur etiam Visus aberratio, & Adspectus diversitas; ac describi solet, Differentia inter verum & visum locum alicujus Astri.

Verus porro locus alicujus Astri est punctum in Firmamento, aut supremo cælo; ad quod terminatur recta linea ex centro Terræ, sive Mundi, per ipsum Astri centrum tracta. Visus autem locus est punctum in eodem, ad quod terminatur recta linea, quæ ex oculo, per idem Astri centrum traducitur. Unde & quid ista duo puncta incidunt in eundem verticalem circulum; definiri quoque Parallaxis solet, Arcus verticalis; qui intercipitur inter verum, & visum locum.

*Esto*

Esto v. c. A centrum Terræ, vel Mundi; CBD Terræ superfici-  
cies; B oculus; EFG verticalis in Firmamento, seu supremo celo.  
Astrum sit imprimis in Horizonte sensibili H; tunc Verus locus erit  
I, terminans puta lineam AI: Locus visus K, terminans putà lineam  
BK; & arcus IK Parallaxis; scilicet discrimen inter utrumque lo-  
cum.



Quòd si deinde Astrum elevatum fuerit ad L; constat Paralla-  
xin ejus fore MN; Si ad O, Parallaxin fore PQ; & ita de cæteris  
locis.

Ubi interim adnota Parallaxin horizontalem esse maximam; ac ip-  
sam, ascendente Astro, sic decrescere, ut si Astrum ad verticem R  
pervenerit, nulla demùm sit Parallelex futura; quòd lineis veri & visi  
locorum in unum coeuntibus, idem futuris sit Verus, ac Visus lo-  
cus.

Adnotare verò etiam licet, Quò aliquod Astrum est Terræ propin-  
quius, eò majorem ipsi Parallaxin creari. Nam Astrum, v. c. in S; hoc  
est in eadem horizontali linea cum H, creat Parallaxin TK; in V, hoc  
est in eadem veri loci linea cum L, creat Parallaxin NX; in Y, hoc est  
in eadem cum O, creat Parallaxin QZ.

Quin adnotare etiam oportet Angulum, qui sit in centro Plane-  
tæ ex lineis Veri, ac Visi locorum, & cui semidiameter Terræ opo-  
ni-

ponitur, qualis est v. c. Angulus AHB, aut ALB, &c. ipsum propriè esse, qui & dicitur Angulus, & est mensura, Parallaxeos. Nimirum prout ipse est aut magnus, aut parvus, aut nullus; arcus quoque ille, qui Parallaxis dicitur, magnus, parvus, aut nullus est.

Prætereo portò esse aliam quandam Parallaxeos speciem, quæ in Luna attenditur, & tam secundum longitudinem, quam secundum latitudinem sit. Ea nempe non attenditur in verticali circulo; sed aut in ipsa Ecliptica, quam circuli latitudinum veri, ac visi locorum in diversis partibus intersecant, arcumque intercipiunt Longitudinis Parallaxin dictum: aut in circulo ad Eclipticam recto, quem intersecant duo circuli per loca verum, & visum ducti, Eclipticæque paralleli; & intercipientes arcum, qui Parallaxis Latitudinis appellatur.

### C A P U T XIII.

*Qua sit proinde singulorum, & Fixarum etiam, à Terræ distantia: quisque adeò Calorum ordo.*

**C**UM, quò major est Parallaxis, eò res visa propinquior sit; quò minor, eò distantior: idcirco in eo sunt Astronomi, ut Parallaxes Siderum, sintne, & quantæ sint, observent; quò de ipsorum propinquitate, aut remotione à Terra pronuncient.

Enim-verò, cum in ipsa Luna Parallaxis fiat admodum sensibilis (videlicet Horizontalis integrum etiam gradum excedit) in cæteris nihilominus res est subtilis adeò negotii, ut verisimilitudinem non excedat. Quippe in Mercurio, Venere, Sole, Marte, difficillimè aliqua notatur; In Jove, ac Saturno vix ulla est; & ad Fixas quod attinet, eæ sunt longè erectiores, quam ut ullam penitus prodant.

Non memoro causam hujus rei esse, quam suprà insinuavimus; quòd Terræ nimirum Semidiameter, quæ & pro communi mensura, & quasi pro duarum stationum diuensoriarum interstitio accipitur, sensibilem quidem rationem ad Lunæ distantiam obineat:

neat : ad cæterorum distantiam , adeò exilem habeat , ut ferè , aut etiam prorsùs evanescat ; quasi Terra jam velut punctum sit ; nihilque intersit , Sidus aliquod ex Terræ superficie , aut ex ejus centro spectetur.

Ut hoc tamen loco Siderum distantiam , quam ex mente Ptolemæi , Albategnii præsertim , & Alphragani deduxerunt , aliique amplexi sunt , proponamus ; quoniam illa per repetitas Terræ semidiametros explicatur ; ideo attingendum est paucis , quanta-nam Terræ semidiameter sit.

Cùm ergo , licet variz de ambitu Terræ opiniones sint ; nobis tamen propemodùm constet , esse ipsam milliarium Italicorum 26255 , quòd in maximo ad Terræ superficiem circulo respondeant uni gradui milliaria proximè 73 ; ea de causa , tum Diameter Terræ erit milliarium Italicorum 8354 ; tum Semidiameter milli-  
arium 4177.

Suppono autem , ut rem tritam , Milliare dici , quòd mille passus ( seu Stadia 8. quæ singula sunt 125. passuum ) contineat ; & Passum intelligi Geometricum ( seu duplum vulgaris ) quinque scilicet pedes continentem ; Pedem verò Geometricum intelligi ; & talem quidem , qui minor sit Parisino , seu Regio vocato , una decima quam-proximè parte. Scilicet diviso Parisino Pede in mille particulas , deprehendimus Romanum antiquum continere ex illis. nongentas , & quatuor.

Usurpo verò Italicum milliare , potiusquàm Leucam Gallicam , quòd mensura constantior sit. Tamen si , cùm Leuca Gallica mediocris contineat plus minùs tria milliaria Italica , nihil vetet allatas mensuras sic reducere , ut ambitus Terræ censetur continere Leucarum Gallicarum 8752 : Diameter 2785 : Semidiameter 1392.

Utrunque sit ; ecce distantiam , quam Arabes illi ex Ptolemæi principiis , non modò circa Solem , & Lunam ; verùm etiam circa quinque Erranteis stellas , ac Fixarum quoque Sphæram , deduxerunt. Intelligenda verò est in ipsis Planetis distantia mediocris , acceptave , cum ii versantur circa longitudines medias ; alioquin enim in Apogæo longiùs , in Perigæo propiùs distant.

	Luna,		49
	Mercurius,		115
	Venus,		618
Distantia me-	Sol,	est terrenarum	1165
diotis, qua ab-	Mars,	semidiametro-	4584
sunt à Terra.	Jupiter,	rum,	10423
	Saturnus,		15800
	Fixæ,		19000

Interim verò ex ipsa serie, quæ istæ distantie increſcunt, comprobatus manet, qui Cælorum ordo in hujusce Institutionis Proœmialibus propositus est; saltem ad usque cælum Fixarum; nam quod de cæteris dici potest, id attingimus circa Theoriam Firmamenti.

Ac solent quidem aliæ nonnullæ, præter Parallaxin, rationes afferri comprobando huic ordini; verùm illæ aut sunt fallaces, ut quæ ex umbris petitur (falsum est enim breviorẽ umbram à luminoso corpore distantiore projici, si in eadem supra horizontem altitudine, hoc est eodem gradu, accipiat, quo propius) aut à decoro assumptæ, non perinde suadent; ut dum consentaneum esse perhibent, Solem, qui princeps omnium sit, solum in medio obtinere.

Hæc certè ratio neque Platonem, neque Aristotelem movit, qui ut Lunam in infimo, sic Solem in loco succedente collocarunt. Non movit item Anaximandrum, aut Metrodorum Chium, qui Solem in supremo; Lunam in sequente; stellas Erranteis in locis succedentibus; Inerranteis in infimo habuerunt. Non item alios, qui alias, aliasque Soli, cæterisque sedeis assignarunt.

Et dicendum quidem hoc loco videretur, quemadmodum probabile sit Mercurium, & Venerem ita Soli circumduci, ut aliquando quidem inferiores, propioresque; sed & aliquando etiam superiores, distantioreſque à Terra sint, quàm Sol: verùm res est intelligenda ex ipsis tam Copernici, quàm Tychois, Systematibus sequente libro proponendis; cum heic referamus dumtaxat communem, Ptolemaicamque sententiam.



## CAPUT XIV.

*Quæ item eorundem, & Fixarum sit (sed habitis simul apparentibus diametris) vera Magnitudo.*

QUIA ex supposita distantia, & observata apparente visibilis rei diametro, judicare licet de vera illius tum diametro, tum superficie, tum crassitudine, corporeæve mole: eapropter, ubi, præter distantiam, adnotarunt etiam, illi iidem Astronomi, quantæ cujusque Sideris diametèr apparens, seu visibilis foret; pronuntiârunt etiam quæ foret Sideris cujusque vera Magnitudo.

Cæterum videtur id quoque negotium longe difficilius, quàm reputari solet, definire; quæ sit habenda Sideris cujusque diameter apparens. Nam Sol quidem suo splendore seuspectetur ipse, seu alia industria ejus diameter exploretur, negotium facit maximum; Aliorum verò Astorum disci, nunc majores, nunc minores (cum in eadem a terris distantia, ac in ea supra horizontem altitudine, quæ sit refractione immunis) apparent, prout oculus eos spectat ex variis lucis, tenebrarumque gradibus: tantò siquidem majores videntur, quantò sunt tenebræ densiores; & ne lux quidem, qua apparent exilissimi, illos, quantum par est, deminuit; ut nobis quidem constitit.

Sanè, ne illud repetam, quod de observatis à nobis Solis ac Lunæ diametris apparentibus est jam antè dictum; ac ne aliquid etiam hæc subijciam de cæteris; adnoto dumtaxat diametrum Mercurii, quæ aliquando apparet, haberique solet minorum duorum; aut trium, fuisse à nobis observatam triente minuti non majorem; idque, cum hac in Urbe, anno 1631, & die Novembris 7. manè, in ipso Solis disco apparuit, ac sua se umbella, citra telescopium, in papyro pinxit, potuitque ejus diameter cum diametro Solis comparari impunè. Præterea autem illum exiisse è marginè occiduo Solis (fuit enim retrogradus) hora 10. cum minutis 28. latitudinem Boream assequutum minorum 6. secund.

Enimverò, quia, ut jam monuimus, Ptolemæi, Sæclatorumque

que sententiam heic referrimus; ecce imprimis quantas diametros apparentes habuerint; & maxime quidem sub mediocrem illorum à Terra distantiam.

Diameter apparens	{	Lunæ	} est minuto- rum.	{	33	}
		Mercurii			2	
		Veneris			3	
		Solis			31	
		Martis			1	
		Jovis			2	
		Saturni			1	

Circa Fixas autem nihil definierunt; nisi quod Albategnius stellas Magnitudinis primæ unius minuti, ac semissis (seu quantam & Marti) diametrum attribuit.

Deinde verò ex habita cæteris cujusque distantia ac visibili diametro, obtinere diametrum veram: eamque cum diametro Terræ comparantes, cubiceque multiplicantes, Sideris cujusque crassitudinem, corpusve ita deduxerunt, ut quantum à corpore Terræ excederetur, aut ipsum excederet, designaverint. Designatio autem, quod ad Planetas spectat, hujusmodi fuit.

Sunt	{	Luna	} minores	{	39	}
		Mercurius			19000	
		Venus			28	
	{	Sol	} majores	{	167	}
		Mars			1	
		Jupiter			81	
	{	Saturnus	} vicibus	{	79	}

Quod ad Fixas verò arbitraria quadam assumptione hujusmodi

Sunt Fixæ Magnitu- dinis,	{	I	} majores	{	108	}
		II			90	
		III			72	
		IV			34	
		V			36	
	{	VI	vicibus	{	18	}

Atque hoc quidem potissimum juxta Alphraganum; astoquin enim Albategnius habens stellas I magnitudinis vicibus 102.  
ma-

maiores, quàm Terram, & stellas VI sexdecim; docet ex Mundanis corporibus secundum magnitudinem spectatis, primo loco esse Solem; secundo stellas Fixas I magnitudinis: tertio Jovem; quarto Saturnum; quinto Fixas cæteras; sexto Martem; septimo Terram; octavo Venerem; nono Lunam; decimo Mercurium.

C A P U T XV.

*Qui Planetarum Adspectus sint.*

**P**LANETARUM Adspectus, quos Græci, ~~ἡμετέριον~~ Latini appellant *Configurationes*, nihil aliud sunt, quàm mutue habitudines, quibus Planetæ se invicem, quatenus sunt in variis Zodiaci partibus constituti, respiciunt.


Et quia numerus duodenarius, quo Zodiaci Signa distinguuntur; fortitur aliquotas partes, Semissem 6, Trientem 4, Quadrantem 3; Sextantem 2, ea de causa, si Planeta uno constituto in certa Zodiaci parte, alius ab eo distet per semissem, sitque proinde e regione, dicitur esse inter illos adspectus Oppositus, sive Diametralis; si per trientem, Trinus; si per quadrantem, Quadratus, si per sextantem, Sextilis.

Et videbatur quidem præterea assignandus adspectus, qui Uncialis diceretur; quatenus Unitas 1, est etiam aliquota duodenarii pars; & potest etiam unus Planeta abesse ab alio per unam duodecimam Zodiaci partem: at talis adspectus admitti non solet, & vice illius admittitur alius, qui quasi cyphræ 0, attribuatur; cum nimirum unus Planeta nihil distat ab alio; sed illi quasi conjungitur; unde & dicitur adspectus Conjunctionis.

Res intelligenda est ex hac Figura, in qua, constituto Planeta uno in principio v. c.  $\Upsilon$ , patet, si alius sit constitutus in principio  $\alpha$ ; Oppositionis adspectum esse: si in principio  $\Omega$ , aut  $\varphi$ , Trinum: si in principio  $\boxminus$ , aut  $\boxplus$ , Quadrantum; si in principio  $\pi$ , aut  $\sigma$ , Sextilem. Si denique in principio  $\Upsilon$ , adspectum Conjunctionis; ut & inscriptæ lineæ demonstrant, & characteres quibus solent singuli Adspectus depingi; ut puta  $\circ - \circ$ ,  $\Delta$ ,  $\square$ ,  $*$ ,  $\circ$ .

N

POTIO



Porro, cum Adspectus solus Conjunctionis Syzygia dici mereatur; solet tamen vox etiam tribui & Oppositioni, & Adspectibus cæteris, abusu quodam ampliacionis.

Prætereo autem solere adspectum aliquem dici Partilem, cum Planeta unus distat ab alio exquisitè, per aliquotam partem; Platicum verò, cum aut minuta, aut gradus etiam aliqui desunt. Et cum Partilis speciatim conjunctio ea sit, qua Planeta sunt in eadem Longitudine; eam conjunctionem dici Centralem, & Corpoream, qua iidem existunt quoque in eadem latitudine, & inferior supponit suum centrum centro superioris, corporeque suo ejus corpus tegit. Quod idem proinde proportionem est de quovis Planeta, tanquam inferiore, respectu Fixarum, quibus applicatur, dicendum.

Pæ-

Prætereo item hosce Adspectus factos esse potissimum celebres apud Astrologos, qui ipsis tribuunt vim maximam tum in ciendis variis aeris mutationibus, tum in moderandis hominum fortunis; docentes, præter cætera, Oppositionem, & Quadratum adspectus esse maleficos; Trium, & Sextilem Beneficos; Conjunctionem indifferentem.

Prætereo rursus, admissis solum quinque illis Adspectibus; constare Venerem, & Mercurium referri ad Solem non posse, alio Adpectu, quàm Conjunctionis; cum illa quidem, vix unquam, plusquàm sesquifigno; hic, ne signo quidem integro ab ipso recedat.

Prætereo insuper Keplerum induxisse nuper adspectuum genera longè plura; nempe Semi-sextum, seu Duodecilem, Decilem, Octilem, Quintilem, &c. quatenus attendit non posse ex iis solis quinque admissis, rationem reddi mutationum omnium in aëre observatarum.

Prætereo demùm quas speciatim Conjunctiones Magnas & Maximas vocant. Nam, ut Conjectio quatuor inferiorum Planetarum simul, interdum Magna dicitur, sic frequentius Magna vocatur, quæ Saturni ac Jovis est, & vigesimo quoque anno contingit; cum & Magna propriè, seu potius Maxima ea sit, quæ trium Superiorum est, & contingit solum octingentesimo quoque anno; uti contigit anno hujus sæculi quarto.

C A P U T XVI.

*De variis Luna Phasibus, pro varietate Adspectuum, Configurationum-ve ipsius cum Sole.*

**Q**uia Luna corpus sphericum, opacumque est, & lucem illam primum, argenteamve inuitatur à Sole, ac ab ipso semper dimidia sui parte (aut etiam aliquantò ampliùs, prout minor est) illustratur; necesse est, ut, cum aliundè situm circa nos, ac ipsi Soli interveniendo, continenter commutet; necesse est, inquam, ut ad nos convertat nunc ampliùs, nunc minùs ex illuminato dimidio; sicque quod ex illo apparet, variis formis, figurisque, quas Phasèis dicunt, exhibeatur.

Solent verò Phasès censeri, ac nominari quatuor, pro quadruplici illo primum recitato genere adspectuum: nam ut aliundè ipsa Conjectio minùs propriè adpectus est, Phasìs propriè tunc est nulla; utpotè parte illuminata existente tota à nobis averfa, conversaque in ipsum Solem.

Non memoro autem Lunam, donec est inconspicua, siccantem, silentemque dici; & cum totum id tempus Interlunium vocetur, ipsum speciatim diem Conjunctionis appellari *Nouunius Novilunium*, itaque *Enus, novus*, quod Luna eo die sit *Vetus ac Nova*.

Prima itaque Phasis dicitur, cum Luna à Conjunctione recens, vesperque emergens è Solaribus radiis, obvertit nobis portiunculam, & ipsam quidem quasi excavatam partis illius illuminatæ (residuo, quod suprà, cælum respectante) ac tum dicitur, & maxime quidem sub ipsum Sextilem adspèctum, Corniculata, Falcataque; & Græcè *Μακροδὴς*, ob formam videlicet propriam, quam, quæ imitantur cætera, *Lunulata* appellitantur.

Secunda est, cum Luna sub septimum jam, aut octavum diem, quo quadrante à Sole abest, cavitae illa jam evanida, obvertit nobis integrum illuminatæ partis dimidium; ac idcirco *Διμήκης*, seu *Bisecta* dicitur, quod ex semi-globo nobis obverso dimidium adhuc obscurum sit; & ut semiglobus nobis ob distantiam quasi discus apparet; sic communis illa Lucis, & Umbræ sectio, quasi recta linea discum hunc bisecans, appareat.

Tertia est, cum exinde Luna ad Oppositionem properante, & maxime sub Trinum adspèctum, amplius quàm dimidium illuminatæ partis ostendat, ac idcirco vocatur *Αμφιγύρος*, *utrimque gibbosa*, quod non amplius altera parte cava, aut rectè secta, verùm tumida ex utraque videatur.


Quarta demùm est, cum propecta ad Oppositionem Luna, obvertit nobis inter Solem, ipsamque consistentibus, atque adeò ipsi ad eandem regionem cum Sole spectatis, totam partem illuminatam; ac integro proinde disco (plenove orbe) fulgens, plena dicitur, & Græcè *Παριληΰς*, quasi *Toti-lunæ*.

Notum porò est easdem Phases Lunæ decrefcenti (sed ordine retrogrado) quæ sunt increfcenti attributæ, competere; prout iterum sub Trinum adspèctum *Αμφιγύρος*, sub Quadratum *Διμήκης*, sub Sextilem *Μακροδὴς*, apparet.

Notum & eam partem Lunæ, quæ est umbra, esse semper à Sole averfam; ac ipsa speciatim cornua in vetere Luna spectare ad occasum, quæ in recente spectant ad ortum.

Potest hæc Phædon varietas sequente figura sic representari, quasi Luna à conjunctione orbem suum percurrens, talis succedenter appareat, qualis heic per circuli partis, albas relictas, exhibetur.

Moris




Moris verò est , ut eadem varietas figura proximè consequente representetur , ut intelligi quadamtenus possit , quemadmodum circumeunte Terram Luna , Sol quidem ipsius dimidium continenter illuminet , sed ejusce dimidii nunc ampliùs , nunc minùs , nunc nihil nobis obvertatur. Tametsi semicirculi ad Terram , oculumve conversi concipiendi sunt , quasi semiglobi , & curvatura , quæ in plano representari non potest , imaginatione supplenda est.

N. 3

Pauca







Pauca quædam heic adnoto. Unum, quando requiritur, Quare, cùm Phases Lunæ omnes demonstrent Lunam easdem semper maculas Terræ obvertere, admitatur tamen eam volvi circa centrum Epicycli; quo casu pars globi illius antica facta in Apogæo, deberet postica fieri in Perigæo? Responsionein esse, idcirco id fieri, quòd ipsum Lunæ corpus ita revolvatur circa sui centrum, ut quantum à motu Epicycli avertitur, tantum à proprio convertatur.

Alterum, Lunam à conjunctione primùm apparere tenuissima falce, aliquando uno, aliquando altero, aliquando etiam tertio solùm die (quod idem proportionem de ejus ante conjunctionem occultatione dicendum est) Quoniam prout est velocior, aut tardior, & partim propter Zodiaci situm, partim propter sui latitudinem, nunc rectius nunc obliquius occasura post Solem est; aliquando citius, aliquando tardius à crepusculi claritate sic eximitur, ut conspicua effici ante sui occasum possit.

Postremum, illam Luculam, quæ in Luna nova, veteraque, præter argentea cornua est, reliquumque discum exhibet conspicuum, ac Secundaria dicitur, Lunæque nativa vulgò reputatur, referendam esse ipsi Terræ acceptam: quatenus Terra reflectente in Solem, regionemque ipsi circumpositam quos ab ipso recipit radios, reperitur Luna intra eam regionem, sitque illius particeps. Argumento enim inter cætera esse, quòd à quadratura ea lux evanescat, ut Luna nimis procul abeunte, aut nimis procul adhuc absente extra reflexionis illius regionem.

Dicendum quidpiam videretur de Phasibus Veneris; sed sequente libro de ipsis commodius.

## C A P U T XVII.

### De Eclipsi Lunæ.


**Q**Uæ Græcè *Εκλειψις*, Latine *Defectus*, seu *Deliquium* dicitur; & in Luna potissimum vocatur præterea Labor, aut Labores.

Est autem Eclipsis Lunæ nihil aliud, quàm privatio lucis Solaris in Luna, Propter interpositam Terram, Scilicet, cùm Terra sit opacum

cor-

corpus, non potest Luna ipsam habere sibi, Solique intercèptam, quin Solis luce, ob quam fulget, spoliatur, & obtenebrescat.

Suppono verò rem familiarem; corpus opacum, sphæricumque projicere umbram in partem à lucido averfam; & æqualem quidem, seu cylindricam, si ipsum opacum fuerit æquale lucido; decrecentem, seu conoidalem, si minùs: incrementem, seu calathoidem, si majus (ne interrim memorem opaci dimidium in primo casu illustrari: in secundo non-nihil ampliùs; in tertio aliquantò minùs, ut vel ipsa inspectio schematis sequentis manifestum facit.



Nimirum exinde intelligitur, cùm Terra minor Sole sit, & conoidalem, seu turbinatam umbram in partem à Sole averfam continuò projiciat; esse quidem Lunam immunem defectus, si dum est Soli opposita, extra hunc conum umbrosum sit; sed necessariò deficere, si intra ipsum immergatur.

Con-

Constat verò debere Lunam esse Soli oppositam, sive per ipsum Plenilunium; quoniam aliàs Terra non potest ipsi, Solique interjici.

Constat & ipsam non ideò in omni Plenilunio deficere, quòd projiciente semper umbram Terra in Eclipticam, Luna plerumque ob deflexionem orbitæ suæ ab Ecliptica, latitudine ejusmodi sit, ut talem umbram nunc versus Boream, nunc versus Austrum præterfugiat.

Præterfugere autem vix potest senis quibusque proximè mensibus: quòd Sol percutiens Eclipticam bis in anno transeat per Nodos; seu semel per Caput, & semel per Caudam Draconis; actum Sole versante prope unum Nodum, vix fieri possit, quàm Luna ipsi opponatur nunc ampliùs nunc minùs prope alterum; sicque in umbram plus, aut minùs, vel ad Boream, vel ad Austrum Eclipticæ, incurrat.

Vix autem, dico; quia rarò quidem, sed interdum tamen contingit, ut Luna umbram præterlabatur intemerata penitus; etiam per annum integrum: quemadmodum speciatim anno ab heinc quinto eveniet.

Dico præterea, nunc plus, nunc minus; quoniam, si exstiterint quidem Luminaria in ipsis Nodis, aut proximè illos; tunc & tota Luna immergitur in umbram, creaturque proinde Eclipsis Totalis, totiusve disci; & Mora inter tenebras major, aut minor est, prout centrum Lunæ per centrum, sive axem umbræ, aut propiùs, aut remotiùs transit: ut taceam hùc quoque quidpiam facere velocitatem, aut tarditatem motus.



Scilicet, cùm diameter umbræ sit, habeaturve propemodùm triplò major diametro Lunæ, occupetque adeò unum prope gradum cum semisse, quà Luna transit (idque aliquando altiùs, aliquando humiliùs, prout Apogæa, aut Perigæa est) ipsa aliunde Luna non pervadit, nisi unum gradus dimidium intra unam circiter horam.

Potest porrò Eclipsis Totalis, & centralis quidem ex proxima Figura intelligi; ut in qua sit A B quidem Ecliptica; C D orbita Lunæ; E Luna primùm ingrediens in umbram; F Luna ultimùm egrediens; G Luna in ipso umbræ centro,

O

Non

Non centralis autem ex consequente, ut in qua Nodus non sit in centro umbræ, sed extra; ut putà in H, ac idcirco Luna per centrum non transeat.





Nota

Nota verò, Eclipsis Totales, quæ maximæ sunt durationis (tales autem sunt præfertim centrales) vix paucis minutis quatuor horas excedere, ac sæpe consistere infra, quod motus Lunæ per id tempus non sit semper tardissimus. Nota & dimidium penè hujus temporis consumi in mora intra totales tenebras; scilicet tempus Incidentiæ (hoc est ab initio Eclipsos, ad usque Immerisionis, Obscuratiōisve totalis momentum) non-nisi unius plus minùs est horæ; ac tempus Regressus (hoc est à momento primæ Immerisionis, recuperatiōisve lucis ad ipsum usque Eclipsos finem) consimiliter.

Sin fuerint autem Luminaria remotiora à Nodis; tunc potest pars dumtaxat Lunæ per ipsam umbram transcurrere, sicque fieri solum Eclipsus Partialis; ipsaque seu major, seu minor, prout distantia ab ipsis Nodis minor, majorve fuerit; ac propius adeò; remotiusve ab umbræ centro Lunæ transierit.

Et cum Lunæ diameter intelligatur dividua in duodecim uncias, seu parteis æqualeis, quas appellant Digitos; solet defectus Quantitatis per digitos (ac digitorum etiam minuta) repræsentari; & major, minorque haberi, quatenus plurium, pauciorumve digitorum sit obscuratio.

Potest verò etiam Eclipsus Partialis ex sequente uno, alterove schemate intelligi. Repræsentatur autem in utroque duplex Lunæ orbita, ut intelligatur quàmobrem Eclipsus nunc in Austrum, nunc in Boream fiat; cum prior aliundè insinuet deficere interdum Lunam, priusquàm ad Nodum pervenerit, posterior, postquàm jam superarit. Quæ eadem proportione sunt circa posteriorem Figuram Totalium Eclipsos complenda.



Prætereo heic Luculam illam, quæ in deficiente Luna observatur (quæque per totalem præsertim Eclipsin tantò rubicundior, obscuriorque evadit, quantò magis Luna versus umbræ axem, centrumve accedit) esse videri ex refractione radiorum Solarium, qui præterredientes atmosphæram terrenam, versus umbræ axem ita deflectuntur, ut ipsam umbram veluti dilutiorem efficiant, ac tantò magis, quantò minùs à margine receditur; tantò minùs, quantò magis ad axem acceditur, quò radii jam pauci, nullive perveniunt, quibus Luna vix, ac ne vix quidem interdum visibilis fiat.

Prætereo & Penumbra[m] illam, seu obscurationem, quæ initio penè inconspicua, addensatur sensim ad marginem Lunæ (& porro priusquam disci teimeratio quasi falcata appareat) ex eo creari, quòd Terra sensim subeunte Solem, lux in Luna sensim minuat; & is ejus margo evadat sensim, seu magis, magisque obscurus, cui plures pluresque Solis partes præripiuntur. Quod idem proportionè dicendum de Penumbra illa, quæ sub finem Eclipsios, restituto jam limbo, superstes, idcirco sensim evanescit, quòd plures, pluresque Solis partes, subductâ paulatim Terrâ, revelentur.

## C A P U T XVIII.

*De Eclipsi Solis.*

**Q**Uæ Eclipsis dicitur Solis, appositè magis diceretur Terræ; quippe Terra est, quæ tunc luce Solis, Lunæ interjectu, privatur, ut Luna deficiens privatur interjectu Terræ; cum alioquin Sol lucem illibatam retineat. Sed dicatur tamen Sol Eclipsin pati, quatenus respectu nostri deficit.


Deficere porro nobis Solem ob Lunam interpositam, vel ex eo manifestum est, quòd non-nisi per Novilunia, seu cum Luna ipsi est conjuncta, deficiat.

Quòd autem non in omni Novilunio deficiat, causa est latitudo Lunæ; quippe ob quam Luna aut suprà ad Boream, aut infrà ad Austrum præcreat, neque directè inter nos, ipsumque Solem transeat; transeat autem solùm, cum est in eodem (pro-

O 3

xunè

ximève) Nodo , in quo Sol ; sicque Eclipsi ; Solis tum solùm creetur , cùm ambo luminaria sunt aut simul in Capite , aut simul in Cauda Draconis (vel certè quam-proximè) ut ex hac figura intelligi potest.



Illud fortassis mirum videatur , quam ob rem longè plures Lunæ , quàm Solis Eclipses appareant : Sed causa est , quia globus Lunæ , quo nobis Sol eripitur , est longè minor globo Terræ , quo Sol præripitur ipsi Lunæ ; ut proinde longè faciliùs Luna incurrat in umbram Terræ , quàm visus noster in umbram Lunæ.

Quamquam id accipiendum est de loco Terræ determinato , ut hoc , in quo nos degimus : Nam spectato alioquin toto Terræ disco , (dimidiove superficiè , quasi plano habito) nihilo sunt Solis Eclipses Lunaribus infrequentiores ; siquidem per senos ut plurimum menses , aliquæ aut heic , aut illic terrarum contingunt.



Id autem ideo evenit, quòd Luna, cùm sit, ut mox dictum est, longè minor, quàm Terra, non possit toti Terræ disco ad Solem converso eripere Solem; sed umbram solùm in aliquam ipsius partem transmittere, nunc quidem in hanc, nunc verò in illam; unde & solet fieri, ut alicubi Terrarum Eclipsis Totalis tum sit, cùm alibi partialis solùm, alibi etiam nulla est.


Res intellectu facilis erit ex vulgari hoc schemate, in quò ubi Sol fuerit A, Luna B, Terra C; constat Solem eripi totum à Luna interposita habitanti in puncto Terræ D; dimidium habitanti in E; nihil habitanti in F; veluti etiam plus, aut minus habitantibus in cæteris locis.

Obiter verò adnotare licet ex hoc schemate, eam diversitatem adpectuum ob Lunæ viciniam creari, ut merito Astronomi de ejus Patallaxi solliciti sint; ac non ea solùm quæ Altitudinis, verùm etiam ea, quæ tam Longitudinis, quàm Latitudinis dicitur; ut ubi, & quantam nam sit Solis Eclipsin factura, definiant.

Cùm Partialis Eclipsis est, representari solet hac forma, & designari etiam per duodenas diametri parteis, sive Digitos, eorumque minuta.

Nihil interim mirum est, posse totum Solem propter Lunam deficere; quoniam tamen si Luna sit minor, est tamen etiam nobis propior; ut propterea possit apparens ejus discus apparenti Solis disco exzquari, sicque eum totum obtegere.

Id tamen discriminis est inter Eclipsin Solis Totalem, & Totalem Lunæ, quòd ista plerumque cum insigni sit Mora, tanquam non valente se Luna ab umbra terrena brevi expedire; illa vero nequeat esse



esse cum Mora, saltem valdè sensibili (neque adeò possint esse valdè diuturnæ, quæ interdum densissimæ, etiam sub meridiem, creantur tenebræ; adeò ut stellæ conspiciantur, aves condantur, aut procidant, &c.) quòd Luna motu suo in ortum Soli subtercurrens, statim ac limbo suo orientali orientalem limbum Solis attingit. Solemque adeò totum operuit, incipiat ipso occidentali occidentalem deferere, Solemque adeò revelare.

Quin-etiam contigit interdum, ut quia apparens discus Lunæ Apogeiæ minor est, quàm Perigeiæ, atque idèò minor, quàm ipse discus Solis; contingit, inquam, ut dum Apogeiæ subtercurrit Soli, & centrum centro conjunctum habet, supersit ex Sole totus circum limbus, quasi armilla aurea, aureusve quidam circulus; totum scilicet non tegente Luna.

Quòd si requiras, quæ maxima Eclipseos Solis duratio sit; perspicuum esse videtur illam duarum plus minùs esse horarum. Quippe cum Luna singulis horis conficiat plus minùs unius gradus dimidium, quanta transcurrenda Solis diameter est; ideo necesse est, ex quo Luna limbo suo orientali occidentalem Solis attingit, Eclipseque principium fecit, horam insumat, quousque idem limbus ad orientalem Solis perveniat, mediumque Eclipseos efficiat. Et quia tunc solum limbus Lunæ occiduus ad occiduum Solis pervenit, quem & mox relinquit, adeò ut cessante Incidentia, incipiat Eimerio; necesse est horam iterùm insumat, quoad usquè idem limbus ad orientalem Solis perveniat, & ab eo excedens Eclipse finem faciat.



IN-

# INSTITUTIONIS ASTRONOMICÆ LIBER TERTIUS.

S I V E

## SPECIALIA COPERNICI, ET TYCHONIS SYSTEMATA.

### C A P U T I.

*Quos imitatus Copernicus in Systemate confingendo fuerit.*



UM sit jam dicendum, appendicis loco: de Mundano Systemate, juxta mentem Copernici; & subinde quidpiam de eo, quod non multum absimilis, Braheus ipsi substituit; præfandum est, quicquid à nobis de priorè præsertim dicitur, eò spectare solummodò, ut quoniam celebre evasit, cujusmodi sit, explicetur, & quemadmodum propugnetur à suis assertoribus: Neque enim nos alioquin sponsores, vadesque ipsius præstamus.

Principio verò, cum Systema, Hypothesisve Copernici moveri Tellurem supponat; ideo sciendum est opinionem, quæ Terræ motum tribuit, esse antiquam admodum; nempe cum etiam Pythagoræ, Pythagoræ-

P

goræ-

goræorumque fuisse ostendatur; tametsi non omnes ipsam uno modo exposuerint, defenderintque.

Aliqui enim volvere Terram in centro Mundi existentem revolvi in ortum, circa proprium axem, spatio horarum 24. & exinde fieri, ut Sol, cæteraque Sidera videantur eodem spatio temporis revolvi in occasum.

Ita Epphantus Pythagoreus, & Heraclides Ponticus, ac Plato, juvenis dum esset, & nonnulli præterea alii.

Notandum est autem istos non idcirco ademisisse omnem Sideribus motum; sed ademisisse solum diurnum, tanquam afflictum ex motu Terræ; & reliquisse quibusque proprios, vuluti Lunæ menstruum, Soli annum, Marti biennem, &c. Videlicet alia ratione explicare non poterant Conjunctiones, Oppositiones, Adspæctus alios Planetarum.

Ex quo fit, ut mirari liceat censuisse Nicetam, apud Ciceronem, Cælum, Solem, Lunam, Stellæ, supra denique omnia stare, neque præter Terram aliquid moveri.

— Alii voluerunt imprimis duo quædam constare immota: nimirum heic Sphæram Fixarum, quam ut mœnia Mundi habuerunt; heinc Solem, quem in centro degentem appellarunt Jovis custodiam, & universi Lares, seu Focum. Deinde inter Fixas, & Solem, fecere mobileis Planetas, ac inter ipsos Terram, quam & defenderunt moveri, non modo diurno motu circa proprium axem, verum etiam annuo circa ipsum Solem.

Ita Philolaus Aristarchus Samius, Plato jam maturior, itemque Seleucus Mathematicus, & Hicetas, sive Oicetas (utroque enim nomine videtur idem intelligi, imò etiam fortè nomine Nicetæ, ut proinde ejus opinio potuerit fuisse non undique ipsi Ciceroni perspecta) insuperque alii nonnulli.

Jam Nicolaus Copernicus, qui fuit Canonicus Torunensis, & ante annos paullò plus centum floruit, imitatus est hosce posteriores; sed ita nihilominus, ut suppleverit aliqua, quæ fuisse à veteribus animadversa Authores non tradunt.

Ex quo autem opinio instaurata ab illo fuit, neque enim perinde restitui à Cardinali Cusano, motus Terræ propugnatore, sæculo antè uno, potuerat) amplexi eam sunt Rheticus, Rothmannus, Mæstli-

Mæstlinus, Landsbergius, Schickardus, Keplerus, Galileus, Vendelinus, Hortensius, Bullialdus, alique penè innumeri.

Atque id quidem ne Origanum, Longomontanum, & aliquos alios ex recentioribus memorem, qui adherentes prioribus, detinentesque Terram in centro, tribuere ipsi motum diurnum; & tum reliquere Planetis motus proprios explicatiùs, quam veteres; tum concessere Firmamento, seu Sphæræ Fixarum motum illum lentum, hoc est revolutionem unam, intra annorum viginti quinque millia, de qua superiore libro dictum est.

Heic adnotandum, nomine Terræ, Telluris-ve intelligi globum hunc compæctum ex Terra speciatim vocata, & aqua ipsi interfusa, & corporibus exinde prognatis. Hujusmodi autem corpora habenda sunt, Animalia, Plantæ, Lapides, Mineralia, Meteora, Ignis ipse (prout ex pingui, quæ terrena est, materia creatur.) Aer etiam, seu Atmosphæra (quatenus aliud nihil est, quam textura quædam vaporum, corpusculorumve ex terra & aqua, mistisque rebus exhalatorum) ipsaque non altum admodum evecta, ac solidiorem interim terræ, & aquæ orbem, eo pene modo, quo lanugo malum coroneum, circumvestiens.


## C A P U T II.

*Quo proinde situ, atque ordine Terram, Sideraque habuerit.*

**I**ntelligendum porro est ex subjecto heic schemate, quænam sit Terræ, ac Siderum, partim juxta Copernicum, recentioresque dispositio.

videlicet Regio Fixarum habetur pro Mundi extremo, ipsoque penitus immoto, & quantum quidem ad sensum patet, orbiculari, seu sphærico; tametsi illius figura designari certo à nobis non potest, qui neque superficiem illius extimam videmus, deprehendimusve in quid, ubi, quomodo desinat, neque intinam etiam ulla ratione discernimus, qui quicquid est sursum, à regione usque superioris aeris, quasi in eandem distantia, superficie-ve constitutum solo visu duce habemus; cum & possint Fixæ propius remotiusque

dispositæ esse ; & quæ inter ipsas apparet inæqualitas tam esse valeat propter minorem , majoremque distantiam , quàm propter majorem , minoreinque corporum molem.



Sol verò habetur pro centro adspectabilis hujus concamerationis, seu potius illius centrum occupat; ipse pariter existens immotus. Quanquam licet immotus sit, quatenus è loco suo non excedit; arguitur tamen in ipso loco, seu circa suum axem revolvi intra dies viginti septem, ex ipso motu Macularum, quæ in illo sunt observatæ, postquam Telescopium adinventum est.

Hiscæ autem duobus quasi terminis immobilibus constitutis, disponuntur in interstitio ipsi Planetæ mobiles; utpote, qui varios motus circa Solem, & sub regione Fixarum, obeant.

Ac primò quidem proximè Solem collocatur Mercurius, ut qui circuitum circa ipsum omnium brevissimum describat, eundemque citissimè absolvat; nempe intra mensem quam proximè treis.

Secundo loco statuitur Venus, quæ ut ambitu superat Mercurium, sic velocitatè superat sequentem; videlicet circuitum intra mensem septem cum semisse absolvens.

Tertio ipsa Tellus, quæ ut suo circuitu complectitur Venerem, ita ipsum tardius absolvit; ut putà solum intra mensis duodecim, sive annum unum.

Quarto Mars, qui & Telluricircumducitur, & non absolvit circuitum, nisi annis proximè duobus.

Quinto Jupiter, qui & Martem pari ratione circumnit, & circuitum, nisi annis proximè duodecim non absolvit.

Sexto Saturnus, cujus circuitus cæteros omnes complectitur, & absolvitur solummodò intra annos proximè triginta.

Adjicit Copernicus Terram inter Venerem, Martemque locatam tantà inter meare ab utroque distantia, ut in ipso eorum interstitio circumductam sibi habeat tanquam æscclam Lunam, quæ unà cum ipsa ita transvehatur circa Solem motu annuo, ut interim tamen motu menstruo ipsi Terræ circumferatur.

Adjicere deinceps licuit incedentem pari modo Jovem inter Martem, ac Saturnum, eà ab illis ferè distantia, ut in ipsorum interstitio circumductas sibi habeat tanquam æscclas quatuor quasi Lunas, sive majoris stellulas solo Telescopio conspicuas, & Medicea Sidera à Galileo indigitatas; quæ unà cum ipso Jove ita circa Solem vehantur motu duodecenni, ut interim tamen motus

peculiareis circa ipsum obeant, intima die uno, cum dodrante; succedens diebus tribus cum semisse; tertia diebus septem cum sextante; extrema diebus sexdecim cum besse.

Adjiceremus Saturno quoque circumferri duos affeclas, si qui duo orbiculi ad latera ejus interdum apparent, eadem formâ constanter forent, & non interdum acuminarentur, exporrectisque quasi brachiis, relictoque medio intervallo, quasi anslæ Saturno hærent; interdum quasi unum, idemque cum ipso corpus evaderent, proVectis contractisque heinc inde versus extremas cuspides intervallulis; ac tanta insuper varietate Saturni corpus transformerent, ut expectandum omnino sit, quousque tota & facierum & periodorum diversitas observata sedulo fuerit, priusquam aliquid pronuntietur.

Adjiciendum quin etiam erit, circumferri duos Veneri, si verum sit, quod scribitur, observatos duos ante paucos menses à Fontana Neapolitano; qui eximio illo suo Telescopio perhibetur etiam in Marte detexisse quasi globulum ad centrum, & proximè oram circuli quasi nigricantem; uti & in Jove duas, treisve transversas nigricantes fasciolas, cujusmodi nihil nos adhuc potuimus Telescopio nostro, Galileano licet, ipsoque præclaro deprehendere.

Utrumque sit, constare potest, esse Planetas quosdam primarios, ac veluti Principes, ut putà Mercurium, Venerem, Tellurem, Martem, Jovem, & Saturnum; quosdam secundarios, ac veluti pedissequos, Lunas nimirum, tam Terrenam, quàm Jovialeis, quàm cæteras, quæ reliquis globis possunt circumduci.

Postremò, censuit Copernicus spatium à Saturno ad usque Fixas interceptum, esse ingens, ac penè immensum. Quippe & distantiam Fixarum à Terra tantam fecit, ut non modò ipse Terræ globus ad regionem Fixarum collatus puncti instar sit, quod à nemine non admittitur; sed puncti etiam instar sit, quem ipse alioquin Magnum orbem dicit: ipsum scilicet quasi cælum Terræ, sive in quo Terra circuitum circa Solem peragat, cujusque adq̃ semidiameter est ipsa inter Terram, Solemque distantia.



## CAPUT III.

*Cujusmodi triplicem motum Telluri attribueris.*

**S**upposito Telluris loco, triplex motus est, quem illi Copernicus tribuit; Diurnus, Annuus, Inclinationis.

Diurnus est ipsa Telluris revolutio circa proprium axem; idque tendendo versus ortum, & peragendo circuitum intra horas 24. Adeò ut eadem Terræ pars (v. c. hæc, in qua nos versamur) nunc in Solem conversa die fruatur, nunc averfa patiatur noctem: ac ipsæ interim cæli partes, quæ ex ordine quasi occurrunt, retegunturque, oriri appareant, quæ ex opposito, retrò abeunt, occultanturque, occidere.

Annuus est ipsa ejusdem Telluris progressio per Zodiacum, hoc est sub Signis Zodiaci; dum inter Venerem, Martemque incedens, & in Orientem etiam contendens, circumducitur ipsi Soli, ac circuitum peragit, ut jam dictum est, intra annum. Nempe, dum ejus superficies diurno motu circa centrum, axemve proprium convolvitur, ipsum interim ejus centrum provehitur sensim juxta successionem Signorum; eo modo, quo voluto supra planum globo, ipsius centrum secundum longitudinem plani promovetur; donec interim superficies circa centrum, axemque globi revolvitur.

Fieri autem vult ex hoc motu, ut, quia Terra existente inter Solem, & unum Signum, Sol tum tegit oppositum, ac dicitur in illo esse; idcirco Terrâ constitutâ, v. c. in Libra, Sol esse appareat in Ariete, & transeunte Sole ex Libra in Scorpionem appareat Sol transire ex Ariete in Taurum, ac ita deinceps. Adeo proinde, ut Terra sit, quæ Zodiacum reipsâ percurrat, describatque Eclipticam; Sol verò ipse sit, qui percurrat, describatque apparenter.


Motus demùm Inclinationis, Declinationisve est ipsa deflexio axis Telluris à parallelismo cum axe Eclipticæ, & continentia in perpetuo sui secum, in quo-vis situ, parallelismo; ob quem aliundè & semper maneat axi Mundano parallelus, & æquatorem Terræ contineat ipsi æquatori Mundi parallelum, sicque dici hic valeat non tam reverâ novus motus, quàm quædam quasi motuum superio-  
rum

tum modificatio. Potest autem eodem proportionem modo intelligi fieri, quo, dum puerorum turbo supra planum convolvitur, circelloſque varios cuspide deſcribit, ipſe illius axis, tum continet ſe ſibi parallelum, ſeu in ſitu ſemper perpendiculari; tum continet quoque baſin turbinis ipſi horizonti ſemper parallelam.

Nimirum, ſi in magno orbe, de quo eſt paulò antè dictum, concipias tum Eclipticam, tum interſecantem ipſam Æquatorem, cuius planum intelligatur eſſe in Fixarumque productum; ac ſimul Axis per Solem tranſiens intelligatur in eandem regionem, quouſque in polos deſinat, tractus: ſinge deinceps Terram eſſe in principio Arietis, & ipſius æquatorem cum mundi æquatore, illiusve plano coincidere; erit tunc ſanè axis Terræ axi Mundano parallelus. Concipiendum autem præterea ſolum eſt, dum Terra exinde verſus Taurum, porroque progreditur, illius axem non divaricari, ſed contineri ſemper ſibi ipſi, & axi mundano parallelum, ex eoque fieri, ut ejus æquator Mundi æquatori parallelus maneat.

Rem non malè capies, ſi acceptâ præ manibus vulgari Sphærâ, ipſam habeas pro magno orbe, globulumque adeò intimum pro Sole; axem pro portione axis mundi, & Æquatorem, pro circulo in plano Æquatoris Mundi conſiſtente: Ac tum ad manum quoque aſſumas globulum quempiam ſuo axe tractum, quem pro Terra ducas, & ipſum ita applices Sphæræ ad initium Arietis, ut in ipſo plano æquatoris ſit, & axiculum ſuum ipſi axi Sphæræ parallelum habeat: Deinceps autem globulum ſic ſenſim, & ex ordine traducas per Eclipticam, ut & axis axi, & æquator æquatori parallelus indefeſſe teneatur.

Quin etiam, quantum licet in plano rem utcumque repræsentare, esto in schemate sequente ABCD Sphæra fixarum; AC axis Mundi, EFGH Magnus orbis, ac in ipsius superficie FH, Æquator, ejusque axis transiens per Solem (in centro subesse intellectum) EG. Esto Ecliptica IK, & Terra per ipsam incedens multiplex ille orbiculus suo ubique axe, suoque Æquatore notatus. Cernere licet, si Terra quidem in Æquatore Magni orbis fuerit, habere ipsam suum Æquatorem cum Æquatore Mundi coincidentem, &



suum axem non coincidentem quidem cum axe mundi, sed parallelum tantum ipsi (nimirum concipiendum est axem A C, vel ejus portionem E C, per centrum magni orbis transire, axiculum verò L M esse in ejusdem orbis superficie.) Sin. Terra extra Equatorem magni orbis fuerit, tueri ipsam semper suum Equatorem ipsi Equatori mundi parallelum, & axem axi similiter; neque pati unquam, ut divertatur, versus axem Eclipticæ, quæ heic esse intelligitur N O.

Notandum verò obiter, cum dici heic audis Equatorem Mundi, Axem Mundi, Polos Mundi: id fieri, retenta denominatione ex vulgari Hypothesi; quatenus Terrâ revolutâ in ortum, totus Mundus apparet revolvi in occasum secundum hunc Equatorem, circa hunc Axem, super his Polis; qui reipsâ nihil aliud sint, quàm Equator, Axis & Poli ipsiusmet Terræ diurno motu circumvolutæ.

Quamobrem porro Tertius hic motus excogitatus, in vectusque à Copernico fuerit, aliquantò post commodius dicetur.

## C A P U T IV.

*Quam ob rem de motu, quieteve Telluris, aut Siderum, fidendum sensui non duxerit.*

QUONIAM verò isti-ne motus Telluri competant, annon, in controversiam vertitur, & res videtur debere sensui, aut ratione disjudicari; idè statuit Copernicus dixim hanc litem ex eo, quod sensui apparet, non posse.

Siquidem, ipso etiam Aristotele attestante, ad hoc, ut res visa moveri appareat, nihil prorsus refert, ipsane, an oculus videns moveatur; utrovis enim modo, motus imputatur rei visæ, ab oculo; ac ipse quoque Philosophus, ad rem monstrandam, utitur exemplo navigantium, quibus à portu solventibus apparet terra recedere;

*Provehimur portu; terræque, urbesque recedunt.*

Quocirca, ait Copernicus; ad hoc, ut Astra tendere in occasum appareant, nihil interest, ipsa-ne eò reipsâ tendant, an spectato-

ris

ris oculus, unâ cum Terra tendat in ortum: cum utrovis modo ea sint apparitura tendere in occasum. Et, ut Sol appareat ex Caelo in Leonem discedere, nihil refert, an reverâ discedat, an spectator sit, qui unâ cum Terra discedat ex Capricorno in Aquarium; cùm Sol utrovis modo appariturus sit ex Cancro in Leonem transire.

Videtur proinde res sic concipienda, ut si quis Mediterraneus, marisque inexpertus transferatur dormiens, nesciensque in navim. Nam, ut iste expergefactus juraturus sit accedere litus, aut recedere, navigi verò stare immotam; quatenus omneis navis parteis eodem semper situ inter se manere conspiciet, & nautas per ipsam, ut per domum terræ hærentem, quiescere, discurre, scandere malum, &c. ac ipsum litus interim evadere aut accedenti propius, aut recedenti distantius; Sic nos in ipsa Terra nati, educati, assuefacti (quod est adhuc amplius, quàm esse translatos) faciliè juraturi sumus Sidera esse; quæ nobis oriuntur, aut occidunt, Terram verò immotam esse; quòd omneis ipsius circumpositas nobis parteis eodem semper situ inter se observemus, & in ipsa, ut in domicilio fixo quiescamus varièque moveamur, ac aliunde Sidera extra ipsam posita in situm interim altiore, depressoque nobis evadant.

Discrimen solummodo est, quòd ille exire è navi, & in portu se sistere, unde hallucinationem deprehendere, colligereque liceat, possit; nobis verò exire è Terra in fixum locum non liceat, unde moveri Terram experiamur, fallaciamque nostri visus emendamus.

Heinc, quia donec in Terra sumus, oculus est semper eodem modo affectus, atque idcirco incapax, quo dijudicari controversia possit, Terranè moveatur, an-non; ideo sola superest Ratio, quæ faciem quasi præferat, & utra pars problematis sit potissimum probabilis doceat.

Opinantur porrò & Copernicus, & qui ab ejus partibus stant, suffragio rationis se esse potiores. Id autem cognoscendum est, tum ex iis rationibus, quibus sententiam suam propugnant; tum ex iis exceptionibus, quas rationibus impugnantium opponunt.

Q

CA-

## C A P U T V.

*Quæ rife magis congrua rationes ad adstruendum motum Telluræ Diurnum.*

**N**Am quod ad Diurnum quidem motum spectat; Tollitur PRIMÔ, inquit, vastissima illa Primi mobilis sphaera Firmamento superstructa, & ad hoc solum excogitata; ut inferiora omnia abripi ab ipsa diurno motu intelligantur. Nimirum Terra simplici corpusculi sui versus ortum revolutione, Primi mobilis vice fungitur, ac tantum præstans, quantum ea Sphaera, cælos interim, sideraque omnia eo labore subleuat, ut incessantem illam abreptionem haudquaquam patiantur.

Atque id quidem pro genio Naturæ, quæ nunquam præstat per ambages, quod potest per compendium; neque per plura, quoties quid potest æquè commode per pauciora.

SECUNDÔ, tollitur proinde insana illa rapiditas, quæ necesse est, Sphæram illam ferri. Quod etiam rapiditas in motu Terræ obijcitur, quatenus assumptum in ejus æquatore punctum celeritatem bombardici globi; dum è fistula exit; æmuletur; cum etiam acceptum in æquatore Firmamenti, juxta communem sententiam, abripitur necesse sit quinquagies millies rapidius, quàm ejusmodi punctum Terræ.

Ut prætereatur interim, Naturam harmonice omnia præstantem, non pusillas res ad quietem, ingentis ad motum; verum illas potius ad motum, has ad quietem comparare. Atque heic quidem id tanto magis, quanto aliunde Terra ex natura figuræ suæ volubilis est, extremum verò Mundi corpus, cujus figuræ exterius sit, ut paullo ante dictum, nescitur; cum & ejus esse probabile sit, quæ sit ad quiescendum, consistendumve maxime idonea. Nam & quod alioquin tanta Machina, quantus est totus Mundus, incessanter circumrotetur; & perplicitate quidem inexcogtabili; sola hæc Terræ pillula, habita pro puncto, imnota consistat, invariataque moneat; qui haberi congruum, aut concinnum possit?

TERTIO, tollitur perpetua violentia inferioribus cælis facta; dum præter propriam inclinationem, qua in ortum tendunt, principium ex-

trin-

trinfecum est, quod vñ in regionem oppositam imprimens, ipsos in oceanum abducit. Ac si foret quidem violentia naturæ inclinatione minor, res videri posset tolerabilis; at illam ita excedere, ut sit in Saturno plusquam decies millies ac septingenties major; & tantos hic excessus multiplicetur in Firmamento plusquam octingenties nonagies: quæ videatur res posse tolerari?

Ex quo sit proinde, ut mirari liceat, Authores communis sententiæ alienum esse existimare à natura, perfectioneque divinorum corporum, ferri inæquabiliter; & reputare tamen dignum, ut ipsa eadem corpora distraherentur tantoperè: & cum revereri Naturam videantur; non verè eos tamen in ipsam, inferre infandam violentiam; ac professos præsertim nihil, quod violentum sit, diuturnæ esse durationis.

QUARTO, tollitur ea absurditas, nisi impossibilitas potius, quam non satis cavent, qui volunt sphaeram inferiorem intra superiorem revolvì, & simul ab ea abripi. Nempè, cum oporteat ambas superficies, convexam scilicet illius, & concavam hujus, esse ut contiguas, ita æquabilissimas; constat profectò impressionem fieri hoc casu nullam posse, propter invariaturum utriusque in suo loco situm; itaque adeò propter defectum pressionis, quæ sine excessu è loco, aut commissura partium; intelligi fieri aliquam non potest.

Ne addatur cælestia spatia convinci esse fluida, non verò sphaeris solidis, quæ abripiantur, occupata; tum ex Phasibus Veneris, de quibus aliquanto pòst; tum ex Cometarum per ea trajectione; tum ex defectu refractionum; tum argumentis id genus aliis.

QUINTO, tollitur contrarietas, seu distractio motus ejusdem Planete in parteis contrarias; ac unus dumtaxat, inque unam partem, & ipse quidem admodum moderatus, relinquitur motus. Nam Saturnus, exempli gratiâ, non singulis diebus circumibit Terram; sed Terra hoc motu ipsum sublevante, totis solum triginta annis perlustrabit Zodiacum semel; & Luna non tricies circumibit Terram in mense; sed Terra hunc motum recipiente in se, circumibit semel dumtaxat; & sic de cæteris Planetis.

Pari autem ratione Cometæ, si qui fursùm appareant, non ferren-

rentur simul & suis trajectionibus, & abreptu Mobilis primi; sed suis trajectionibus solum agentur per æthera, ac motus interius diurnus ipsis affingetur ex ipsa Terræ revolutione. Ac pari rursus modo, si Novæ quæpiam Stellæ in cælo nascantur, quæ specialibus careant motibus, ut celebris illa anni 1572. in constellatione Cassiopeiæ visa; & alia rursus anni 1604. in pede Serpentarii, tum, cum ibidem Magna conjunctio trium superiorum Planetarum fuit; Pari, inquam, modo hæc stellæ perinde constabunt, ac perpetuæ Fixæ; Terra verò perinde illis motum diurnum, sui revolutione, ac Fixis perpetuis, affinget.

POSTREMÒ, aiunt; ut congruum est magis circumlustrari à navi marinam oram, quàm ab ora ipsam navem: converti ex ordine oratoris faciem ad varias auditorii parteis, quàm totum circum auditorium ad faciem oratoris immotam; & alia id genus similia; ita videtur magis congruum, convertere Terram seipsam ad parteis cæli varias, quàm totam regionem cælestem ipsi immotæ circumferri; ac potissimum, cum, ut dictum est, idem utrovis modo appareat.

Tantò autem est, addunt, magis consentaneum convertere Terram parteis sui varias in Solem, quàm Solem ipsum varias Terræ parteis circumlustrare, quantò ipsa est Terra, quæ Sole, non Sol, qui Terra indiget; cum sit magis secundum naturam, ut quod alio eget, versus illud tendat, quàm ipsum nihil egens versus id, quod eget.

## C A P U T VI.

*Quæ visa magis congrua ad asserendum Annum.*

QUOD attinet verò ad Annum; PRIMÒ quidem inquit, cum Sol sit veluti cor, & lucis, caloris, vigorisque fons, quo tota regio Planetaria perfunditur, ac animatur; nempe, ut opportunè confideat is Moderator, & quasi Princeps.



*Ad cuius numeros & Dii morvantur, & orbis  
Accipias leges, præscriptaque fœdera servet.*

Certè illa Solis circumvolutio propemodùm menstrua circa proprium axem, de qua paulò antè, occasione est, ut concipiant Solem emissus à se radiis compellere omneis Planetas ad imitandum eundem motum; ac fieri exinde, ut quò unusquisque Planeta Soli propior est, eo citiùs circuitum absolvat, tanquam potentiùs, propter radios confertiores, circumabductus. Neque verò ad hoc obflare aut debilem radiorum vim, aut Planetarum corpoream molem. Nam Planetas quidem ex se neque graveis, neque levis esse; ac ideo posse minimo impulsu, momentove mutare locum; Radios verò, quos experimur impingi, reflecti, subingredi, discutere, exurere, ac dissolvere corpora, posse ea vi pellendi esse præditos, qua Planetas nullatenus resistenteis moveant, atque circumducant.

SECUNDÒ, si dispositionem tam quoad Magnitudinem, quàm quoad Motuum Planetarum spectes; erit Mercurius minor, simul, & celerior Venere, hæc Terrà, hæc Marte, hic Jove, hic Saturno; quæ series & concinna est, & instituto naturæ digna. Ac series quidem motuum extra omnem controversiam est: quod ad magnitudinum verò seriem spectat, non desunt quidem, qui existiment Terram esse non modò Marte, verùm etiam Jove majorem: sed nempe cùm res pendeat ex limitatione parallaxeos, & apparentis diametri, quod negotium esse alex plenum superiùs insinuatum est: mirum nihil est aliquibus, secus quàm cæteris videri.

Utrùmque autem sit; saltem constat in vulgari Systemate nihil esse posse perturbatius, tam quod ad magnitudinum, quàm quod ad motuum seriem spectat. Nam in eo Luna est Mercurio major, hic minor Venere, hæc minor Sole, hic major Marte, hic minor Jove, hic major Saturno. Et rursus; movetur Lunæ motu menstruo, Mercurius annuo, Venus etiam, Sol pariter, Mars annis 2. Jupiter 12. Saturnus 30. Firmamentum 25000. Nona sphaera 1700. Decima 3400. Primum mobile horis 24.

TERTIÒ, præclare exinde explicatur, quam ob rem Mercurius, & Venus non multùm digrediantur à Sole, neque unquam

*Ter-*

Terram se inter , ac Solem constitutam habeant ; Mars verò , Jupiter ac Saturnus digrediantur summopere , ac Terram interdum se inter , ac Solem intercipient. Nempe vel sola Systematis inspectio rem clarè demonstrat : cum juxta communem sententiam fingere lineam inter Terram , Solemque tensam oporteat , in qua centra Epicyclorum , tam Mercurii quàm Veneris , quasi illigata cohæreant ; & ab hac tamen illigatione centra Epicyclorum Martis , Jovis , ac Saturni libera sint ; neque afferri alia disparitatis ratio , quàm Systematis inconcininitas possit.

Ne memoretur interim , quàm inhumanam fieri oportuerit cæli Veneris crassitudinem , ut intra ipsam tantæ capacitatis excavaretur Epicyclus , qui digressiones maximas heinc inde à Sole complexurus , ostentaret diametrum quartæ , & amplius parti ambitus cælestis subtensam.

QUARTO , præclarius adhuc est , quod ex hoc Systemate , & motu Telluris per Zodiacum supposito , tum farrago illa Epicyclorum aboletur ; tum omnes Planetarum Stationes , Repediationesque tolluntur ; tum unusquisque Planeta suo uno motu , unoque tenore , ac in eandem partem constantissimè agitur ; ut sanè decet corpora tanta ; ac interim quicquid Stationis , Retrogradationisque , & in ipsa quoque Directione alterationis motus , est , affingitur ipsis Planetis à visu , ob Terram inter eos transitam.

Quippe , quod ad Mercurium quidem , Veneremque attinet ; non ii alternis in consequentia tendunt , in antecedentia regrediuntur ; sed qui spectarentur ex Sole , ut centro suorum motuum , ire semper in consequentia , ac uno tenore Zodiacum percurrere ; necesse est nobis , qui extra hoc centrum , extrâque ipsorum circumductus versamur , apparent ire , rediréque ; & dum nos interim circa idein centrum , sed lentius circumducimur , appareant itus , reditusque nunc in his , nunc in illis locis Zodiaci perficere.

Cum Stationes verò perinde in hac , atque in communi Hypothesi intelligantur ; non apparere ipsas tamen in excensu , aut ascensu per Epicyclum inter Solem , Terramque contentum ; sed potius per circulum , cujus centrum sit ipse Sol (adeo ut hi duo Planetæ nunc infra , seu citra Solem veniant , nunc tantundem supra , ultrâve eum abeant ; quod & Egyptii veteres ,  
&

& postea Martianus Capella, alique nonnulli opinati sunt) tum alia quædam arguunt; tum ipse Phases Veneris telescopio observatæ convincunt.

Venus scilicet apparere plena (proximè) non potest, cum vesperi à Sole emergit, & ad Stationem primam tendit; nisi quia ultra Solem facta, hemisphærium sui (aut quam-proximè) illustratum nobis obvertit. Neque dimidiata, cum circiter medias versatur longitudes; nisi quia obvertit dimidium dumtaxat ejusdem. Neque corniculata, cum infra discedens, redit ad Solem vesperi; nisi quia dimidio minus. Neque rursus corniculata, cum manè à Sole emergens, properat ad Stationem secundam; nisi quia tunc quoque obvertit minus dimidio. Neque rursus bisecta sub medias longitudes; nisi quia iterum dimidium. Neque denum iterum plena, cum manè Solem repetit; nisi quia rursus hemisphærium totum (proximè) illustratum obvertit.


Quæ omnia quidem intelligi vel ex sola schematis appositi inspectione possunt, quatenus Phases, quæ ad lævam, Veneris discum referunt, qualis oculo exhibetur; & quæ ad dextram sunt, insinuant exhiberi alium non posse, ob dimidium globi illustratum, quod semper quidem Solem respectat, sed nunc plus, nunc minus convertitur ad oculum, avertiturve ab oculo. Prætereo autem notum esse, si Venus feratur in Epicyclo, qui esset infra Solem totus, ipsam nunquam non modò plenam, sed ne exquisitè quidem dimidiatam apparituram.

Quin-etiam nunquam appareret telescopio exilissima, dum evadit plena; neque amplissima, dum corniculata; nisi plena foret in cellissimo, & corniculata in humillimo situ. Dico autem telescopio; quoniam alioquin nudo visu, tanta penè apparet, dum non longè est à conjunctione citra Solem; quod spuria luce circumradians (uti & luminosa omnia procul, ac è tenebris visa) tametsi illeic sit orbe exilis, circum tamen tota refulgeat; heic non-nisi falce sit tenui, ea tamen, quod aliunde sit majoris orbis portio, præstet, ut tunc Venus interdiu videatur, quæ perinde interdiu, donec plena est, videri non potest.

Quod ad Martem vero, ac Jovem, Saturnumque attinet; non ii

R

al.



alternis directè eunt , cursumque reverà reflectunt ; sed qui spectarentur ex Sole (& ex Terra quoque , si quiesceret) tendere semper in  
con-

consequentia ; necesse est nobis , qui intra ipsorum circuitus , & celerius quidem , quàm ipsi , in orbem movemur ; necesse est , inquam Regredi appareant , quoties versus eandem regionem , ac propè ipsos facti prætervadimus , Solemque ex parte altera habemus quasi eos nempe sic assequendo , & mox à tergo sic relinquendo , ut visus noster ad stellas Fixas , non jam consequenteis , sed antecedenteis , illos referat.

Ex opposito verò necesse est Dirigi , seu in consequentia moveri appareant , quoties in oppositas parteis imus , ac Terra sic progreditur , ut Solem , ipsosque ad eandem partem habeat , & visus illos referat ad stellas Fixas consequenteis.

Necesse est demùm , ut stare appareant , quoties à regione opposita in eandem , aut ab eadem in diversam transimus ; quòd Terra tunc ita moveatur , ut visus per aliquod tempus referat ipsos ad easdem stellas. Quæ omnia vel ex ipsa inspectione depicti ante Systematis , & fictione motuum per circulos proprios , intelligi possunt.

Quintò cum proinde mirabile sit , fieri semper hosce Planetas in oppositione cum Sole Retrogrados ; in conjunctione Directos ; nunquam aliis locis , aut temporibus ; nec possit communis opinio causam dicere , cur id fiat ; dicit tamen ista præclare , ex dispositione Systematis , juxta quam prorsus necesse est , ut res fieri hoc modo , non alio appareat.

Quin-etiam præclare simul causam dicit , cur hi tres Planetæ adeò magni sint in oppositione , seu quo tempore Acronychi sunt , præ reliquis temporibus : Nempe , quia tunc Terra proximè eos transit.

Cur item Retrogradationes sint in Saturno frequentiores , quàm in Jove ; in hoc , quàm in Marte : Nempe , quia Terræ sæpiùs Saturnum lentissimum , quàm Jovem paulò velociorem assequitur ; ac Martem cissimum omnium , ut tardius , ita frequentius.

Cur ex opposito Retrogradationis arcus in Marte major , quàm in Jove in hoc , quàm in Saturno sit : Nempe , quia Martis Retrogradatio ob propinquitatem propius incipit , & definit longius , quàm in Jove , & ob eandem rationem in hoc , quàm in Saturno , atque ita de cæteris.

Denique , cum cæteri Planetæ Retrogradi , & Stationarii appareant ; quorsum id non competere Lunæ , ac Soli existimemus :

Nisi quia Luna quidem nobis, ubicumque sumus, tanquam circa centrum circumducitur; Sol verò ipse est, circa quem ipsi semper circumducimur; neque ille potest non videri semper procedere in consequentia, ad oppositam nobis partem.

## C A P U T VII.

*Quæ visa demùm magis congrua ad motum Tertium inducendum.*

Quod tandem spectat ad Tertium motum, seu, mavis, expostam illam in parallelismo axis continentiam, fuit IMPRIMIS ex-cogitatio illius necessaria, ut dierum, & noctium; æstatisque, & hyemis vicissitudo observetur.

Nimirum, si Terrâ translatâ per Zodiacum, conceptus in ipsa Æquator in idem cum Ecliptica planum coincideret, ejusque axis fieret axi Eclipticæ parallelus; ac polus adeò Mundi cum polo Eclipticæ idem foret; perpetuum ubique foret Æquinoctium; & habitantibus sub Ecliptico Sol perpetuò transiret supra verticem; habitantibus heinc inde versus utrumque polum, eveheretur perpetuò ad eandem altitudinem meridianam; habitantibus sub polis appareret semper horizontem circum præter-radere aut sui dimidio, aut ob refractionem se toto (prorsus ut jam fieri pro varietate habitantium Æquinoctii tempore observatur) unde & nec dierum, nec tempestatum efficeretur ulla variatio.


At Æquatore Terræ secante Eclipticæ planum, & axe illius constante in sui secum parallelismo; fit, ut horizon cujusque loci situm cum ipso Sole commutet; & non modò interdum diem, interdum noctem, propter Solem nunc exhibitum, nunc subductum faciat; sed etiam nobis, v. c. ad Boream existentibus; tumor Terræ obsit, ne Terra versante in Signis Borealibus, Solem habeamus adeò altum, apertumque, ac donec versatur in Australibus; atque adeò ne dies habeamus tam longos, nec calorem adeò vehementem in sentiamus. Quod vel ex sola applicatione circumductioneque memorati globuli supra vulgaris sphaeræ Zodiacum (servato semper parallelismo, ac designato in globulo puncto Lutetiæ situm repræsentante) intelligi facillimè possit.

Secur.

Secundò, ut declaretur, quomodo Poli altitudo in unoquoque Terræ loco eadem, seu invariata maneat.

Videlicet Terra versante in Cancro, pronum videtur existimare, debere nobis Polum Boreum apparere longè altiore, quàm versante in Capricorno. Enimvero ex hoc parallelismo, efficitur, ut æquè altus, ubicumque Terra versetur, appareat. Res autem hoc modo concipienda est.

Repetatur hoc loco schema capite tertio propositum, ac intelligatur E G axis per Solem transiens, produci heinc inde in regionem



nem usque Fixarum, desinereque in puncta *A C*; quæ appellentur Poli Mundi.

Intelligamus & axem Terræ continuatum heinc inde ad Fixas, esse successive *P Q, R S, &c.* ac describere annuo circumductu circa axem Mundi, superficiem cylindricam, sive columnarem, cujus bases sint duo circuli circa Polos descripti, habentesque pro diametris lineas *P T, Q V*, æqualeis diametro Magni orbis *F H*.

Intelligamus rursus tantam esse distantiam ex orbe Magno usque ad Fixas, ut spectata heinc ea columna, & decrescere continenter visa (eo modo quo solent parallela omnia in longum producta) desinere tandem ad utramque partem in acumen appareat, & duæ illæ bases, geminive circuli circa polos descripti, habeantur ut puncta.

Ex his simul intelligemus, ubicumque Terra in Zodiaco, Magnove orbe exstiterit, exstantem supra horizontem Polum constare eundem, seu apparere altitudinis invariata. Quoniam tamen axis Terræ alias, aliasque cæli parteis circa Polum Mundi respiciit; intercapedo tamen harum omnium partium, quasi punctum ad visum sit, & totus complexus circuli circa Polum descripti pro eodem Polo reputetur.

Tertiò, ut explicetur, quid fiat, ut eadem Stellæ verticales semper sint, magnitudinisque ejusdem appareant.

Quippe cum, si Terra exsistente in Cancro, Stellæ aliquæ nobis transeunt ad verticem, ex transituræ non videantur pari modo ad verticem, neque apparituræ tantæ, ubi fuerit in Capricorno.

Enimvero, quemadmodum altitudo Poli, ut dictum mox est, perseverat eadem, ob memoratum Parallelismum; sic necesse est, ut, ob ipsummet, stellæ verticales eadem perseverent; utpote retinentes semper eandem ab ipso Polo distantiam.

Ac verum est quidem, Terra exsistente Capricorno, verticem nostrum tendere ad punctum regionis Fixarum, tandumdem distans ab eo, in quod tendit, dum Terra in Cancro versatur, quanta distantia inter ipsos Magni orbis Tropicos est; At, si hic totus orbis instar puncti est, ad totam Fixarum regionem collatus, à fortiore erit parva ejus portio, distantia nimirum inter Tropicos.

Quam



Quam ob rem heinc fit, ut non eadem quidem partes regionis Fixarum vertici heic illeic revera respondeant, sed respondeant tamen eadem ad sensum: neque mirum sit, si eadem stellar, quæ sensibiles cæli partes sunt, verticales constanter maneant.

Fit verò quoque, ut ipsa stellarum magnitudo invariata appareat, quòd ubicumque Terra sit, ex eodem quasi puncto respiciatur.

Quartò, ut ostendatur, quæ descripta superius est *Æquinoctiorum Præcessio*, seu motus ille lentus in ortum, qui *Octavæ sphaeræ*, seu *Firmamento* tribuitur.

Siquidem stellæ Arietis non videntur alia ratione recessisse jam ab *Æquinoctiali puncto*, intra duo annorum millia, triginta penè gradibus: quàm quia sunt reipsa progressæ versus consequentia.

Attamen, quia idem est apparitum, seu stellæ reipsa ab *Æquinoctiali puncto* versus consequentia recedant; seu ipsum *Æquinoctiale punctum* recedat à stellis versus præcedentia: ideò assumpsit Copernicus, istum motum *Inclinationis*, axis-ve continentiam sic fieri, ut non assequatur præcisè motum centri, ac faciat proinde, ut *Æquator* secet quotannis *Eclipticam* aliquantò citiùs, efficiatque adèò *æquinoctiale punctum* in parte *Eclipticæ* aliquantò antecedente.

Unde & eveniat, ut, dum *Æquinoctiale punctum* transit in præcedentia (ex quo fuit hic motus ab eo *Præcessio*, seu *Anticipatio æquinoctiorum* appellatus) reliqtæ partes *Eclipticæ*, atque adèò stellæ Arietis, & aliæ, tantumdem transire, sive progredi in consequentia appareant.

Quæ ille subinde adjecit, ad salvandum partim Inæqualitatem huiusmodi motus *Præcessionis æquinoctiorum*; partim *Variationem obliquitatis*, maximæve *declinationis Eclipticæ* (dum idèò sufficere voluit, ut axis terrenus describeret speciem intortæ corollæ, hæc forma, S, quòd eundo in ortum, & redeundo in occasum, acceleratio, retardatioque illius Motus fieret; & eundo in boream, ac redeundo in austrum, incrementum, decrementumque *Declinationis* illius crearetur.) Quæ, inquam, hac de re adjecit, idèò memoratu necessaria non sunt, quòd utriusque Phænomeni observationes sint incertiores, quàm ut de iis debitè constet, aut immorandum in iis videatur.

Satis

Satis esto; visum fuisse magis congruum, hæc, quæ sunt huc usque relata, in ipsum Terræ globulum, quam aut in Solem, aut in sphaeram Fixarum immensam referre.

Addam-ne autem Quintò, partim ex hoc motu, partim ex superioribus, visum Galilæo fuisse magis congruum, explicare Æstrum, seu Fluxum, & Refluxum Maris, quam illum referre ad influxum Lunæ, aut ad aliam quamlibet excogitatam hæcenus causam?

Nam, ut aqua vase contenta, ipsoque translato refugiens, non hæret quasi accumulata, sed refluit prorsum, si translatio fiat inæquabiliter; ita voluit Mare contentum in Terræ cavitatibus, & versus occasum refugiens, dum ipsa versus ortum transfertur; non hæcere, verum refluere, ac iterum reciprocari, si contingat ipsum ejus quasi vas inæquabiliter transferri.

Transferri porro inæquabiliter, ex eo probavit, quòd, licet quilibet trium motuum æquabilis secundum se sit; facit tamen eorum commistio, ut assumpta certa superficiæ Teræ pars inæquabiliter moveatur.

Nam ea, v. g. in qua est mare Mediterraneum, ita constanter versus ortum motu annuo abripitur, ut interim motu diurno revoluta, habeat dimidium revolutionis hujusce, consentiens cum annuo, & dimidium dissentiens; sicque, dum ambo motus conspirant, feratur velocius in ortum; dum alter duntaxat eò tendit, feratur tardius: ac bis quovis die feratur inæquabiliter; semel scilicet, dum à velocitate in tarditatem; semel, dum à tarditate in velocitatem transit.

Itaque ex hac inæquabilitate oriri ille voluit reciprocationem Æstus geminam singulis diebus contingentem.

Sic verò, quia diurnus motus nunquam obliquè, sed semper directè versus ortum sit, ob memoratum parallelismum; & interim ab annuo obliquè factò adjuvatur, seu promovetur minus circa Æquinoctia ob obliquitatem, quam circa Solstitia; idè propter supervenientem hujusmodi inæquabilitatem, intendi Æstum censuit per utraque ea tempora; & per Æquinoctia quidem maxime, quòd tum motus annuus diurno magis advessetur.

Sic etiam, quia, si verum sit transferri Terram per Zodiacum Solaribus radiis, & ipsam aliundè transferre secum Lunam, ut sui appendicem, necesse est translationem Terræ intendi, ac remitti, prout  
Luna

Luna nova, aut plana exstiterit, illic nempe citra, heic ultra ipsam Terram existens; eo modo, quo vibrationes globi penduli, chordave appensi, & hûc illûc reciprocantis, intenduntur, aut remittuntur, prout globulus aut suprà, aut infrà coappenditur; ideò ex hac nova inæqualitate putavit ille fieri, ut Æstus evadant per Novilunia, ac Plenilunia, quàm temporibus aliis intensiores.

Sic rursûs, quia ex Luna, Terraque unâ translatis unum quasi mobile sit; & ob motum specialem Lunæ, totale hoc mobile non assequitur meridianum diebus singulis, nisi unâ propè horâ, seu quatuor horæ quintis tardiùs, ideò fieri potest, ut Æstus diebus singulis unâ propè horâ, sive quatuor quintis, fiat retardatior.

Prætereundum autem, varietates alias, quæ in Maris æstu contingunt, posse non incommode ad littorum situs, conditionesque revocari.

## C A P U T VIII.

*Quid Copernicani ad ea, quæ obijci solent ex Astronomia respondeant.*

**N**Unc, cum triplex sit Argumentorum genus, quæ solent adversus Telluris motum obijci: aliqua enim ex Astronomia, aliqua ex Physica, aliqua ex Sacra Scriptura petuntur; non est quare multum in iis inmoremur, quæ Astronomica potissimum sunt; quòd qua ratione Copernicani ad illa respondeant, maxima ex parte constet ex jam dictis.

Nam quod, v. c. solet obijci, fore, ut neque eodem in loco altitudo Poli sit constans; neque eadè stellæ verticales sint, magnitudinisque ejusdem habeantur; neque, si motus secundùm Eclipticam fiat, variatio ulla dierum, noctiumque, & tempestatum eveniat; neque ullus motus Fixarum in consequentia observetur, & si qua sunt hujusmodi; id fuit mox antè declaratum.

Quod præterea verò imprimis urgetur; fore, ut integrum hemisphaerium, dimidiumve cæli apparituum non sit, neque adeò sex Zodiaci Signa possint perpetuò conspici, nisi Terra in centro degat.

Respondent, ubicumque Terra intra ambitum cæli fuerit, id, quod ex cælo supra horizontem, ipsiusve planum exstabit, apparituum

S

oculo

oculo, quasi integrum hemisphærium; nisi à cæli fornice tam paucis orgyriis absumus, ut verticale, & circumstantia puncta internoscantur distare à nobis minus, quàm ipse horizon, extremumve illud, quod erit ex terra conspicuum. Nempe oculus habens cælum tanquam ipsi Terræ extremo circumquaque contiguum, non alia semidianetro altitudinem fornici; quam ipsam latitudinem, distantiamve horizontis metitur.

Terram porro, sive concipiatur evecta ex centro, in magni Orbis superficiem; sive ex Tropico Capricorni ejusdem Orbis, translata in Tropicum Cancræ, non ideo ita accedere ad ipsum cæli forniciem, ut minus ab eo, quàm ab ipso Terræ horizonte distemus: Quin imò, juxta antedicta, ne evadere quidem promotiorem versus ipsum, ullo puncto sensibili, ut propterea aliquid minus hemisphærio ex eo cernamus, aut ex ipsius Zodiaci minus, quàm sex Signa, hoc est, quàm centum octoginta gradus, supra horizontem apparent.

Quod secundo instatur; fore, ut non possit Sol Apogæius, Perigeius, & alia dici:

Respondent, posse semper dici; quòd hæc Astronomia receptas voces non expungat, modò juxta ea, quæ, apparent usurpari intelligantur, ac nullum propterea existentiz rei, quæ reverà sit, præjudicium fiat. Nam ipsos quoque Copernicanos passim dicere, Solem oriri, occidere, esse in Signo aliquo, cæteraque similia, loquutus nimis prout res apparent.

Dicere itaque licebit Solem esse Apogæium, quando Terra erit Aphelia, maximè distans à Sole, Perigeium, cum Perihelia, proximè circumstans Solem: Nam illud apparenter Soli, hoc reipsà Terræ conveniet, quatenus ejus orbita Eccentrica erit, seu non tam circulus perfectus, quam Ellipsis quædam, in cujus focorum, seu centrorum altero sit Sol, ac Terra proinde ad ipsum nunc magis, nunc minus accedat.

Scilicet viæ Planetarum (quas nempe corporibus suis per ætherea spatia describunt, etiam dum vehi, revehique per Eccentricos, & Epicyclos supponuntur) observatæ Ellipticæ sunt; eo ferè modo, quo circa Lunam superiore libro insinuatum fuit: tametsi ita exigente facilitate calculi, intelligantur etiam Ellipses in Eccentricos, Epicyclosque reduci.

Quod

Quod additur Tertiò, futurum, ut neque iidem Planetarum adspèctus sint; neque eorundem Latitudines; neque speciatim Lunæ Phases, ipsiusque, ac Solis Eclipses perinde appareant, &c.

Respondent, ista, & cætera perinde prorsus apparitura, quando, licet ipsa sit Terra, quæ reverà describat Eclipticam; & Sol tamen est appariturus eam describere; & Planetæ cæteri, dum percurrent Zodiacum, videndi sunt variè cum ipso, ac inter se configurari, discedereque ab Ecliptica, seu latitudinem fortiri.

Et quia Luna semper circa Terram feretur in orbita propria, quæ perinde Eclipticam in oppositis Nodis secet; perinde prorsus Phaseis subibit, & Soli conjuncta, aut opposita perinde apparens, perinde Eclipsin patietur, aut non patietur, opposita cum erit, ac perinde creabit, aut non creabit in Sole, cum erit conjuncta; absque ullo discrimine.

Quod subjicitur quartò, deridiculum esse, Terram, Elementorum faciem, cæleste corpus existimari, ac Planetarum unum censerì:

Respondent, Terram non esse magis reputandam Mundi faciem, quàm Martem, aut alium Planetam: Nam & quamvis luce careat, carere tamen cæteros quoque; & si cæteri luce Solis splendeant, eadem pariter & ipsam splendere.

Non esse eam minùs globosam, quàm illos; ut proinde per ætheræa spatia circumduci perinde valeat. Non esse molis incongruæ: cum, ut minor aliquibus, ita major cæteris sit.

Et quamvis superficiem inæquabilem, asperatamque habeat; habere tamen & ipsam Lunam, ut Telescopio convincitur: & habere cæteros quoque non esse improbabile, vel ex eo, quòd plustquam ex uno sui puncto lucem Solis ad nos reflectant; ac aliundè obtusè luceant, neque Fixarum instar scintillent, tanquam majore radorum parte ob amfractus varios, aliò, quam versum nos deflexa.

Imò & quamvis generationes, corruptionesque in Terra fiant: non posse probari, quin fiant similiter in cæteris; tametsi ipsas non magis videamus, quàm videri possent ex Luna, & cæteris eæ, quæ in Terra sunt.

Si fiant, non posse propterea ipsos reputari imperfectos: quoniam imperfectio est quidem posse unam rem quampiam corrumpi, sive esse desinere, non autem manendo incolumem, posse ex cor-

ruptione quorundam, alia, aliaque progenerare. Esse sanè longè maiorem in ipsa Terra perfectionem parturire hanc tantam florum, aliarumque rerum elegantiam, cùm id citra ullum molis suæ detrimentum faciat; quàm si corruptione immunis, absque ulla prorsus suæ superficiei immutatione perseveraret.

Ad hæc, non modò Terram & Lunam commutare vices, dum sese vicissim obscurant, & illuminant; sed etiam quicquid Venus, aut Mercurius apparent Terræ, apparere Terram Marti, Jovi, & Saturno. Et quicquid Mars, Jupiter, aut Saturnus Terræ apparent, Veneri, & Mercurio Terram apparere; hoc est, quod attinet ad motum, formamque ipsius; quòd ad magnitudinis variationem, quòd ad Phæcis, & cætera.

Quod reputatur quintò inconcinnum, immensam adeò habere illam Fixarum à Terra distantiam, ut totus iste Magnus orbis puncti instar habendus sit:

Respondent; cùm nulla sit ratio, nec sensu facta observatio, quæ eam minorem esse convincat; & ex ipsa aliunde supposita, Phænomena omnia concinnius salventur, quàm dum minor, juxta vulgarem opinionem, supponitur; ideò non videri eam jure inconcinnam exilimari.

Nam quòd vastitas quidem tanta reputetur superflua; videri illos, qui ita sentiunt, esse summi Opificis magnificentie injurios; dum non capientes, quorsum Deus tam amplum Mundum fecerit, ejus potentiam, sapientiamque ad sui captus, & , ut sic dicam, ad suæ parsunionis angustias deducunt.

Quod demum, fore ergo Solem quavis stella Fixa conspicua minorem; quando, si totus Magnus orbis conspici à Fixis, ob sui exilitatem non possit; longè fuerit minùs conspiciendus Sol, habitus dumtaxat quasi ejus centrum:

Respondent, posse tamen Solem minorem non esse; & minorem licet, posse tamen adhuc ex ipsa Fixarum regione videri; quòd, ut lucernæ flammula procul è tenebris conspecta in amplissimam speciem dilatatur; ita per tenebras nocturnas dilatentur disculi stellarum, qui absque tali dilatatione essent punctula merè inconspicua.

Quare

Quare & futurum, ut Sol perinde amplificaretur, spectatus è tenebris, efficereturque stellæ instar conspicuus; utcumque absque amplificatione hujuscemodi, evasurus esset punctulum planè inconspicuum.

# C A P U T IX.

*Quid ad ea, quæ ex Physica.*

JAm ex Physicis illud Primum est, quòd infimus locus, quale Mundi centrum, sive medium est, corpori omnium gravissimo, qualis est globus Terræ, debeatur.

Sed respondent; Primum, ex mente Platonis, dari quidem in Mundo extremum, & medium; verùm non idcirco extremum supremum, neque medium Infimum censerì. Quippe supremum, & infimum dici dumtaxat comparatè, sive respectu habito ad situm partium animalis, hominis verò maximè; cui ubicumque in Mundo sit, illud est superius, sursumve, quod est ultra caput; & illud inferius, deorsumve, quod est ultra pedes.

Deinde, Terræ quidem parteis esse, dicive posse graveis, quatenus ad Terram; ut ad totum, cujus incolumitas ex unione partium dependet, feruntur; at totam Terram secundùm se neque gravem esse, neque levem magis, quàm Lunam, Venerem, aut quemlibet alium celestium globorum, quorum partes similiter, si quapiam vi distractæ fuerint, suum quæque globum pari jure repetent, & poterunt graves perinde censerì.

Ad-hæc, dari quidem in Terra centrum, sive medium, versus quod ex accidenti gravia ferantur (ex accidenti, inquam; nam per se feruntur dumtaxat versus Terræ corpus, cui uniri appetunt; faciuntque interium id per brevissimam lineam, quam simul contingit respectare centrum) at non idcirco Terræ centrum idem esse cum centro Mundi; posseque adeò gravia, ubivis in Mundo Terra fuerit, tendere versus ejus centrum.

Secundò illud, quòd simplici corpori, cujusmodi est Terra, unicus simplex motus conveniat: Quare cum Terræ competat rectus, ipseque deorsum (ut motus partium indicat) non competere circularem.

S 3

Sed

Sed respondent; falsum imprimis id esse, ut Terra simplex corpus sit, quod experientia docet potius esse ex rebus adeò heterogeneis varietate conmixtum.

Deinde, ne corpori quidem simplici repugnare varietatem motuum, modò si non sint in parteis simul oppositas; verùm sint ex iis, qui in eandem partem, regionemve conspirent; quemadmodum dictum jam est de globo supra planum voluto.

Ad-hæc, non idcirco competere toti, quod ejus particompetit, si ut pars est, competat ipsi; alioquin enim totus homo deberet esse orbicularis, quòd ejus caput tale sit: quare &, non ex eo, quòd partes Terræ rectà feruntur, oportere rectà ferri totam Terram, quando motus rectum partibus ejus competit, ut cum ea uniantur, Terra autem tota unionem cum alia re non appetit.

Postremo, tamen partium Terræ motus rectus sit proprius, ipsis tamen simul competere motum totius, hoc est circularem, quatenus dum cadunt, unà interim transferuntur, eo modo, quo manui, præter motus proprios, sursum, deorsum, prorsum, retrorsum, in gyrum, &c. competit simul motus corporis totius, cum quo incedente interim transfertur.

Tertiò illud, quòd Terra motu adeò rapido dissiparetur, nosque ipsi adeò rapidè translati, aerem à nobis proscissum, effectumque quasi ventum intolerabilem, non ferremus.

Sed respondent; Primum, pollere Terram magneticavi, qua terrena omnia revincta contineat (eo scilicet modo, quo Magnes magnetica omnia, ut frusta magnetis, ac ferri) & terrena eo modo attracta dici gravia, non tam insita qualitate, quàm impressa à Terra virtute; levia autem conferi ea, quæ minus sunt gravia, minusve trahuntur, ac cedunt locum cum gravioribus, non, ut omninò distrahantur, sed solùm, ut sint remotiora, sive exteriora, & cum propinquioribus, interioribusve, per intermedia cohaereant.

Deinde, non idèò dissipari Terram, quòd quemadmodum parteis sui omneis ab intinis, ad extimas usque magnetica vi continet; ita moveat sese, & convehat ipsas, veloci quidem, seu uniformi tamen, & æquabili, placidoque motu, non autem ita, ut vel subsultet, vel impingatur in aliquid, à quo succussa parteis exturbet, pellat-ve à se aliisque, & citius, quàm quòd ipsa tendit, præjiciat.

Ad-



Ad hæc, quòd Aër quoque sit, ex ante-dictis, terrenæ materiæ, & solidiorem ipsum globum, lanuginis instar circumvestiat; idè ipsum unà cum Terra ita circumferri, ut nos intra ipsum degentes, unaque translati, eum non proscindamus, neque quasi ventum factum per-sentiamus.

Et denique tamen, quoniam Aër fluxibilioris est substantiæ, ne-que tam velociter abripitur, ac solidus interior globus; heinc esse vi-deri, cur sub Equatore, & circiter ipsum, quà motus Terræ inortum velocissimus est, aër sic resistat, inque occasum veluti eat, ut Nautæ illum quasi ventum & indefinentem, & æquabilem experiantur.

Ne quidpiam dicatur de Mari, quod ob sui quoque fluxibilitatem non nihil retardatum fluat, & ex sui cumulatione, objectuque littorum refluat, aut paulò autè attigimus.

Quartò illud, quòd nullum corpus aut sursùm emissum, aut super-nè dimissum, ad perpendiculum cadere, si dum esset per aërem, locus Terræ, cui immineret, perinde subduceretur, ac emissæ sursùm sagit-tæ, dum navis transfertur, subducitur puppis è qua emissæ fuerit.

Sed respondent, Primùm, falsum esse sagittam sursùm directè è puppi emissam, in puppim non recidere; utcumque id hæctenus fuerit, sed ab inexpertia scilicet, objectum. Nempe causam esse, quòd na-vis motum suum imprimat rebus omnibus, quæ ipsâ vehuntur, ac ipsarum interventu mobilibus omnibus, quæ mittunt, aut dimittunt ipsæ. Et ex hoc fieri, ut dum arcus motum sagittæ imprimit sursùm, imprimat simul motum prorsum, quem ipse interim à navi, aut ab homine, ab eadem navi transecto habet; sicque sagitta, dum est per aërem, immineat semper puppi, & in eam tandem recidat, propter hujusmodi motum.

Simile porrò esse, non modo, dum quis è pterna, seu pede mali, lapidem projicit in carchesium; verum etiam, dum lapidem è carche-sio dimittit in pternam. Is enim lapis neque dimissus ex parte pup-pis à malo deferitur, neque dimissus ex parte proræ, à malo attingi-tur; sed perinde in pternam, ac si navis quiesceret, cadit. Nimirum, quia licet dimittens nullum motum sibi proprium adhibeat, imprimit tamen generalem, quem habet à navi, malo intercedente, impressum; ex coque fit, ut dimittens ex parte puppis lapidem, tantumdem ipsum  
versus

versus malum interim aufugientem retrahat, quantus est motus ipsius mali, & dimittens ex parte proræ, tantumdem ante malum interim prosequentem coniciat, quantus est motus ejusdem mali.

Itaque exemplum objectum ita posse retorqueri, ut pari modo Terra motum suum imprimat rebus omnibus à se vectis: ac lapidem emissum sursum, idcirco in eundem Terræ locum recidere, quod projiciens ipsi non tantum propriam imprimat vim, qua adigit sursum; verum etiam vim, quam habet à Terra, transferatur prorsum, sicque dum est in aere, eundem semper locum respectet, & in eundem cadat.

Quo eodem modo, è Turri dimissus, in locum, cui imminet, cadit, quod licet dimittens motum sui proprium non adhibeat, motum tamen imprimit, qui sibi sit à Terra, turre intercedente, impressus.

Deinde; ut motus sagittæ, lapidisve è navi emissi, aut dimissi, non est reipsa rectus, sed inflexus, & secundum lineam, quam dicunt Parabolicam; ac apparet tamen iis omnibus, qui in navi sunt, rectus, seu perpendicularis, quoniam oculus non percipit motum, quo vehitur ipse, quique est communis sagittæ, ac lapidi; sed illum dumtaxat, qui præterea imprimitur: Sic motum lapidis è Terra sursum missi, aut è turri dimissi, non esse quidem revera rectum, sed esse per spacia Mundana admodum inflexum, & Paraboles apertissimæ; ac apparere tamen rectum, sive perpendicularem omnibus à Terra convectis, quoniam pari modo oculus non percipiat motum, quo ipse interim à Terra transfertur, quique communis lapidi etiam est; sed alium solum, qui præterea lapidi, aut à projectore, aut à gravitate, attractione-ve fuerit impressus.

Id solum discriminis esse, quod aliqui possint extra navim consistere, qui motum nanis perpendicularem visum, observent inflexum; at nemo extra Terram figere pedem valeat, ut inflexum deprehendat illum, qui videtur ipsis Terricolis perpendicularis.

Quintò illud, quod globus bombardicus in occasum explosus longius tenderet, tanquam machina in ortum simul consequente: ac rursus explosus in austrum, vel boream, tantumdem semper aberraret à scopo, quantum scopus, dum globus esset per aerem, ferretur in ortum.

Sed

Sed respondent Primum ; ut duo Pilâ colludentes supra navis transtra parem quidem vim , quantum est ex se , pilâ imprimunt ; unde & habito respectu partium navis ; tantum spatii peragit pila versus proram , quantum versus puppiam : verum qui est ex parte puppis , adjicit proprio motum navis : & qui est ex parte proræ , subducit ; ac fit exinde , ut missâ pila in proram , tantum præterea spatii aerei conficiat , quantum collusor à prora interim abducitur , dum pila est per aerem ; & missâ in puppiam tantò minùs conficiat , quantò , dum pila est per aerem , collusor à puppi versus eam accedit : Pari prorsus modo , si sint duæ machinæ , altera ad ortum , altera ad occasum , ad se invicem paribus viribus collineantes ; tantumdem spatii ab exploso ex utràque globo supra superficiem Terræ confici : quoniam licet globus explosus in ortum , habeat superadditam à Terra vim , explosus in occasum , subductam ; interim tamen , quæ machina explosit in ortum , tantumdem globum consequitur , quantum ipsi motus à Terra accepti impressit , & quæ explosit in occasum , tantumdem à globo abducitur , quantum ipsi motus à terra accepti subduxit : sicque compensatione additionis , & subtractionis facta globus perinde supra Terram motam , ac supra quietam promovetur.

Deinde , globum sive in Boream , sive in Austrum directum , perinde attingere scopum , ac si Terra quiesceret ; quòd dum & machina , & scopus versus ortum feruntur , feratur simul & globus per aerem trajectus , ob superadditam à terra vim , ex qua efficitur , ut hæc tria , machina , scopus , globus , intra eandem rectam semper contineantur.

Postremò illud , quòd nubes , aves , aliaque in aere suspensa , apparent semper rapidissimè ferri in occasum.

Sed respondent , Primum ; ut qui per transtra navis salit , non modò motum sibi proprium , donec per aerem est , habet ; verum etiam motum impressum à navi , quo unâ cum navi transfertur , quam cumque in partem motu proprio saliat : Ita volucrem , v. c. dum supra terræ superficiem , ac per aerem volitat , habere præter motum proprium , etiam generalem a terra impressum , quo una cum ipsa transfertur , quamcumque in partem ipsa interim volitet , aut quomodo cumque in aere hæreat , suspensa-ve videatur . Quod idem proportionè de nube , cæterisque dicendum est.

T

Deinde

Deinde, sicut salienti per transtra navis, tunc motus navis imprimitur, cum ejus pedes attolluntur; ita motus Terræ tunc imprimitur avibus, cum primum è Terra, arbore, aliave re Terræ hærente, simulque translata, assurgunt; repeti autem, ac velut inculcari, quoties volucres, ne ad perpendicularum, seu in locum Terræ, cui imminet, cadant, alis aërem verberant. Nempe aër etiam cum Terra translatus fulcimenti loco est, cui illæ innixæ motus suos instaurent, ut esse possunt scamna transtris imposita, per quæ ille dissculcet.

Denique, ut res melius concipiatur, considerandos esse pisces intra aquam cuppâ contentam, quam transferat navis. Quippe, ut pisces unâ cum aqua motu generali navis transferuntur, & interim tamen perinde aut hærent, aut hûc illûc variè moventur intra cuppam, ac si aqua quiesceret, neque cum navi transveheretur; sic aves, & quæcumque alia in aëre sunt, ita motu Terræ generali transferuntur, ut perinde aut hæreant, aut quolibet versum per aërem moveantur, ac si aër quiesceret, neque cum Terra transferretur.

## C A P U T X.

*Quid ad ea, quæ ex S. Scriptura.*

**Q**UÆ demùm loca Scripturæ Sacræ obijciuntur, ejusmodi sunt; ut videantur quietem Terræ partim expressè asserere, ut illa, *Terra in æternum stat*; & *fundasti Terram super stabilitatem suam*, &c. vel tacitè, quatenus motus non Terræ, sed Soli tribuitur, ut illa, *Oritur Sol, & occidit*; & *Regressus est Sol decemtinis*; & *Sol contra Gabaon ne movearis*, &c.

Verùm respondent illi, imprimis; Scripturæ Sacræ scopum non esse, ut homines aut Physicos, aut Mathematicos efficiat; sed ut pios, & ad salutem, seu gratiam, gloriamque supernaturalem comparatos reddat. Quare & loqui eam de rebus, quatenus apparent omnibus vulgò hominibus; ut quoniam sua salus omnium interest, intelligi ab omnibus possit.

Pa-

Parùm curare ipsam proinde, quales res in se, & reverâ sint; cùm erudiendis alioquin ad salutem hominibus, vulgares de rebus notiones sufficiant. Nempe, nisi plerâque loca hoc modo exposuerimus; hoc est, dixerimus Scripturam ad vulgi captum se demisisse, Scriptores-ve Sacros sese temperasse, accommodasseque rudi populo; futuros nos procul à germano sensu, quo Spiritus Sanctus intelligi voluit.

Ac ne longè ab argumento, quod sit præ manibus, abeat; Reputare Scripturam Sacram parùm interesse, Terra-ne cum Cælo collata punctum sit, an-non: Ac ideò de Cælo, Terrâque, ut de duabus Mundi partibus insignibus loqui; quoniam tales esse videantur, dum Cælum, ut fornix, Terra, ut tabularum Mundani ædificii apparet. Ac rursùs, parùm interesse, Minimæ-ne stellæ in Firmamento lucentes majora sint luminaria, quàm Luna, an-non: atque idcirco loqui de Luna, ut de luminari secundum Solem magno; quoniam Luna, utcùnque minor, minúsque in se lucida, quàm stellæ; ob viciniam tamen & major, & ampliore luce illustrans apparet.

Eodem ergo modo Scripturam reputare, parùm referre, Terra-ne moveatur, Sol verò quiescat, an-non; ac propterea loqui de Terra, ut quiescente, quoniam quiescere; & de Sole, ut moto, quoniam moveri nulli non apparet.

Quare & posteriora quidem illa loca paucis expediri; Sapientem scilicet, cùm dixit, *oriri Solem, & occidere*; contendisse solùm significare vicissitudinem in ortu, occasuque Solis apparentem; seu foret deinde Terra, seu Sol, cujus motu contingeret. Et Prophetam, cùm dixit, *Solem regressum decem lineis*; aliud nihil voluisse, quàm quod apparuisset intelligi; seu Solis, seu Terræ fecisset regressio. Et Patriarcham, *Solem non moveri* cùm jussit; id solùm curasse, ut Sol appareret supra Terram consistere; seu Sol demùm foret, seu Terra, cujus statu id præstaretur.

Posse addi circa priora, intelligenda illa videri, non de eo statu, qui motui, sed de eo, qui exsolutioni, corruptioni-ve opponatur.

Et cùm verba præsertim illa, *Terra in æternum stat*, in ore sint omnium, adnotandum esse locum integrum his extare verbis, *Generatio advenit; Terra autem in æternum stat.*

Nimirum , ut dum cereæ massæ sigilla varia applicantur ,figurationes variae fiant ; & dum aliae prætereunt , aliae adveniunt , seu figurarum aliae abolentur , aliae in vicem earum succedunt , massa tamen ceræ non corrumpitur , seu nec minuitur , nec augetur , sed perseverat eadem : Ita videri intelligendum ; licet ab usque Mundi initio factæ sint in Terra , ac etiamnum fiant , & faciendæ deinceps sint generationes variae ; non idcirco tamen , dum generationes prætereunt , & adveniunt ; seu aliae formæ terrenorum corporum dispereunt , aliae in ipsarum locum inducuntur , ipsam Terræ massam corrumpi , augeri-ve , aut minui ; sed eadem constanter perflare ac tantam adhuc esse , futuramque ad posterum , quanta ab usque initio fuit.

Itaque , cum ista videatur loci præsertim celebris interpretatio esse germana ; videri ex ipso , Terræ asseri , non tam in loco consistentiam , quam in integritate constantiam.

Urgeri heic solet Sententia Congregationis Cardinalium Inquisitioni præfectorum , qui in Galileo opinionem hanc de motu Terræ damnaverint :

Respondent verò Orthodoxi (nam Heterodoxi rem brevius faciunt) sententiam illam fuisse specialem , seu Galileum sic atinentem , ut habere adversus ipsum speciales causas potuerit , adversus alios non valituras. Addunt sententiam quidem illam permagni esse ponderis ; sed non ideo tamen necessariò habendam , ut articulum fidei , cujusmodi habentur , qui sunt à Conciliis generalibus constituti. Subjiciunt , non videri eam saltem , quo-usque promulgata , hoc est , præscripta legitime , ut dogma quoddam Fidei fuerit , Fideleis omneis obligare. Tandem profitentur si semel præscripta legitime fuerit , se ad recantandum esse comparatos.

Et sic illi quidem tueri se solent.

C A P U T XL

*Quid de Siderum à Terris distantia, & magnitudine definiant.*

CUM partim ex rationibus, partim ex exceptionibus, responsionibusve Copernicanorum, perviderimus ut illi contentu omnia salvare Phænomena; vix quicquam aliud heic superest, quam ut paucis commemoremus, quam Sideribus à Terra distantiam quam magnitudinem singulis attribuant.

Et Copernicus quidem ipse dicere contentus Sphæram, regionemve Fixarum adeò à Terris esse distantem, ut comparatus ad ipsam Magnis orbis, tanquam punctum habendus sit; mensuram præterea non adhibuit, qua specialius quid de hac distantia pronunciaret. Contentus etiam de Solis, ac Lunæ magnitudine dicere (Solem nempe esse majorem Terrâ vicibus 162. ferè, & Lunam 43. proximè) nihil de Siderum aliorum, sive Errantium, sive Inerrantium magnitudine consumile dixit.

Verùm succurrit ante annos quindecim Philippus Lansbergius, qui, ut Planetarum distantiam, magnitudinemque comparatè ad Terram definit; ita Fixarum tum distantiam, tum magnitudinem designavit comparatè ad Magnum orbem, quem & Sphæram Terræ appellavit.

Quod itaque primum ad Distantiam spectat; De Planetis quidem hunc in modum statuit.

Distantia mediocris, qua ab- sunt à Terra.	{	Luna,	} est terrenarum semidiametro- rum.	{	59
		Mercurius,			1500
		Venus,			1500
		Sol,			1500
		Mars,			2275
		Jupiter,			8091
		Saturnus,			14880

De Fixis verò, supposita semidiametro Magni orbis terrenarum semidiametrorum 1500, supposuit quoque Fixarum stellarum ad Magnum orbem Parallaxin, vix unam octavam, aut nonam minuti partem excedere; ac proinde edixit Fixas, Fixarumve sphæ-

ram abesse à Terra semidiametris Magni orbis 28000; seu mavis semidiametris Terrenis 42000000.

Quod deinde ad ipsam Magnitudinem attinet; Supposuit primùm circa Planetas, esse apparenteis diametros, Lunæ quidem, minorum ferè 33. Solis, ferè 35. cæterorum non aliam, quàm quæ superiùs ex Albategnio, Alphragonôque recensita est.

Circa Fixas autem, propter telescopium, quo spuria ab ipsis rescinditur lux, minores earum diametros, quàm vulgò putarentur habuit; Nimirum stellarum I. magnitudinis, minuti 1. II. secundorum 40; III. 30; IV. 20; V. 10; VI. 4.

Unde & de magnitudine Planetarum sic censuit.

Sunt	{	Luna,	} minores	{	45 $\frac{1}{2}$	} vicibus, quàm Terra.
		Mercurius,			12	
		Venus,			3 $\frac{1}{2}$	
	{	Sol,	} major	{	434	
		Mars,			8	
		Jupiter,	minor		25 $\frac{1}{2}$	
		Saturnus,	} majores	{	46 $\frac{1}{2}$	

De Fixarum verò magnitudine sic.

Sunt Fixæ Magnitudinis.	{	I.	} majores	{	67	} vicibus, quàm Magnus orbis.
		II.			20	
		III.			8	
		IV.			2 $\frac{1}{2}$	
		V.			3	
		VI.	} minores	{	25	

Ita scilicet correctione mimeris ejus adhibita: cum priùs edidisset stellarum Magnitudinis I. excedere orbem Magnum vicibus 20053; II. 5935; III. 2506; IV. 744; V. 92; VI. 11  $\frac{1}{2}$ .

Porrò, quia non modò stellæ Inerrantes, sed Errantes etiam, intercedente telescopio, deprehenduntur diametro minore, quàm vulgò habeantur; idcirco Martinus Hortensius Discipulus, Adjutorque Lansbergii, admonitus facta à nobis observatione Mercurii commemorata superiùs, & quibusdam præterea aliis; supposuit imprimis stellarum Errantium apparenteis diametros esse, Mercurii quidem secundorum 19. Veneris 53. Martis 36. Jovis 50. Saturni 37; ac tum de illarum magnitudine ita pronunciavit.

Sunt



Sunt	Mercurius	} minores	6510	} vicibus quàm Terra.
	Venus		1109	
	Mars		1534	
	Jupiter		1 $\frac{1}{4}$	
	Saturnus	} major	2 $\frac{1}{2}$	

Supposuit verò diametros stellarum Inerrantium esse, Syrii quidem, seu Canis majoris, præter ordinem positi, secundorum 10. & cæterarum Magnitudinis I. secundorum 8; II. 6; III. 5; IV. 4; V. 3; VI. 2; ac tum Sirium habuit Magno orbe minorem vicibus 3 $\frac{1}{2}$  & cæteras fixas itidem minores, ut consequitur.

Sunt Fixæ Magni- tudinis.	I.	} minores Magno orbe vicibus	6 $\frac{1}{3}$
	II.		15
	III.		25 $\frac{1}{3}$
	IV.		50
	V.		122
	VI.		412.

Quin-etiam, quia supposuit quoque, assumi posse (uti assumptum à Lansbergio jam fuerat) Fixarum parallaxin ad Magnum orbem, secundorum 30. atque adeò assumi ipsarum distantiam semidiametrorum Magni orbis 6875. idcirco deduxit posse speciatim Sirium haberi Magno orbe minorem ducenties decies septies, & cæteras Fixas consimiliter, hac ratione.

Sunt Fixæ Magni- tudinis.	I.	} minores Magno orbe, vicibus	422
	II.		1012
	III.		1725
	IV.		3385
	V.		8245
	VI.		27826


Verùm hac de re nimis multa.

## C A P U T XII.

*Quale Mundi Systema sit, quod Tycho Braheus induxit.*

**E**X iis, quæ de Copernici Systemate dicta jam sunt, in promptu est illud intelligere, quod Tycho Brahe, nobilis Danus, no-

novusque Hipparchus, inclinante jam sæculo superiore invexit, En cuiusmodi ipsum proposuerit.



Cernere nimirum in eo primum licet, esse Firmamentum, seu Sphæram Fixarum partem Mundi extimam; intimam verò, occupantemve ipsius centrum, esse Terram: ac in interstitio collocari  
Pla-

Planetæ, qui motus illeic suos obeant per liberrima, hoc est fluidissima spacia.

Nimirum Tycho maxime fuit, qui solidas sphaeras confregit, deturbavitque ex æthere; postquam Cometas trajicere per æthereæ spacia ut observavit, sic demonstravit primus; ac Mercurium, & Venerem ultra, ac citra Solem ferri deprehendit; aliaque hujuscemodi: interim autem censuit fufam esse per illa spacia tenuissimam quandam, & purissimam, fluxibilissimamque substantiam, quam & dixit Auram ætheream.

Deinde, Tria quædam mobilia ferri circa Terram, tanquam circa centrum; Lunam quidem proximam, motu menstruo; Solem remotiorem, & quasi medium, motu annuo; Firmamentum, seu sphaeram Fixarum remotissimam, motu illo lentissimo viginti quinque millium annorum.

Ad hæc, Quinque Stellas Erranteis motus speciales circa Solem, tanquam circa centrum obire; Mercurium scilicet trimestrem, Venerem octimestrem, Martem biennem, &c. & ea quidem lege, ut Sol annuo ipotu Zodiacum percurrens, illos omnes circumvehat; ac ipsi interim Mercurius, & Venus, suis circa illum revolutionibus, non complectantur Terram: complectantur autem suis, Mars, Jupiter, atque Saturnus; & Mars speciatim fiat interdum Terræ propior, quam ipse Sol.

Postremo, cum nullam hanc fieri motus diurni mentionem videas; intelligendum esse videtur, tria illa eadem Mobilia, Lunam, Solem, Sphaeram Fixarum, dum suis illis motibus secundum Zodiacum feruntur, volvi interim diem in occasum, veluti per se: Quinque autem stellas Erranteis, præter motus proprios circa Solem; & secundum Zodiacum ferri etiam diem in occasum; non per se, sed traductas à Sole, qui sit ipsis vice primi Mobilis. Necesse est nempe, ut cum Sol eas omnes sibi quasi auriga revinctas contineat, easdem diem circa Terram, cui ipse circumducitur, circumgestet.

Dixi porro Systema hoc posse ex deductis de Copernicano per facile intelligi; quoniam, si loco circuli per Solem transeuntis, ducatur alius per Terram transiens (qualem punctatum adjecimus) eadem distantia inter Solem, & Terram pro semidiametro retentâ, & aut Planetaria compages, aut Fixarum sphaera tantisper emoveri sic intelligatur, ut

Saturni circulus ex æquo à Fixis undequaque distet; habebis omnino quale antè est ex Copernico Systema præscriptum.

Quippe erit tum Sol in medio, sive centro Systematis: circumducuntur ipsi proximè Mercurius, & Venus, remotius Mars, Jupiter, & Saturnus; in medio verò intervallo reperietur Terra cum circumducta sibi Luna. Adèò proinde, ut Copernicus censeretur non injurià prævisse Tycho ni possit, & Tycho nihil aliud, quàm Copernici invertisse Systema videatur.

## C A P U T XIII.

*Quibus rationibus adductus illud excogitaverit.*

**A**C receperat quidem Tycho se pluribus Systema hoc declaratum probaturumque; in Opere, quod destinaret de Institutione Astronomiæ elucubrare: verumtamen morte præventus rem præstare non potuit, ac scriptum duntaxat reliquit, se fuisse permotum, ut illud tale adinveniret, tum quòd tolerari neque Ptolemaicum, neque Copernicanum possent; tum quòd, juxta ipsum, Phænomena omnia quàm aptissimè salvarentur.

Objecit autem Ptolemaico, tum cælestium orbium distributionem inconcinnam; tum assumptionem supervacaneam tot, tantorumque Epicyclorum, salvandis Retrogradationum, Stationumque Phænomenis; tum peccatum illud contra artis principia, quòd in ipso circularis motus æqualitas non circa proprium, sed circa alterius Eccentrici (Æquantis nimirum) centrum adinittatur. Neque quidpiam de soliditate Sphærarum cælestium adjiciam, quoniam cum nuperis observatis stare non posse idem perdocuit.

Copernicano verò objecit potissimum tria; Unum, quòd tamen si in eo scitè admodum præcaveantur quæ superflua, dissentaneaue in Ptolemaico habentur, ac nihil reipsa adversus principia Mathematica delinquatur; admittatur tamen absurditas illa contra principia Physices, quòd Terram, cum sit grossum, inquit, pigrum, inhabileque ad movendum corpus, haud dissolutiore tenore motus (illiusque etiam triplicis) quàm ætherea illa Lumina agitari statuat. Alterum, quòd proinde

Sacris

Sæcis aduersetur Literis, aliquoties ipsius Terræ stabilitatem confirmandis. Tertium, quodd illam capacitatem inter orbem Saturni, & octavam Sphæram, esse propemodum immensam, & Sideribus tamen propius vacuum, supponat.

Postremò autem in sui gratiam illud præsertim commemoravit quodd, deuitatis omnibus huiusmodi incommodis, dum Sol annuo motu Zodiacum perlustrat, ac interim quinque Planetæ ipsum comitantes, suos circa illum motus peragunt, salventur exinde, absque ullis Epicyclis, Phænomena illa Stationum, Retrogradationumque præcipua; ac declaretur, cur Mercurius, & Venus tam parùm à Sole digredi appareant, cur Mars, Jupiter, & Saturnus ipsi interdum opponantur (terrâ scilicet interceptâ) cur tunc proximè terram transcant, & specie maxime grandescant, cur in supputandis singulorum motibus, motus Solis simplex coministis semper reperiatur, & quæ sunt alia huiusmodi.

Quod spectat verò ad reliquas inæqualitatis apparentis differentias, quas veteres per Eccentricos, & Æquanteis, Copernicus per Epicyclum in circumferentia Eccentrici salvarunt; dixit eas quoque facile posse in sua saluari Hypothesi, sive per Circellum in orbe circa Solem Eccentrico, sive per duplicem Circellum in quopiam orbe Concentrico, ut fe plenius explicaturum in affecto illo Opere promissit.

## CAPUT XIV.

*Qua ratione id à Tychonis Sectatoribus propugnetur.*

Cum porro his jam temporibus eam esse Planetarum dispositionem constet, ut necesse, planè videatur aut Copernicanum, aut Tychonicum Systema esse verum; idcirco sunt plures (imò penè omnes aliundè avertati Copernicum) qui, improbatîs Veterum Hypothesibus, Tychonem sequantur, partim inducti nominis, observationumque cælestium ab iplo peractarum famâ; partim persuasi constare semper, quicquid Copernicani respondeant, quæ objecta superius sunt tum ex Astronomia, tum ex Physica, tum potissimum ex Sacra Scriptura.

Et quia tamen illis quoque difficultates variz opponuntur; idcirco

ita illis occurrunt , ut vices eorum suppleant , quæ Tycho fortassis fuisset responſurus.

Nam primum quidem obijcitur , absurdum eſſe uni corpori duos per ſe motus tribuere ; quales ſcilicet attribuuntur Lunæ, Soli, ac Firmamento, dum aſſeruntur ſpecialis circuitus ſecundum Zodiacum, ſeu verſus ortum peragere, & interim tamen diurna revolutione ferri in occaſum.

Verum Reſpondent aliqui, non idè his tribus, cuiſlibet ipſorum, competere duplicem motum ; ſed competere unicum, ipſumque ſpiralem, ac verſus occaſum. Res intelligitur ex iis, quæ dicta ſuperiore libro circa Hypotheſeon varietatem ſunt. Adnotandum ſolum, debere proinde ferri ipſam Fixarum Sphæram velociſſimè omnium in occaſum ; ac ſpiras deſcribere confertiſſimas, attiguaſque ; Solem moveri ſegniùs, & laxiores ſpiras deſcribere : Lunam moveri ſegniſſimè, & deſcribere laxiſſimas ſpiras. Heinc autem fieri, tum ut Sol diebus ſingulis uno gradu, & Luna tredecim retardatior, quàm Fixæ, moveri in ortum videantur ; tum ut Sol anno uno, & Luna uno mēſe excuſus in boream, & in aſtrum ſic peragant, ut ſub ipſis Fixis circuitiōnem compleant.

Cùm dicere verò hi nequeant, cujus reſpectu ipſum Firmamentum cenſeatur pariter in boream, & in aſtrum excurrere, idè reſpondent alii, admittendum eſſe ſupra Firmamentum primum mobile, quòd diètin revolvat Firmamentum verſus occaſum, ac ipſum interim Firmamentum proprio ſibi motu moveri in ortum, ſecundum Zodiacum, ac pro illius obliquitate tendere in boream, & aſtrum. Nempe neceſſariam aliundè ſupra Firmamentum eſſe aliam Sphæram, cui ineſſe intelligantur Dodecatemoria, immobiliæ Zodiaci ſigna, donec mobilia, ſeu Aſteriſini, ſecundum illius ambitum diſcurrunt.

Secundò ; per-quam incongruum eſſe, Firmamento, aut etiam ulteriori Primo mobili exiſtenti tanto, tamque præcul abducto, diurnum motum tribuere, qui & celeritatis incredibilis ſit, & utilis eſſe non poſſit ad circumducendum Planetarum Sphæras, ut quæ ſolidæ nullæ ſint, neque idè abripi poſſint.

Verum reſpondent, neque Firmamentum, ulteriuſve etiam mobile, tantæ eſſe vaſtitatis, quantam fingit Copernicus, neque ejus motum celeſt-

*celerimum licet, reputandum esse incongruum, quòd ipsi moli corporis congruat, ac ut motus ille, quo Equus spatium conficit, non est habendus respectu ipsius incredibiliter celer, qui incredibiliter celer foret respectu Formicæ, aut Testudinis, si tempore eodem idem spatium perageret; ita reputari non debeat supra omnem fidem, celer motus in Firmamento, ulterioresve sphaera; qui posset tamen in parvo globo hujusmodi reputari.*

Quod subjicitur verò de impressione, quæ non possit mobilibus Firmamento inferioribus, ob interceptorum spatiorum fluiditatem fieri; aut talem nullam impressionem esse omninò necessariam, si motus quidem inferiorum mobilium secundum spiras fieri censeantur, aut etiam tam posse impressionem ipsis Planetarum globis fieri, etiam seclusis solidis sphaeris, & per spatia liberrima, quàm fieri ab ipsis Copernicanis admittitur, dum radiis à Sole emissis circumagi posse Planetas, in liquidissimo æthere pariter versanteis admittunt.

Tertiò; inconcinnum esse admodum, compaginem illam Planetarum totam dietim veluti luxari, tum circa ipsam Terram, tanquam circa centrum non suum; tum sub ipsa Fixarum sphaera, à qua inæqualiter absit, seu cui concentrica non sit.

Verùm respondent, nihil esse posse in eo opere inconcinnum, quod sapientissimus Opifex disposuit. Quippe neque fieri ullam luxationem, cum Planetae à Sole circumducuntur circa centrum non suum, ut reputari posset, si quapiam gravitate distraherentur, & pars major compaginis ex una Terræ parte, aut pars minor ex alia non possent velut æquilibrari: Neque à nemine non admitti esse Planetarum circuitus respectu sphaeræ Fixarum Eccentricos; cum & aliundè ipsa Planetarum compages ita circa Terram dietim revolvatur, ut quolibet ipsius pars concentricum illi circulum describat.

Non esse verò, quod præterea urgeri potest, insolens, Planetas, donec circa Solem speciales motus obeunt, adeò interim detorqueri, ut abducti motu rapidissimo adigantur ad peragendum diurnas illas circuitiones; Quippe & secundum Ptolemaicos, Planetas proprios obeunteis motus, à mobili interim alio diverti, atque abripi: & secundum Copernicanos, ipsam speciatim Terram, dum motu sibi proprio circumducitur, deduci, interim, abriperique alio à Sole, per radios emissos impresso. Quo modo quoque & ipsam

Lunam, dum Terræ circumducitur, simul cum ipsa interim per Zodiacum à Sole transferri; & Planetas etiam, Lunulae Jovialis, dum ipsi Jovi circumferuntur.

Postremò, esse prorsus improbabile, inane esse illud tantum inter Venerem, Martemque interstitium; & spatio tanto habito, non posse adhuc Martem eatenus abduci, ut ipsius circuitus non intersectet circuitum Solis.

Verùm respondent; ut Conditor Mundi fecit interstitia Fixarum adeò inter se inæqualia; sic fecisse illum ut spatia inter Planetas inæqualia forent. Nempe varietate res gaudent, & Mundi perfectio in ea sic consistit; ut deberet potius videri improbabile, nisi talis varietas in rebus naturæ observaretur.

Sectionem porrò illam circuitus Solis à circuitu Martis, nulli esse obstaculo; tum quia hujusmodi circuitus per liberrima spatia sunt, ac mente dumtaxat cernuntur; tum quia non possunt unquam Sol, & Mars sibi ad ea loca invicem occurrere; quoniam Mars in ipsis non est, nisi dum est Acronychus, seu circiter ipsam sui cum Sole oppositionem.

Et sic illi quidem sententiam defendunt.

## C A P U T XV.

*Qua sit juxta ipsum distantia, & Magnitudo Siderum?*

**S**uperest, coronidis vice; cum Tycho non modò improbarit vastitatem illam ingentem Copernicani Systematis, sed Systema quoque Ptolemaico longè angustius invexerit; superest, inquam, pervideamus, quid opinatus fuerit non modò de distantia, & magnitudine Planetarum, sed etiam de distantia, & magnitudine Siderum Fixarum.

Quod ad Planetas itaque spectat; postquam ipsorum parallaxeis, quantum licuit, venatus est, talem pronunciavit cujusque (dum versantur circiter medias longitudes) à Terra distantiam.

Distan.



Distantia mediocris qua abfunt à Terra.	{	Luna,	}	est terrenarum Si- midiametrorum.	{	56 $\frac{1}{2}$
		Mercurius,				1150
		Venus,				1150
		Sol,				1150
		Mars,				1745
		Jupiter,				3990
		Saturnus,				10550

Et postquam studiosè observavit, quantumque (Telescopio nondum adinvento) exquisitè potuit, apparenteis singulorum diametros ita defini-  
nivit;

Diameter ap- parens, in di- stantia me- diocri.	{	Lunæ	}	est minorum	{	32
		Mercurii				2 $\frac{1}{2}$
		Veneris				3 $\frac{1}{4}$
		Solis				31
		Martis				14 $\frac{3}{4}$
		Jovis				24 $\frac{1}{2}$
		Saturni				11

Tum Magnitudinem cujusque, ut consequitur, pronunciavit,

Sunt	{	Luna	}	minores	{	42	vicibus, quàm Terra.
		Mercurius				19	
		Venus				6	
		Sol		major	{	139	
		Mars				13	
		Jupiter				14	
		Saturnus		maiores	22		

Ad Fixas verò quod attinet, post quàm attendit debere eas esse eve-  
ctiores Saturno, non modò cum est in distantia mediocri, qualis recitata  
jam est; sed etiam cum in maxima, quàm statuit semidiametrorum ter-  
renarum 12300. ac evectiores etiam secundi cujusdam quasi Epicycli Apo-  
gæo, cui distantiam largitur semidiametrorum 12900. idcirco ait Fixa-  
rum sphaeram vix posse à Terra propius abesse, quàm semidiametris ter-  
renis 13000.

Et cum sit incertum, utrum omnes Stellæ æqualiter à Terris di-  
stent; ac verisimilius videatur earum quasdam altius, quasdam humilioribus  
intra

intra ejusdem Octavæ sphaeræ capacitatem collocari; consultius fecerimus, inquit, si adhuc millenas semidiametros priori summæ aggregaverimus.

Quare & Distantiam Fixarum à Terra statuit præter-proper (neque enim hæc, inquit, exacta, & subtili mensura sunt pervestigabilia) esse Terrenarum semidiametrorum 14000.

Subinde autem ex hac distantia, & ex definitis, quantum licuit (citra Telescopii subsidium) diametria Fixarum apparentibus in hunc modum;

Diameter apprens Fixarum magnitudinis.	I.	} est minuto- rum	2	$\frac{1}{2}$
	II.		1	$\frac{1}{2}$
	III.		1	$\frac{1}{2}$
	IV.		0	$\frac{3}{4}$
	V.		0	$\frac{1}{2}$
	VI.		0	$\frac{1}{3}$

Deduxit cujusque, pro suo ordine, magnitudinem, seu molem ita se habere;

Sunt Fixæ Ma- gnitudinis.	I.	} majores	68	} vicibus, quàm Terra.
	II.		28 $\frac{1}{2}$	
	III.		11	
	IV.		3 $\frac{1}{2}$	
	V.	} minores	1 $\frac{1}{8}$	
	VI.		3	

Adjecit verò, cum non omnes primi ordinis, primæve Magnitudinis stellæ, æquales inter se appareant, & proposita magnitudo conveniat propriè mediocribus: adjecit, inquam, fieri posse, ut quæ in I. ordine maximæ sunt, uti Canis major, & Lyra, excedant Terram centies; quæ minimæ, quadragies quinques. Et sic quidem Tycho.

Verùm de hisce Systematis, deque tota Institutione Astronomica hæctenus.

F I N I S.

# O R A T I O INAUGURALIS HABITA IN REGIO PARISI- ENSI COLLEGIO.

An. 1645. die Novemb. 23.

A PETRO GASSENDO Regio  
Matheſeos Professore.



EMIRABUNTUR, si qui me norunt, additum divinis muneribus virum ad humana digredi studia; & quasi propriæ functionis pigeat, suggestum Ecclesiasticum cum Academico commutare. Nimirum videri id potest, nomen dedisse militiæ sacræ, & transfugere ad prophanam; manum misisse ad aratrum, & retrorsum aspicere; assertum esse in libertatem, & cogitare adhuc Egyptum. Sanè verò, ad me quod spectat, non sine pudore rem aggredietur, si ipsum quidem ex spontaneo, proprioque delectu obirem; si non semel, ac iterum, tertiumque iussus obsequi, obtemperarem voci, quam licuit interpretari esse divinam.

Ipsa porrò vox tua est, EMINENTISSIME CARDINALIS, qui Regi Christianissimo, à quo institueret, oblaturus me, sic dignatus es me interpellare, ut multum, diuque repugnantem tuâ dicam patientiâ, an bonitate fregeris; & qui poteras imperando, persuadendo malueris compellere tandem ad dedendum manus. Nempe effecisti, ut intelligere in non vocari me ad prophanum munus, quod credentium Pater Abrahamus alienum à se non duxisset; cum testantibus Hecatzæ, Beroso, Nicolaoque Damasceno docuerit Egyptios numerorum, ac siderum scientiam, & licet Aristoteles ipsos Sacerdotes Egyptios Mathematicas invenisse scribat, dum post exhibitum Diis cultum, abundè esset temporis, quo

X

fieri

feriari permitterentur; heinc saltem constare, eas creditas fuisse à viris divinis originem ducere; neque ipsarum professionem fuisse habitam Sacerdotibus indecoram. Ac ne quis solos Ethnicos reputet hoc censu habendos; commendari ecce D. Basilium à B. Gregorio Nazianzeno, quòd fuerit non mediocriter in Astrologia, Geometria, Arithmetica, aliisque versatus; & cum Patres ceteros, tum speciatim Beatos Hieronymum, & Augustinum passim declarare, quàm hæc disciplinæ necessariæ sint ad Scripturæ Sacræ interpretationem.

Effecisti quin-etiam, ut intelligerem duplicem esse Codicem sacrum, quo Deus innotescere hominibus voluerit; alterum scriptum, & qui Sacrorum Bibliorum venit nomine; alterum apertam hanc faciem, sive majestatem, ac Naturam rerum. Et cum priori interpretando destinati sint viri Theologi supernaturali scientia eruditi; ad posteriorem interpretandum comparatos esse Mathematicos, qui naturali scientia instructi haberi non immeritò Theologi naturales valeant. Scilicet ipsam Veritatem, quæ non aliud à Deo est, manifestari duplici luce, Revelationis putà, ac Demonstrationis; & priore uti vocatam Theologiam, posteriore Mathesin solam; cum aliarum quidem, quæ dicuntur, scientiarum non demonstrationes, sed conjecturæ sint, nisi si qua luce Matheoseos fruuntur.

Denique effecisti, ut intelligerem duplex esse Templum, in quo Deus Mylta, Sacerdotesve exigat; alterum nempe ipsam Ecclesiam, in qua juxta Divini verbi revelationem adoretur; alterum Systema hoc rerum, in quo agnitus juxta characteres ineffabilis sapientiæ colatur. Quamobrem & me duatataxat voluisti è Templo in Templum transferri; quòd, cum gratiarum sint divisiones, & in domi Dei mansiones sint multæ; credideris fore, ut mea qualiscumque industria posset in hac parte Divinæ familiæ non inutiliter collocari.

Itaque tua hæc est vox, qua ut alter Samuel (Si dicere liceat) constanter vocatus mentem obediendo composui, ratus te locum in Ecclesia tenere adèò eminentem; te eà providentiâ dispensare munera, quibus, ut Maximus à sacris Regi Christianissimo, es præfectus ut resistere diutius puderit; neque eam adire stationem, in qua me collocatum velles; ac pro viribus eam Spartam, quam præscriberes, exornare. Quinetiam probè inemor cum fuerim heroicæ illius virtutis, consummatæque pietatis, qua pernoctasse te ab usque Eremito, Infulisque primis præfulgentem

licuit,

licit, induxi facile in mentem, quicquid consilii caperes, non posse à summa virtute, pietateque non proficisci.

Sisto proinde me jam Tibi, totique illustrissimo, nobilissimoque Confessiui, ut opus aggrediar sub tantis auspiciis, quod iussisti me exsequi; & prælectiones habiturus Cosmographicas, seu de Mundo; ab hymno exordiar Conditoris Mundi. Siquidem, cum Plato, qui habitus est inter Philosophos divinus, quærenti quid ageret Deus, celebre illud responderit, *Γεωμετρεῖν τὸ Θεόν, Exercere Geometriam Deum*; nihil videor facere posse, aut argumento accommodatius, aut generi vitæ meæ consonantius, aut Tua, totiusque Confessus celeberrimi attentione dignius; quam si, cum ipse quoque personam Philosophi Christiani gerens, haud secus, quam ille fuero responsurus, dicere adnitar, qui Deum exercere Geometriam putem.

Principio verò, cum Geometria, aut contemplando, aut agendo (ex quo distinguunt Theoremata, Problemataque) exerceatur: videri potest non incongruè intelligi Deum exercere Geometriam, tam dum contemplatur, ac potissimum sese ipsum considerat; quam dum agit, maxime verò, Mundum creat, ac moderatur. Et de Contemplatione quidem ut primum dicamus; supponendum profectò est, illud esse inter divinam, humanamque discriminis, quòd humana ratiocinando, seu ex principiis ad conclusiones gradatim pergendo incedat; divina, cui nuda, & aperta sunt omnia; cui nullum consequens est minus manifestum; quam antecedens; cui omnis propositio, communis, sententia, seu axioma est: divina, inquam, simplici, & citra omnem successionem intelligenti, perficiatur.

Donec porrò Deus in seipsum attendit, ecquid inspicit, ut Geometricè contemplari quicquam censeatur? Scilicet primum Naturam suam, ac deinde Triadem sacram Hypostaseon, seu Personarum. Nam imprimis quidem Naturam contuetur, habetque ut Sphæram, cujus (Ethnico etiam definiente) centrum sit ubique, circumferentia nusquam. Quo loco par est adinoscere; cum Deum nemo viderit unquam; cum habitans Deus lucem inaccessam, & hominum, quasi noctuarum, oculos fulgore præstinguens, posuisse dicatur tenebras latibulum suum; eapropter non esse, cur nos, miselli homunciones, & pulvis, cinisque cum simus, quidpiam de tanta Majestate, quatenus in se est, non dico effari, sed ne hariolari quidem contendamus. Quocirca decere, ut nos sic habeamus; nosse

Deum figmentum nostrum, & paternâ quadam indulgentiâ, ferre nos de se, non ut in se est, sed ut nostro captui congruum est, loquentis; ac esse abundè, si ea balbutiamus, ex quibus ipse, quâ bonus est, tanquam ex ore infantium, lactentiumque laudem perficiat.

Igitur concipimus Deum, dum suam speculatur naturam, habere ipsum; quasi Sphæram; quatenus à nobis nulla figurarum capacior, æquabilior; perfectior intelligitur: quatenus cum sit summè individua, est ipsamet veluti centrum, ex quo divinæ perfectiones, quas & proprietates, & attributa nominant, quasi radii quidam dimanent; quatenus istæ perfectiones sunt ipsi quasi circumferentia, qua veluti circumscribatur, seu, quo potest modo definiri, discernatur ab omni re, quæ non est Deus. Quanquam, ne propterea veram aliquam limitationem imaginemur, nusquam exstare hujusmodi Circumferentiam dicimus, innuentes nullam perfectionum divinarum esse extremum. Quo modo, ne vox quoque Centri limitatum quid suggerat, idè ipsum esse dicimus ubique; innuentes naturam divinam in omnibus, & cum omnibus perfectionibus idem esse; ut pote quæ fons simul inexhaustus, & Oceanus interminatus sit.

Ac mirari quidem par est Centrum tantæ fecunditatis, ut punctum cum sit, pro immenso tamen habeatur: sed illud nimirum idem est, quod Monas, sive unitas; quo nomine Pythagoras jam olim designavit Deum. Dictum celebre Trisnegisti est, Monas genuit Monadem, & suum in se reflexit ardorem; idque tum nonnulli de Sanctissimo Trinitatis mysterio accipiunt; tum D. Thomas censet potius ita esse interpretandum, ut intelligatur Deus, qui est unus, Mundum, qui etiam unus est ob sui amorem condidisse. Sed potest forsitan res eò spectare, quòd cum numeri in seipsos ducti, alios à se ipsis gignant numeros: nam binarius bis quaternarium creat, ternarius ter novenarium, quaternarius quater senarium denarium; Monas tamen, seu unitas nihil aliud, quàm Monadem, seu unitatem pariat; quoniam unum semel, unum tantum est. Et cum binarius, ternarius, cæterique numeri multiplici sui in seipsos ductu, reductique sese in quadratos, cubos, quadrato-quadratos, quadrato-cubos, cubo-cubos, aliosque majores, majoresque numeros, ut in radios quosdam veluti diffundant: ipsa Monas, seu unitas in seipsam perpetuò rediens, sibi quæ & radix, & quadratum, & cubus, & alia existens, ipsos sui radios,

dios, seu (nomine alio) ipsum sui ardorem in seipsam reflectat.

Hac proinde ratione Deus verè Monas est, quatenus non potest enunciando duci in ullum sui attributum, quod Deus non sit, aut aliud de Deo, quàm Deum declaret. Quippe, dum quis dicit, Deus bonus est, nihil aliud, quàm dicit, Deus Deus est; quòd Deus sit bonitas sua; neque tam istud attributum, quàm Sapientia, quàm cætera, aliud sint, quàm ipse-met Deus. Unde & dici potest Monas enunciari de Monade, ac suum in se reflectere ardorem; quatenus divina natura quodvis attributum enunciando refert ad se, suamque cum ipso communicat denominationem. Ac rursus esse idem cum Centro, quod ubique sit; quatenus nullum est attributum, in quo, & cum quo idem non sit, quodque in seipsam quasi non reflectat; instar lucidi in centro Sphæræ collocati, dum radii ut exeunt, sic redeunt in centrum.

Exinde verò intelligitur non modò Unitas divini; prout tam repugnat naturam Divinam, quàm ut Monadem, aut centrum sphæræ multiplicari; verùm etiam Simplicitas, prout tam à Deo aliena est omnis compositio attributorum, quæ Deus non sint, quàm ab Unitate omnis contextura quadratorum, & cuborum, qui unitas non sint. Et cum aliunde Sphæra sit, cujus centrum ubique est, circumferentia sine extremo; intelligitur etiam, ut perfectione Infinitus, sic spatio Imensus, duratione Æternus. Imò & intelligitur, ut Immutabilis, prout nulla perfectio est, quam acquirere, nulla, quam amittere valeat; ita & Immobilis, prout non est locus, ad quem accedere, aut à quo recedere possit; & Ingenitus, atque Immortalis, prout inceptionis, desitionisque est incapax, ut putà *πῶς, id ipsum, quod est.*

Prolixior æquo evaderem, si percensere cætera vellem, aut in iis etiam ostendere quas rationes Geometricas Deus contempletur. Nam circa Potentiam, ut exemplo dicam; relationem intelligens, quæ est inter vim motricem, & pondus, comparat creabilia omnia in nihilo sui quasi quiescentia, cum sua illa omnipotentia, quæ sola est par ipsis è nihilo dimovendis. Circa iustitiam; tum similitudinis, tum æqualitatis rationes perspicens, priorem agnoscit in specie illa iustitiæ, quam Distributivam appellant, quatenus tribuit unicuique secundum propria opera, posteriorem verò in illa, quàm Commutativam;

quatenus licet nemo prior dare, quod illi retribuatur, possit; ipse tamen est adeo bonus, ut ea quæ largitur, munera coronet. Circa Bonitatem proinde, atque adeo circa Clementiam, Misericordiamque: ad tam majoris, quam minoris inæqualitatis rationes attendens, pervidet qui juxta priorem remuneretur ultra condignum, probos; qui juxta posteriorem puniat citra condignum improbos. Circa Scientiam, atque idcirco, circa Sapientiam, Providentiamque; fortiter attingens à fine ad finem, sic, ut inter figuras congruas, incongruasque, intelligit quicquid est rebus omnibus vel consentaneum, vel dissentaneum, ut exinde sit ratio, qua omnia suaviter disponit. Circa denique Prædestinationem; altitudinem divitiarum scientiæ, sapientiæque considerans; ac pernoscing quæ longitudo, quæ latitudo, quod profundum, seu quæ abyssus sit judiciorum, decretorumque æternorum; commensurationem intuetur, quæ est inter hominum massam, operaque eorum vel bona, vel mala cum suo beneplacito; tamen si nobis fecerit iudicia incomprehensibilia, & non vestigabiles vias; ut sit quod miremur, potiusquam scrutemur: quasi hæc sint nobis incommensurabiles, & veluti irrationales, seu furdæ, ac ineffabiles, ut vocant Geometriæ, quantitates.

Jam, quod ad sacrum Hypostaseon, Personarumve Triadem spectat; ipsa sane esse videtur, ob quam dici potest Deus contemplando, *deus unusquisque, æternam quandam*, ac ipsam quidem super-eminentem, super-excellentem, nulli comparandam, *exercere Geometriam*, juxta illud, Pater meus usque modò operatur, & ego opor. Videlicet actu ipso contemplandi duæ Hypostases, seu Personæ existunt; altera Intelligentis, seu Patris æterni; altera Verbi, seu æterni Filii. Et quasi Contemplatio hæc, qua Pater, & Filius constituti se mutuò spectant, sit eminentissima ratione, Propositio simul, & Assumptio incomparabilis Syllogismi; non potest non consequi ardor, seu potius non simul accendi, coexistereve reciprocus Amor, tertia nimirum Hypostasis; Persona ve Spiritus Sancti, quæ Conclusionis cuiuspiam instar, numerum terminet productionum, Personarumque æternarum.

An-ne proinde hoc adorandum Trinitatis mysterium habebimus rursum ut Sphæram, cujus quasi Centrum sit Pater æternus, qui totius Divinitatis fons, origo, principium accommodatè dicitur; Circumferentia Filius, in quo legitur habitare plenitudo Divinitatis; & Radii centro, circumferentiæque intercedentes Spiritus Sanctus, qui est Patris, & Filii  
commu-



communis, & quasi intercedens ardor; ac veluti nexus, vinculum-ve mutuum? An-ne potius dicendum est eminere in hoc Myſterio quicquid ſublime, magnificumque humana Geometria etiam-dum requirit? Percelebre eſt latere eam adhuc, quam Quadraturam circuli vocant; atque idcirco in eo eſſe, ut deſcribat Triangulum, cujus ſi baſin oſtenderit circuli ambitui æqualem, tum demum eſſe Circulo Triangulum æquale demonſtret. At in hoc Myſterio auguſtiſſimo glorioſiſſima Perſonarum Trias ita inſinitæ eſſentiæ, ipſiusque fecunditati, tanquam Circulo æquatur, ſeu, ut ſic loquar, & veriùs quidem, penitus identificatur; ut cùm ſit omnium, & cuiusque una, atque eadem eſſentia; una proinde, ac eadem ſit immenſitas, æternitas, & perfectionum plenitudo.

Sic, cùm nondum nôrit humana Geometria triſecare angulum, dividere-ve, & citra accommodationem mechanicam, oſtendere diviſum eſſe in tria æqualia: habemus in hocce Myſterio unam Eſſentiam non tam triſectam, quam integram communicatam in tria æqualia Suppoſita, quæ cùm ſimul, ſigillatimque totam, individuamque poſſideant, ſint inter ſe tamen realiter diſtincta. Et cùm illa adhuc miretur in iis Angulis, quæ ad contactum circuli ſunt, dari quidpiam majus, dari quidpiam minus, non dari æquale; ſeu poſſe à minore ad majus, à majore ad minus, & non tamen unquam per æquale tranſiri: ecce in hiſce Suppoſitis, Hypoſtaſibus-ve divinis cum ipſa Eſſentia identificatis, datur quidem produciens, datur & productum (quæ inter, eſſe-vulgò ſolet Diſquiparantiæ relatio) & tamen non majus, non minus, ſed æqualitas mera eſt; quando neque Perſona produciens eſt cauſſa, ut ea ratione major ſit; neque producta ſic oritur, ut quaſi effectus dependeat, ſicque cenſeri minor poſſit.

Adhæc, ignorat illa adhuc deſcriptionem aliam, quam mechanicam, duarum linearum proportionalium datis duabus intermediarum, ut factum ſuper ſecunda, facto ſuper prima ſimile ſolidum, rationem cum ipſo referat extremarum. Nempe ex hac re ignorata, notum eſt nesciri qui duplicandus cubus ſit; ac peccatum propterea eſſe, cum jubente Minoe ſepulcrum Glauci, & jubente Apolline Deliorum aram duplicare oportuit; uti & peccavit in oppoſitum Chares, cùm duplicare Rhodium Coloſſum in dimensionem omnem aggreſſus, non-niſi materiæ duplum poſtulavit. At hic, miro modo, inter Deum, & Hominem, quaſi extrema, datur, qui ex duabus Naturis conſtituitur, & cui inditum Mediatoris nomen, *Θεοάνθρωπος*, Chriſtus; Compoſitum nempe admirabile, quod in ſecunda

secunda Hypostasi, seu persona Verbi (assumptâ in illam naturâ humanâ) veluti fundatur; atque idcirco comparatum cum Natura alterutra, & reconcilians ima summis (ut in Ecclesia canitur) rationem refert extremorum. Quippe & cum vulgo Geometria suam commendet Hyperbolen, ob descriptionem  $\tau\epsilon\lambda\epsilon\sigma\tau\epsilon\rho\upsilon\varsigma$ , *incoincidentium linearum*, etiam productæ in infinitum ad se invicem continuò accedant; datur hic Hyperboles genus, omni majus hyperbole, utpote, in quo illa potiùs, quæ infinitè distant, junguntur.

Quin-etiam, cum sese efferat Geometria, ob illud Problema, quo, Datus duabus figuris, conscribitur tertia, quæ alteri æqualis, alteri similis sit (nimirum-reputat Plutarchus ipsum potiùs esse, ob quod Pythagoras imposuêrit, quàm celebre illud Theorema, de Quadrato subtensæ, includentium rectum laterum quadratis æquali) illud hic mirabile est, ut hinc Deo, hinc Homine, si modò liceat dicere, datis, constituatur, quasi quid tertium, ipse idem  $\Theta\epsilon\iota\varsigma\ \Sigma\upsilon\mu\mu\omega\tau\eta\varsigma$ , seu Mediator Dei, & hominum Christus, qui ex Symbolo, sit æqualis Patri secundum divinitatem; & secundum naturam assumptam, sit ex Apostolo, in similitudinem hominum factus, habitûque inventus, ut Homo. Verùm hæc satis de priore, sive Contemplativa parte.

Ad posteriorem, seu Activam, respectu nempe hujus Mundi, universitatis-ve rerum, quatenus Deus ejus est Author, Moderatorque, quod attinet; perspicuum est sanè, non Philosophiam modò, sed Sacra etiam oracula edicere  $\gamma\epsilon\omega\mu\epsilon\tau\tau\iota\alpha\ \tau\epsilon\lambda\epsilon\sigma\tau\epsilon\rho\upsilon\varsigma$ , *Exercere Geometriam Deum*; quandò non aliud sonant eâ verba, quibus dicitur omnia facere in Numero, Pondere, & Mensura: Et quoniam Deus non alia ratione, vel ipso Platone Authore, Mundum regit, quàm condidit (ex quo efficitur, ut Mundi, rerumque conservatio intelligatur nihil esse aliud, quàm continens quædam productio) ideo sufficit pauca attingamus de ipsa divina Geometria, tam circa originem Mundi, præcipuarumque ejus partium, quæ constanter eandem perdurant; quàm circa institutam seriem suborientium continuò rerum.

Imprimis verò, cum Deus æternam Mundi Ideam præhabuerit; quemadmodum ipse, ut prædiximus, intelligibilis Sphæra fuit; sic Sphæræ corporeæ ideam, quæ esse formosior figura non posset, concepit, ac ipsam deinceps expressit in opere;

--- Tu cunctis superno

Ducis ab Exemplo; pulcrum, pulcerrimus ipse,

Mundum

*Mundum mente gerens, similique ab imagine formans.*

Quid enim pulcrius eâ figurâ, inquit ille, quæ sola omneis alias figuras complexa continet; quæque nihil asperitatis habere, nihil offensionis potest; nihil incisum angulis, nihil anfractibus, nihil eminens, nihil lacunosum? Nimirum, tametsi figuræ Geometricæ ea perfectione æqualitatis, indivisibilitatis, & similium, quibus definiti etiam vulgò solent, reperiantur solum in Ideis divinis (ac proinde solus Deus ad illas attendens agere censeatur perfectissimum Geometram) & taleis neque assequi mens, neque exhibere manus nostra valeat (ut idèd causari solitus sit Plato labefactari Geometriæ bonum, cum illæ ex statu intelligibili ad sensibilem demittuntur.) Attamen, quæ sunt immediatè ex Dei manu opera, non possunt non perfectissimè Exemplaris sui perfectionem referre. Unde est idemmet professus, dedisse Deum figuram Mundo & decoram, & sibi congruam (quoniam consentaneum foret, ut quod animal continere debebat omnia animalia, eâ esset figurâ, quæ omneis figuras caperet) ac idèd globosum fuisse factum Mundum, ut paribus à medio radiis ejus extremum attingeretur.

Ac adnotari quidem posset, quod nonnulli notant, Platonem ad memoratum respexisse Problema, cum datis Materiæ inordinatissima, & Idea pulcherrima, docuit fuisse Mundum à Deo, ut à Geometra præstantissimo, Materiæ æqualem, Ideæ similem effectum: verum displicet, quòd Materiam coæternam fecerit Deo, si voluit eam quidem duratione præcedere mundum, ut plerique intelligunt; aut coæternum etiam ipsum mundum, si præcessisse solum naturâ, ut Interpretes celebriores accipiunt.

Siquidem, utrumque repugnat sacro Geneseos Codici, juxta quem satius est observare Senarium dierum numerum, quo Deus Mundum conditum voluit. Quippe non modò hic numerus designandæ Mundi perfectioni idoneus est; quatenus est omnium perfectorum primus, constans scilicet exquisitè ex aliquotis partibus, quæ sunt unitas, binarius, ternarius: verum etiam præstat, quod Plato contendit; unitate nempe Ideam, binario Materiæ, ternario ipsum Solidum, corpuse Mundi referens; quod Philo quoque ex parte habet. Ut taceam aliunde numerum Senarium, licet in se ductus, reductusque excreseat in numeros, redire tamen semper in sese (quoniam sexies sex sunt triginta sex; & hic numerus sexies, ducenta decem, & sex; & hic rursus sexies, mille ducenta

nonaginta sex, atque ita porro) ut intelligamus esse quidem mundum & actu compositum, & potestate multiplicem, sed reipsâ tamen & unicum esse, & ipsam Exemplaris, Authorisque sui, quantum potest, simplicitatem, unitatemque æmulari.

An autem, cum Geometria non agnoscat corpora plura vocata Regularia, quàm quinque: tribuit Deus illorum formas corporibus quinque Simplicibus Mundi; Cubicam videlicet Terræ, Icosahedricam Aquæ, Octahedricam Aëri, Pyramidalem Igni, Dodecahedricam Cælo? Ita quidem ipsemet Plato, Pythagoreos imitatus: utcumque id esse accipiendum constet, non de figura sanè totalis ac externa; sed aut de Proprietatibus symbolicis significatis, verbi causâ soliditate, fluiditate, mobilitate, & cæteris, ut vulgaris sententia est, aut de Harmonicis regionum Planetariorum intervallis, ut non desunt, qui autument, aut citra ambages, de figuris Atomorum, corpusculorumve *ἀνὰ μικρόν, ob parvitatem* inconspicuum, ex quibus Deus unumquodque corporum primorum contexuerit, ut ille in Timæo non obscure insinuat, & nonnulli, quos inter Simplicius, Pachimeriusque, interpretantur. Utcumque sit autem, & quæcumque habeantur præcipua Mundi corpora, constat profectò posse nihil ipsis regularius formari.

Nam & quamvis non admittatur illa Mundi Anima, quæ *ἐν μὲν, ἐνὶ τῷ, ex eodem, & Diverso* composita, & quasi tertia Natura facta, contineat in sese rationes harmonicorum numerorum, ipsique aded accommodetur decantatus ille Quaternio, Sacramentum Pythagoræ, & *ἀπὸ τοῦ πέντε ἕως, sempiterna natura fons*, propter denarium (& ipsum quidem Principiorum) numerum, quem ejus partes junctæ componunt; propterque præcipuas Consonantiæ species quarum proportionibus ambitu suo complectitur (cùm quatuor ad duo, & duorum ad unum sit proportio dupla, qua constat Diapason, seu vocata Octava, trium ad duo, sesqui-altera, qua Diapente, seu Quinta, quatuor ad tria, sesqui-tertia, qua Diatessaron, sive Quarta) Nihilominus manifestum est, eam esse naturam Mundanorum corporum, ut, seu molem spectes, qua maxima sunt, seu contexturam, qua integerrima, seu cohesionem, qua congruentissima, seufigurationem, qua speciosissima, seu positionem, qua decentissima, seu mutuam habitudinem, qua ordinatissima, seu motionem, quietemve, qua durabilissima, seu finem, ac destinationem, qua appositissima, seu aliud demum quidlibet, esse nihil possit concinnius.

Quare

Quare & nihil est necesse ad explicandam *vū l'œuvre qui s'élève*, *Ejusdem*, & *Diversi*, seu *Individui*, & *Dividui circa corpora naturam*, progressionem Geometricas instituire ad duos primos Cubos, octo scilicet, ac viginti septem, ex quibus contextus numerus Triginta quinque dicitur Harmonia, quod componatur aliunde quoque ex sex, octo, novem, duodecim, in quibus etiam enumeratæ proportionem harmonicæ, ac insuper sescui-octava, quæ Toni majoris appellati est propria, consistunt. Neque item fingere Deum mistam ex utroque naturam fecisse quasi literam *Iota*, ex qua in longum bisecta, & partibus in medio revinctis, ac in formam literæ *Xi*, diductis, inque orbem oppositè converfis, duplices cælorum, conversiones intelligantur; nimirum & una primi Mobilis, Sphæræve Inerrantium in occasum, ob naturam ejusdem individuum; & septem ipsorum Planetarum in ortum, ob naturam *Diversi* dividuum, ac septupliciter subdistinctam. Satis est factam occasionem adnotandi illum concentum, sive tantum illum, ac tam dulcem sonum, propter quem attributæ sunt singulis Sphæris suæ Sirenes, seu Musæ, separatæve illæ Substantiæ, idè à Posterioribus dictæ Intelligentiæ, quod corporeæ molis alioquin expertes, intelligentissimæ sint harmonicarum proportionum, à Deo Musagete, & quasi Apolline præscriptarum. Nempe quasi sint Altra matutina, à quibus se Deus laudari testatur, ac subinde interrogat, Quis enarrabit cælorum rationem, & Concentum cæli dormire quis faciet? Atque id quidem, ne memorem, quod Deus rursus legitur appendisse tribus digitis molem terræ, & monte in pondere, colleis in statera librasse: quod appendisse Aquas in mensura, posuisse legem pluviis, fecisse ventis pondus, & id genus similia; ex quibus mirum haudquaquam est, agnosci vulgò in Elementis eam symmetriam, atque temperiem, ut ex ipsis, tamet si variè tam secundum alteratrices, quam secundum motrices qualitates contrariis, Systema tamen harmonicum, quasi ex quibuldam acutis, gravibusque sonis resultet. Præclare videlicet ille,

*Tu numeris Elementa ligas; ut frigida flammis,  
Arida conveniant liquidis; ne purior Ignis  
Avolet, aut merfas deducant pondera Terras.*

Ut jam de Mistis corporibus, quæ in serie sunt rerum suborientium, seu generabilium, corruptibiliumque, dicamus; Ecquis vel in iis, quæ so-

lent imperfectè mista censerì, non admiretur Arcum illum, quem Deus apertè recepit se positurum in nubibus; quasi non foret Geometra alius, qui circino ullo tam perfectum describeret; & pictore adhibito, tantorum varietate, mixtura, suavitate, vividitate, pulchritudine exornaret? Vide Arcum, inquit Sapiens, & benedic eum, qui fecit illum: valde speciosus est in splendore suo; manus Excelsi aperuerunt illum. Ecquis non proinde Halonem, vocatamve Coronam suspiciat, quæ ut diametro est dimidio minor, sic ambitu est duplò consummatio, quàm Iris? Ecquis non Parhelia, sive Soleis spurios, qui ut sunt Iridum, Coronarumque mutò intersectarum quasi nodi; sic habent semper à vero Sole dimensam, statamque distantiam? Præcipit Deus Nivi, ut descendat in terram, ac ipsam sicut lanam dat: Putatisne verò illi quasi pappi, flocculive nivei divina quadam Geometria carent? Ecce ipsi aliud nihil sunt, quàm texturæ quædam candidarum stellarum, quarum quælibet ex sex radiis scitissimè compingitur, iisque nunc quidem simplicibus, nunc verò heinc inde veluti ramosis. Putatisne carent & Sales, quos Deus terræ ad illius fecunditatem indidit? Ecce commune, seu Marinum, quod vulgò non-nisi detritum habetur, formatur constanter in hexahedricam, seu cubi figuram; Aluminosum in octahedricam, & cæterorum quodque in suam: utcumque inentem, oculosque ad hæc non advertentibus omnia esse temere potiùs, quàm Geometricè figurata appareant, neque manifestum fiat illicò quàm verè dictum fuerit, & fidu carere momentis singulis Naturæ, & opera omnia Naturæ, opera esse Intelligentiæ.

Quid commémorem vero Lapides: quos inter Smaragdus dodecahedrica specie nascitur, Adamas octohedrica, Amethystus hexahedrica, & Crystallus etiam, non modò quæ parallelipipedos est, verùm etiam quæ in cuspidem coit? Sic & apud nos creatur Rhomboites, & passim Pyrites tessellatus est, & Specularis lamellatus, & Focarius tabellatus, & Cotes etiam id speciale servant, ut sint, præter formam, longitudine ad latitudinem dupla. Dicerem de Stellatis, Striatis, Cornutis, Conchitis, Ostreitis, Pectinitis, Stromboitis, & cæteris, imò & de Fluvialibus, aliisque passim obviis, etiam de Saxis, Rupibusque, quibus, si per tempus liceret, suas quoque esse figuras nativas edissererem: Sed vice tamen omnium unus esto Magnes, qui cùm sit alioquin

*Decolor, obscurus, vilis; non ille repexam  
Casariæ Regum, neq; candida Virginis ornans  
Colla;*

si quis

si quis tamen in eo attendat non modò illam ferri pelliciendi, convertendique in polos vin; verùm etiam æmulationem Geometricæ structuræ Mundi; cùm non modò sit, ut jam dici solet, *μικροὶς Τερελλὰ*, sed etiam *μικροσκοπὸς Μονδὺλος*; quatenus suum habet Axem, suum Centrum, suos Polos, suum Æquatorem, suos Parallelos, suos Meridianos, cæteraque miracula.

*Tum superat pulcros cultus, & quicquid Eois*

*Indus litoribus rubra scrutatur in alga.*

Ad Vegetabilia quod spectat; Geometrica sanè est Seminea vis, quàm Deus initio impressit, dum jussit Terram germinare herbam virentem, & facientem semen, & lignum pomiferum faciens fructum, juxta genus suum, cujus semen in semetipso esset. Non enim potest Imperator Geometricè, ac scièntè magis milites componere, ordinesque, & aciem instruere, quàm hæc vis parteis plantæ omneis, earumque functiones, quasi pensa quædam distribuit. Hinc nempe sunt distinctæ illæ, ut secundùm totas, sic secundùm parteis, plantarum figuræ; & distincti etiam, statique ordines, ac numeri, quibus in cauleis pullulant, finduntur in ramos, panduntur in folia, luxuriant in flores excresecunt in fructus; & tantæ quidem concipnitæ, ut turbinatis, orbiculatis, angulosi, cylindrici: ut umbellatis, racematis, spicatis, jubatis; ut galeatis, umbilicatis, lunulatis, campanulatis; ut crispatis, aculeatis, denticulatis, laciniatis; ut triphyllis, pentaphyllis, hecatomphyllis; ut monastichis, distichis, tetra-stichis, hexastichis; atque id genus innumeris, nihil excogitari elegantius possit. Ne proportionem minorem, qua unaquæque attemperatur, ut læta suo solo, cæloque proveniat; ut si aliundè sit imbecillior, aut firmetur geniculis; aut claviculis, quasi manibus fulcimenta corripit; aut hamulis cuilibet rei, quam contigerit, adhærescat; ut donec sunt teneiores, ipsos pulpis, corticibus, siliquis, utriculis, calyculis glumis; imò etiam spinis, aristis, aliisque id genus decentissimè figuratis communiat.

Porro & in ipsi Animalibus, Semineaque illorum vi luculentior adhuc Geometria, tum instituta, cùm jussit Deus producere Aquas Cete grandia, & omnem animam viventem, atque motabilem in species suas, & omne volatile secundùm genus suum: Producere Terram animam viventem in genere suo, jumenta, & reptilia, & bestias terræ secundùm species suas: ac hominem ipsum, quem de limo terræ formaverat, crescere, multiplicari, & replere terram. Nimirum ea vis tantæ est indu-

striâ, ut tota nostra Mechanice nihili prorsus habenda sit si cum ea, quam observare vel in minimi animalculi fabrica licet, comparetur. Verè profectò vir ille Sanctus : Manus tuæ fecerunt me , & plasmaverunt me ; pelle, & carnibus vestisti me ; ossibus , & nervis compegisti me. Ecquis enim alius Dædalus, aut Architas potis esset excogitare, elaborareque tam præclara Automata, ac tot in ipsis machinamenta ; non ad paucos sanè, atque momentaneos ; sed ad innumerabileis, constanteisque, tam naturalis, quàm spontaneos motus ? Ac ipsa quidem potissimum, tam exquisitè fibrefacta, tam concinnè disposita, tam aptè coherentia, tam congruè distincta, tam inconfusè copulata, tam instituta appositè, tam usurpata faciliè, tam obsequentia expeditè ; ut nemo vel ad unum cor, vel ad unum oculum, vel ad unam manum, vel ad aliam quamlibet partem, ejusque texturam inimitabilem attendens, non obstupefeat, exclametque cum Psalte, Quam mirabilis facta est scientia tua ex me, ô Deus ! Quid verò exclamet dumtaxat factam ex se mirabilem ? Quid ex ipsis quin-etiam Elephantibus, ac Balænis ? cùm etiam Pulex, etiam Acari, ex tam multis, tamque admirandis organulis, & machinulis constet, ut jure dicatur à sancto Doctore, Divinus ille Artifex ita magnus est in magnis, ut minor in parvis non sit.

Enimverò, cùm ipsum corpus tantà molliatur symmetriâ ; ecquid dicamus de Anima, in cujus gratiam id comparatur ? An-non vel in ipsismet Brutis mirari licet ordinem ; quo se Facultates animales habent, dum sentiens monet, apprehendit imaginans, jubet appetens, exsequitur movens ? An-non mirari proportionem, qua Facultates singulæ cum objectis suis sic temperantur, commensuranturque, ut in relatione patientis ad agens, aut excipientis ad exceptum coæquatio ulla exquisitior esse, commendatiorque non valeat ; & maximè quidem prout ex objecti ad facultatem applicatione, sensus, voluptasque sequuntur ? An-non mirari præ cæteris vim illam Imaginatricem, Rationis adeò æmulam, ut ne Bruta nostri nimium similia esse videantur, præstare putemus, si ea non ratione, sed instinctu, seu impetu naturæ cæco agi dicamus ? Utcumque sit enim, quantus quæso esse Geometer ille debeat, à quo habent apes instinctum, ut favos tam scitè conforment figurâ hexahedricâ, quàm non est alia imago idonea ad relinquendum vacui nihil, quàm ad latera, apicesque coherere ? A quo habet Aranea, ut contextura in orbem telam, de centro provideat, radiosque diducat, ac firmet, quos inter deinceps ordiatur,



ordietur, perficiatque opus *in modum*, seu *spirali ductu*? A quo Formica, ut sua illa cava subterranea tantâ providentiâ discriminet, cellulasque, quasi ædilis, pro usuum varietate patiat? A quo Hirundo, ut ad trabem hemicyclium nidum fingat; qua forma, si locus, finisque spectetur, esse nec capacios, nec commodior valeat? A quo Gruum grex, ut volando in triangulum sese componat, ac adversante ventorum vi, cuspidem penetrando præmittat? A quo grex Thynnorum, ut in illa sua, quæ quotannis peragitur, per Mediterraneum peregrinatione, formet se in cubum, ad natandum semper non modò gregatim, sed etiam in omnem positionis diversitatem; aliaque id genus sexcenta.

Denique verò ex Rationali, sive hominis Anima, quam Deus speciatim ad imaginem, & similitudinem suam fecit, licet sane intelligi quantà Dei Geometria sit, quando ipsa tota ex rationibus veluti Geometricis constat. Primum quippe sua ex natura ad sciendum comparata est; scientia verò in eam non subit; neque ipsi accommodatur, nisi sub forma, figuræ Syllogistica, ac Demonstrativa, qualem reperire in Geometricis duætaxat ratiociniis licet; aut si qua alia sint, quæ ex ipsis quadamtenus participant, eorumve structuram, & vim, perfectionemque æmulentur; ut etiam de iis, quibus Oratori utendum est, ille præscribit, qui iure omnium optimus in arte dicendi magister habetur. Heinc certè propter naturalem veluti commensurationem, quæ inter scientiam, scientemque est, existere videntur illæ omnium humanissimæ, ac ineffabilissimæ voluptates, quibus non modò Pythagoras, Archimedes, & quotquot præclarum aliquid inveniunt in Geometricis, afficiuntur, ac idèò aut sacrificant, aut exclamant, ingeminantque celebre illud *ἱερὸν*: verùm etiam Tyrones ipsi, qui nescio qua mira suavitate exsiliunt, quoties cuiuspiam Theorematum demonstrationem primum perspiciunt. Deinde, cum humana Mens fundat ex seipsa, tanquam ager ferax, tantam segetem admirandorum Theorematum; an-non par est ipsam lic conditam esse, ut semina eorum in sese contineat, & ex ipsis veluti constet; naturaque adèò Geometrica sit; cum & tametsi nugamenta sæpe-numero proferat, illa tamen sint partus spurii, & recrementa veluti quædam, ipsa existente ex se comparata, ut veritatem parturiat, & cognoscendo Authorem suum, qui Veritas est, idèò referat, quòd ille, qui plantavit aurem, ut Plantes canit, non audire, & qui finxit oculum, non considerare non possit. Ex sanè id vel heinc suadet, quòd ad imaginem Dei facta Anima,

ma,

Medicorum natio debitura, clamat magnum illud Hippocraticorum, Galenicorumque operum Syntagma, quod generosissimè est aggressus, idque substituto interim Cusinato, qui se se ut suggestu Regio, sic Augusti cubiculi primario gradu dignum exhibuit. Is Moreus quem nescias, pluris- ne in Mente, an in Musæo libros possideat: dignus, qui vivat, per quem vivunt tot nobiles Medici; dignus, qui valeat, à quo illustrata tot valetudinis documenta. Is A K A K I A S, qui cum se præstat, ut brevi claris Majoribus præluere virtute possit.

In ipsa verò Arte dicendi, Latina-ve Eloquentia, novit non-nemo quantum valeant, tum Tarinus, quem aliunde Græca, imò omnigena eruditio adèdè commendat; tum Remius, in quo cum Tulliana facundia certat Virgiliانا majestas Heroïcorum poëmatum Tibi, sat scio, pridem perspecta. In linguis autem Exoticis, ac præter Hebræam, de qua est jam dictum, ignorat nemo esse Mon-morium, Dubosumque ejusmodi viros, qui Simonideâ pollentes memoriâ, quicquid Græcarum est literarum restituere, si perierint, possint. Nemo Sionitam, qui inter primos nominandus fuerat, ejusmodi esse, qui Arabas ipsos docere Arabismum possit.

Cogitanti, inquam, hæc mihi, quid esse putas animi, E M I N E N T I S S I M E C A R D I N A L I S; nisi quòd, Tibi dum obsequor, & Regi Christianissimo, quam Te suasore censuit, mandavitque, operam præsto, spes est, ut Deus ter optinus obedientiam magis, quàm sacrificium prober, ac idèdè mihi, quod in me erit, facienti non denegat gratiam?

Quod superest; cùm Regium sit, quo deinceps defungor munus, finem dicendi non antè facio, quam ~~in~~ perfolvens Regioptimo maximo, appreçer ipsi omnimodam (quod totis sanè viribus plenique votis facio) à Rege Regum fœlicitatem. Et quàm sit quidem reliquo Imperii decursu fœlix exiturus, augurari vel ex eo licet, quòd omnia jam hocce triennio prosperè adèdè successerint. Scilicet cor Regis in manu est Dei, nequè abbreviata est manus Domini, ut minus deinceps de Sion tueatur ipsum, minùs consilium ejus confirmet, minùs de Sancto auxilium mittat, minùs eventa omnia fortunet. Natus inter lilia, crescit inter lauros, & palmarum victricium proceritate obumbratur: Ecqua proinde optima spolia relaturus olim non sit, ubi ad Heroum pervenerit robur? Ecqua non domiturus monstra, qui etiam in cunis, ut Hercules alter, fa- cinora adèdè gloriosa patrârît?

An-non aliunde speremus ipsum iri Salomoni ex æquatum sapientia; quando ne expectato quidem (nec-dum superato) altero septennio, sed etiam per primum, quod nuper exegit, ita se præbuit compositum, ut neque privatim quicquam egerit, cujusmodi infantes solent; neque publicè quicquam, quod non virum ætate maturum maximè decuerit? An-non speremus, veluti Salomonis temporibus, sic in ejus diebus iustitia, & abundantia pacis oriatur; quando inter pacis desideria crescit: & à sceptro usque assumpto Augustissima ejus Parens ea agitavit de pace consilia, quæ futurum est propediem, ut, faventibus Superis, benè, ac foeliciter vertant?

An-non proinde spes magna sit, ut quemadmodum Solomon ædificavit Templum in monte, in quo victimæ Pacis offerrentur; sic ipse, præter cætera suæ monumenta, Delubrum hoc, in hocce monte instauraret, ac perficiat, in quo ornamenta Pacis excolantur. Ornamenta, inquam, hoc est bonæ Artes, ipsaque imprimis Mathesis, quæ Reges quoque ipsos tantopere decet, illosque à quibus amatur, fovetur, & excolitur super æthera notos facit; ut sunt exemplo tot Principes, quorum nomina, tanquam ipsi cælo inscripta, cum cælo perennant.

Spes certè est ingens, ut futurus Princeps & domi, & foris foelicissimus, gloriosissimusque, nomen quoque suum, ob earundem artium amorem, perinde inscribat; ac per ora volitans virum, & magis, magisque in dies efflorescens, assequatur, quod  
voveo, famam nominis sempiternam.

D I X I.

MER-

M E R C U R I U S  
 I N S O L E V I S U S ,  
 E T  
 V E N U S I N V I S A  
 P A R I S I I S A N N O 1631.

Pro Voto & Admonitione Kepleri.

A U T H O R

P E T R O G A S S E N D O ,

Cujus heic sunt ea de re

E P I S T O L Æ D U Æ

Cum Observatiis quibusdam aliis.

E P I S T O L A P R I O R ,  
 D E  
 V I S O M E R C U R I O .


*Præclaro, & amico viro WILLELMO SCHICKARDO,  
 in Academia Tubingensi Professori Hebraico*

PETRUS GASSENDUS S.



N, mi Schickarde, Gallicum, eundemque cœlestem Mercurium, Optâras illum tibi, mihiq̃ue non inconspicuum fieri. Tu, quid tibi contigerit, significabis pro otio; ipse differre longum non potui, quin te certiore facerem meæ qualiscumque fortunæ. Si quicquam profuit, diligentia fuit, quâ, Argi periculo cautus, lumina habui compolita adversus medicatam

*Discus Solis cum trajiciente Mercurio, prout intra obscuram Scenam se in verſe in  
Circulo citra Telescopium objecto exhibuit.*



dicatam virgam. Dolofus certè ille Cyllenius id providiffe videbatur, ut nobis aut prorsus invifus, aut incognitus præteriret. Videlicet induc-  
ta latas caligine terras occuluerat; ac tum maturiùs ingreffus eſt, quàm  
fui ſpem nobis feciſſet; & qui ipſe deducit umbras, umbra tenuior appa-  
ruit. Verùm aſuetus technis illius, etiam-num ab infantia, relevandis,  
Apollo favet; effecitque, ut qui accedens latere nos poterat, non re-  
ceſſerit planè ignoratus. Quippe licuit, vel auſugienti, Talaria premere  
tantisper, ac percontari interea, quid tanto Deorum nuncio, tanto At-  
lantis nepote dignum ex cœlo uſque renunciaret. Ut paucis dicam, fœ-  
licior fui, quàm tot illi Hermetici, qui fruſtrà Mercurium in Sole requi-  
runt. *Εὑρηκα, καὶ ἰατρῶνα*: inveni, inquam, ac vidi illum, ubi hæcenus ne-  
mo viderat. Vidi, non in ſubſelliis lacteis cum Philologia celebrantem  
nuptias; ſed imperium jam aſſectantem, & quaſi glorientem

*In Phœbi folio claris lucente Smaragdis.*

Quid in ludo tamen, cùm tu rem ſeriò explicari deſideres? Ecce igitur,  
quandò calamum, quaſi caduceum præ manu habeo, exſcribo tibi,  
*αὐτοπληνίας*, quæ nuperrimè attexebam meis Commentariolis, Ea ſic ha-  
bent. Ad Annum M. DC. XXXI. & diem vii. Novembris, Stylo N. Ma-  
nè Pariſiis.

**E**DITA ſuperiore anno *Ioannis Kepleri Mathematici Caſarei Admoni-  
tio ad Aſtronomos, rerùmque caeleſtium ſtudioſos, de varis, miriſque  
anni 1631. Phenomenis, Veneris putà, & Mercurii in Solem incurſu*; ipſa  
me quoque admonitum fecit. Quare tempore accedente, quo Mercu-  
rius antegreſſus incurſare in Solem debuit, eadem me ſub obſcuro tecto-  
ratione compoſui, qua in Solis tum Maculis, tum Eclipſibus obſervan-  
dis ſoleo. Circulus albus, quo Solis radios citra teleſcopium excipie-  
bam, æquabatur diametrò dodranti pedis Pariſienſis. Diametrum di-  
ſtribueram in particulas 60. ut cùm Solis diameter eſſet minorum pro-  
ximè 30. quælibet earum particularum foret unius dimidii minuti, ſive  
30. ſecundorum. Circumferentiam ab utroque diametri fine diſtinx-  
eram hinc inde per integros gradus. Adhæc, quempiam præfeceram in  
ſuppoſita camera altitudini Solis conſectandæ. Is Quadrantem modera-  
batur radii propè bipedalis, & arcus diviſi per tranſverſas lineas; moni-  
tus à me, ut quamprimùm pede impacto ſignum darem, fixam haberet  
eum occurrentem Solis altitudinem. A Die porrò v. adeſſe obſervaturus

volueram: ea tamen tota pluvia fuit. Dies vi. manè nebulosa; & cùm ab hora circiter octava, in pomeridianam primam fuisset varia; exinde tamen ad noctem usque fuit prorsus obscura, & per vices pluvia.

Ipsa Die vij. cœlum ab aurora varium: sed maxima parte nubilosum. Paulò ante horam 8. visus Sol inter crassiores nubeis de hiscenteis; sed rarioribus adhuc obvelator, quàm ut seu in ipsius disco, seu in objecto circulo aliquid interstingeretur. Apparebat tum supernè coronæ vestigium, variegatione satis confusa. Ea per horam ferè duravit. Flabat frigidior Africanus; vespere quoque jam perseverans. Accedente autem hora 9. cùm Sol nonnihil inclaresceret, pingereturque in circulo, quidpiam subnigrum deprehendi. Id eo erat situ, ut prædictæ diametro verticalis planum referenti foret tantillum ad Orientem, qua parte dicta diameter non multò ampliùs sui quadrante ab inferiore extremo erat. Hoc tamen crassè subnotavi: siquidem longè aberam, ut suspicaret Mercurium tantillam projicere umbram. Nempe ea erat exilitate, ut diametro sua vix superare videretur dimidium unius expositarum particularum. Rebar potius Maculam esse, quæ tametsi die præcedente notata in Sole non fuisset, nihilominus ex eo tempore subnasci perinde potuisset, ac factum alias compereram.

Redeunte Sole sub horam 9. diametrum circuli direxi per cogitatam Maculam; exploraturus putà illius à circuli centro distantiam, ac sperans, si fortè Mercurius exoriretur postmodum, ipsam cum illo variè conferre. Siquidem lætabar occasionem natam, quâ, si res foret alibi pari ratione observata, pronunciari aliquid posset de parallaxi utriusque vel perexigua, vel etiam nulla. Comperi ergo illam distantiam particularum sexdecim. Sensibili mora interposita, ac restituto iterùm Sole, diametrum direxi, ut priùs, observavique dictam distantiam ampliorem factam particulis quatuor. Tunc conturbatus, cogitare cæpi Maculam vulgarem non esse, ut quæ vix fuisset uberius spatium integro die confectura. Ac subdubitabam quidem; sed persuaderi vix poteram ipsum esse Mercurium; adeò me expectatio amplioris magnitudinis detinebat præoccupatum. Hinc hærebam, an-non potuissèm aliqua ratione deludi circa acceptam antè distantiam. At cùm Sol iterùm alluxit, propolitamque distantiam productionem duabus particulis reperi (jam enim erant viginti duæ) tum demùm sum ratus bonis avibus adesse Mercurium. Itaque statim pede pulsare, cogitans per varia momenta proportionem motus venari; sed Meus ille nescio

reſcio quo, aut quid acturus diverſerat. Inclamatum, ac bona ſorte ſatis tempori ante finem revocatum, ſeriò admonui, ut ſe compararet ad extremum actum.

Dum ille redit, ipſe interea ſum rimatus attentius Mercurii magnitudinem, donec hiſcentes bis, tæve nubes nitere Solem permiferunt. Umbra extrema dilutior erat, aliquantulumque ruſcens (uti macularum mos eſt) cum interior pars foret nigrantior: ſed ad vaporum interjeſtorum, vitrique naturam iſta retuli. Medium, quò licuit, variè inferui prædictis illis particulis, quò ipſius diameter cum Solari compoſita proderet mutuam proportionem. Cæterum habita ratione dilutiſſimi etiam limbi, Mercurialis hæc diameter vix potuit quicquam excedere particulæ unius beſſem, hoc eſt minuti tertiam partem, ſeu mavis ſecunda 20. Quare & diameter Mercurii non major parte nonageſima diametri Solaris eſt viſa. Si quidpiam fuit circumlibatum ob denſitatem aëris, tum fuerit unius particulæ dodrans: proſectò hæc illi magnitudo ſumma, ut fuerit diametri Solaris una pars octogefima. Non memoro in Sole ipſo obſcurum ſolùm hiatus viſum, (per teleſcopium intellige) cuius cum Solis diametro ſuſtrà tentàrim comparationem.

Si quicquam egregiè adnotatum habeo, ipſum Tempus eſt, quo Mercurius à limbo Solis medius exceſſit. Tunc enim Sol præcipuè clarus (etſi non diù claruerit) ipſeque eò fui præſertim attentus. Itaque prædictus exceſſus contigit alto jam Sole 21. gr. 44. min. Ex quibus ſi detrahis 5. minuta ob refractionem (certè & in ipſa meridie Sol altus deinceps gr. 24. min. 38. elevatior æquo eſt viſus minutis propè 4. reſpectu ſaltem habito obſervationum æſtivarum) reſtitueris verò propter parallaxin Tychonicum minuta 3. prodibit correctæ Solis altitudo 21. gr. 42. min. Tumque ſi ex hac, & ex declinatione auſtrina Solis 16. gr. 19. min. (utpote Sole occupante 14. gr. 42.  $\frac{3}{4}$  min.  $\pi$ ) itémque ex elevatione poli Pariſien. 48. gr. 52. min. ratiocinari libeat, perſpicuum evadet Mercurium exceſſiſſe è limbo Solis prædicta Die vij. Manè, Hora x. min. xxviij.

Regio exceſſus in circulo, meridiem inter, & exortum; quamobrem & in ipſo cælo, Septentrionem inter, & occaſum fuit. Quantum præciſè ea limbi pars diſtiterit à diametro verticalem repræſentante, jurare omninò non auſim. Quippe Sol tempore tam brevi ante hunc exceſſum illuxit, & ipſe adeò intentus fui prædicto ſigno exhibendo, adeò promptus ad accurrendum, ut viderem ipſe, num probè ſe altitudo Solis haberet,

ret,



ret, ut non satis notarim punctum, è quo factus est exitus. Aut fallor tamen, aut is fuit inter 32. & 33. gradus. Memini enim non longè abfuisse à gradu 35. an citrà tamen, an ultrà fuerit, hoc est, quod doleo non adnotatum. Utcumque sese res habuerit, suspicio ad illud propendit. Hoc si verum sit; quia tunc angulus l: clipticæ cum verticali exstitit gr. 56. min. 47. sicque arcus limbi Solaris Mercurium inter, & Eclipticam fuit grad. 24. min. 17. debuit excedens Mercurius sortiri Latitudinem Borealem min. 6. sec. 20. occupans interea gr. 14. min. 28.  $\frac{1}{2}$  m. Suppono autem ex Keplerianis præscriptis semidianetrum Solis min. 15. sec. 15.

Quòd si præterea supposuerimus motum diurnum, Solis quidem 1. gr. 10. min. 29. sec. Mercurii verò retrogradi longitudinis 1. gr. 10. min. latitudinis 20. min. Exinde sequetur Nodum visum fuisse in gr. 14. min. 52. m. Mercuriumque illum præteritisse Horà 2. min. 31. à nocte dimidia; cum Sol esset in gr. 14. min. 21  $\frac{1}{2}$  m. sicque Mercurius ab ejus limbo secundum propriam semitam distaret min. 17  $\frac{1}{4}$ . Sequetur etiam, componendo motus obviantium sibi Planetarum, hoc spatium percurri debuisse horis 2. min. 57. quibus additis ad prædictum tempus à media nocte præteritum, proditur hora 5. min. 28. tempus scilicet, quo Mercurius subire Solem debuit; cum esset latitudine minorum 2. sec. 30. (ut putà quasi existens in limbo Solari ab Ecliptica gr. 9. min. 20.) longitudine verò occuparet gr. 14. min. 44. m, ac Sol tum esset in gr. 14. min. 28  $\frac{1}{2}$  ejusdem. Sequetur demùm, si ex tempore excessus Hor. 10. min. 28. detraxeris tempus ingressus Hor. 5. min. 28. remanere Moram Mercurii sub Sole Horarum præcisè v. (quod etiam tempus elicitur ex semita Mercurii reducta ad Ecliptices min. 29  $\frac{1}{2}$ ) atque adeò, cum dimidia mora fuerit Hor. 2. min. 30. veram Conjunctionem celebratam fuisse paulò ultra semitam mediam Hora 7. min. 58. cum utrumque Sidus esset in gr. 14. min. 36. m, & Mercurii latitudo foret min. 4. sec. 30.

Porro, cum ex Admonitione, Ephemeride, Tabulis, eadem vera Conjunctio celebrari debuerit in Meridiano Uraniburgi hora 1. min. 17  $\frac{1}{2}$  tempore æquabili, hoc est tempore apparente, Hora 1. min. 27  $\frac{1}{2}$  à meridie: atque idcirco deductis inde min. 40. ob assignatum ipsi Keplero Meridianorum differentiam, fieri debuerit Parisiis Min. 47  $\frac{1}{2}$  à transacta meridie; prodit sese calculi error Horarum 4. min. 49  $\frac{1}{2}$  patetque Mercurium observatum fuisse tum à Sole excedere, cum debuerat paucis minutis,

minutis, juxta calculum, subisse Solem. Præterea cum eadem Conjunctionio prædicta fuerit celebranda in gr. 14. min. 49. m. manifestatur calculi error in motu Longitudinis minorum 13. Ad Latitudinem quod spectat, ea assignata fuerat tempore ejusdem veræ Conjunctionis, min. 5. sec. 35. Cum assignata verò à nobis existerit uno min. 5. secundis contractior, an ista quoque differentia calculi error habendus est? An ea potuit propter diurnam parallaxin contingere? An denique creata est, quod nos non satis fuerimus attenti? Id supicarer, nisi possem prope-modum asseverare, ex eo, quod à nobis aberrari potuit, latitudinem amplius decurtandam. Quicquid sit, valde adhuc mirum, potuisse Mercurii motus in tanta illa observationum difficultate, ac penuria, ita cogi in numeros, ut locus tam paucis minutis, tempus verò tam paucis horis præter verum abfuerint.

Cælum deinceps magis, magisque serenari cœptum est. Altitudo Meridiana Solis observata est, ut est antè dictum. Cœpit aër rursus turbari sub horam à meridie 3. Ad horam 5. fulguravit, tonuit, ac pluit satis valide. Id prædixissent Astrologi (nimirum Judicarii) si peracta conjunctionio fuisset in Signo aëreo, non aqueo, qualis habetur Scorpius.

**H**ACTENUS describo, præclare Schickarde, quæ peracta observatione in Commentaria retuli. Sic moris habeo, sic exigis fides, quoties tibi quicquam impertior. Quæ sum ibi ratiocinatus, præter observationem sunt: verum ea sum erga te mente, ut quæ calamo properante, ac præ magna aviditate rei cognoscendæ contextui, tibi non invidenda ducam. Tu subtilius omnia disquires, ac tua cum Observatione, (si vobis quidem fuit Sol propitius) pro tua sollertia conferes. Erit certè quod deservire instituto tuo Geographico possit, si momentum excessus fuit aut istic à te, aut aliis in locis perire acceptum. Quippe locorum intervalla parallaxin fecisse debent aut nullam, aut adeò exiguam, ut ea neglecta rem parum turbet. Nullam, aut perexiguam dico; quando jam constat Mercurium Venerè in eo situ remotiorem esse, ac ipsi Soli circumduci; & tam propinqua credita nostris antecessoribus Siderum horum distantia (merito vocatur in dubium. Si de ea fortè constiterit, etiam perexigua illi parallaxi sua perinde, atque Lunari, dum Sol Eclipsin patitur, adhibebitur emendatio.

Cætera prætereo; sed ipsam Mercurii magnitudinem, vel potius

A 2

quali

quasi *re ignotis* exilitatem tacere non possum; quando eâ delusus tanto-  
perè sum. Quis verò sibi persuasisset potuisse Mercurium in terris appella-  
ri *periphrasibus*, eundemque posse jam in cœlis *periphrasibus* apparere? Ego  
certè licet jam nōram plurimum detrahendum esse ex apparente inole  
stellarum, ob excurrenteis radios (quippe & ipse aliàs legilli in quibus-  
dam meis ad Keplerum literis, qua ratione deprehendissem diametrum  
Jovis, etiam acronychii, minuto majorem non esse) nihilominus hoc ani-  
mo mihi non satis defixeram, fore ut Mercurius factus Perigeius sub exi-  
litate tanta appareret. Fovebat præoccupationem, quòd in allata ad me  
prie nova Lansbergii Vranometria, observassem celebrem virum,  
mentionem facta Telescopii, relinquere adhuc Mercurio in media à terris  
distantia diametrum duorum minutorum. Nimirum sexta minuti parte  
contractiorem facit, quàm Tycho; qui aliundè adjecerat fore ut Mercurius  
præcipuis stellis Affixis antecelleret, si liber à crepusculi claritate cons-  
piceretur. Quin etiam memoriæ hærebat, quòd ipse aliàs Mercurii sidus  
cum Arcturo comparans, Anno purâ 1621. die Octob. 10. dum ex hori-  
zonte Aquisi eodem propemodùm momento sub auroram emergerent,  
vix ullam notare potuissem magnitudinis differentiam, ut neque rurili co-  
loris (nisi quòd Mercurius non nihil flavescensior judicabatur) ex quo su-  
bibat cogitare, quàm meritò is fuisset *diabolus*, à veteribus nominatus.

At nihil cunctandum jam est, quin longè ampliùs ex apparente Side-  
rum magnitudine, quàm credi potuisset, demendum occurrat. Nam illa  
quidem methodus mea ex comparatione ad diametrum Lunæ, aliquantùm  
profecerat: quòd ea tamen ex sola visus æstimatione perageretur, neque  
pateret ad circinum, nihil exinde accuratum. Prætereo autem seu Er-  
rantium, seu Affixarum corpuscula, quantumvis per tubum conspecta, non  
videri prorsùs exuere magnitudinem accitiam: quando tunc etiam, ut  
clarum est, luculâ circum amiciuntur. Nunc quoniam Mercurius (perin-  
de ac Luna dum Solem obscurat) & diametrum suum circino subjecit, &  
imponere sua luce non potuit: constat profectò evidentius quàm nimio  
major magnitudo tum illi, tum cæteris propter circumfusam lucem affin-  
gatur. Poterant etiam veteres id ex Luna subodorari, quæ & in Eclipsi  
privata splendore, minor apparet, quàm orbe plena; & donec *periphrasibus* est,  
arcu portionis splendidæ majorem arguit ambitum, quàm demonstret arcu  
obscuræ. Sed quòd illi ne causam quidem hujus rei per quirerent; longè  
aberrant, ut credere possent unamquamque stellam speciali sibi aëre con-  
spergi,

*Fuit alia po-  
sterius ger-  
manior cam-*

spergi, qui splendore combibito, ipse collucesceret; cùm ne de ipsa quidem Luna id ausi fuissent suspicari.

*sa Authori  
visa.*

Et jam Epicurum derideant, quòd existimarit posse Sidera minora esse, quàm appareant. Certè quod ex ipsis apparet, totum penè est amplitudo spuria; & quæcumque illi fuerit intellecta consequutio, saltè assumptum argumentum ex lucidis rebus eminèns conspectis, planè assumendum jam est. Quippe ut nocturnorum ignium species augetur ex intervallo, quòd vicinus aer splendet non discernatur vel ipsi Lynceo à flamma, cui circumjacet: ita nihil dicas commodiùs, quàm inpendio magis grandescere astra, quòd ea circumvestiens crassiuscula aura sic refulgeat, ut oculus ipsam à corpusculis circumobfessis non distinguat. Derideat etiam Aristoteles, ac simpliciter appellet eos, qui idèò putant astra pusilla, quòd pusilla hinc conspiciantur. Saltè, quòd fuco illo deterso minutissima conspiciantur; erit quòd ipse illa putet incomparabiliter minora, quàm Mathematici declamarint. Unus Keplerus suppetias venit, dum quantò magis Planetæ decrescunt, tantò eos longius à terra abducit. Immane tamen, quàm altum jam efferendus Mercurius sit: cùm ne assumptum quidem nuper spatium majus duodecuplò, quàm Ptolemæus constituisset solis à terra intervallum, instituto sufficiat.

*Germanior  
causa ex pu-  
pilla dila-  
tatione in co-  
nebris, &  
grandior  
proinde La-  
minosi Spa-  
tie in Reti-  
na fundo, du-  
ducta habet-  
ur in Epi-  
stolis De ap-  
parente ma-  
gnitudine  
solis humi-  
lis, & subli-  
mis; De  
Proportione,  
qua Gravia  
decidentia  
acceleran-  
tur; & in  
astronolo-  
gia Epicuri  
de magni-  
tudine Siderum.*

Quos proportionès harmonicæ semel probatæ non sic afficient, ii, nisi velint Planetarum intervalla amplificare, Dii boni, quàm necesse est magnitudinem illorum imminuant! De uno nostro Mercurio loquor. Faciebat Tycho illum Terrâ minore decies novies. Lansbergius duodecies: faciant jam ulterius minorem, hic quidem plusquam bis millies quinquies, ille plusquam quinquies millies sexcenties. Id fortè minus improbandam opinionem Arabum faciet, qui ex placitis Ptolemæi Mercurium terrâ minorem ducebant circiter tricies millies; ac ipsis vicissim in tanta vicinia sic necesse est decrescat Mercurius, ut rursus Terrâ minor evadat plusquam quinquagies centies millies. Videlicet Tycho contendit diametrum Mercurii, cum in mediocri intervallo distat à Terra 1150. semidiametris terrenis, apparere quasi partem diametri Solaris quartam decimam; Lansbergius, cùm distat semidiametris terrenis quam-proximè 1500. apparere quasi partem ejusdem quintam decimam; Alpharabius, & Alfraganus, cum distat semidiametris terrenis 115. tantulam tiam apparere. Atqui jam constat diametrum Mercurii in mediocri saltè distantia non esse habendam ampliorem quàm partem nonagesimam ejusdem diametri Solaris.

Ex hoc intelligere licet num Majores nostri lepidè requirerent, cur Venus, & Mercurius, perinde, ac Luna, Eclipsos Solis caussa non essent. Ac ipsi quidem caussam reddebant, tum quòd hæ stellæ diaphanæ essent, atque idcirco trajectioni lucis Solaris non officerent; tum quòd totæ lucidæ forent, sicque nihilo lucidiores, quàm ipse Sol conspicerentur; tum maximè quòd Venus quidem esset duntaxat centesima pars, Mercurius verò ducentesima, circiterve disci Solaris, sicque Sol parte tantula nihilo fieret obscurior. Veruntamen, ut nihil dicam de duabus prioribus causis, quas falsas esse Mercurii umbra, nigrantiaque jam declaravit; quæso, quod spectat ad postremam, quid non dicturi jam fuerint, cum Mercurius vix sit censendus pars septies, aut octies millesima disci Solis? De Venere idem conjector. Speravit Keplerus eam apparituram diametro septem minutorum, hoc est quasi partem  $4\frac{1}{2}$  proximè diametri Solaris; ex quo sequeretur Venerem visum iri nobis sub Sole occupantem totius disci partem decimam septimam. At ego sperare vix audeo diametrum Venerem unius integri minuti: sicque opinor Venerem vix occupaturam partem non-gentesimam, aut etiam millesimam disci.

Hinc Keplerus optimo jure canat jam palinodiam de viso aliàs, seu à se, seu ab aliis, in Sole, Mercurio. Nempe dicere possumus hoc nobis primum fuisse concessum; quandò quoties Mercurius *emparit* Soli sub-junctus in hunc usque diem fuerat, aut nemo satis adverterat, aut nullus exortus Galilæus Telescopium paraverat, sine quo res fuit planè inconspicua. Ipse profectò id hac vice pertentare conatus sum, ut nudo obtutu viderem Mercurium: at planè frustra, etsi favebant rariora illa nubila splendorem Solis obtundentia. Quì verò poterat Mercurius triente minuti non major conspicibilis fieri, cum ne macula quidem densa integro minuto, ac triente major, conspici nudo visu possit; ut mihi certè contigit cum aliàs, tum præsertim anno 1621. circa diem 10. Septemb. quantumvis aciem intenderem, & macula in limbum vergente, & fulgore Solis retulo ob vapores occiduos? Neque nos movere Abenrois debet, cum duas sibi in Sole visas nigricanteis maculas narrat, quo tempore Mercurius sub Sole esse debuerat. Siquidem neutra macularum poterat corpus esse Mercurii, sed major quæpiam alia ex eo genere, quod familiare jam evasit. Namque & ipse Galilæus quandam similem sibi visam, aliisque monstratam narrat circa Telescopium; & Keplerus recognita tum pro Mercurio Maculam Annalibus nostris creptam restituit: tum quem putaræ pari

pari ratione conspectum sibi Mercurium, Maculam demum fuisse agnovit.

Attexam-ne quod mihi in mentem inter observandum occurrit. Sanè subibat tum meditari, quid fieri posset, ut Astrologi tantulum Mercurii corpus dignum esse existimarent, qui tantæ Solis majestati prope æquo statueretur? Equidem, si audiendi forent, non jam Pygmæus, sed pene pulex videbatur mihi cum Gigante contendere, tum de moderandis rebus cæteris, tum de distribuendis hominum fortunis. Pergebam fallaciam Trutinæ Hermetis posse vel hac demum ratione ad improbum omne examen transferri; quod levissima Hermetica lanx Apollinæ gravissimæ judicaretur æquiparari. Cogitabam, si tum Mercurius haberet quidpiam virium, qua ratione illud à tanta, tamque potente Solis virtute non perinde obrueretur, ac vis guttulæ aquæ, dum conjicitur in litulam vini. Non demirabar Mercurium indifferenter vulgò haberi ad bonitatem, & inalitiam; id stupebam dici de Sole, ejus vim planè beneficam nemo non probat, nisi ingratus. Subridebam hominum fata ex tam tenuibus filis contexti ac suppudebat levitatis, qua tam multi ad ea noscenda animum serio appellerent. Considerabam, si quispiam tunc nasceretur infantulus, qui se detrius habere posset ob Mercurium, vel potius Mercuriolum in corde Solis. Habebam illum Retrogradum, ex Saturni radio recentem, in Quadrato, ac dómo Martis, in Lunæ prope oppositu, & quæ sunt his similia. At mihi tamen insusurrabam, quam absurde tunc juxta illos, infelix infans designaretur, ac Parcæ ipsi tum necerent infortuniorum genera varia, circa literas, mercaturam, divinationem, & cætera. Adiciebam, quam facile omnia hæc omnia avertentur, si forte,

*Ecce avia, aut metuens Divum matertera cunis*

*Eximat hunc puerum, frontemque, atque nuda labella,*

*Infami digito, & lustralibus antè salivis*

*Expiet, urentis oculos inhibere perita.*

Sed apage ab illis nugis.

Illud potius curandum foret, quòd Astronomi contumbandi sint ob insperatam hanc parvitatem. Notum enim quàm multos jam movere lapides oporteat, ut Systema Harmonicum ex globis Planetariis constet. Ipse est Mercurius Musices inventor, qui salutarum prodidit creditarum consonantiarum. Veritas ergo, vel nuda vincat, & quæcumque *vois quærapois*, non consonare deprehenduntur, ea demum sunt dissona. Provideant verò, si qui contendant machinam luxatam firmare, non rem

vifam ad ratiocinia; fed ratiocinia ad rem vifam bona fide pertrahere. Hæc quippe una legitima philofophandi methodus eft, fi quis naturæ fuum ingenium, non ingenio fuo naturam, quo decet candore, fubmit-  
 eat. Quæ enim placita tam multa, tamque portentofa crebrefcunt, & *φ. λαντίας* ortum habent; dum ſibi quiſque ob ſua inventa, vel ſomnia potiùs gratulatus, naturam totam, quàm ſua commenta in errore verſari mavult. Hinc etiam inconstantia illa, quam teſtentur neceſſe eſt, qui volunt agere ſincerius, dum eludente paſſim natura quis injicimus compedes, neceſſe eſt creberrimè quæ amiſerint, improbentur. Itaque ſimplicius agamus, ac niſi nobis conſtiterit quorſum, aut qualis ſymmetria inter cœleſtes globos habeatur, contenti ſimus quibus fruiliet, ac relinquamus poſteris quod ipſi adjicere poſſit. Multa habemus ſupra Majores; quid invideamus Minoribus, ſi ſint ſupra nos multa habituri? Juvemus illos potiùs quibus ſubſidiis poſſumus; cum enim ſæpius iteratas obſervationes habuerint, tum demùm fortè intelligant, quod nos defectu obſervationum non poſſumus non ignorare. Vis dicam verbis Senecæ? *Veniet tempus, quo iſta, quæ nunc latent, in lucem dies extrahat, & longioris avi di-  
 ligentia. Veniet tempus, quo poſteri noſtri tam aperta nos neſciſſe mirentur.*

Sed heus de re adeò exili quàm copioſa verba profundo? An Deus ille facundia me vi quadam verboſitatis ſub puſilla ſpecie animatum voluit? Nihil erat apud te opus agitante illo incaleſcere: ſed obtemperandum *ὁμολογῆσαι* fuit. Tu boni omnia conſule; ama me, ut facis, perpetuum; & amicum Lanziũ ſaluta. Pariſiis iiij. Eid. Novemb. Anno  
 CO IO CXXXI.

## P O S T - S C R I P T U M.

*Eclipſis Luna Diei ſequentis.*

**N**ihil perſcribo de Eclipſi Lunæ, quæ nudiuſtertiùs, ſeu poſtridiè viſi Mercurii contigit. Eodem enim vento conſtante, craſſæ adeò nubes obſcuere, ut totius ſpectaculi vix quicquid fuerit *ὁρατὸν*. Initium certè Eclipſeos videre nullo pacto licuit. De Fine hoc ſolum poſſum dicere, accidiſſe illam poſt Horam. 13. min. 13. ac ante Horam 13. min. 35. Siquidem Luna nondum erat reſtituta omnimodè, ſeu ſuperſeſſe adhuc videbatur ſeſquidigitus, aut aliquid ampliùs, cum inter nubes emicans, alta eſſet verſus occalum, & ſecundum ſui ſuperiorem limbum,

gr. 55. min. 20. Vifa verò fuit pleno orbe fulgens, cūmpost-modum interlucendo, idem limbus superior fuit grad. solum 50. min. 0. Expressius fortè aliquid de Emerfione prima proferrem, nisi adnotatum haberem illam proximè contigisse, cum Luna promotà ultra meridianum tribus circiter gradibus, alta foret supremo limbo gr. 57. min. 50. Nempe seu nubes densiores fuere, seu in tam veloci illarum transcurso rem peregi præproperè, seu non exquisitè notavi, consignavique numeros, ipse mihi jam negotium facesso, cum arcum ex altitudine Equatoris 41. gr. 8. min. & Declinatione Lunæ 16. grad. 58. min. (habito scilicet respectu acquisitæ jam latitudinis Borealis, idque secundùm tabulas) æqualem invenio correctæ altitudinigr. 58. min. 6. detracta putà semidiametro min. 15. & restitutis, ob parallaxin, min. 31. perinde ac si Luna tunc fuisset exquisitè in meridiano.

Unum Totalis Immerfionis momentum primum superest, de quo certius aliquid habeam. Etsi enim tunc temporis Fixarum stellarum nulla est conspecta: attamen tum ipsa Luna sese ad Orientem fecit satis conspicuam; tum Sidus Jovis Meridianum aliquantulum prætergressi, sub luce maligna non-nihil enituit. Itaque subeunte Luna plenas tenebras, summus ejus limbus fuit altus 52. gr. 0. min. & eodem tempore Jupiter 43. gr. 25. min. Quoniam verò Luna tunc supponitur fuisse in 15. gr. 45. min. & cum ne uno quidem integro minuto Australis latitudinis; ac proinde habuisse declinationem Boream 16. gr. 36. min. cum Ascensione Recta grad. 43. min. 16. idcirco ex correctæ ejus altitudine 52. gr. 21. min. (putà detracta semidiametro Lunæ min. 15. ac restituta parallaxi min. 36.) & ex Asc. R. Solis 223. gr. min. 44. elicitur Hora 10. min. 22.  $\frac{1}{2}$  à meridie. Pari ratione quoniam Jupiter supponitur fuisse in gr. 11. min. 1. Y. cum latitudine Australi gr. 1. min. 34. ac proinde habuisse Declinationē Boream grad. 2. min. 44.  $\frac{1}{2}$  cum Asc. R. gr. 10. min. 19. idè neglecta ejus parallaxi, & supposito eodem loco Solis, colligitur fuisse à meridie, Hora 10. min. 17. Ac varietas quidem heic subest minutorum 5. aut 6. Verùm nihil amplius præstari potuit, utinamque res tota valeat per observationes tuas emendari. Equidem non dubito, quin si tibi cælum arrisit, observaveris momenta Eclipseos ab Ephemeride dissonare. Vides ut nobis Incidentia saltem, per Horam ferè dimidiam (si Meridiani ritè sunt distincti) retardata contigerit. An secundi radii valuerint tantam moram invehere, ipse per te examinais. Vale iterùm.

Epi-



## EPISTOLA POSTERIOR

D E

## IN VISA VENERE.

WILLELMO SCHICKARDO

*Amico sincero*

PETRUS GASSENDUS S.

**E**FFRACI nuper, mi Schickarde, ut Deus ille *πολυτροπος* vinc-  
tus coram te sisteretur. Speras Deum *πρωτόγονον* pari ra-  
tione jam traducam? Ausus fueram, volueram: sed ipsi me  
gravē peccare in Sexum non collibuit. Est quod mirerē  
Fallacem illum potuisse sese prodere, Comptam hanc no-  
luisse ostendi. Sic tamen res habet: Spumigena hæc nec rosea cervice re-  
fulsit, nec falsa ludit imagine. An eisdem compedibus teneri noluit, qui-  
bus Mercurius, ne vel crearetur Hermophraditus, vel gratum illi fieret,  
qui risum alias excitarat, testatus se vincula nulla exhorrescere, dum pos-  
set, ut Mars,

*Εὐδαιμόνιος ἀντιπροσώπων Ἀφροδίτης;*

An vultum subduxit, ut faceret sui deliderium ardentius? An noctu solum  
spectari voluit, ut pleniorē umbra gratiam commendaret? An prodire  
renuit sine certaturis de forma Deabus, quis vinceret? An me indignum  
habuit, qui cum Orisadem mentiretur? An sub organis à me apparatis  
Vulcani dolos verita est? An timuit ne novus Diomedes diuin cruo-  
rem exigerem,

*μυνησθεὶς τῆς ἑλπίδος;*

Hæreo: sed mihi non fuit illud hac vice exclamare,

*Τε θεά, τε φύγαντι ἔντι, τε νύβητι κατὰ,**Ἀδεντήμινε τῆς νύκτος;*

Quippe & venti, & nubila, & alta etiam noctis caligo ejus adventum oc-  
cupavere;

*Qua*

*Qua sine, nec quicquam Dias in luminis oras*

*Exoritur; neque sit latum, neque amabile quicquam.*

Perin' ut Amphihionis Pacuviani inllat eloquar tandem clarius? Ecce igitur ut in Commentariis. Ad Annunt 1631. Mense Decembri diebus 6. 7. & 8. stylo Novo, Parisiis.

**T**EMPORE instantie, quo Venus, juxta Kepleri Admonitionem, apparere sub Sole debuit, eadem omnia, sed accuratius, quam pro Mercurio, parata fuere. Licet enim totum id tempus, quo Venus sub Sole futura juxta calculum fuerat, intra spatium noctis cauebat: neque dubitabam, quin Veneris motus cognitiones essent Mercurialibus, atque idcirco, quin minor hic, quam nuper in Mercurio calculi error prodiceretur; nihilominus committere nolui, ut si quispiam sensibilis insinuaretur errorculus (Veneris nempe facta conspicua) aut is abiret inobservatus, ut similis ulla, ac circa Mercurium, subire posset poenitentia. Promittebatur vera Conjunctio Die vi. in gr. 14. min. 55. cum latitudine Veneris ad Boream min. 11.  $\frac{1}{2}$  idque in Meridiano Uraniburgi, tempore æquali, Hora 9. min. 41. seu apparente tempore, Hora 9. min. 46. atque adeò Parisiis, Hora 9. min. 6. Debebat proinde incursum in Solem sub occasum Solis proximè contingere. Excessus die sequente manè, ad horam circiter 2. Itaque invigilandum potissimum duxi ipsa Die vi. non neglecturus diem vii. si sexta nihil foret visum. A diebus iv. & v. usque respectaturus fueram; sed iis totis cælum fuit planè nubilosum, ac pluvium. Perseverabat Africus ex observato usque Mercurio. Seu illi aëris imperium forte datum obtigerat, seu Mercurius Astrologorum Æolus ita deltinârat; tanta fuit per vices ejus vehementia, ut etiam ædeis subruerit. Id observatum potissimum ad ipsam diem Eiduum Novembris.

Ipsa Die vi. Decembris, cum idem venus continuò flaret, & satis quidem validè; cælum tamen sub auroram admodum serenum apparuit. Sol deinde exoriens confertis vaporibus tectus, videri liquidò non potuit. Non longè ab Hora 8. cum vapores rareficerent, Sol sese satis diserte pinxit in circulo cis Telescopium. Ac Venus quidem nusquam comparuit; verum apparuit Macula gemella, quam ad se lætatus sum, ut illam variè cum Venere, si adventaret, conferre possem. Existimabam siquidem neminem posse tunc temporis Veneris causâ Solem spectare,

Bb

quin

quin illicò Maculam illam & deprehenderet, & observaret. Quare & ipse eam, qua potui, descripsi diligentia; si nullam quidem aliam ob causam, saltem, ut ex collata mea cum cæterorum observatione, certior utcumque fierem, proderet: ne ullam parallaxin. Sed de hoc statim. Venus interea conspecta non est Hora 10. Sole satis claro. Non item Hora meridiana, in qua summa Solis altitudo fuit grad. 18. min. 25. (saltem Sol ibi hæsitavit, neque visus est alterius ascensurus, cum interceptus nubibus est.) Non inter Horas 2. ac 3. à meridie cum Sol restitutus est, circiter semi horium. Non Hora 3. cum quadrante, aut triente circiter, Sole adhuc alto sex proximè gradus, ac tota facie facto conspicio. Ex eo tempore Sol non totus visus, sed variis solum particulis per rimas quasdam nubium, ad usque altitudinem graduum duorum cum semisse. Quæcumque verò Solis frustra exhibita in circulo sunt, illa Venerem nusquam tetulerunt. Reliquo toto tempore nubes fuere magis confertæ, ac densæ, quàm ut quidpiam Solis omnino apparuerit.

Ad Maculam quod attinet, ea, ut dixi, gemella fuit: exiguum quippe interstitium duas ejus parteis distinguebat, cum illud etiam luculâ (in quam maculæ ferè desinunt) rubicundiore compleretur. Utraque erat ellipticâ, seu quasi ovalinâ formâ, ea proportionem diametrorum, ac longa esset ad latam dupla, sed longitudinis extremis non-nihil acutioribus. Cuspides utriusque deorsum, sursumque spectabant; & quæ ex duabus orientior erat, ut longior, ita latior parte sui quarta propè videbatur; eratque duabus circiter quintis secundum situm depressior. Eiusdem longior diameter unius particulæ erat, qualium diameter Solis sexaginta; cum & ipsius cuspis inferior à superiore alterius particula una, cum semisse distita foret. Hoc modo transversa utriusque conjunctim acceptæ crassities unius particulæ erat: habui autem medium hujus crassitiei veluti centrum Maculæ. Regio porro, in qua apparuit (intellige semper in circulo ipso) quadrans fuit, qui limitatur exortu, & meridie. Hora 10. centrum Maculæ distitit à circuli centro particulis sex cum semisse. Hora pomeridiana 2½ distantia fuit particularum septem, ac semissis, aut etiam aliquantè plus. At in ipsâ Meridie, quo tempore situs verticalis cum Ecliptica perseverat constantius, situs Maculæ in disco Solari paullò accuratius observatus est. Diametro ergo circuli ad meridianum sic accommodata, ut diameter alia ad angulos rectos esset horizonti parallela exquisitius, Maculæ centrum distitit à circuli centro particulis septem; & à puncto diametri, circu-

circuli que infimo particulis viginti sex, cum tribus octavis. Aberat proinde & à meridiano particulis  $5\frac{2}{3}$  & ab ipsa Ecliptica, quæ deinceps ducta per circulum est, particulis  $3\frac{1}{4}$ . Et sic quidem hac sexta Die Macula sese habuit.

Die vii. emergente Sole ex matutinis vaporibus, ac in altitudine graduum  $5\frac{1}{2}$  seu Hora  $8\frac{2}{3}$  Venus ab illo absuit. Apparuit autem Macula distans jam à circuli centro particulis ferè 13. In Meridie Sol altus fuit gr. 18. min. 38. Tunc verò situs Maculæ is fuit, ut ipsius centrum abesset à circuli centro particulis  $13\frac{2}{3}$  ab infima diametro particulis  $27\frac{1}{2}$  atque adeò à meridiano particulis  $11\frac{1}{2}$  & ab ipsa Ecliptica particulis  $4\frac{1}{6}$  cum descripsisset motu diurno, secundum propriam semitam, particulas proximè 7. seu quasi 6 $\frac{1}{2}$ . Tum porrò Venus adhuc invisa; etiam claro Sole, sub Horam à meridie tertiam.

Die viii. nihil jam Veneris adventum moratus, accepi solum Maculæ situm, cum Sol esset in meridie altus grad. 18. min. 31. Moles jam tum agnita est nonnihil contractior. Centrum illius distat à circuli centro particulis  $18\frac{2}{3}$  ab infima diametro partic.  $29\frac{1}{3}$  atque adeò à Meridiano particulis  $17\frac{1}{4}$  & ab ipsa Ecliptica particulis  $4\frac{2}{3}$  fuitque motus ejus diurnus secundum propriam semitam particularum  $5\frac{1}{2}$  Nubes dierum sequentium, cum Vulturus succederet, observationem inturbaverunt.

**H**Æc sunt, Schickarde, vir optime quæ *ἡμεῖς ἰσχυροῦς φανερῶς* conscripta habeo, Exspecto adhuc quid de Mercurio ipse observaveris: nam de Venere propè certus sum te quoque illam celatum fuisse. Cum enim Hora propè diinidia sepositus ad ortum sis; mirum, si quod nobis occasuri Solis nubes inviderunt, id tibi partem spectaculi expectati præbere potuit. Si fortè tamen Maculam eandem aut observatam abs te, aut ex aliorum observatione communicatam habeas; quæso pro tua humanitate impertiri ne grave ducas. Nisi ipse nunc erga te tam diligens videor, ac nuper circa Mercurium fui: causam habeo, tum quòd tam prompta occasio literas meas ad te mittendi Diodato nostro nata non est: tum quòd commodum expectare volui, utrum descripta Macula ante suum è Sole excessum, sese adhuc conspicuam (quod non præstitit) faceret; tum quòd quantum Mercurius ad spectu suo me animàrat, tantum Venus meum conspectum averfata languidum fecit; tum demùm quòd toto jam mense eo laboro *μυκροῦμαι*, ut nocteis propè insomneis ducens, nulli seræ occupationi

tioni usum, possim velle dedere. Si salutis dispendium fuit, quod non omnino citra contentionem ad observandum fuerim accinctus; illud cum sperata mihi voluptate, cumque studio, quo volui tibi rem facere gratam, compensatum esse.

### *Monitum 1. de Marte.*

**A**PPENDO etiam, quod ex mora fortè accessit, tenue lacellum. Nosti Keplerum adnotasse ad calcem motuum hujusce mensis, fore nobis Martem inter Cor, & Cervicem Leonis die 16. Ego, cum Die 10. manè, sub auroram, strati impatiens exurgerem, animadverti serenitatem splendore Lunæ indicari. Ostio aperto, oculos versus Merid. sustuli ac deprehendi illic paulò ultra Meridianum, Martem proximè collocari inter duas prædictas stellas. Siquidem ducta recta linea ab una stella ad aliam, videbatur quamproximè ab illa linea attingendus. Die ii. eadem Horâ, cum & tunc demonstrante Luna invitaret serenitas, in eadem Astraciem intendi. Observavi autem Martem præterisse jam rectam illam lineam, tantumque factum orientaliorem, quantum die antecedente fureat occidentalior. Utut per nubeis inter-currenteis, ac urgentem fluxionem licuit, accepi Martis à Corde distantiam grad. 2. min. 26. Istud artexo, ut errorem 5. aut 6. dierum videas. Enim-verò exilimo typographicum esse lapsum, cum facilè o. pro 6. irrepere potuerit. Scilicet numeri consentiunt; eadem propè tum-existente Longitudine Reguli, & Martis. Potest tamen unius diei (sed in diurno motu lentiore) adnotari errorculus, cum Ephemeris habeat de illa die (decimam fac.) nobis manè, adhuc antè.

### *Monitum 2.*

**P**ORRò hic lapsus me admonet, ut corrigendum indicem lapsum non paucorum dierum, sed integri Mensis, qui obrepsit in descriptionem observationis de Marte, quam Merfennus noster imprimendam voluit ad calcem Exercitationis meæ Epistolice contra Fluddum. Lapsus habetur pag. penultima, seu 359. lin. 2. quo loco pro *Mais*, repositus est *Junius*. Id amicus quispiam agnovit, dum fortè illam Observationem cum nova Kepleri Ephemeride conferret, indicavitque illicò. Ipse

Ipsè Commentarium statim protulit, in quo reverà reperimus *Maïum*. Seu verò meum, seu Exscriptoris, seu Typographi vitium fuerit, quæso ut quando meas nugas probans, asservas exemplar illius Exercitationis, velis erratum corrigere. Id etiam admone amicos, si qui fortè habent exemplaria. Siquidem quia illic de fide Observationis agitur, noluerim cuiquam ex eo mendo errandi occasionem fieri. Ac possent quidem peritiores, attentiorésque faciliè notare locum illum Martis in eum mensem non cadere; sed nisi quis in serie motuum hujus Planetæ versaretur, deluderetur facillimè. Noveris fortè ex catalogis nuperarum tam Vernalium, quàm Autumnalium Nundinarum, Fluddi Responsum ad meum Libellum quasi excusam jacturam fuisse: Bibliopolæ tamen nostrates retulere nuperrimè illam ex Typis nondum prodiiisse. Tu, si quid habes de ea compertum, cura amabò ut nosse valeam. Tametsi enim is non sum, qui velim ansam præbere Fluddo, ut iterum respondeat; nihilominus non invitus quid jam responderit cognoscam. Sed tandem Vale. Parisiis, Pôitridie Eid. Decemb. An.  $\infty$  10 CXXXI.

# EXCERPTUM EX EPISTOLA,

Quæ priore harum memoratur ad  
Keplerum scripta, Parisiis,  
vj. Kal. Septemb.

An. M. D C. XXX.

*Eclipsis Solis.*

**C**ÆTERUM copiam à Schickardo nostro tibi jam existimo factam meæ illius Observationis circa Eclipsin Solis nuperam Diei x. Junii. Nisi fuerit, scito nobis in hac Civitates

Bb 3

(cujus

(cujus latitudo est 48. grad. 52. min.) illius Initium contigisse Sole ad Occasum alto grad. 14. min. 40. seu Horâ post Meridiem 6. min. 16  $\frac{1}{2}$ . Finem videri non potuisse, propter Solis occubitum, cum duorum propè digitorum foret adhuc obscuritas. Medium, quatenus licuit, observatum proximè fuisse Sole adhuc elevato grad. 6. min. 20. seu Horâ circiter 7. min. 12. Maximam obscurationem fuisse digitorum 11. min. 32. Videlicet ambitum Solis excipiebam citra 1 telescopium Circulo ejus diametri, quæ 2. & 20. Parisiensis pedis pollices admitteret. Amplitudo sanè egregia ad venandum præcisionem Quantitatis Eclipticæ: sed quæ ob motum continuum, quo Circulus in satis magna à tubo distantia distrahendus erat, non satis tutam reliquerit duarum rerum, quæ mihi cordi simul erant, designationem. Siquidem mens fuerat præcisè captare & inclinationem diametrorum ad verticalem, & portionem residuam exterioris limbi Solaris ad extremas cuspidem usque. Illud, ad varias species parallaxeos; istud, ad ipsam diametrorum inter sese comparisonem. Verùm, tametsi adnotatum habebam Eclipsin cœpisse 35. gradibus à supremo puncto Circuli versus Austrum, seu ad dextram Circuli, ac defuisse illi exteriori limbo in maxima obscuratione ad semicirculum gradus 10. Neutrum tamen dividere ut summè exquisitum velim. Ita contingit, ut neque semper, neque ab omni parte esse beatum liceat.

*Occultatio Saturni à Luna.*

**H**Æc sanè infelicitas Duplicem aliam revocat in mentem, quæ mihi Hex eo tempore inter observandum occurrit, & quam utramque si heic recitaro, haud inportunè fortassis agam. Prior fuit circa Occultationem Saturni à Luna, quæ Die sequente 19. ejusdem Junii contigit. Cætera enim exquisitè, at instrumento tum destituebar, quo Horam venarer ex fixis. Utcumque tamen licuit, ex variis, quæ circumsonabant Urbis horologiis, unum delegi, quod præ cæteris observaram Cælo quadrare. Observationem ad hoc referens, quod quadranteis horæ pulsabat, momenta notavi, quibus Luna Saturnum subiit, ac deferuit. Itaque Luna tum *disparuerat*, Saturnum texit latere obscuro, parte ejusdem proximè 6. ab inferiore angulo, seu confinio claræ, & obscuræ partium; cum esset Hora vespertina 10  $\frac{1}{2}$ . In ea Lunæ phasi apparent ad anteriorem, seu ferratum limbum duo quasi Uniones, seu bullæ, quas tertia quædam

quædam media circa diametrum ita sequitur. Saturnus ergo Lunam iniiit è regione harum bullarum. Notandum verò, cùm per Telescopium pateret adhuc ampla distantia inter Saturnum, & lucidum, seu denticulatum limbum; nudo tamen visu eam tantulam fuisse, quæ stellam 3. magnitudinis ægrè captura videretur. Exiit autem Saturnus deinde à limbo occiduo, ac illuminato ampliùs quadrante, sed minùs triente ejusdem, ab eodem-met confinio. Scilicet proximè, & quasi è regione illius umbilici, è quo varii radii pulcherrima specie funduntur. Erat tum Hora 11. 1<sup>1</sup>/<sub>2</sub> aut 1<sup>1</sup>/<sub>10</sub>. Apparuit nempe ad Telescopium quasi pappulus candidus Lunæ velut super-excrescens, qui ferè tamen ad horæ quadrantem fuit nudo visui inconspiciuus.

*Transitus Luna prope stellam Ophiuchi, ac æstimata Diameter Jovis.*

**P**osterior fuit circa Lunæ Transitum prope stellulam in pede Ophiuchi, Die hujus mensis Augusti 16. vespèri. Quippe tunc quidem non fui destitutus idoneo quodam organo; at quòd non aliàs satis advertissem numerum earum stellarum, quæ inibi sunt, & catalogo Tychonis desunt; aliam illic stellam non sum suspicatus, præter eam, quæ prope Lunam est mihi conspecta, cùm Telescopium limbo Lunari, nescio quid curans, circumducerem. Ex hoc enim est, cur etsi conjecer hanc stellam fuisse majusculam illam, quæ depingitur in globis 3. magnitudinis; id tamen prorsus jurare non ausim. Quæcumque tandem ea fuerit, diameter Lunæ (& tunc *æmphiuvru*) per extrema confinia partium lucidæ, & obscuræ ducta, ac versus stellam continuata, ipsam cepit inferiùs, seu ad austrum, interstitio inter stellam, ac limbum Lunæ tanto, quanta proximè esse videbatur sexta pars diametri Lunaræ; cùm Sinistram genu Ophiuchi esset adhuc altum grad. 16. min. 30. seu Horâ à Meridie 9. min. 55. Porro illud quoque interstitium tantum visum est, quanta est distantia inter duas illas stellas proximas in Cornu Capricorni; neque omninò limidium ejus intervalluti, quod est inter 2. Equum in cauda Ursæ majoris, & insidentem illi Equitem. Sed & dum idem interstitium cum eo compararem, quod tunc erat inter Jovem, & unum ex ejus satellitibus, qui tum ipsi solus ad ortum, discrimen nullum observari potui inter utramque distantiam. Quo loco illud mirabile duxi, Diametrum Jovis tunc prope Acronychiū, non debere per Telescopium videri minuto majorem. Cùm

coim



enim illud interstitium videretur expleri posse s. Jovis diametris; & tales quinque diametri, non continerent, nisi sextam partem diametri Lunar-  
is, seu quinque circiter minuta, perspicuum est Diametrum Jovis unum minutum vix exc. fuisse. Lætor id mihi venisse in mentem, ut te equi-  
monerem, quam posses ipse considerare. Ego tamen idem observavi  
ante novem annos (quo etiam primum tempore Jovem videre interdum li-  
cuit) nescio tamen quâ oscitantia penè oblitus id fueram, &c.

# AUCTARIUM

## AD EUNDEM

### SCHICKARDUM.

#### *Occultatio Martis à Luna.*



**I** SCHICKARDE. Significaram literis datis postri-  
die Kalendas Janu-rias, exemplum duarum Epistolarum  
ad te junctè transmissum, quod Amici extorsissent,  
voluissentque typis mandari, cum Excepto mox addito:  
ne tum quidem mandatum fuisse. Longiores ex eo tem-  
pore Typographus produxit moras; donec rem hac  
hebdomade perficiendam serio suscepit. Itaque ea tota opella deducta  
penè die superiore ad umbraicum fuerit: cum ecce nocte præterita inlig-  
nis occasio sese obtulit Auctarii hujus adjiciendi. Res commodò ex in-  
spiratò: ita nescio quis bonus Genius ex editione procrastinata tibi, tui-  
que similibus, qui harum rerum fuerint studiosi, consultum esse voluit.  
Scilicet observare licuit Martis à Luna Occultationem, quam possem hæc  
adtexere: & quod magis mirari debeas, propemodùm ex improvìso. Si-  
quidem obscurus, humidus, ventosus dierum antecedentium aer cælum  
æquè memoriæ, oculisque subduxerat; & quamvis Keplèrus monuisset  
inigne fore hoc Plenilunium ob ejusmodi Conjunctionem, ipse non ad-  
verteram tamen, neque prius animadverti, quàm Johannes Baptista Mo-  
rinus amicus meus singularis, & in Academia hujus Civitatis Regius,  
lauda-

laudatusque Matheſeos Profeſſor, qui ea quoque cura incubuerat, me hoc manè, clara jam luce, præ noctis inſomnis laſſitudine adhuc ſopitum, excitavit. Ut totam porro hiſtoriam Obſervationis recenſeam, neque committam, quod Ariſtoteles, dixiſſe contentus viſam ſibi Lunam, cùm eſſet *ἀγένητος*, ſubire Martem parte obſcura, emittereque lucida; en ut ea ſeſe habuerit.

Heri, Die v. Februarii, An. 1732. ſub horam viij. à meridie, pergebam ad cœnam, cùm cœlum inſolito pulchrius invitavit me ad ſpectiem Lunæ contemplandam. In illam reſpectans, attendensque Martem non longè ab ejus tranſite verſantem, facilè conjeci illum, cui adulteria pro ludo eſſent, ſuprum etiam, priuſquàm Aurora exoriretur, attenturum. Poſtquàm ergo exempta fames, ſeceſſi, atque apparavi tum Quadrantem ſupra deſcriptum, tum probum Teleſcopium. Sub Horam xj. turbari ſerenitas cœpit, tranſvolantibus raris nubilis, quæ ſupernè Corus agebat; cùm in Telluris ſuperficie mira vigeret tranquillitas. Sub mediam noctem accepi Lunæ altitudinem maximam; eaque exhibita fuit ſecundum marginem ſupremum grad. 62. min. 12. Ac paullo poſt Martis; eaque fuit grad. 61. min. 30. Et conſequentè Reguli: eaque fuit grad. 54. min. 56. Obiter autem adnotavi, ſi hæc quidem eſſet vera Reguli meridiana altitudo, ac declinatio ejusdem foret grad. 13. min. 46. Boreæ; Polarem altitudinem heic futuram grad. 48. min. 50. hoc eſt duobus minutis brevior, quàm ex altitudine meridiana Solis per æſtatem jam deduxiſſem. Sub horam 1. à media nocte conformata eſt circa Lunam Halos, quæ reliqua nocte duravit, varièque comprobata eſt eadẽ diametro, quàm cæteræ omnes, nempe ſubtenſa partis octavæ totius cœli ambitus. Sub horam 11. accipere volui Martis diſtantiam tum à Cordẽ, tum à Cervice Leonis, ad designandum ipſius locum proximè ipſam Conjunctionem: ſed tum nubila tranſcurrentia ſtellas per vices eripuerunt: tum vapores denſiores facti eas ſic exileis exhibuerunt, ut conatus fuerint proſuſ irriti.

Ipter 11. & 111. horas Mars ſic à motus Lunæ apparuit, ut jam nudo viſu non poſſet ampliùs conſpici; ipſo verò Teleſcopio, tanto circiter intervallo videretur adhuc abeſſe ab illius margine, quanto ſine Teleſcopio Lunæ diameter appareret. Credebam etiam facilè fore, ut Luna duntaxat Martem ſtringeret: niſi quòd ad conſtitutionem Poli Ellipticæ reſpiciens, non omninò deſperabam, quin vel tantillum occultaret. Nec verò vana fuit ſpes. Siquidem jam ſub horam 114. cùm illi quaſi adrepiſſet,

ac Mars proximè accessisset ad verticalis Lunæ plānum, tum demum Luna Martem occuluit. Contigit ista Occultatio, cū limbus ille Lunæ supremus foret altus ad occasum grad. 44. min. 17. & eodem tempore Arcturus foret altus ad exortum grad. 56. min. 10. Expectato postea egressu, etsi vapores jam fuerant longè ampliùs densiores facti, variegataque irradiatio circum Lunam diffundebatur; apparuit tamen Mars emergens in multa jam inclinatione ultra plānum verticalis, cū idem limbus Lunæ supremus esset altus ad occasum gr. 39. min. 57. eodemque momento ad ortum foret Lucida Lyræ alta grad. 31. min. 54.

Hinc supposita Arcturi Ascensione Recta grad. 209. min. 43. cū Declinatione Bor. gr. 21. min. 11. Lyræ verò Asc. Recta grad. 276. min. 7. cū Declin. Bor. gr. 38. min. 29. Solis denique, putà existentis in gr. 17. min. 3.  $\infty$ , Ascensione Recta grad. 319. min. 31. præter elevationem Poli designatam superiùs, sequitur Occultationem cœpisse hac Februarii Die vj. manè, seu à media nocte, Hor. 3. min. 3. Desisse verò Hora 3. min. 33. Sicque totam Moram fuisse minorum 30. & dimidium Moræ minorum 15. Sed notandum est initium occultationis acceptum esse, cū Mars planè conditus fuit, finem cū penitùs emerisset; ex quo fit, ut cū centrum Martis dimidio circiter minuto potuerit antè immergi, scilicet Horà 3. min. 2 $\frac{1}{2}$ . dimidio antè emergere, scilicet Hora 3. min. 32 $\frac{1}{2}$ . sequatur veram Martis cū Luna Conjunctionem accidisse Hora 3. min. 17 $\frac{1}{2}$ .

Qua regione Mars evanuit, Macula Lunæ longior, strictiorque producta supernè à dextera parte, in patentiore ad sinistram velut effundi incipit. Apparet ibi infra Maculam quasi Rhombus lucidus (ad dextram tamen cū reliqua lucida parte cohærescens) cuius supremus angulus vergit in Lunæ marginem. E regione ergo huius anguli, vel tantillum ad dexteram, Mars præter Lunam fieri cœpit. Qua verò regione Mars erupit, eadem ad dextram Macula sinuari jam cœpta versùs limbum est, exhibitura Stomachi speciem. Hinc, quantum ad visum æstimare liquit, semita Martis ultra Lunam fuit quasi subtensa unius partis septimæ totius Lunæ circumductus; atque idcirco minorum quam proximè tredecim. Unde æstimato etiam ad visum quasi sinu versò immersionem summam metiente, visa est Martis diameter repetita ter proximè, illam omnino impletura: sicque cū ille non fuerit nisi min. 1 $\frac{1}{2}$ . visa est Martis diameter non multò productior dimidiū minuti. Forte in majore à Luna distantia,

tia, sepositisque vaporibus videri possit diameter Martis ad unius minuti bessem, aut dodrantem accedere: longè tamen absum, ut credam fore ut minuti integri appareat.

An verò mea æstimatione partis illius septimæ sat iusta fuerit, ambigo: quando subitensa illius fuit minor Lunæ semidiametro; & peragrata tamen est æquali propè tempore, quo semidiameter ipsa Lunæ. Veruntamen ex designatis ingressus, & egressus punctis, licebit semper, quoties Luna circiter plena fuerit, æstimationem examinare, & ad rectum compellere. Utrum verò dicam me subdubitare, an Lunæ semidiameter minor sit, quàm vulgò habeatur? Certè, tametsi Telescopium, dum stellas omnes circumcidit, Solem, Lunamque amplificet: certi tamen adhuc non sumus, an dum utriusque diameter dimidii gradus vulgò putatur, eadem Telescopio apparens sit etiam pars vigesima supra septingentesimam totius circuitus cœli. Revera enim aliquid etiam ex utroque luminari circumrefecatur; & ex Luna præcipuè, dum observatur extra Eclipsim. Memini aliàs rem tentasse, dum compararem diametrum Lunæ ad illam distantiam, quæ inter secundum Equum, & proximum Equitem in maiore Urfa habetur: sed rem non satis successisse, cùm talem distantiam exigere toties ex diametro Lunæ, quoties ipsa iuxta vulgarem æstimationem præ se ferebat. Et ne à præsentis negotio recedam, vides profectò, si prædicta æstimatione ritè habuerit, ac ratio quoque habita paralaxeos cuiusvis fuerit, subdubitationem non injustam fore. Alioquin enim tempus respondens motui semidiametri Lunæ non solum non excederet, sed etiam longè superaretur à Mora illa Occultationis; si nudo visu, & citra opem Telescopii posceretur. Non quòd Mars post sui emersionem conspici usquàm nudo visu, propter vapores, potuerit (quem Telescopio tamen scētatus circiter horam continuò sum) sed rem perpendo ex immersione, & à simili ex supra relatis circa emersionem Saturni. Enimverò *id est ipse*.

Atque hæc sunt, quæ jam de Martis Occultatione, seu mavis Eclipsi, commemoranda habui; quæque è re esse putavi Astronomiæ non reticere. Vides scilicet ut Keplerus calculo suo deduxisset, fore ut Mars quidem regeretur Romæ, & Hispanis ad fretum Herculeum; verùm stringeretur duntaxat supremo Lunæ margine habitantibus ad Danubium. Quamobrem verò & nobis quoque non prædixerat tectum iri, qui Meridiano intercipimur Romanum inter, & Gaditanum, & versamur in

parallelo, qui vix quicquam ullo ductorum per Danubium australior sit? Sanè & Borealioribus, & vobis etiam, parùm obstante parallaxi, Mars regi debuit; ut dubium proinde non sit, quin emendandum aliquid in Tabulis motuum superfit. Providebis ipse quatenus exinde subsidii quidpiam ducatur ad Geographicum institutum; si aut observatio quoque facta est vel abste, vel ab alio; aut si putas tempus ritè fuisse à Keplero assignatum Meridiano Uraniburgi; cùm quas adhibere cautiones in ejusmodi negotio conveniat, optimè omnium ipse pernoscas. Cæteros mitto, ac præsertim Astrologiz deditos, iis enim licebit per me fata canere admiranda ex corporali hac Conjunctione in domo Solis celebrata, & in quadrato propè Saturni, in cujus domo Sol exulans conjunctos Planetas in tam exquisita oppositione habuerit.

*Monitum de Marte.*

**H**Oc etiam addo, ut ~~missum~~. Cùm monuissem te posteriore superiorum Epistolarum Martem eo die non constitisse inter Cervicem, & Cor Leonis, dum ad stationem properaret, quo Keplerus prædixerat; admoneo te jam neque constitisse præstituto ab illo die, dum à Statione regrederetur. Etenim scripserat Keplerus futurum Martem inter eas stellas manè ante diem undecimam elapsi Januarii. At cùm die 13. insperata serenitas ineunte Aurora conspicuam fecisset regionem occassus, oculos conjeci in Martem, cumque deprehendi vix corpore toto excessisse lineam inter dictas stellas directam; adeò ut neque esse potuisset in ejusmodi linea ante illius noctis initium. Non memoro ut Venus tunc per hiatus nubium illucescens sensibilem pro jecerit umbram, extremaque adhuc cornua per Telescopium ostentaverit.

*Monitum aliud.*

**D**Enique juvat attexere quod etiam jucundè accipias. Accessit nuper ad hanc Civitatem, Theologici, studii gratiâ, pereruditus juvenis Ilimæli Bulialdus Lodunensis, vel, si placet, Juliodunensis. Is, me invisit, & rerum cœlestium studiosus, ac intelligens, Observationem communicavit acceptæ à se Lodunensis poli altitudinis: quod tu impensè requirere observationum genus soles. Altitudinem dixit esse grad. 48. min. 1. quòd anno 1625. Die Junii 21. altitudinem meridianam Solis observasset amplo Quadrante grad. 65. min. 19½. Est porro Lodunum oppidum in Gal-

in Gallia apud Pectones non incelebre. Adjecit ille Pictavium, olim Augustoritum, nunc vulgò *Perthiers*, esse Loduno ad Austrum, ac in eodem Meridiano præcisè, cum distantia 10. leucarum apud Pectones usualium, quas Germani, qui illud iter sæpiùs emensi fuerint, æquas censent Germanicis milliaribus sex cum semisse. Hoc addo, ut nôris tum Origanum, & alios Ptolemaum insequutos provehere Pictavium plus æquo in Boream; Keplerum verò, & alios plus æquo versus Austrum abducere.

Adderem aliam Observationem pro differentia longitudinum: sed hæreo de illa tantisper. Memoravit ille observatam à se Loduni Cordis Leonis Occultationem à Luna, anno 1627. Die Junii 17. Horà post meridiem 9. min. 33. cum nempe distantia Lunæ à vertice foret grad. 73. min. 32. Ex collatione verò istius Observationis cum mea, quam impressam habes ad calcem suprà memoratæ Exercitationis pag. 304. sequeretur differentiam longitudinis Diniam inter, & Lodunum esse min. 57. cum ego eandem Occultationem observarim Diniz ex altitudine caputæ Leonis Horà 10. min. 30. Atqui non videtur hæc tanta interesse differentia. Cum enim inter Diniam, & Aquas sextias non sit differentia longitudinis, nisi trium propè minutorum; inter Aquas verò, & Parisios, nisi 14. ex comparatione Eclipsion Lunarium: sicque Diniam inter, & Parisios nisi min. proximè 18. superessent Parisios inter, & Pictavium min. 40. Porro interstitium non videtur tantum: cum æstivanti itinera illud videatur dimidio minus, proximè scilicet accedens ad differentiam Ptolemaicam. Assignata certè Keplero procul dubio deficit nimium. Utcumque se res habeat, nihil dissimulandum duxi, quòd tu ut nosse desideras omnia, sic proficias ex omnibus.

Sed finio tandem, si adjecero conscribenti ista mihi traditam à Diodato nostro Observationem abs te factam nuperæ illius Lunaris Eclipsios. Nec verò Epistolam video, nec mentionem ullam factam observati Mercurii. suspicor te non observasse: quamobrem enim observationem non apposuisses in eadem serie? Exspecto tamen literas, quibus me certiore ejus rei facias. Obiter video nos non malè, pro locorum differentia, de totali Lunæ immersione convenire. Tu Vale, & me semper ama. Paris dicta Die 6. quæ est viij. Eid. Februar. An. 1627 CXXXII.

F I N I S.

Cc 3

Pro

PRO WENDELINI VOTO  
PER

# PETRUM GASSENDUM,

Cujus heic sunt ea de re

EPISTOLÆ TRES

cum insertis quibusdam aliis.

*Accessit Relatio Eclipsæ Lunaræ variæ in locis observata, Anno 1635.*

PROPORTIO

# G N O M O N I S

A D

# SOLSTITIALEM UMBRAM

Observata Massiliæ, &c.

EPISTOLA I.

*Admodum Reverendo, & Clarissimo Viro,*

DN. GODEFRIDO WENDELINO,  
Condatenſi Canonico, & Mathematico  
eximio,

PETRUS GASSENDUS S.



Ecimus penè agitur mensis (Præclarissime Wendeline) ex quo accepi literas ante annum abs te conscriptas. Non est verò, quòd suspicere meam in rescribendo moram compensationem exigere: publica potiùs causa est, qua interclusæ nobis viæ literarum ultrò, citroque dandarum. Et hæc-

hactenus quidem causa perseverat; verum eximia nostri huiusce viri, & amici incomparabilis solertia ferro potentius castra perrumpens, viam aperuit, qua jam tandem communicare inuicem possimus. Age proinde, nihil cunctemur, cum non sit praesertim, quod exinciscamus, fore, ut nostrae litterae, si quas contingat intercipi, nos perduellionis reos convincant. Innoxius nempe calamus nobis, neque ~~cautus~~ attingens; quando neque ipsi publicis seu rebus, seu consiliis iuniscemur. Quae tractamus negotia, Reipublicae separatae sunt, & commune nihil cum diffidiis huiusmodi vulgaribus habent. Ipsum est Coelum, ipse est Mundus, ipsa rerum natura est, in qua contemplando versamur, & ex qua nihil potest uni ditescendo accrescere, quin sit statim omnium, & communis juris. Nihil in ea discriminis, seu Celsae, seu Cantabris simus: quare & incolae mundani possumus, ut Diogenes olim, oppositas acies tuto permeare. Ceterum non est, quod propterea existimes literis tuis hac vice satisfactum iri; abunde erit, si semel nobis glacies haec secula fuerit, & ex eadem porro detrita, sperare uberius quidpiam concedatur. Sanè & illae redditae solum post superioris anni Solstitium, non praestitere, ut possem ipsam Solstitii observationem, uti poscebas, peragere; ac multum erit, si per negotia proxime futurum observare liceat, quippe Parisios revocor dudum, & me sola haec detinet Fabricii nostri Nobilissimi, Humanissimi, Amantissimi consuetudo. Quocirca & ipsi praesertim debebis, si dum remoram inicit, maximam illam, quam exigit, Solis altitudinem sive Massiliae, adnotaturus.

Interea ne Epistola absque tessera abeat, scito nos illeic nuper adfuisse, & cum amplius Quadrans praeter manibus foret, meridianas aliquot altitudines per hydium acceptas, exhibuisse penè, quam ipse supponis elevationem Polarem. Ejusmodi praesertim fuit Altitudo Solis die duodecima hujus mensis in meridie exhibita 68. grad. 6 $\frac{1}{2}$ . min. Nimirum cum aliunde foret declinatio Solis Borea 18. gr. 22 $\frac{1}{2}$ . min. Aequator deductus est altus 46. gr. 38. min. & Polus ipse 43. grad. 22. min. exigua minuendus Solis parallaxi. Nescio porro an instrumenti vitio, an aliunde comigerit, ut praecedente undecima die altitudo Solis observata fuerit 64. grad. 48. min. Unde altitudo Poli deducta 43. grad. 19. min. dumtaxat. Ut-cunque sit, eadem duodecima die ex altitudine Aquilae manè observata 54. grad. 36. min. intellecta rursus fuit altitudo Poli 43. grad. 22. min. quae die praecedente ex altitudine 54. grad. 37. min. habita fuerat 43. grad.



grad. 21. min. Sic vespere ejusdem diei undecimz altitudo Spicz 37. grad. 26. min. reposuit eandem Poli altitudinem 43. grad. 22. min. Cum die superiore existens 37. grad. 28. min. præstitisset solum 43. grad. 20. min. Prætereo Martem vespere ejusdem diei undecimz altitudinis seu lumina 40. grad. 18. min. & declinatione 6. grad. 20. min. podidisse adhuc eandem Poli altitudinem 43. grad. 22. min. Quamvis Saturnus eodem die inanè altitudine sua 24. gr. 28. min. & die sequent 24. grad. 27. min. non fecerit Polum altiorem quàm 43. grad. 19. min. & 43. grad. 20. min. Id non ausim in speciem Refractionis conicere; uti neque quod altitudo Cordis  $\pi$ . 21. grad. 7. min. fecit solum altum 43. grad. 21. min. Miratus sum magis, quamobrem Arcturus altitudinis sui maxima 67. grad. 45. min. extulerit Polum ad usque 43. grad. min. 23. Quo se cumque modo res habeat, habes bona fide quid præstitum fuerit.

Et non apparet heic quidem observationem omnium vel conspiratio, vel constantia, quantam fortassis deposceres; sed violatus ipse in hoc genere, ac non una vice (opinor) delusus, conatum haud minus probabis. Ad illum certè tui gratià optinuis Fabricius & ego animati idcirco sumus, ut si fortassis non liceret solstitialem illam altitudinem observare, id substitueretur, quod est enarratum. Porro si illam observaro, non Quadrante solum perficiam, verum usurpabo maximè Gnomonem, & si possim quidem, quantum aliàs Gratianopoli, sex videlicet plus minus Orgyiarum. Quippe hoc tibi præsertim cordi; & dummodò res ab libellum, ac perpendicularum componatur, nihil obtineri potest exquisitius. Re peracta, non disseram, quominus tecum communiceim; ac simul etiam alia, quæ circa Eclipseis, & maximæ Mercurii elongationes nosse peroptas. Impertirer jam aliqua, sed adversaria non sunt ad manum. Habeo in illis plusculas cum Solis, tum Lunæ notatas Eclipseis, & Mercurium quod attinet, apparitiones vespertinas octo, matutinas quinque, postremo hoc triennio, ex quo revisi Patriam, diligenter observitatas. Solebam ista, & alia ad optinum istum Schickardum, cum superesset, transdere; nunc cum tu easdem agites curas, haud inivitus sanè profundam. Itaque plura pro otio, & dum Commentarii præ manibus erunt, ac tua etiam epistola, ad quam plenior porro dabitur responsio. Velim interea, si quid fortassis cum illustribus illis Viris, & amicis eximius Myræo, Gevartio, Puteano, & Chiffletio agas, salutem dicas

dicas meo nomine ; & significes quàm sit mihi semper clarissimorum nominum , & charissimorum capitum jucunda recordatio. Tu autem vale , & me ama , Dabam Aquis-Sextiis XIV. Kal. Jun. M. DC. XXVI.

Hæc absolveram , cùm noster Fabritius transmittere se ad te dixit Synopsin quandam abs me compactam observationum variis in locis peractarum circa Eclipsin superioris mensis Augusti , quam ipse quoque temet isteic observaturum receperas. Adjecit se etiam mandasse , ut attexeretur exemplum factæ à me observationis circa Eclipsin nuperam , quæ contigit Februario mense , prout ipsam acceperat cum Hortensio communicatam. Gratissimum id habui ; & quia bona sorte fuit illi etiam præmanibus observatio Eclipsæ , quam ante mensis quatuordecim in hac Urbe peregeramus ; suasi ut curaret seligi , ac subdi quatuor illa puncta , seu momenta præcipua , quæ tu etiam Hercæ ( quantum memini ) scripsisti abs te observata. Quin etiam quia Finis nuperæ Eclipsæ & in hac urbe est observatus à Viro Illustrissimo , & Amstelodami etiam ab Hortensio ; idcirco & hoc subiiciendum censui ; tu consule boni , & iterum vale.

## EPISTOLA II.

*Eidem.*

**R**ecepi ante duos menses (Wendeline Doctissime) scripturum me uberius , si Solstitium tunc proximum possem Massiliæ observare. Nunc , quando id præstitum est , obstrictam fidem libero , ac enarro primum , ut censuerim Solstitialem umbram esse obtinendam. Nempe quòd Gnomonum vulgarium usurpatio lubrica sit , erroribusque obnoxia , tutiorem aliam , qua jampridem uti soleo , imò qua te etiam aliquando usum , saltem ex parte conjicio ex tuo libello , incundam duxi. Utebantur Antiqui stylo è fundo Scaphæ , seu excavati Hemisphærii erecto : attamen , dum ipsa figuræ præparatio , & styli constitutio , dum brevitatis ejusdem styli , & umbræ illius à circumfusa lube decurtatio , ac ejusmodi cætera , vix patiebantur observationem de gradus dimidiò (ne quidpiam dicam de gradibus integris) exhibere certam,

D d

Familiaris

Familiaris etiam fuit Obelorum, Conicorumque Gnomorum praxis; sed mirabant, ob simileis difficultates, observata; & docet experientia non posse illa sustinere scrupulosam disquisitionem. Hecine certe esse existimo, quamobrem quæ sunt proportionales à veteribus traditæ, numeris partium exiguis, ac rotundis expressæ sint: quod nimirum, cum in incerto grandiores partes violarentur, consecrari particulas minutissimas duce-re ineptum. Ad me quod spectat, nemo persuadeat rationem Gnomonis ad æquinoctialem u nbram habuisse se Romæ quemadmodum 9. ad 8. tanta præcisione, ut non defuerint, superfuerint-vè aliquot particulae, nisi centesima, aut millesima; saltem decies, aut centies millesima, de quibus sollicitum esse; tu, saltem pro tuo instituto, nequaquam inutile dicas.

Meam methodum ut describam; deligere soleo amplas quasdam ædeis, quarum totum loco idoneo temerari leviter possit, ac laminulam capere, circiter cuius medium rotundum foramen refecerim, plumbo demittendo, ac radiis Solis intromittendis comparatum. Deinde locum pavimenti, in quem plumbum fuerit casurum, ubi adnotavi, libello exinde planiciem versus Boream; & postquam plumbum demissum est, casusque punctum designatum, duco ex ejusmodi puncto meridianam lineam in Boream, seu alia ratione, si Sol aliundè affulserit, seu ope acus Magneticae, minime neglecta ejus variatione. Adhæc, cum Plumbum filo appensum demittere soleam ex parte Australi foraminis, constetque ejusmodi partem esse quasi verticem styli, qui prædicto casus puncto ad normam exactè insitit, lineam ductam in facie plana unius, vel plurium compactarum trabecularum, unà cum longitudine illarum ita præfeco, ut ipsis erectis alterum lineæ extremum prædicto casus puncto coaptetur, alterum prædictæ Australi foraminis parti cohæreat. Nimirum secundum hanc lineam duco mensurandam styli altitudinem; quando filum sui tensione, relaxationeque ad scrupulosam ejusmodi divisionem non est idoneum. Postea igitur, hujusmodi lineam divido in partem minutissimas, uterque vulgò Pede Parisino, quem desumpsi aliàs ex Prototypo, ac divisum habeo, uti ferè solet in 12. digitos, cum subdivisione digiti cujusque in 12. lineas (ita vulgò appellant uncias) & cujusque lineæ per transversos ductus in particulas 12. Tandem meridie accedente, expecto donec lullida Ellipsis, quam Sol foramine trajectus in pavimento creare solet, meridianam attingat lineam; & quo momento media secatur per lineam ejusmodi,

cermodi, levi incisione lineam connoto in confiniis lucis, ac umbræ obfcuriffimæ; & accuratè quidem præfertim ad Australem partem Ellipfeos; quando illeic præfertim est verticis styli germana umbra. Cætera omitto; uti captationem diametrorum Ellipfeos, quæ comparatæ cum diametro memorati foraminis, & declivitate illius spectata, in ipsius diametri Solis notitiam possunt ducere. Hac methodo, quod insinuavi superioribus literis, observavi aliàs Gratianopoli cum meo Valefio Umbra Solstitialem intra sphæristerium, quod Conestabuli appellant; cumque fastigii, atque adeò usurpati à nobis styli altitudo sex plus minùs orgyis prolixa existeret particularum 64690. talium existit umbra recta 25410. unde supræmæ oræ Solis exhibitæ fuit altitudo 68. grad. 33½. min. Atque id quidem anno 1625. & die Junii xxi. in cujus meridie præcisè contigit Solstitium.

Verùm ut historiam Novitiæ Observationis recenseam; prout illam continuè in Commentarios retuli; ecce, cùm Solstitium inter meridiem diei 20. ac 21. superioris Junii foret; accessi Massiliam à die usque 18. unà cum per-illustri illo, optimoque Fabricio, qui & varia negotia votis tuis posthabuit, & adesse coràm pro suo immenso in bonas artes ardore voluit. Statim ab accessu, quia cordi erat maturè omnia præparare; idcirco locis variis, cùm privatis, tum publicis tota urbe exploratis, commodior nullus inventus, quàm ipsum Collegium, quod Congregationis Oratoriarum Patres optimi moderantur. Nempe, quæ ædes recens exstruuntur, & ad exortum Ecclesiæ sunt, visæ sunt spatium continere prolixum satis, ac liberum, ob tectum orgyis novem sublime, & tabulata intermedia, unico excepto, nondum absoluta. Ac poterat id solum quidem tabulatum nobis ob stare; verùm & Patres optimi illud effringi consenserunt, & Civitatis Consules, quorum auspiciis, ac impensis Collegium exædificatur, planè demoliri mandarunt. Quinetiam nobilis Burgundius Consulium Primus interfuit ipse, ac toto potissimùm manè diei sequentis non destitit, quidquid fuit seu rerum, seu operariorum necessarium, suppeditare. Itaque imprimis perforatum tectum (cujus declivitas non major supra planum horizontis grad. 17.) applicitaque laminula, cujus in medio factum foramen, sive resectus circulus, quo radii Solis transmitterentur, diametrum habuit linearum sex, & particularum sex, quales jam antè sunt memoratæ. Deinde, qua parte tabulatum fuit foramini suppositum, disjecta contignatio est ad unam circiter orgyiam; ac

demisso plumbo ex parte inferiore foraminis, substrata est, ac libellata à puncto casus in Boream lata satis, ac longa trabs, quæ etiam prius ad lineæ ductum, ac mensurationem fuerat lævigata. Hæc linea non alia ratione effici potuit meridiana, quàm directione Magnetis, cujus variatio Massiliæ supposita est, qualis Aquis Sextiis, putà quinque proximè graduum. Non memoro verò, ut fenestraz omnes, quæ vento admissio plumbi solum agitabant, ac nimiam etiam claritatem in prædictam trabem transmissuræ erant, obturatæ fuerint. Addo solum, trabeculas duas ita fuisse copulatas, & à trabe supposita in tecti foramen evectas, ut rubricata linea secundum ipsarum longitudinem directâ, exquisitè responderit, heinc quidem puncto casus plumbi in meridiana lineâ; inde inferiori, sive meridianæ ipsius foraminis oræ. Hoc autem factum, ut antè monui, quia secundum eam lineam styli altitudo mensuranda fuit; quippe quæ ex demisso filo tensili, & contractili, rata certaque esset non posset. Cæterum hoc modo styli altitudo orgyis octo fuit major; quippe inventa Pedum Parisinorum 5½. digitorum, 8. linearum, 4. particularum o. hoc est universè particularum 89328.

*Pro hoc, &  
proximo ar-  
ticulo vide  
Epistolam  
insequentem  
anni 1643.*

Jam in meridie hujus diei (19. scilicet) adnotata est diligenter prolixitas umbræ, qua præsertim parte linea meridiana lucidam Ellipsin mediam dividens terminavit ipsam ad partem Australem, levi sectione illic facta in Ellipseos transitu, & emensione in illam à puncto casus plumbi peracta, longitudo umbræ adinventæ est Pedum Parisinorum 18. digitorum 4. linearum 7. particularum 2. universè particularum 31766. Cætera prætereo simul adnotata, circa Ellipseos diametros. Addo potius eadem ratione observatam umbram in ipso diei 20. meridie inventam esse factam breviorē particulis 13. Siquidem fuere universè solum particulæ 31753. Die 21. decurtata adhuc fuit umbra particulis 2. quippe fuere solum 31751. at die 22. fuit jam facta productior particulis 8. fuere nempe 31759. Ex quibus, cum appareat brevissimam umbram fuisse observatam die 21. sicque umbram Solstitialem usurpari posse 31751. qualium Gnomon 89328. nihilominus, quia jam tunc Sol excesserat initium S, & versimiliter, saltem ex Tycho, ad trientem gradus in meridie pervenerat, ac proinde declinationem minuerat jam duobus circiter secundis, quibus debetur proximè una ex memoratis particulis; Inde est, ut, si supposuerimus, Solstitium in meridie contingere, usurpari possit umbra partium non 31751. sed 31750.

Itaque

Itaque Massiliæ Proportio Gnomonis ad Umbra Solstiti æstivi pronunciari potest, ut 89,28. ad 31750. seu dimidiando, ut 44664. ad 15875. Quia verò eadem proportionem se habet Radius 10000000. ad tangentem 3554312. idcirco Altitudo Solis maxime, & secundum oram quidem superiorem, intelligitur 70. grad. min. 25. sec. 59. ex qua si adimas semidiametrum Solis grad. 0 min. 15. sec. 4. superest Altitudo Centri ipsius 70. grad. min. 10. sec. 55. adde jam 20. proximè secunda tuz Parallaxeos: evadet correctæ centri altitudo 70. grad. min. 11. sec. 15. Adine suppositam tibi declinationem maximam 23. grad. 30. min. 24. sec. tum restabit Equator altus 46. grad. 40. min. 51. sec. Quare & altitudo Poli, seu latitudo Massiliensis efficietur 43. grad. 19. min. 9. sec. Quod si habeamus exquisitam Tychonicam tum Parallaxin 59. sec. tum maximam declinationem 23. grad. 31. min. 30. sec. Perspicuum est Poli altitudinem, seu latitudinem Massiliæ prodituram 43. grad. 19. min. 36. sec. Prætereo autem conspirare cum ejusmodi altitudine Observationes duorum Meridierum proximè circumstantium. Quod autem Observationes dierum 19. & 22. sex aut septem secundis diffideant, nihil sanè mirum, ubi præsertim impromptu non est exquisitè determinare in quo puncto fiat nigerrimæ umbræ cum extenuatissima, seu extrema luce, individua commisura. Prætereo quoque, nihil morandum, quòd bona pars altitudinum tecum jam communicatarum conspiret potius ad Polarem elevationem 43. gr. 22. min. Siquidem Quadranti fidendum non esse ad tria, vel quatuor minuta, examine deinceps facto comperi: adeò ille alibi melius, alibi pejus distinctus est. Sanè idem Massiliam hac profectione relatus, Solstitialem altitudinem non ampliorem exhibuit, quàm 70. grad. 6. min. ex qua sequeretur elevatio Poli etiam 43. grad. min. 25½. quæ tolerari prorsus non potest. Quare & conjector priorem duarum Solarium Altitudinum; nempe quæ die Majj 11. exhibita fuit 64. grad. 48. min. exhibuitque Polum altum 43. grad. 19. min. præferendum esse potteriori, seu quæ die 12. exhibita 65. grad. min. 0½. Polum fecit altum 43. grad. 22. min. non attenta nempe Solis parallaxi, quæ per te minutum non variat) Idque non modò quòd ea conspiret cum solstitiali gnomonica, sed etiam quòd magis consentiat cum observata Aquis-sextiis altitudine die 13. sequente 65. grad. min. 0½. unde exhibita heic est Elevatio Poli 43. gr. 31. min. ita scilicet exigente incremento declinationis, & motu Solis per hosce dies.

An verò etiam prætereundum, quod fortassis miraberis, percontaberisque, unde noverim semidiametrum illam Solis? Profectò memorandum potiùs qua arte venati illam solèam, postquam de illa constitit cum præclaro illo Josepho Galterio, Priore, ac Donino Vallerz, abs quo jam quoque salutem habes. Itaque à fine superioris Maij usurpandam trabeculam quandam orgyiarum propè quatuor, in cujus extremis collocata erant Pinnacidia propè semipedalia, & ad angulos quidem rectos fiduciali lineæ, per median trabeculæ complanatæ faciem directæ. Mensurata distantia inter pinnacidia deprehensa fuerat pedum Parisinorum 22. digit. 2. lin. 3. part. 4. hoc est universè particularum 38344. uti & latitudo utriusque pinnacidii digit. 5. lin. 6. part. 4. universè particularum 796. Et cum per dies benè multos trabeculam Soli, gradibus circiter 36. alto, ita obvertissem ex loco occluso, ut patente solùm supernè foramine, pinnacidium superius umbram jaceret in inferius; ejusmodi umbra constantissimè apparuerat digit. 3. lin. 2. part. 2. universè particularum 458. Heinc istis detractis ex latitudine pinnacidii 796. superfuertant pro luce residua 338. ac pro lucis dimidio 169. ad quas quia distantia 38344. candent habebat rationem, quam Radius 10000000. ad tang. 44075. Eapropter collegeram Solis semidiametrum esse grad. 0. min. 15. sec. 19. Deinceps verò, quia observavi trabeculam in eo situ nonnihil sub medium inflecti, idcirco situm commodiorem proximè meridiem delegi, in quo memorata pinnacidii umbra fuit auctior duabus particulis, atque adeò exhibuit Solis semidiametrum grad. 0. min. 15. sec. 4. Id ut experirer, me admonuit Observatio facta Massiliæ, ubi usurpata sex orgyiarum trabecula exhibuit pari methodo Solis semidiametrum grad. 0. min. 5. sec. 2. Nimirum utendo iisdem pinnacidiiis umbra alterius in altero fuit tantum digit. 1. lin. 8. part. 10. universè particularum 250. cum distantia inter utrumque foret pedum Parisinorum 36. digit. 1. lin. 7. part. 7. universè particularum 62442. Idque quàm proximè ab ipso Solstitiali meridie. Accipio autem heic potius grad. 0. min. 15. sec. 4. quam grad. 0. min. 15. sec. 2. quòd Observationes Aqueses majore quiete, & frequentia fuerint peractæ.

Digrediar amplius; sed gratum faciam, si simile quidpiam memoravero circa Semidiametrum Lunæ; nempe eodem modo illam aucupor, nisi quòd, cum illius umbra debiliùs pingatur, in inferiore pinnacidio, parata habeo foliola alba duabus parallelis lineis interstincta, quæ extre-

mis

mis umbræ ita applicem, ut nisi lineæ unius folioli cohereant, toties commutem cum aliis, donec linearum intervallum latitudini, seu extremis umbræ, quàm-maximè potest, consentiat. Hoc igitur modo observans, & ut prius ratiocinans, vix deprehendo hæcenus semidiameter Lunæ Apogeiæ pauculis secundis superare 13. min. & Perigeiæ vix 14. min. cem semisse attingere; unde & puto vix eventurum, ut diameter Lunæ Perigeiæ æquari unquam valeat diametro Solis Apogei. Quo casu providendum est, quid responderi valeat ad Eclipses Solis, quæ cum mora aliqua contigisse prohibentur. Profectò, quod me attinet, neque observando hallucinationem, neque ratiocinando paralogismum detego. Ad dam tamen (atque id quidem quo veritatis amore decet) quid mihi cum aliis, tum die 24. Junii ejusdem superioris contigerit. Observaram circiter horam à media nocte secundam diametrum Lunæ decurtatam grad. 0. min. 18. sec. 40. ex umbra digit. 4. lin. 1. part. 0. universè particularum 588. & diametrum integram grad. 0. min. 28. sec. 36. & umbra digit. 3. lin. 3. part. 10. universè particularum 478: cum exploraturus quantum oculis in ipsam Lunam respectans, & vel sola ipsius luce, vel crepusculi, vel Solis exorti splendore perstrictus, huic quantitati adderet, Radium arripui, quo siderum metiri intervalla soleo. Itaque statim ferò post, & antè natam adhuc auroram, diameter eadem decurtata exhibita fuit grad. 0. min. 26½. Integra grad. 0. min. 38. Postea, aurora inclarescente decurtata grad. 0. min. 25½. Integra grad. 0. min. 36½. Rursus, die omninò clara, sed Sole tamen nondum apparente, decurtata grad. 0. min. 24. Integra grad. 0. min. 34½. Iterum Sole quidem exorto, verum præter nubeis malignè lucente, decurtata grad. 0. min. 23½. Integra grad. 0. min. 34½. denique Sole clarissimo, & sub septimam quidem horam, decurtata grad. 0. min. 21½. Integra grad. 0. min. 33. Quo loco, prætereo ipsius quoque Solis diametrum transversam cum in altitudine 3. graduum interposita nubila faverent, exhibitam fuisse grad. 0. min. 33½.

Quidni porro etiam huic loco intexam, quod Paradoxum ejusmodi observationes me edocuerunt? Nôram ex communi sententia Luminarium Diametros propè horizontem ampliari, vaporum interposito. Existimabam consequenter fore, ut Sole valdè declivi, ipsius umbra projiceretur longè, quàm in meridie minor; & videbas etiam Massiliæ observasse quid simile. Attamen secus contigit, crebrò, sedulòque id obser-

vianti



vitanti Nempe umbra semper tantò major fuit, atque adeò species Solis tantò minor, quantò Sol fuit depressior, & copia abundantior vaporum interpositorum. Exempli enim gratiâ, in memorata illa altitudine 3. graduum fuit umbra digit 3. lin. 3. part. 6. universè particularum 474. Ex quibus, ut suprà ratiocinando, colligitur Solis Diameter non min. 30. & secundorum aliquot, veluti in meridie; sed grad. 0. min. 28. sec. 52. dumtaxat. Nec verò propterà contendo Solis diametrum oculo spectatam, organique aliis acceptam, in eadem altitudine non apparere majorem; sed causam puto, quod oculus vaporibus tunc umbrefactus, minus ad Solem conniveat, & amplificatâ pupillâ majorem speciem intrò admittat; pinnacidium verò, illiusque umbra non ut oculus afficiatur; & cum utrinque ex ora Solis radii propemodùm singulares eam lucem creent, quæ umbram proximè contingit, atque adeò est debilissima; inde efficiatur, ut vaporum corpusculis intercipientibus ejusmodi radios, spatiorum prius lucidum, vicinæ sibi umbræ accrescat; non item paulò remotius, quòd pluribus radiis adhuc illustratur.

Sed redeundum tandem ad umbræ Solstitialis Observationem. Initiò non est, quòd insistam in comparatione Gnomonis abs me usurpatis cum eo, quo olim usus Pytheas. Id enim tibi erit curæ, qui, ut posses efficere, observationem sollicitasti. Patere solum, ut cum ille Gnomonem suum dimiserit in particulas 600. eliciam, si nos eandem divisionem usurpavissemus, prodituram fuisse umbram partium 213½. Quare & numeris reductis, pronunciari posse à nobis proportionem esse Gnomonis ad umbram, qualis 120. ad 42½ præter quadrantem unius quintæ; cum ille pronunciaverit, ut 120. ad 41½. Sicque Solem habuerit altum superiore margine, 70. grad. 47. min. 43. sec. Et verò, quoniam differentia ejusmodi differen- tiam inducit ab inventa nobis altitudine, grad. 0. min. 21. sec. 44. Agnosco, & lætor pro tuo instituto rem succedere; quando ex tua Parallaxi, maximaque declinatione sequitur, ut præcis Pytheæ temporibus, Eclipticæ obliquitas exstiterit grad. 23. min. 52. uti ex Ty- chonica grad. 23. min. 53½. cujusmodi esse debuisse ipse quàmproximè supponis. Unum quod deesse videtur; nempe quòd proditum non sit, qualem, quantum, aut quo modo Gnomonem Pytheas usurparit. Etenim, si id habereamus, liceret tutò examinare, an non pars saltem discriminis ex observationis defectu provenire potuerit; an proportio quam prodidit, fuerit penitus exquisita. Et scire quidem videtur illa scrupulosa

Iofitas partium 42. unâ quintâ minus: sed primùm, quod ſciam, nemo prodidit id fuiſſe à Pythea diſertè conſcriptum. Profert ſolùm Strabo Hipparchum aſſeruiſſe Bizantii proportionem eſſe Gnomonis ad umbram, qualis eſt 120. ad 42. unâ quintâ minus; adeò ut, cùm aliunde ſcripſerit Hipparchus Maſſilian cum Bizantio in eodem eſſe parallelo, ob eandem rationem Gnomonis ad umbram proditam à Pythea; inde colligamus fuiſſe quoque Pythæ proportionem illam 120. ad 42. unâ quintâ minus; vel, quod eſt idem, ut 120. ad 41½. Porro poterat Pytheas prodidiſſe proportionem unâ, alterâ- vè particulâ abundantem, aut deficientem, & habere tamen Hipparchus proportionem utrobique obſervatam eandem; idque præſertim, cùm nihil obſtaret, quominus utroque locorum (non exiſtente diverſa maximæ dici quantitate) in eodem ſemper parallelo conſtitueretur; licet paucorum minorum circa ſolſtitialem altitudinem inveheretur differentia. Mirabilis. ſanè res foret, ſi duæ iſtæ civitates æqualiter adeò ab Equatore diſtarent, ut ne uno quidem milliari, ac proinde minutis paucis circa latitudinem diſſiderent. Sed viſ- ne aliudè etiam conjecturam? Ecce, cùm Ptolomæus, vel ex Pythæ ſcriptis, vel ex Hipparchi certè commentariis, proportionem à Pythea obſervatam continentibus, deſumpſiſſe illam videatur, quam tradit eſſe Maſſiliæ ut 60. ad 20½. Vides, ut, reductione facta ad Hipparchicos numeros, proportio inde deducatur qualis eſt 120. ad 41½. & tertiam partem unius quintæ. Hæc autem proportio, cùm ne una quidem integra quinta diſſerat à Bizantio, ut proinde potuerit pro eadem ab Hipparcho uſurpari; nihilominus eadem præciſe non eſt, & quantumcunque diſſideat, neque diverſitatem ullam ſenſibilem circa quantitatem dici maximæ efficiat; inducit tamen maximam Solis altitudinem, non jam 70. grad. 47. min. 43. ſec. ſed 70. grad. 51. min. 7. ſec. diſcrimine videlicet grad. 0. min. 3. ſec. 24. Quod jam tibi faceret declinationem maximam illis Pythæ temporibus grad. 23. min. 55. ſec. 32. Quanquam hæc ſolùm objicio, ut anſam præbeam examinandi, num fortassis quas habemus ab Antiquis Obſervationes, ejuſcemodi non ſint, quibus ſcupuloſas, & indubias, ſuperexſtruere Hypotheſeis liceat.

Enim- verò, quia, ſat ſcio, nihil eſſe tibi veritate antiquius, ſcrupulum non diſſimulabo, undè videatur Machinæ, quam moliris eſſe metuendum. Habes tu pro ſibula mera Octavæ Sphæræ anomaliam; habeo & ego;

E c

ſiqui-

siquidem persuaderi illam nunquam potui, attendens ad lubricitatem Observationum, quibus fulcitur. At nunquam-nè, mi Wendeline, similis quædam observationum incertitudo te induxit, ut considerares potuisse antiquos circa eas, ex quibus variatio Obliquitatis Eclipticæ deducta est, hallucinari? Vides profectò, quod attinet ad posteriora hæc tempora, admittendum minimè esse, quod Peurbachius, Copernicus, & alii obliquitatem, seu maximum declinationem deduxerunt ad 23. grad. min. 28. quando eximius ille Tycho, misso Frueburgum observatore cum instrumento idoneo, & refractionibus spectatis, ad quas illi non attendissent, planum fecit addenda esse minuta ad minimum tria; adeò ut fuerit potius limitanda obliquitas ad grad. 23. min. 31. qualis quoque deducitur ex observatione Walteri, qui ante ducentos penè fuit annos. Quare & cum obliquitas à duobus jam sæculis perseveret eadem: quidni etiam potuerit aliquot prius sæculis eadem planè perseverare: tametsi Anificum quidam, & Thebitius, Almazon, Prophatius, & alii esse eam pronuntiaverint gradum 23. & minorum 32. 33. 34. & ad summum 35. idque ab ævo Albategnii, seu sæculis circiter octo. Etenim, sicut posteriores observatores peccarunt in detrahendis minutis tribus; cur non & priores peccare potuerunt in addendis tribus, aut quatuor; veritate semper incedente media inter utrumque errorem? Regrediamur ulterius; Nonnè ipse quoque agnoscis ante sæcula 12. celebrem Mathematicum, Pappum illum Alexandrinum, talem habuisse obliquitatem, qualis proximè jam est, videlicet 23. grad. 30. min.

Et excusare quidem contendis, quasi deceptus fuerit, falsam supponens cum Ptolemæo latitudinem Alexandriæ. Sed primum, credamusne dicendum, Pappum tam fuisse socordem, ut ratiocinatus circa proportionem diametrorum Tropici, ac Sphæræ totius, eamque à Ptolomæica diffidere animadvertens, non intellexerit quid sibi, quid Ptolemæo consequens foret; neque examinaverit, cur obliquitatem ex placito tuo statuere deberet grad. 23. min. 42. cum Ptolemæus eam habuisset grad. 43. min. 51½. nempe intra duo, aut tria sæcula 9. min. contractionem, quæ tribus superioribus eadem præstiterat? Deinde, ut paulò uberius suppositam illam abs te falsitatem consideres; velim advertas Ptolemæum non tam constituisse per Gnomonis umbram latitudinem Alexandriæ (ut tu videris innuere) quàm methodo alia ab ipso conscripta, quæ semidiametri Solaris sive additione, sive detractione, quam caularis, non egeat.

Ut

Ue enim mittam methodum per circumpolareis stellas; ecce, docet ille in Opere Magno, se fabulatum fuisse Quadrantem (quin & armillas etiam) eoque sæpius observasse meridianam Solis altitudinem in utroque solstitio; adjicitque mediam inter maximam, infimamque, fuisse altitudinem Aëquatoris, cujus, inquit, complementum ipsa Poli altitudo, seu loci latitudo est. Nisi fortè, cum Ptolemæus admoneat eadem methodo locorum latitudines ubivis gentium obtinendas; existimemus illum ipsâ non obtinuisse dumtaxat & Gnomonis umbra, non advertendo illi addendam Solis semidiametrum; vel, si utroque modo obtinuit, & discrimen animadvertit, non examinasse discriminis causam, & veritatem agnitam errori certo posthabuisse? sanè cum nefas sit id putare; vide aliundè, quàm caverit ne semidiameter imponeret Solis. Nempe testatur eodem loco se accepisse medium umbræ projectæ à cylindrulo, qui in centro Quadrantis erat; & de armillis cum loquitur, verbis expressis meminit altitudinis centri Solis. Neque morandum, quòd in Geographia videantur pleræque locorum latitudines, & Gnomonum umbris, non attenta Solis semidiametro derivatæ: Nam & verisimile est non eundem esse Geographiæ, Constructionisque magnæ authorem; & ad Alexandriam quod spectat, non est, cur certo testimonio potiozem ducamus conjecturam dubiam; ut neque ratiocinium, quod ex stadiasmis concluditur, aut alia etiam consimilia. Addere possem, non videri omneis Mathematicos semidiametro solari delusos, quippe illum Manlium, qui Romæ pilam Obelisci apici imposuit, id effecisse quis non suspicetur, ut ipsa umbra verticis in semetipsam collecta (quæ sunt verba Plinii) posset ex centro umbræ pilæ haberi vera non marginis, sed centri Solis altitudo? Attamen hæc de Ptolemæo, & Alexandria solum intexui, ut arguerem, nisi Pappus imitatus Ptolemæum deceptus non fuit circa Alexandriæ latitudinem; fuisse igitur tempore illius obliquitatem Eclipticæ 23. grad. min. 30.

Cæterum ipse Ptolemæus obliquitatem hanc observans ante sæcula 15. seu annis à Christo 130. Quadrantem illum, vel ligneum, vel lapideum ita descripsit, ut & ratione materiæ vel exquisitas divisiones non admiserit; vel pro aëris variatate distorqueri potuerit, & ratione quantitatis medicris existerit; adèd ut trienteis, aut quadranteis graduum dumtaxat exceperit; ac vix de quinis solum minutis certitudinem fecerit; & ratione situs, atque erectionis in meridiana linea, itemque cylindri ad centrum normalis, umbramque in lumbum usque producentis, observationem

lubricam, incertamque creaverit: Denique, ut is fuerit, qui errorem trientis gradus, seu minutorum 20. facillimè induxerit. Certè, ne Ptolemæus quidem ausus est majorem certitudinem polliceri, quàm intra minuta 5. comprehensam (nempe illorum medium est assignata obliquitas grad. 23. min. 51 $\frac{1}{4}$ .) & tu vis illum adhuc errasse minutis propemodum quinque; cum obliquitatem statuis ejus tempore existisse grad. 23. min. 46 $\frac{1}{2}$ . Adedò proinde, ut nihil veter, vel ob causas expositas, ampliorem non-nihil credere errorem, obliquitatemque temporis illius eandem existitisse, quæ etiam-nunc est. Quòd si Ptolemæus est visus, eam tueri sententiam; nihilominus probabile est, cum de illa sibi non planè consideret, voluisse illum nihil imprimis exquisitum præponere (quòd tantum tamen Astronomiæ Instauratorem addocuisset) ac deinde existimasse esse insistendum potius Eratostheni, & Hipparcho; seu quia putaret Eclipticam tantæ luxationis non esse capacem, seu quia suæ diffidere, quàm ipsorum mallet industriæ.

Porro, quod attinet imprimis ad ipsum Eratosthenem, qui ducentis annis antè Christum floruit, is Meridiano toto diviso in partes 83. reperit 11. ex illis inter Tropicos collocari; adedò ut illarum quinque cum semisse inter Equatorem, & alterum Tropicum, obliquitatem exhibuerint 23. grad. min. 51 $\frac{1}{2}$ . At quia constat, vel ex Cleomede, Eratosthenem Scaphiis illis usum, quæ, ut initio referebam, vix possunt dimidij, aut etiam unius gradus integri certitudinem facere; non est cur ille non potuerit particellâ tantulâ unius 83æ. observando errare, quæ trientem gradus, seu minuta 20. superaddere ad veram obliquitatem potuerit. Si conjecturam præterea poscis, non dicit Ptolemeus Eratosthenem reperisse præcisè proportionem 83. ad 11. sed dicit *proximè*, putà quasi ignuens, aliquid potuisse ad partem 11. vel deesse, vel superesse. Sin ille usus est Armillis, quas Regibus prius suggessit; notum est genus id Instrumenti vix posse unquam ipsi cælo ita congruens constitui, ut non inducat fallaciam paucorum saltem minutorum; & quem pravum illarum situm Ptolemæus conquestus est, temporis vitium opinatus, potuit vel ab initio ejusmodi ex parte esse.

Ad Hipparchum verò quod spectat, qui fuit sæculi dimidio posterior, is obliquitatem non tam observavit, quàm ab Eratosthene traditam supposuit, eaque est usus, quemadmodum idem Ptolemeus habet, qui etiam aliquoties de Hipparcho loquens, errorem esse observationis, magis

magis quàm rei asserit; adjicitque aliquando, observationem fieri, quantum fieri potest per instrumentorum structuram, & constitutionem. Sanè utcumque ipse Hipparchus fuerit exactus in cæteris; in hoc tamen negotio sollicitius multum fuisse non videtur; ac præsertim quidem, si ejus est opus in Phænomena Aratea; & non potius Hipparchi, ut ajunt, Bithyni; Ille enim primum celebrium locorum, ut Rhodi, atque Athenarum latitudines attingens, gradus integros solum curat. Et ne dicas Athenarum, verbi gratiâ, altitudinem Polarem graduum præcisè 37. Quippe, ex eodem colligitur grad. 36. min. 52. cum proportionem statuit Gnomonis ad umbram Equinoctialem sesquitertiam; & rursus 37. grad. min. 3. cum facit diem maximam horarum 14. min. 36. Et adde, vel deme, quantum voles, Solis semidiametrum; non propterea erit quidpiam exquisitum; sed tantumdem ferè utrum-vis peccabitur. Atque id quidem ratiocinando ex supposita ab ipso obliquitate grad. 23. min. 51½. Nam aliundè constat illam ab eodem placitè magis exprimi, dum dicit esse partium circiter 24. cum si observasset, tam benè fortassis dicere potuisset grad. 23. quàm 24. vera nempe obliquitate intercedente media.

Heinc quod ad Thaletem, & cæteros spectat, quorum tempestate obliquitatem colligis 24. grad. ea ratione, qua dixerunt distantiam inter Tropicos continere 8. parteis, quarum circulus totus 60. Patet profectò id tantò minùs, quàm tu scrupulositatem exigis, admittere, quantò illi octavam partem assumpsisse solum videntur; quod integram usurpaturis ea longè propior veræ fuerit, quàm vel 7. vel 9. quorum numerorum alter 21. alter 27. graduum exhibuisset obliquitatem. Et mirum, quod illam tu imminuas triente unius minuti; sed nimirum superius facis illius initium, qui Anomaliam sic ducis, ut obliquitatem deducas à gradu 24. min. 30. tanta præcisione, ut ne unum quidem secundum abundet, vel deficiat. Id absit; ut ego contendam esse impossibile; sed cum divisio circuli in 360. parteis merè arbitraria sit; ecquis mirum non arbitretur, si natura uni illorum ita se alligaverit, ut ne pilum quidem ab ea post tot sæcula sit aberratura. Ac si indubitæ quidem ab ipso usque initio observationes exstarent, tum profectò verisimilior efficeretur conjectura; at quia illæ, meo judicio, *inæxæque sunt*; non ægeres feres, si moneam, ut examines, nùm præpropere fortassis volueris naturam sic esse adstrictam. Vides centè ut vis facienda ob-

Ec 3

serva-

servationibus sit, & diversa quidem ab aliis, qui diversas & Anomalias, & Periodos & observationibus eisdem constituunt. Quod me attinet, verendum putarem, ne sera posteritas conatus meos esset visura; atque idcirco id canerem, ne merces mea non sine quadam hæsitacione propalata, divenditaque viderentur. Quippe evenire videmus ut corruant tandem, ac evanescant, quæ non tam natura, quam opinione fulciuntur; aded ex usu naturæ est, ut quæ dies delet hominum commenta, judicia ejus sola confirmet. Non quod sint propterea in ea opinione, ut cælestium circumductionum tanta sit regularitas, quanta jactari vulgò solet. Suas Alstris divinationes competere existimo; ut sua quoque fata habent; sed nempe, ut decet tanta corpora, post sæcula multa tandem agnoscendas. Hoc tantum volo, si nonnullæ discrepantes observationes in æqualitatem quandam videantur arguere; non idcirco statim esse ipsi cælo tribuendum, ut discrepet secum; sed examinandum imprimis, num quid vitii potuerit ab Observatoribus admitti. Id præstitisse ipse ex parte, cum voluisti obliquitatem aliam reverà extitisse, & aliam observatam fuisse ab Artificibus præcipuis. Ipse ambigo, ne, quod superest, errori quoque sit adscribendum. Tu me beabis, si pro tua subtilitate immensa scrupulum hunc exemeris, quem veritatis ergò injicio, ac tui etiam, tuæque famæ; ut nempe omnibus expensis, ea, quæ moliris firmius constabilias.

Ad Pytheam redeo, cujus propterea fidei nihil detrahitur; tametsi idem potuit cum illis proceribus Ptolemæo, Hipparcho, Eratosthene, peccatum peccare. Venit ille potius mihi commendandus & amore Patriæ, & Civitatis gratiâ, quæ ut Euthymenem in Austrum, sic ipsam in Boream emisit, per Atlanticum: recitatuos, quid in Terris usque ultimis viseretur. Nec refert, quod, ut Seneca mentitum Euthymenem scribit, sic Strabo, Polybium sequutus, plurima mendacia Pythæ adscribit: Quippe & Philosophus, ex Cleomede fuit; ac veri proinde studiosus; & quod ad cælestes quidem observationes attinet, id videtur sufficere, quod fuerit Mathefeos, ac ipsius aded Astronomiæ valde peritus. Peritiorem certè vel ipso Eudoxo, ab Hipparcho accipimus, qui illi propterea fidem adhibuit, Eratosthenem imitatus, dum ex ejusdem laboribus Geographiam suam locupletavit. Nempe & descripsit Terræ ambitum. Opus Scholiastis celebratum, & memoratos Geminio de Oceano scripsit Commentarios. Quin Strabo quoque ipse tacere non potest illum peritiam *μηδὲ μαθηματικῆς, καὶ φυσικῆς*; causatur solum voluisse illum eruditionis

tionis suæ prætextu conciliare fabulis fidem. Et vide tamen, ut experientia nos jam edocuerit illa revera contingere in plagis Borealibus, ad quas vos propè acceditis, quæ Strabo voluit Pytheam descripsisse solum *apud præterea ubi præterea, præterea præterea præterea*, ejusmodi sunt, *fructuum* mittorum nihil, animaliumque mansuetorum parum ibi nasci; milio & alii oleis, fructibus & radicibus vesci homines; ubi frumentum & mel provenit; ibi inde etiam potum fieri, frumentum, quia soles non habeant putos, compositatis magnas in domos spicis, contundit areas enim ob radiorum Solis defectum, ac imbreis reddi inutilem; & si qua sunt similia.

Quod fabulæ locum potissimum dedit, ipsa est Thules historia, quam hodie etiam plerique volunt non esse dictam Islandiam, sed Insulam quandam ex Orcadibus, adhærentes Ptolemæo, qui eam statuit quatuor gradibus citrà circulum Polarem. Sanè verò, si nihil Terrarum sub eo circulo detectum jam foret; posset Pytheas haberi mendax, referens se eò pervenisse, ubi æstivus Tropicus gereret vicem Arctici, hoc est maximi circulorum semper apparentium; at quia jam etiam navigando pervenitur in Islandiam, ubi Tropicus pro Arctico est; Quid-ni habeamus Pytheæ fidem, & hanc Thulen esse credamus, quam sic nominatam primus prodidit? Quam cæteri certè supponunt, aut fingunt, situm non habet hujusmodi; & Cleomedes melius, quàm Strabo Thulem reliquit, ubi Pytheas collocasse memorabatur. Et ne dubitare quis possit de Pytheæ sagacitate, ac solertia, qualis loca citiora habere potuerit pro eo, in quo dies maximus 24. foret horarum, verba suât illius apud Germanum, *monstrabant nobis Barbari, uti Sol cubaret; eveniebat enim circa hac loca noctem omnino parvam fidei, his quidem horarum duarum, illis vero trium; ut post occasum parvo intervallo statim Sol postea oriretur* Quæ refero, ut innuam, quemadmodum Pytheas eò paulatim pervenerit, ubi nulla tandem nox foret in æstivo solstitio; ac simul insinuem, quàm grata esse debeat illius memoria, qui primus mortalium tam longè processit. At fabulam sapit quod is retulit, neque terram ibi porro esse, neque mare, neque aërem, sed quidpiam ex iis concretum, pulmonis marini simile, in quo terra, & mare sublimia pendeant, atque universa; hoc quæ esse quasi vinculum universi, neque pedibus accessum, neque manibus. Sed nota potiùs hominis fidem; siquidem dixit solum Pytheas se pulmonis formam vidisse; referre autem cætera quasi auditu solo percepta. Addit Strabo dixisse solum ibi Tropicum pro Arctico esse, quod superest autem non com-

memo-



memorasse, neque an Insula sit Thule, neque utrùm habitationes eò usque pertingant, & alia similia; quæ si voluisset imponere, haud dubie profectò scripsisset. Quod attinet verò ad Pulmonis formam; quid-nam habet incommodi, si quidpiam simile occurrit Insulis illis natantibus, quæ in Belgio vestro visuntur, aut Algofo mari? Etenim quid-nam esse potest plumoni similis, aut in quo magis terra, aqua & aer suspensa cohaereant? sed ille, ut puto, voluit dicere aerem illum caliginosum, quo ejusmodi Insula perpetuò ferè obsidetur, & ad Aultrum potissimùm, qua parte Hecla perpetuò ardens fumos emittit continuos. Quin potuit etiam nescio quid portentosum significare, cujusmodi est Montem illum flammis ad radices habere, niveis in verticibus, nebulas omnia circumvestientes, quod est susque deque esse Elementa, ac veluti Rheam allegoricam, quam exinde Tzezes desumpsit; cum etiam addant, qui loca nòrunt, accedi eò, vel etiam procul, sine periculo non posse. Quòd autem id præterea fuerit universi vinculum, & quæ alia sunt Pytheæ recitata, simile est iis, quæ Incolæ ipsi etiam-num credunt, ac referunt esse ibi carcerem sordidarum animarum, audirique earum esulatus, & plura ejusmodi.

Alia quoque sunt quæ improbat Strabo, ut abesse Thulem à Britannia sex dierum navigatione (quod Plinius quoque ex Pythea habet) Cantium Britanniae à Celtica aliquot, & sacrum Promontorium à Gadibus quinque. Sed nimirum videtur Pytheas conscripsisse totius suæ navigationis diarium, commemorasseque quantum temporis inter superandum locorum intervalla consumpsisset. Quod si eadem-met intervalla videantur cuiuspiam deposcere, vel brevius, vel prolixius tempus; cogitet solum quam nunc citius, nunc tardius eodem perveniatur, prout navigantes utuntur vento adverso, vel secundo; vehementi, vel remisso; itemque, prout æstus, Euripi-ve aut retardant, aut promovent, & locorum vel ignoratio, vel notitia, vel conjectura obstat, adjuvat-ve. Et diaria quidem seu itineraria tum marina, tum terrestria errores plerumque non levis inducunt in Geographiam; at culpæ non est referentium quot diebus iter confecerint; sed eorum qui existimant conficere omneis ubique temporibus iisdem, aut æqualibus eadem, aut æqualia spatia. Quomodo proinde non Pytheas diario, sed Hipparchus ducta à se consequutione deceptus est, cum Pytheæ fidem dicitur sequutus, asserendo maximam diem in Australiore Britannia esse 19. horarum; ac simili modo Eratosthenes

henes in assignandis Britannicis affinis. Vocat præterea ille figmenta, quæ retulit Pytheas de Ostidammis, Calbio, Uxifamia, & aliis locis; & quasi nunquam possit ipsi non esse ob Thulen insensu, hominem appellat mendacissimum; quod, qui viderunt Hiberniam, non ejusmodi Insulæ, sed aliarum solùm parvarum circa Britanniam meminerint. At non est, cur id refutetur, cum possint non omnes eodem pervenire; & quod nonnulli reticent, non evertat quod alii narrant. Judicium fert Strabo de rebus, quas ipse non viderit; quare & potest decipi, dum delectum habet eorum, quos sequatur, uti nominatum circa ipsam Hiberniam illi contigit; dum ad Boream Britanniam eam statuit, ac circa memoratum Cantium, dum conspici dicit ab ostiis Rheni, & plura consimilia. Præterea illud circa Thulen non videri absumile credito à majoribus circa Atlanticam figmento. Ut enim, quod nemo ex ea venisset, retulisset-vè aliquid ex prisca illis temporibus, fabula mera creditum fuit, quod à Platone conscriptum exstat, donec in Atlantico mari detecta est: Ita quod nemo post Pytheam ad Thulen usque pervenisset, aut de ea quidpiam prodidisset, fabula fuit habita illius enarratio; donec in illo ipso mari detecta est Islandia, in qua circulus Tropicus deprehensus est pro Arctico esse.

At quonam modo id excusetur, quod ait Pytheas se peragrassè quidquid est Europæ Regionum ad Oceanum, ex Gadibus ipsis ad Tanain usque? Sanè, quod potuerit Hispaniæ, Galliæ, ac Germaniæ oras perultrare, ac fortassis quoque Daniâ superatâ penetrare longè ad Balthicum sinum, in fuit olim Sarmaticus, Hyperboreusque creditus Oceanus, creditus complecti Scandiz Insulas, quas nunc esse Norvegiæ, Sueciæque continentis constat; nemo inficias ierit. Quod exillimaverit autem se ad Tanain usque pervenisse; Deum immortalem! quàm id videtur pro caligine eorum temporum esse excusatione dignum? Qui Expeditionem Alexandri nôrunt, compertum habent, cum is pervenisset ad Mare Hircanum, seu Caspium, habitum illud ipsi fuisse, nisi pro Mæotide Palude, in quam Tanais influit, saltè pro eo maris sinu in quem Mæotis stagnaret, nempe pro ipso Euxino Ponto; quo etiam modo proditum ipsi, & creditum est, Nili initium in India ad Hydaspem fluvium exstare. Adjicit Strabo Polycletum argumenta conjecisse, ut evinceret esse idem Caspium mare cum Mæotide; & qui fluvius vocatus est Taxartes, Tanaiden esse; quod tametsi Strabo ipse improbat,

rit, ut ipsius temporibus fuit jam Geographia exulterior; haud exiit tamen eam opinionem, quæ Caspium ex Oceano per angustum ostium, & canalem deducebat, quamque jam nemo defenderit. Meinoro hæc autem, ut subindicem, si Alexandri temporibus ea fuit ad Orientem de Tanaiide, Mætoideque opinio; potuisse haud minore jure eandem esse ad Occidentem de iisdem-met Palude, ac fluvio; maxime verò occurrendo insigni cuiusdam flumini ex iis, quæ in Scandicum, sive Balthicum influerent mare. Tum sanè ea adhuc fuit terrarum ignoratio, ut viguerit adhuc persuasio, quam Expeditionis Argonauticæ scriptores, ac imprimis Orpheus (si Poëma illud tam est antiquum) indiderant, ut facile crederetur ex Ponto Euxino, ac per fretum quidem, ingressum patere in Oceanum Hyperboreum, seu Saturnium, nonnullis mare Mortuum vocatum. Ne memorem, quod aliqui interpretati sunt esse ipsum Mare Adriaticum, ex quo per Eridanum in Rhodanum perveniretur, & per Rhodanum in Sardoum mare. Utcumque sit, vides profectò, traditione non caruisse, quòd ex Oceano, in quo navigavit Pytheas, perveniri posset in mare, quod Tanain exciperet, perinde ac creditum fuit, pervenire posse in illud ex Caspio.

Quamquam velim mihi confirmes vixisse Pythean ipsi-met Alexandri temporibus. Nam quod Strabo illum facere videtur superiorem ævo Dicæarchi, à quo Aristoteles auditus, eam pati potest interpretationem, ut conscripta à Pythea non tam Dicæarcho displicuerint, quàm fuerint displicitura. Cæterùm verò apud Strabonem illud injicit scrupulum, quod Polybius retulerit fuisse Pythean quidpiam commentum circa Massiliensibus, Narbonensibus, & Corbilonensibus, dum à Scipione interrogatus de Britannia Massiliensibus nihil habuisse, quod de ea responderent, commemoravit. Nempe cùm is Scipio videatur non fuisse alius, quàm Major ille Africanus, aut certè Pater, Patruus-ve ejus, occasione Belli Punici secundi, sive Hannici, quod cepit Olympiade 140. Simile verò planè est, extitisse Pythean ad summum horum Scipionum coætaneum; sicque posteriorem toto sæculo Alexandri Magni ætate; quando obiisse constat Alexandrum Olympiade 113. Neque obstat, quòd Eratosthenes, qui Pythæ fidem dicitur sequutus, circa idem tempus esse celebretur; quippe vulgatam Pythæ Relationem abundè legisse potuit Eratosthenes, cùm Geographiæ admovit manum; quando & ipse quoque refert observatam ab illò fuisse Eclipticæ obliquitatem non antè Olympiadem

dem 143. & aliundè constat ipsum pervenisse ad 146. ex eo, quòd natus apud Suidam 126. octogenarius obierit. Ecquam-nam putas proinde meam circa occasionem peregrinationis Pytheæ esse conjecturam? Existimarim Massiliensibus, postquam à Scipione interrogati de Britannia, nihil habuere, quod responderent, seu erubescerent, seu adhortatione etiam à Scipione facta, id cepisse consilii, ut ipsam Britanniam exploratum mitterent, ac diligerent Pytheam insignem Mathematicum, qui describeret omnia, ac alia etiam uberius edocere ipsos posset; ne tantarum confusionum erubescere cogerentur. Sanè ex iis monumentis, quæ ex Pytheæ expeditione supersunt, apparet præcipuum ejus studium circa Britanniam existisse. Quin etiam potuit tantò magis Massiliensium Respublica ad Expeditionem istam propendere, quantò jam mari valdè potens, & Colonis procul missis, studiosa commercii, interesse suâ putavit agnoscere, num posset quidpiam emolumenti consequi ex Gentibus etiam ignotis. Nonne idem nuper facitatum scimus à Principibus, Rebus publicisque. Heinc non est, quamobrem Polybius objiciat fide carere, ut Pytheas, cum esset privatus, & pauper, tantum obierit terræ, ac maris. Haud dubiè enim fide non caret, si publicis uti potuit sumptibus. Sed defuerint publici sumptus; an-non seu ipsa Respublica, seu Mercatorum societas, seu Civis quispiam opulentus eam expeditionem instituerit, potuit Pytheas ad eam acciri, ut unus saltem eorum, cui ex præstita opera quasi Cleanthes aliquis indignus victu non haberetur? An-non adesse illi potuit in ea Civitate amicus, qui commeatus & omnia necessaria suppeditaret; cum Genius præsertim ejus Civitatis, affectus divitis amici erga amicum pauperem in Zenothemi, & Menecrate ediderit rarum exemplum? Quid? quod potuit etiam Optimatum quippiam ita florere opibus, ut generosè aliundè erga Philosophiam, ac bonas artes animatus, & navim ad ejusmodi expeditionem præbuerit, & Pytheam virum Philosophum, Mathematicumque seu sollicitatum, seu etiam fortè sollicitantem, ac ultrò sese offerentem, & dilegerit, & quibus-vis rebus necessariis instruxerit. Hoc certè Genio natum habemus eximium nostrum Fabricium, cum ab eo præstita sint hæcenus similia non pauca; & Civitas illa etiam olim extulit Crinam Medicum, tantâ munificentia, ut (referente Plinio) centies H.S. hoc est monetæ, quæ nobis jam usui, ultra non-genta, ac trecenta Turonicarum librarum millia, seu nonaginta tria millia Pistolarum, munis Patriæ reliquerit, mœnibus quoque aliis, non minore summa exstructis.

Condonabis, mi Wendeline, si digrediar tantopere in gratiam ejus Comprovincialis, qui ultima illa terrarum primus invisit, descripsitque, & quo non habet Occidens totus, quem antiquiorem valeat inter Doctos commemorare. Ad ipsam redeo Civitatem, in qua cum essemus, disquisivimus, an qui est ab ea Trajectus maris Mediterranei in extremum usque Orientem observatis nostris aptè responderet, idque præsertim quòd perspecto Civitatis inelytæ situ, secundum latitudinem, jucundum foret addiscere quâ differentiâ discreparet secundum longitudinem cum à locis cæteris, tum præsertim ab Alexandria. An porro, cum tu Alexandriæ latitudinem ampliari, licebit mihi heic obiter discrimen longitudinis, quo illa à nobis abest decurtare. Habes jam quas Observationes optimus Fabricius fieri procuravit tum Alepi in Syria, tum Cahyri in Ægypto, præter eas, quas nos in hisce Regionibus peregrinantes, circa Eclipsin illam Lunarem superioris anni, ac mensis Augusti. Habes ex illis Tabulas, Chartasque Geographicas omneis distantiora facere ea loca à nobis triente penè longitudinis, ac itineris, quàm reverà distent. Quidnam exindè consequitur circa situm illius Urbis, à qua omnes Astronomi supputandi initium faciunt? Sanè ut omnes non parùm errent, dum se ab illa sepositos amplius quàm æquum sit, assument. Mito alios; unus Keplerus qui novissimus omnium rem accuratiùs examinavit, besse horæ ad minimum Alexandriam fecit suo Uraniburgo, ac Romano simul meridiano Orientaliorem, quàm par foret. Quippe cum ex observatione, Massilia, & Cahyrum ablint hora 1. min. 45. subtrahe exinde minuta tum octo, quibus ille facit Alexandriam Cahyro Occidentaliorem; tum 28. quibus Roma Massiliam; remanebit sanè discrimen Romam inter, & Alexandriam hora 1. min. 8. à quo non longè abluferat Ptolemeus Author Magnæ Constructionis, admittens & quadam Menelai observatione hor. 1. min. 20. Et amplius quidem Author Geographiæ statuens hor. 1. min. 30. Sed ipse Keplerus longè plurimum, inducens hor. 1. min. 48. excessu à vero, ut dixi, beslis horæ integri, seu 40. min. Dixi autem ad minimum; quoniam, si res examinetur ad observationem factam Neapoli, à qua juxta eundem tantum abest Roma, quantum à Cahyro Alexandria, videlicet octo minutis; profectò cum eadem sequatur ex observatione differentia inter Romam & Alexandriam, quæ inter Cahyrum, & Neapolim, nempe 50. solum minorum; fiet excessus supra verum unius horæ proximè, minorum putà

puta 58. Immanis error, & quem tamen fatear potius admissum fuisse, quam minorum solùm 40. quòd aliundè inter Massiliam, & Neapolin distantia sit major minutis illis 18. quàm à Keplero supponatur. Ex quo efficitur, ut cum univèrsè peccetur in constituenda distantia, sive differentia longitudinis inter Massiliam, & loca illa ad extremum mare Mediterraneum constituta, potissima erroris pars ex Compania usque, & Sicilia, ac Melite prorsum sit nata.

Possèm id tibi confirmare ex eo, quòd cum nuper versaremur Massiliæ, Nautas varios rogavimus, ut omni chartarum præjudicio deposito, recenserent ipsi quid itineris inter proxima quæque loca interjici existimarent, prout fulcantes Mediterraneum observassent sæpius eorum intervalla cum ipsis chartis non cohærere. Siquidem id evicimus, ut ex 2700. milliaribus, quæ inter Massiliam & Alexandriam Syriæ, seu Alexandretam vulgò numerantur, censuerint 500. detrahenda esse (plura haud dubiè detracturi, si semel præoccupationem potuerint ampliùs exuere) & minimam quidem partem ex Messilia in Meliten, majorem ex Melite in Cretam, & maximam ex Creta in Cyprum, ipsamque Alexandriam. Sed rem totam placet potius confirmare ex solutione Problematis, quod nostratum ingenia frustrà huc-usque vexaverat (ac fortè etiam exterorum quandò quotquot Nautæ hoc mare frequentant, id ferè proponunt quibuscumque nòrunt curam esse Matheseos) scilicet hæc solutio reservata videbatur agnitæ ex illa Eclipsi contractionis distantia, quam hætenus Nautæ ex chartis supponant.

Problema sic habet. *Quis fiat, ut Nauta, postquam superarunt Sardiniam, & Africa oram, aut saltem vicinas salutarunt Insulas, ac potissimùm ex quo praterierunt Melisen, debeant, ut in Cretam appellant, non recta via insistere, sed descendere ad lavam, sive versùs Boream, unà quartâ, ut vocant, venti, sive  $\frac{1}{4}$ . totius circuitus, prout Pixide Nautica seu Magnetica indicatur: ac duabus etiam quartis, seu dimidio venti, ut ex Creta usque superata, perveniant in Cyprum; & ex Cypro tandem attingant Alexandriam. Quis etiam fiat, ut redeundo, non possint in Cyprum & Cretam deduci, nisi venti dimidio; neque in Meliten nisi quartâ venti à recta via descenderes, atque id quidem semper ad lavam, hoc est, jam versùs Austrum, cum oporteret jam ad dextram, seu versùs Boream descendere. Ac ferè quidem ipsi Nautæ trahi sese à terra dicunt, sed nempe non considerant, cum duæ sunt naves, quæ invicem sibi altera eundo, altera redeundo occurrunt, tam debe-*

re unam quàm aliam in eandem partem attrahi, licet non possit ab eadem terra utraque navis recedere, nisi, ut altera ad lævam, ita altera ad dextram flectatur. Sunt, qui causam conijciant in motum Maris proprium, ac illum præsertim, qui ex Ponto usque per *Ægeum* imprimitur: sed ii tamen se ab ea difficultate non expediunt, quorum etiam fiat redeundo versus lævam deflexio; quoniam eo casu error cursus à motu inductus non corrigeretur, sed duplicatus proverheretur. Sunt, qui causentur ventorum lineas cum chartis malè coherentibus; sed, ut præteream cætera, nihil potest hoc facere ad duplicatam deflexionem. Sunt, qui causam subesse putent in ipsa acumagnetica, illiusque variatione, quæ, quòd versus Ortum increseat, deflexionem illam faciat necessariam. Verùm docet nos experientia variationem magneticam non obsequi legibus secundum *Gilberti* placita præscriptis, & maxime quidem, cum nobis *Anglia Orientalioribus* ea magnopere decreseat. Ut prætermittam variationem, quæ observata *Alexandriæ*; aut mediis locis dicitur, non esse eorum graduum, quos ejusmodi exigit deflectio. Ad summum hæc omnia meræ conjecturæ, & ut breve faciam, nihil hæctenus quod hunc nodum solvat videtur prolatum. Ipsi an videamur facilius ex contracta distantia rem expedire, tu iudex esto.

Sunto *A Melite*, *B Creta*; vera distantia, seu rectum iter, & ventus, quo ex *Melite* tenditur in *Cretam*, est linea *AB*. Verum *Nautæ* chartis fidentes *Cretam* non putant adeò propinquam, sed eam arbitrantur jacere in *C*, atque idcirco rectam viam seu ventum, ex *Melite* in *Cretam* ducentem esse ipsam lineam *AC*. Porro quia docuit experientia incedentibus per lineam *AC* evenire, ut postquam tantum confectum est viæ, quantum reverà est necesse, ut perveniatur in *Cretam*, reperiatur Navis non in *B*, sed potius in *D*; versus *Africam*, toto intervallo *BD*. Eapropter huic malo ut occurrerent; cogitarunt cum deflexione versus lævam incedere, & loco venti *A C* usurpare quartam ab ipso, videlicet lineam *AB*. Quæ ea ipsa est, quam sequi oportuit. Sic redeundo vera distantia, recta via, germanus ventus, quo ex *Creta* veniendum est in *Meliten*, est linea *BA*. Non putant id *Nautæ*, qui *Meliten* habent longè distantiorē, nempe non in *A*, sed in *E*. Unde & viam rectam, seu ventum illinc huc ducentem existimant lineam *BE*. At quia experiundo edocti sunt fo-

re, ut



re, ut si illâ incederent, postquàm emensi essent iter ad Meliten usque necessarium, non jam essent in Melite, seu in ipso A, sed potius in F, seu versus Siciliam, toto intervallo AF. Idcirco, ne id eveniret, incedendum constituerunt cum deflexione rursus in lævam, & loco venti BE usurpare quartam ab ipso, videlicet ventum BA. Qui etiam reverâ usurpandus fuit. Sumto deinde A. Creta, B. Cyprus, deprehendes pari ratione deflexionem semper faciendam ad lævam; sed jam cum venti dimidio, ob falsam distantiam habitam majorem; ex qua efficitur, ut eundo intervallum BD. & redeundo intervallum AF. evadat longè auctius. Quod idem proportionem est concipiendum in cæteris. Sed hæc obiter memorata sunt; nisi quod fortassis non abs re erit heic attexere, quod præclarus ille Schickardus, & *manuscriptis*, ante duos annos, putâ sub finem Martii 1634. ad me scripserat, literis quas heic bona sorte, dum hæc scriberem, reperi, unâ cum exemplo tuarum, quod eximius Fabricius assertum voluerat; neque enim Autographum habere præ manibus datur. Verba igitur Schickardi hæc sunt: *Spero me obtenturum differentias meridianorum inter Alexandriam; & Romam duplici ratione; una mediante Constantinopoli, ubi observavit Muhamed Zelebi eandem, quam ego heic Tubinga; ut sim certus distare Orientem brevius à nobis, quàm Tabula tradant; altera per lineas Nauticas ex Portolano Barbaro-græco, Authore novitio.* Alia sequuntur ad eandem rem; verùm nescio quosum jam tandem evadam.

Itaque



Itaque finem ut evagandi , ita scribendi facio ; addo solum , cum proximis abhinc diebus sim discessurus facturum me iter Forcalcario , ut possim illeic exscribere , & quamprimum transmittere quæ in Arnaldino Codice indicas haberi. Exscribam etiam postea Diniz meis ex Commentariis Mercurialibus Observationes ; præsertim , si resciero , quas ad te damus literas ad manus tuas pervenire. Scito interea Mercurium visum , observatumque mihi fuisse à die 26. superioris mensis in præsentem usque , ac spem superesse , ut possit aliquot adhuc diebus videri , quidquid Keplerus præscripserit. Tu bene vale , & , ut me amas , æqui , bonique consule quidquid heic mearum erit nugarum. Saluto semper viros eximios , meique amanteis Myræum , Gevartium , Puteanum , Chiffletium. Iterum vale. Aquis-Sextiis Eidibus Julii M. DC. XXXVI.

*Post-Scriptum:*

Erant in procinctu optimus Fabricius ad transmittendum has literas , cum id cepit consilii , ut donec me remoraretur , mitteret quæsitum Arnaldinum Codicem , ex quo quæ deposcis , heic exciperem , & ipse interea , quas tunc non vacabat , literas conscriberet , meis , excerptoque jungendas. Itaque res ita successit , ut Codicem jam præmanibus habeam , ineque accingam ad exscribendum loca stellarum verificata non ad annos Christi 937. aut 1406. quando illa tibi jam adesse scribis ; sed ad annum 1364. Neque loca modo Reguli , ac Spicæ , uniusque , aut alterius præterea , ex stellis Nobilioribus ; verum etiam quotquot exstant in eo abaco ; ne , si fortassis alia quoque futura usui fuerint , illa aut te non postulasse , aut me non adjecisse pœniteat. Abacus igitur sic habet.

*Loca*

Loca Stellarum verificata Anno Christi 1364.

		Longitudo Sig. grad. min.	Latitudo grad. min.	Pass.	Magni- tudo.
<i>Aries.</i>	Extremitas alæ majoris Equi.	0. 15. 10	12. 31	Sept.	2
	Venter Ceti.	0. 13. 10	20. 0	Mer.	2
	Cauda Ceti.	0. 8. 0	15. 20	M.	2
	Postremum fluminis.	0. 18. 20	52. 0	M.	1
<i>Taurus.</i>	Caput Argol.	1. 17. 4	23. 0	S.	2
<i>Gemini.</i>	Retinens habenas.	2. 13. 10	22. 30	S.	1
	Spathula Alajoth.	2. 21. 0	20. 0	S.	2
	Aldebaran, vel Oculus Tauri.	2. 1. 0	5. 10	S.	1
	Orion.	2. 15. 10	14. 1	M.	1
	Humerus dexter Orionis.	2. 18. 10	17. 0	M.	2
	Pes Orionis.	2. 8. 0	21. 0	M.	1
<i>Cancer.</i>	Caput Geminorum. (cedentis.)	2. 3. 11. 20	9. 40	S.	2
	Brachium sinistrum Gemini ante.	3. 14. 50	6. 15	S.	2
	Halabor.	3. 6. 0	39. 10	M.	1
	Algoemisa.	3. 17. 20	16. 10	M.	1
	Cahopus.	3. 5. 38	29. 0	M.	1
<i>Leo.</i>	Illa quæ est in latere Urse majoris.	4. 5. 19	72. 50	S.	2
	Sequens illam.	4. 14. 19	79. 50	S.	2
	Illa quæ est in dorso Urse majoris.	4. 10. 49	40. 0	S.	2
	Illa quæ vocatur Edus, seu Dubhe.	4. 19. 19	44. 0	S.	2
	Coxa sinistra Urse majoris.	4. 21. 9	46. 30	S.	2
	Pectus Leonis.	4. 20. 20	7. 30	S.	2
	Cor Leonis.	4. 20. 40	0. 10	S.	1
<i>Virgo.</i>	Illa, quæ vocatur Alcore.	5. 0. 18	53. 50	S.	2
	Illa, quæ vocatur Benenax.	5. 18. 0	54. 0	S.	2
	Dorsum Leonis.	5. 2. 20	13. 40	S.	2
	Cauda Leonis.	5. 12. 45	12. 50	M.	1
<i>Libra.</i>	Illa quæ vocatur Alramech.	6. 14. 10	31. 50	S.	1
	Spica in manu Virginis.	6. 15. 0	2. 0	S.	1
	Pes dexter Centauri.	6. 28. 10	51. 10	M.	2
	Calcaneus Pedis sinistri Centauri.	6. 29. 20	55. 20	M.	2
	Extremitas Pedis anterioris Centauri.	6. 26. 30	41. 10	M.	1

		Longitudo Sig grad. min.	Latitudo grad. min.	Par.	Magni- tudo.
<i>Scorpio.</i>	Illa quæ vocatur Elpheca.	7. 2. 50	47. 30	S.	2
	Caput Stateræ Meridionalis.	7. 6. 10	0. 40	S.	2
	Caput Stateræ Septentrionalis.	7. 9. 20	8. 30	S.	2
	Calcaneus Pedis Centauri.	7. 3. 10	51. 30	M.	2
<hr/>					
<i>Sagittar.</i>	Cor scorpionis, Alcantrab.	8. 2. 0	4. 0	M.	2
	Vultur cadens.	9. 5. 30	62. 0	S.	1
	Cauda Gallinæ.	9. 27. 18	60. 0	S.	2
	<i>Caper.</i> Illa, quæ vocatur Alchayr.	9. 22. 0	29. 10	S.	2
<i>Aquariu.</i>	Cavilla sinistra Sagittarii.	9. 6. 0	23. 0	M.	2
	Spathula sinistra Sagittarii.	9. 16. 0	13. 30	M.	1
	Genu sinistrum Sagittarii.	9. 5. 0	18. 0	S.	2
	Spathula sinistra Aquarii.	10. 14. 50	8. 50	S.	2
<hr/>					
<i>Pisces.</i>	Os Piscis Meridiani.	10. 15. 10	2. 0	M.	1
	Illa quæ voc. Spathula maj. Equi.	11. 14. 50	19. 40	S.	2
	Humerus dexter majoris Equi.	11. 20. 20	31. 0	S.	2

Nota, quod motus Octava Sphæra à tempore Alphonsi, usque ad 1406. fuit grad. 1. min 44. sec. 30.

In margine verò è regione Aldebaræ, legitur caractere novitio, Anno autem 1600. Oculus Tauri distabat ad Æquinoctiali grad. 64. min. 6. Quare intra annos 236. confecti sunt gradus tres, & minuta sex, ac proinde unus gradus conficitur intra annos 77. & paulo minus.

Hactenus exscribo omnia, prout jacent, etiam quod oris Piscis Meridiani latitudinem attinet, quæ nisi confuso illo caractere non exstat expressa. Importunum foret quidpiam admonere circa loca ejusmodi; idque præsertim, quoniam hujusce praxim nihil te latet, Averem magis addere quidpiam circa observatas Lunæ Quadraturas; nimirum quod id faceret ad constitutionem abs te distantiam ac magnitudinem Solis; sed & te omnia circa hanc praxim præcavisse est conjiciendum, & non vacat jam apparanti discessum conscribere plura. Itaque vale iterum:

## EPISTOLA III.

*Eidem.*

**P**AUCA horæ sunt, ex quo datis ad Fl. Langerenum literis, tum te redivivum sui congratulatus, quem rumor dudum deportarat in Regna vivis in via; tum obtuli autographum, quod mihi præ manibus fuit, duarum illarum Epistolarum, quas non redditas suspicatus sum, conscriptas licet à septem annis; quando eo toto tempore nullum abs te responsum tuli. En verò præclarus Naudæus opportunè convenit me, ut, quia nuper, nescio qua sorte mentionem tui factam dixit in acceptis à Slingelando nobilissimo literis, ipseque innui, si meæ fortè non incidissent in tuas manus, posse me adhuc, quod adservassem earum exemplum transdere; idcirco mihi significet tum se id scripisse ad nobilissimum longè virum, cumque respondisse te nihil de meis comperisse Epistolis; tum earum exemplum, cujus fecit spem, exoptare summo perè; tum occasionem, qua id possit tutò transmitti, ad manum esse. Itaque nihil prorsus cunctatus assumo ipsum præ manibus, & paginæ illi extremæ verbulum appono, ex quo correctio quæpiam Epistolæ posteriori sit adhibenda. Videbis in ea non potuisse me alia ratione congruo loco ducere meridianam lineam, quam acus Magneticæ ope, variatione supposita quinque graduum quamproximè, quantam jam pridem Aquis-Sextiis cum Galterio, optino illo, quem benè nōsti, observitaram. At quia deinceps admonitus Gellibrandi opusculo hanc variationem non constare, sed continenter decrescere; comperi ipsam apud nos non excedere jam duos gradus; idcirco errasse me agnovi, quatenus non fuit tunc Sol in meridie, cum in meridie illum habui, sed absuit ab eo tribus gradibus, quibus adhuc ascendere uno minuto; unoque secundo potuit. Quamobrem & cum maxima superioris marginis Solis altitudo habita fuerit 70. gr. 25. min. 59. sec. haberi potius debuit 70. grad. 27. min. præcisè, aliaque exinde veniunt corrigenda. Ut minus autem dubites, memini, ac in meos etiam Commentariolos relatum habeo, quamquam non insertum in Epistolam, duxisse me aliam in aperto Sole,

G g 2

&amp;

& ex Sole ipso meridianam lineam, & conquestum fuisse tum ap-  
plicitam hujusmodi lineæ magneticam acum non evadere ad gradum ter-  
tium; tum Gnomonis umbram eam non attigisse (observante alio, quem  
præfeceram) nisi sextante circiter horæ postquam mea illa fuit superata.  
Atque ego quidem id tum conjiciebam in ipsius lineæ defectum, ut in  
qua ducenda, error aliquis in observatus contigisset. At deprehendi post-  
modum errorem aliò irrepsisse, quod etiam habetur uberius expressum  
in Epistola, quam Pater Kircherus in Opere suo de Magnete editam  
voluit. Prætereo autem si ad te fortè, quæ fuit conscripta à me Peireskii  
vita pervenit, legere te in ea potuisse quandam velut summam Epistolæ  
hujus (posteriores nempe ad te) in qua aliundè quod habetur de apparente  
diametro Solis deduxi fusiùs in aliqua ad Licetum Epistola, quæ cum  
nonnullis aliis evulgata fuit superiore anno. Plura scribere jam non vacat.  
Tu iis, quæ hoc quaternione continentur, sic fruire, ut scias te mihi in  
summa veneratione semper haberi. Repeto salutem, quam nunciari velim  
amicis illis commemoratis, quotquot sunt tecum superstites, ac simul  
exopto non ingrata sit, quam velim habeat uberrimam merentissimus  
ille Slingelandus. Vale. Adscribebam ista Parisiis Eidibus Junii M. DC.  
XLIII.

Accipe, quod unà transmitto Exemplum meæ illius de Stellis no-  
vem Coloniz circa Jovem visis, Censuræ, ipsumque habe cum Lan-  
gereno, ad quem parùm absuit quin manè destinatum fecerim,  
commune. An admonebo te Saturnum, de quo in illo quidpiam vi-  
debis, recuperasse jam laterones & hac quidem forma, qui se aliàs sic  
habent:

SEQUI-

2



Mas sic

4



1



Mas sic

3



SEQUITUR

## RELATIO ECLIPSEOS

Cujus est facta mentio in Post-scripto Epistolæ I.  
& ante finem II.

*Ad Illustræm, ac per-amicum Virum,*

NICOLAUM FABRICIUM

Petrisci Toparcham.

Cum jam non vacet ex integro Observationes describere, quas abs te mecum communicatas, & supputatione facta, in Commentariolos relatas deposcis, excerpe saltem velut compendium, quod tuis intercâ votis satisfaciat.

*Eclipsis Lunæ totalis observata Anno 1635. mense Augusto, die 27. (scu, ut vulgus numerat, 28. mane) Sylo novo, ac primùm quidem.*

*Alepi in Syria.*



Xordiar ab Observatione, quæ in loco maximè Orientali peracta est ab optimis Patribus Cœlestino à S. Liduina, Carmelita discalceato, & Michaelè Angelo Capucino, perito Mathematico. Omnibus expensis, contigit illis *Initium* Eclipsos horâ 15. min. 28. Nempe, cum jam foret defectus digitorum duorum, ut ex phasi picta intelligitur, fuit hora 15. min. 38. ex observata Lunæ altitudine 19. grad. juxta quæ etiam corrigitur anticipantis horologii error triente horæ, aut amplius; quippe quod tunc indicaverit horam 4. matutinam. *Immersio Totalis* horâ 16. min. 27. Nempe ex eodem horologio, sed adhibita correctione incrementis etiam anticipationis. Porro increvisse anticipationem ex eo colligitur, quòd quo momento Sol oriri, & Luna occidere debuit, putà quando horologium indicavit horam matutinam quintam cum semisse,

semisse, observata est Lunæ altitudo grad. 5. min. 30. ac proinde hora solium 4. cum minutis 58. ubi fuit jam horæ dimidio major anticipatio.

### *Cahyri in Ægypto.*

**P**eracta illeic Observatio à P. Agathangelo Capucino, unà cum socio Joanne Molino Dragomano Veneto. Contigit autem illis *Initium* Eclipsos horâ 15. min. 14 $\frac{1}{2}$ . propter observatam Lunæ altitudinem grad. 27. & elevationem Polarem grad. 29. min. 50. *Immersio totalis* horâ 16. min. 16 $\frac{1}{2}$ . propter altitudinem Lunæ grad. 15. Suppono autem tam hunc Patrem in Ægypto, quàm illos in Syria attendisse ad centrum Lunæ, etsi non adnotaverint.

### *Neapoli.*

**O**bservavit illeic egregius Matheseos Professor Camillus Gloriosus, cum assumpto socio Bernardo de Magistris perito Astronomiæ. Contigit autem *Initium* Eclipsos horâ 14. min. 25. scilicet habita ratione morulæ perexiguæ, quæ intercessit, ex quo Vir præclarus innumbrationem quandam habens pro initio Eclipsos observavit altitudinem Aldebaræ 38. grad. min. 55. ex quo colligitur horâ 14. min. 23 $\frac{1}{2}$ . *Immersio totalis* horâ 15. min. 21. Nempe ex altitudine ejusdem Aldebaræ grad. 49. min. 25. Mitto illum usum idoneo Quadrante, cum superioris Patres uli sint Astrolabiis. Mitto & usum Telescopio; cum non constet, an usus P. Agathangelus in Ægypto fuerit.

### *Romæ.*

**O**bsistere partim nubes, partim exilitas Astrolabii quominus eximii Patres Athanasius, Kirkerus, & Melchior Incoferus, Societatis Jesu satis exquisitam Observationem peregerint. Utcunque sit tamen, & quamvis videatur anticipatio temporis nimia, contigit illis *Initium* Eclipsos hora 13. min. 56. ex Lunæ altitudine (secundum centrum, ut opinor) grad. 29. min. 30. *Immersio Totalis*, hora 14. min. 45. ex altitudine Lunæ 24. grad. 24. min. 24. *Emergio prima* horâ 26. min. 33. ex Lunæ altitudine per rimas quasdam nubium grad. 8. min. 54. Idem penè censendum est



est de Observatione Casparis Berti juvenis industrii, atque eruditi. Sed iste nempe, ex post-scripto, tum perfunctorie solum id egit, puta, ut quibusdam amicis quoquo modo rem demonstraret; tum moderationem Quadrantis, quo altitudines acceptæ, commisit cuiuspiam adstantium ejusmodi rerum non valde perito. Utcumque sit, contigit illi *Initium* Eclipsæ horâ 12. min. 52. ex altitudine Aquilæ 19. grad. 35. min. vel horâ 13. min. 42½. ex altitudine centri Lunæ grad. 31. min. 45. *Immersio Totalis* horâ 14. min. 42. ex altitudine Lyræ 18. grad. 5. min. vel horâ 14. min. 35. ex altitudine centri Lunæ 45. grad. min. 58.

### *Diniæ.*

**H**æc mihi nubes, & fulgetra tota penè nocte continentia inviderunt cætera. Hæc, quæ observare licuit, intertexo. *Digitus* quinque jam deficiebant horâ 13. min. 54. ex altitudine Aquilæ 18. grad. 47. min. vel horâ 13. min. 55. ex altitudine oræ inferioris Lunæ 28. grad. 22. min. *Digitus* 6. vel tantillum amplius (fortè 6½) horâ 14. min. 1. ex altitudine Lyræ 25. grad. 25. min. & Markab 52. grad. 35. min. vel horâ 13. min. 59. ex altitudine oræ inferioris Lunæ 27. gr. 55. min. *Digitus* 7. aut aliquantò minus (fortè 6¾) horâ 14. min. 4. ex altitudine Lyræ 24. grad. 56. min. vel horâ 14. min. 5½. ex altitudine oræ inferioris Lunæ 27. grad. 44. min. *Digitus* 7½ horâ 14. min. 7. ex altitudine Lyræ 24. grad. 30. min. vel horâ 14. min. 5½. ex altitudine oræ inferioris Lunæ 27. grad. 20. min. Omitto verò comitatum, ac apparatus Telescopiorum, Schematum, Quadrantis propè bipedalis, & id genus cætera.

### *Aquis Sextiis.*

**F**uit Cælum isthic magis propitium, & Tibi, & Patri Theophilò Minutio, ex Minimorum Ordine, quem adhibitum voluisti domesticis tuis observantibus Agurrato, atque Corberano. Itaque vobis contigit *Initium* Eclipsæ horâ 13. minut. 30. ex altitudine Capellæ 39. grad. 20. min. vel horâ 13. min. 31. ex altitudine oræ superioris Lunæ 31. grad. 46. min. Atque id quidem Telescopio; nam citra Telescopium, visum fuerat contingere horâ 13. min. 21. ex altitudine Aldebaræ grad. 27. min. 5. ex altitudine oræ superioris Lunæ 32. grad. 15. min. *Digitus*

*Digiti* verò 7. defecerunt horâ 14. min. 3. ex collatione plurium altitudinum, cum obscuratio attingit semissem peripheriæ. *Digiti* 5 $\frac{1}{2}$ . horâ 14. min. 16. ex collatis rursus altitudinibus variis cum obscuratio attingit bessem. *Digiti* 10 $\frac{1}{2}$ . horâ 14. min. 21. ex collatis denique altitudinibus pluribus circa obscurationem dodrantis. *Immersio Totalis* horâ 14. min. 28. ex altitudine Humeri dextri Orionis grad. 19. min. 2. Quo tempore filum perexiguum lucis superfuisse dicitur; cum & jam valdè tenue ante 4. min. exstitisse dicatur. Nimirum secundaria lux aliquo usque primariam mentitur. *Emersio prima* horâ 16. min. 6. ex altitudine *Lyræ* paulò ante ipsam Emersionem visâ, 7. grad. 50. min. seu horâ 16. min. 3. itemque ex altitudine Pectoris Cygni, quo tempore jam restitutus fuit peripheriæ proximè Quadrans, 21. grad. 5. min. seu horâ 16. min. 15. *Fini* Eclipsos Telescopio, hora 17. min. 1. ex altitudine oræ inferioris *Lunæ* 4. grad. 20. min. sine Telescopio verò hora 17. min. 5. ex altitudine ejusdem 3. grad. 45. min.

### Parisiis.

**O**bservator fuit egregius ille, & non ignotus tibi Ismael Bullialdus, cui cum cætera nubes præpedierint, sequentiâ tamen perniserunt. *Digitus* 7. crescentis defectus contingere horâ 13. min. 37. ex altitudine *Lyræ* in Quadrante idoneo (licet is minor fuerit vestro) 31. grad. 23. min. *Digitus* 9. horâ 13. min. 48. ex altitudine ejusdem stellæ, grad. 29. min. 40. *Immersio Totalis* hora 14. min. 4 $\frac{1}{2}$ . ex altitudine Aquilæ grad. 16. min. 30. *Emersio prima* hora 15. min. 40. ex altitudine *Lyræ* grad. 14. min. 32. *Digitus* 6. decrescendo hora 16. min. 12. ex altitudine ejusdem stellæ grad. 10. min 50.

### Rebeci in nova Francia.

**A**N adjiciam, quod P. Junius, & alii PP. Societatis Jesu illic residentes in Relatione rerum novæ Franciæ postridie Eclipsos conscripta, & Parisiis edita, scripserunt magnam *Lunæ* Eclipsin visam sibi fuisse circiter 9. vespertinam. Utinam Patres optinui majore quadam cum præcognitione adnotassent tempus alicujus puncti, vel phæseos defectus. Incredibile enim dictu, quantum exinde Geographiæ, & Expeditionibus,

Hh

quæ

quæ parantur in eas oras à Rege Christianissimo, quæsitum fuisset emolumentum.

Atque observationes quidem ita breviter sese habent. Possem jam illas inter sese conferre diversimodè, circa Incidentiam, Moram, Durationem, & similia: verùm quia res facilis est, præstat duo quædam adnotare pro longitudinum differentia, & in usum Geographiæ, quorum etiam nuper Diodatum, Hortensiumque admonui. Unum est, inde confirmari, quod addubitaveram, Meridianum Parisiensem ab Aquis & Dinienſi longius ad occasum distare, quàm hûc-usque ex alia quadam Eclipse supposuerimus. Scilicet discrimen, Parisiensem inter, & Aquisensem habitum fuit minorum temporarium 14. At illud nunc majus intelligitur 12. proximè minutis; adeò proinde, ut Dinienſis (distans aliunde ab Aquis tribus proximè minutis ad ortum) vix quicquam minus à Parisiensi, quàm semisse horæ diffideat: maximeque cum de Bulialdi diligentia dubitare non licet. Porro id facit, ut jam minus improbabilis videatur illa differentia, quam inter Dinienſem, & Lodunenſem, Pictaviensem-ve meridianos collegeramus ex Occultatione Reguli à Luna, quæ tum Bulialdo Loduni, tum mihi Diniz est observata die 17. Junii, anno 1627. uti sub finem Epistolæ de Mercurio in Sole viso, obiter adnotatum habes. Quin-etiam si Schikardus ipse, *et maxime*, viveret, minus exinde jam miraretur Paradoxum illud, ad quod tum ipsius, tum meæ observationes Eclipseon nos, vel maxime invitos cogeant, nempe meridianum Dinienſem vix quicquam esse Tubingenſi occidentaliorem habendum. Alterum est, inde constare, quàm nimis multum Tabulæ, Chartæque Geographicæ omnes illa Ægypti, ac Syriæ loca à nobis removeant. Quippe parùm abest, quin tres horas, seu grad. 45. inter meridianos Alepi, & Massiliæ constituent (vix autem parùm Massilia est Aquis-Sextiis occidentalis) cùm ex relatis tamen constet ampliùs, quàm duas horas, seu 30. grad. non debere interferi. Et dubitavi quidem primum de Observatione Cahiri, non capiens nempe quid fieri posset, ut tam propè Neapolin, aut ad nos usque reduceretur; Sed ipsa Alepi facta observatio tum Cahirensem confirmavit, tum sibi ipsi fidem fecit; quando utcumque dubitare de cæteris liceat, illud saltem constat visam sibi fuisse Immerſionem Lunæ totalem in unbram. Nam si visa quidem ea fuisset exſiſtente Luna in ipsiſſimo horizonte, atque adeò statim orituro Sole, scilicet horâ à media nocte 5. cum semisse; sanè tum demùm viderentur

tres

tres esse horæ interponendæ; at quæ constat Lunam adhuc visam, observatamque fuisse, cum jam horæ dimidium ab Immersione effluxisset, non possunt saltem plusquam quæ horæ cum dimidio interici. Cæterum & quia tunc quoque Luna ab horizonte absuit 5. aut 6. gradibus, quibus debetur aliquid circiter horæ dimidium (id quod aliunde confirmatur ex datis ad te literis à Bakthare Clareto, qui præscripsit Lunam adhuc visam fuisse horâ integrâ ab obscuritate totali) eapropter indubium videtur non esse majorem longitudinis differentiam Alepum inter, & Massiliam, quàm horarum duarum, seu graduum Equinoctialium 30. Quod mirabile sanè est, & adnotatione dignum.

Id verò adscribo, licet urgear, ut agnoscas uberiùs quàm sint futuræ utiles nobilissimæ istæ tuæ curæ. An commemorabo, quod bearis me, cum significasti haud minimam partem hujusmodi Observationum ab Eminentissimis Cardinalibus procuratam fuisse. Intelligo nempe, si semel Principibus Viris hæc placuerint, fore, ut tandem nobilissima, utilissimaque Artium Geographia possit instaurari. Vetus jam nimis propter illius deturpationem expostulatio, quod d'ipius restitutioni Viri privati sint impares, & surdi sint nimis, qui rerum potiuntur, quorumque ea res interest præcipuè. At si tandem Pontifex Summus, aut saltem magnus ille Nepos in hanc curam incumberet (posset autem facillimè per Sacerdotes, ac Religiosos, qui in omnes Mundi Regiones mittuntur) Deum immortalem! quanta exinde & utilitas generi humano, & ipsi gloria compararetur? Sanè immensam gratiam apud omnes doctos, ac bonos iniret, & re, vel solum inchoata, universam Rempublicam literariam demereretur. Quanquam hæc tibi quid occino; qui rem totam apprimè tenes. Ergo Vir Nobilissime, me, meique amantissime, Vale.

F I N I S.

Hh 2

NOVEM.

# NOVEM STELLÆ

CIRCA JOVEM VISÆ

*Coloniæ exeunte Anno 1642. & ineunte 1643.*

ET DE ISSDEM

PETRI GASSENDI

JUDICIUM.

*Epistolâ singulari contentum.*

*Accessit Relatio observationis Perpendicularum bis in die (æstus Maris infar) reciprocantium, factæ à nobili Peirinsio.*

OBSERVATIO

CUM

EPISTOLA.

*Cujus Exemplum fuit transmissum ex Belgio*

A D

GABRIELEM NAUDÆUM,


hoc tenore.



**O**BSERVATIO STUPENDA NOVEM Comitum JOVIS à me habita die 29. Decemb. M. DC. XLII. qua & aliis vicibus; præter quatuor interiores Galilæi, alios quinque exteriores, & multò majores inveni, tali prorsus dispositione, & ordine, ut hîc (seu in diagrammate sequente) notatur.

Qui postea die IV. Jan. M. DC. XLIII. notabilissimè, & taliter loco suo moti; & mutati disparuêre, versus apogæos, aut in umbram Jovis forsan intrantes.

Venite & videte Opera Dei.



Consideravi Opera tua, & expavi.

## EPISTOLA.

Salutem Tibi precor à Puteo Aquarum Viventium, PUTEANE limpidissime, & observandissime.



**S**PERABAM quidem aliquas tibi eruditionum, & melliferarum literarum tuarum à puteo Puteano, alveoque tuo Ciceroniano, meum post discessum, & amicitia contractum, sanctumque nostrum fœdus, à te, Puteane clarissime, propinatum iri: verum in vanum spes mea abiit, & quam abuisse vellem, sitim reliquit ardentissimam Epistolarum tuarum, à nemine, quam à te restinguendam. Sed quid, inquires, novi tibi à te, Antoni, novo hoc cum anno affert, offerre? Audi, mirare, & obstupece, PUTEANE. Considera opera mirabilia Dei, hæcenus à tot sæculis in suo thesauro abscondito latitantia, & expavesce. Nova enim tibi, mundoque affert, & offero; non à terrenis puteis hausta, sed ipso ab Olympo, nulla retrò Olympiade audita, nullo sæculo hæcenus cognita; sed nuperrimè, dum me quærerem (ut sapiculè soleo) in astris, ipso cælo, & quidem Jovis è regno stupendo, deducta. Jupiter enim, notus Planetæ, quatuor illis à Galilæo, Attalico, & Italico Atlante jamdudum disooperitis satellitibus, & comitibus non contentus, anclam suam, & gentem stipatricem quinque adhuc aliis comitibus, & magnitudine, & orbium suarum amplitudine, & numero denique quatuor prioribus Medicæis multo superioribus, cum stupore, & admiratione ita auxit, multiplicavitque, ut spatium illud totum quod ipsum inter Saturnum, & Martem utrumque immensum, interjacet, mirabili Conditoris dispositione, & dispensatione suis motibus, & orbitibus ita occupent ut planè nullibi vacuum, nil superflui deinceps querula quorundam Philosophantium turme carpere, & in Olympia natura reprehendere queant. Et, quod stuporem cum ingenti auget jucunditate, est, quod eorum orbis, motus, & magnitudines admirabili proportionem sese respiciant; ita ut tres supremi omnino Terram nostram magnitudine excedant, & ad Martis amplitudinem quam proximè accedunt. Hos omnes, ad distinguendum eos à quatuor minoribus, & interioribus MEDICÆIS, siquidem tempore moderatorem rerum novarum URBANI VIII. & FERDINANDI III. in Ci-

in Civitate trium Regum, stella duce ad Christum directorum, circa festum bodietnum, à me, novo, quod nuper repert, ac adinveni Telescopio, perquam feliciter primò deducti, & discooperiti sunt, Planetæ V. Urban-octavianos, sive Stellas V. Ferdinando-terianas, & Agrippinas appellare libet. Si enim Galilæo Viro clarissimo licuit, libuitve suos quatuor Comites Medicæas stellas vocitare, quòd in ditione Medicæorum à se sint primò cælo deducti: cur mihi similiter non liceat meos V. & numero, & magnitudine & amplitudine multo superiores illis, in sacro Romano Imperio detectos, & Ecclesia Catholica urbe locoque, primitus inventos, nominibus supradictis intitulare, & baptizare? Qua de re etiam licet tuum prudentissimum judicium inquirere, Putæane clarissime, qui omnium proportionibus Orbium inter sese, prout à me plurimis jam noviter observationibus circa Jovem visi, & explorati sunt, tibi hisce transmitto fideliter; quos tamen singulis duobus & tribus diebus notabiliter locò suo motos, & mutatos videre est. Ita ut, quando supra Jovem sese versus Saturnum librant, parvisimi quandoque appareant; aliquando vero omnino suo in apogæo dispareant; tum domum conspectui nostro sese offerant: donec infra Jovem versus Martem delati, multo majores appareant denud; & quod stupendum est, nullatenus hi quinque Planeta, Ferdinando-terianæ stellæ eandem servant cum reliquis quatuor Medicæis motus rationem, & normam. Alij namque quatuor jam dictorumquam directè suprâ, infrâ, aut penes latera videntur: hi verò nostri nullam differentiam loci respiciunt, aut refugium; sed plena majestate perpetuò suum Regem Jovem suprâ, infrâ, & lateraliter ambiunt, in circulis, Veneris, Mercurij, & Lunæ, imò ipso ambitu Solari majoribus: sed, quod mirum, spatio temporum minor illi: adèd quòd quantum mihi hætenus quidem compertum est, quidam spatio 33 $\frac{1}{2}$  dierum; alius tempore bimestri ferè, alius spatio minori, & majori alter, & extimus, circa Jovem revolutiones suas compleant: de quibus in meo Oculo Enochiano adhuc plura, & magis explorata, Deo dante, sum dicturus. Dominatio Vestra pro nunc valeat. Benedico in Domino eidem à virtutum, & vitæ Propagatore, Siderum Conditor ter-Optimo Maximo, cuncta fausta ex animo precando, meque ei intimè commendando, Responsum avidè desuper expectaturum. Dederam Colonia ipso die trium Regum sacro, 1643. Humili, & promptissimus servus in Christo, ANTONIUS MARIA DE RHEITA, indigen. Concionat. Capucin.



## POST-SCRIPTUM.

**S**I placeas hanc descriptionem, & Comitum novorum inventionem etiam Eximio, & A. R. D. Fromundo aliisque Viris Eruditis monstrare; ut & ipsi causam habeant laudandi, & admirandi Siderum alium Conditores; & campum, viamque jam apertam alia modo adhuc, & plura cælo deducendi, indagandi, & rimandi. Sed, quod monere volui, non possunt ullo modo Telescopio, sive Tubo communi videri, discerni, aut reperiri; sed optimè Telescopio novo, & mirabili modo nuper à me reperto, in decupla, & ultra, proportionem, oblata amplificante; de quo, ejusque compositione, ut etiam ambobus oculis possumus oblata distantissima cernere, in meo libro plura.

Videntur verò V. majores, & novi moveri ab occasu in ortum; interiores autem apparent, quasi contra abortum in occasum ferantur. Quod est evidens signum plana interiorum b, & a, ad Eclipticam inclinata, & disposita interfecari ad angulos rectos à planis, sive circulis V. exteriorum, quod quidem stupendum esset. Sunt autem interiores IV. Galilæi nobis propinquiores supra Jovem in non exeuntes: infra verò in meum remotiores, & australes; tuncque multo etiam apparent minores. E contra quinque exteriores Ferdinando-tertiani supra Jovem, minores, & à Terra maxime remoti; infra vero propinquissimi, majores, & Marti, Terraque magis accedentes. Horum revolutionis tempus, ne dum plane, & exactè compertum habeo. Penextimus tamen E, (qui & cæteris interioribus major, & ampliori circulo latius) spatio circiter 67. revolvitur dierum; D vero 3 $\frac{1}{2}$ . quasi. De quorum exactioribus periodicis Revolutionibus, & Theoriis latius in meo Oculo Enoch scripsimus sum Deo dante.

Viderini interea Philosophi, Astronomi, & Disciplinarum celestium cultores, & amatores, quid ad hæc stupenda, & nova Dei, & naturæ arcana hætenus nobis abscondita dicant. Maxime quid de soliditate, aut fluxibilitate cælorum, & Epyclo Jovis (qui si daretur, profecto multo minor esset orbita E, & D Comitum) aliisque sentiendum. Ego reverà imèo Experientiam cum tempore multiorum antiquorum sententias mutaturam, & expugnaturam. Spero, Deo juvante, illo novo meo Telescopio adhuc plura arcana detectum iri cum tempore; & maxime, num quid simile reperiri possit circa Martem, & Saturnum.

PETRI

PETRI GASSENDI  
D E  
NOVEM STELLIS

In superiore Observatione , & Epi-  
stola memoratis,

J U D I C I U M.

*Viro eruditissimo ; amicissimoque*

GABRIELI NAUDÆO

EMINENTISSIMI CARDINALIS

M A Z A R I N I

BIBLIOTHECARIO.

PETRUS GASSENDUS S.



ENI Escuenum, mi NAUDÆE, cum Optimo  
Principe , ac mea in Provincia Prorege LUDOVICO VALESIO Alensi Comite, cui per sacra hæc  
tempora, fugienti multitudinem, habere me sui se-  
cessus religiosi comitem placuit. Et quia discedens  
pollicitus sum, si quas haberem superstites ab offi-  
ciis pietatis horas, committere scriptis, quæ tibi,  
amicisque nostris Merfeno, Bullialdo, Hobbzo

viva edisserueram voce, de Observatione illa nupera; ecce, quantum li-  
citur est, liberare aggredior fidem. Nempe rescripturus ad tuum Slinge-  
landum, exoptas unâ transmittere meam qualemcunque censuram de  
quinque iis Stellis, quas Vir reverendus Antonius Maria de Rheita  
Capuccinus Colonienſis ante treis mensibus observavit; & de quibus ad

eximium Virum Erycium Puteanum sic scripsit, quasi sint novi quidam Errones, qui, præter quatuor Mediceos, Jovi continuò circumducantur.

II. Imprimis verò, tu me ampliùs nosti, quàm ut putes me improbare generosissimum conatum, quo Vir religiosissimus & Telescopium perficere, & aliquid in cœlo novi deprehendere est aggressus. Quin-etiam longissimè abusum, ut ulla ratione ejus observaris fidem derogem, ac non pro certo habeam vidisse illum quinque Stellas, præter jam notas Mediceas, quas Galileus primus monstravit. Et genus vitæ, quod profitetur, & indoles, quam auguror, & rerum celestium studium nobile, imponere illum haud dubiè non sinunt. Adde quòd eam rem perscripsit ad Virum emunctissimum; evulgari eam voluit apud oculatissimos, quos inter Fromondus præcipuus; observationis suæ diagramma elegantissimum exhibuit; imposuit ipse nomina Stellis, Planetas Urban-octavianos, aut Stellas Ferdinando-tertianas, & Agrippinas indigens; vulgaris Telescopii, quo eæ detegi non possint, imperfectionem causatus est; sui, quo possint plura adhuc mira inveniri, spem fecit: hæc verò nemo non dixerit argumenta esse eximii candoris.

III. Deinde, tu me cum non habes, qui de inexhausta naturæ opulentia licet intendam; quasi innumera non sint, quæ incomperta hæcenus, reperiri deinceps possint. Subscribo enim Senecæ, nec minùs, quàm ille exclamo, *Quam multa hoc primùm cognovimus sæculo! Et quidem multa venientis ævi populus ignota nobis sciet. Multa sæculis tunc futuris, cùm memoria nostris exoleverit, reservantur. Pusillæ res mundus est, nisi in illo, quod querat, omnis mundus habeat.* Et, ut adjiciam de Planetis, ac præsertim Jovialibus, quod ille de Cometis habet; *Quàm multa, præter hos, per secretum eunt, nunquam humanis oculis orientia! Neque enim Deus omnia humanis oculis nota fecit. Quota pars operis tanti oculis nostris committitur?* Quæ commemoro, ut intineum nihil repugnare, quò minùs reverendus Pater Stellas quasdam detexerit oculis mortalium huc usque invisas. Quantumvis certè multum debeamus vulgari Telescopio, quod Sidera procul distantia nostris adinovit oculis, effecitque, ut cùm in Sole, Luna, Venere, Saturno, Galaxia, aliis cœli partibus; tum in ipso speciatim Jove aliqua priùs inaudita, insperataque videremus; nihilominùs alia proculdubio innumerabilia supersunt, quæ possint adhuc Telescopio consummatiore perspicui; cujusmodi à se inventum, & Enochianum appellatum, religiosus Vir pollicetur.

IV. Hæc

IV. Hæc autem cum ita se habeant, an-non æquum censes, ut totus concedam in Viri sententiam, qui & fidei plenissimus sit, & rem memoret, quam esse nihil vetet? Enimverò, cum, ut præmonui, nihil derogem nudis observatis, nullusque dubitem, quin illi, præter Mediceas, quinque Stellæ conspectæ sint; non omnino tamen assentiri possum consequtioni, quæ ab eo ex observatis deducitur; dum fuisse Stellas Errantes infert, quæ videri possunt Inerrantes fuisse. Quippe hoc jam est præter observata, æ persimile cæteris Astronomicis hypothefibus, quas quisque fingit pro lubitu; authoritate observationum illibata perseverante. Heinc Virum habeo magis ingenuum, quàm ut succensere mihi debeat, si rescire illum procures non dedisse me statim manus; verùm fecisse aliquam de consequtione ejus controversiam. Siquidem feci, ut tuo rogatu, ita veritatis amore, pro cuius incolumitate pronunciat Aristoteles rem esse præclaram, *καὶ τὰ ἐνθάδε ἀναρῶν, ἅλιος τι καὶ φιλοσόφου ὄψας*: ut proinde minùs hæream, quin Vir optimus boni cōsulat, si suam fortè sententiam aliquatenùs nutare agnoscat.

V. Itaque ut rem breviter ob oculos tibi proponam, attende ad ipsum diagramma, quod unà cum Epistola communicatum mecum voluisti, cuique agnosces me nihil aliud, quàm addidisse literas CHIKL, PQRS, TUXYZ. Imaginare partem diagrammatis Septentrionalem, sive punctum T erigi supra Meridionalem, sive punctum V immotum manens; & ut melius capias, ipsum diagramme respice ex postica pagina, Septentrione sursum converso. Nempe ea ratione tuus oculus ita se habebit, ut ille videtur intelligere suum oculum sese habuisse die Decemb. XXIX. cum in Jovem conversus, & Telescopio circum respectans, visus est sibi habere quatuor Mediceas stellas ad occasum; & ex Urban-octavianis intinam, & extinam ad Septentrionem; penintinam ad occasum; mediam ac penextinam ad ortum. Nihil morare apparatus duplicis Zodiaci, quem ille videtur solùm apposuisse, ut significaret oppositas circumductiones, seu semitas, quibus Mediceæ interiùs, & Urban-octavianæ exterius incedunt. Scilicet præcipuè attendendum est, tum ad ipsas stellas, tum ad circulos, per quos vult Planetas Urban-octavianos moveri à dextra in lævam, sive ab occasu per austrum, infernevè in ortum; Mediceos verò à læva in dextram, sive ab ortu, per austrum item, atque infernè in occasum. Considera situm stellarum observatum die Decembris memorata vigesima nona, sed Urban-octavianorum præsertim: nam de Me-

diccis quidem id solum mente tenendum est, quod eas viderit ad occasum. Videlicet cum observatio diei IV. Januarii nihil habeat de Mediceis; de Urban-octavianis tamen hoc habet, quod spatio dierum interceptorum, Penultima pervenerit ex H in I, Media ex D in L, Penultima ex E in K. Et quia duæ reliquæ, tam nimirum intima G, quam extrema F, ea die IV. non comparuerunt; ideo reputat, eas debuisse se recipere aut in Apogea, aut in umbram Jovis.

V I. Ista ubi percepseris, noris oportet me, casu quodam, attendisse ad ipsum Jovem, eadem die Decembris XXIX. ac observasse, confignasque Mediceorum cum ipso situm. Occasionem ut habeas, quoniam memorabilis est, ecce illam paucis præmitto. Cum ante biennium Parisios venissem, & me detinere amici plusculum voluissent, quæsitum, eorum hortatu, nisi id Telescopium, quo Galileus, dum esset in vivis, me donatum voluit. Ipsum dirigens sub Augusti ultimò elapsi initium in Saturni, ac Jovis stellas, futuras brevi Acronychias, deprehendi esse Saturnum Anfularum suarum expertem. Fuerat res mihi prius invisâ, & quia tunc memini Galileum idem observasse ante annos XXX. dolui admodum me non fuisse attendendo diligentior: tum ut intelligerem, quàm crebræ, aut raræ hujuscemodi defectiones forent; tum ut speciatim adnotarem, quoniam tempore ista occæpisset. Nam conscriptum quidem in meis Commentariolis habeo, quâ formâ viderim Saturnum anni M. DC. XXXIII. mense Junio: M. DC. XXXIV. Aprili: M. DC. XXXVI. Novembri: M. DC. XXXVII. Febuario, Julio, Novembri; M. DC. XXXVIII. Decembri; at nusquam eum fuisse Ansis destitutum. Quapropter factus cautior, attendere deinceps volui, si fortè fieri compertum posset, quandònam Ansa restituerentur; atque idcirco, quoties penè favit cœli serenitas, Telescopium mihi præ manibus fuit, quoadusque mense Febuario tam Saturnus, quàm Jupiter, futuri proximè conjuncti (quod nosti, nisi vigesimo quoque anno non evenire) occiderunt Heliacè, seu videri posse vesperi desierunt. Ac prætereo quidem Saturnum fuisse toto eo tempore Anfulis suis adhuc spoliatum, & me avidè expectare matutinum ejus exortum, ut explorare valeam, illasne adhuc recuperarit; sed interim tamen tacere non possum me, cum die Decemb. xxix. ipsius Saturni conspiciundi gratiâ assumpsissem Telescopium, id convertisse etiam ad Jovem (quod familiare mihi erat) ut observarem Mediceorum situm.

VII. Re-


VII. Retuli verò in Commentarios, quemadmodum eo vespere Mediceos quatuor observaverim, situs omneis ad ortum Jovis, & ab orientali ipsius margine distantis, proximum quidem, semidiámetro solum Jovis; sequentem, duabus diametris, cum semisse; tertium, tribus diametris cum dodrante; extremum, quinque diametris, cum quadrante. Fuisse omneis præterea in eadem quasi recta linea; nisi quòd secundus inter primum minimum, & tertium maximum mediocris, fuit insensibiliter hujusmodi lineâ borealior. Denique & hanc lineam (Jove tum habente austrinam latitudinem) visam fuisse habere situm, non omninò parallelum ad Eclipticam, sed versus illam inclinatum; adeò ut producta ulterius in ortum, seu in signorum consequentia, eam intersectura intellexeretur. Ac talis tum quidem fuit mea observatio; quam idcirco commemoro, non ut causer invisas mihi quinque Urban-octavianas stellas (quippe neque meum Telescopium prospectum habet adeò patentem, qui ne sufficit quidem Jovi, ac Mediceorum extimo summè elongato capiendis; neque de ipso variè circumducendo cogitavi, ut si quodpiam præterea exhiberetur explorarein (sed ut solum innuam, quisnam fuerit eo vespere Mediceorum situs.

VIII. Innuo porrò ipsum, quia optimus Vir suo in schematicismo diversum exhibuit. Siquidem, ut non memorem Mediceorum extimum designatum litera b, fuisse ab eo exhibitum, quàm mihi conspectus fuerit, australiorem (fuit enim, ut jam insinuavi, in eadem cum aliis, ac primo præsertim, tertioque recta linea) attamen tam ipse quam cæteri tres ad occasum Jovis exhibiti sunt, qui fuere reverà ad illius ortum. Unde, & si desideres verum situm repræsentari, quo Mediceos tum spectasses, oculo in Jovem converso, inverte solum paginam, seu diagramma sursum, & loco occasus ortum, loco ortus occasum scribe; liquidem eo modo habiturus es, quæ posita fuerit linea Mediceorum. Ecquidnam verò rei conjiciam, quamobrem Mediceorum situs, qui revera fuit orientalis, apparuerit viro optimo occiduus? An quia cum usus non fuerit simili mecum Telescopio, illud ejus structura est, ut dextra sinistra, supera infera exhibeat? An id proinde constitit ex duplici lente convexa, duplicique concava; ita nimirum necessum est inversum situm exhiberi? An potius, quia ille fatetur posse suo Telescopio ambobus oculis res cerni; vitrorum sectiones ita referuntur ad geminos oculos, ut creent visus commutationem illi non absimilem, qua dum vel nasum, vel digitum,

vel rem aliam proximam oculo utroque alternatim respicimus, videmus ipsam obtegere partem corporis distantioris sinistro dextram, dextero sinistram? Utrumque se res habeat, hæc in Mediceis situs transpositio fuit mihi prima dubitandi de Urban-octavianis occasio.

IX. Ac statim quidem induxi mihi facillimè in animum conspexisse illum præter quatuor Mediceas, quinque Stellas Fixas, ex numero earum, quas oculo nudo inconspicuas, exquisita Telescopia toto passim cælo, ac sæpè etiam circa Jovem, aliosque Planetas demonstrant; verùm & quia ille dixit esse eas Stellas Mediceis multò majores; facile suspicatus sum, esse ipsas posse ex Fixis, quæ apparent etiam nudo oculo, tametsi sine Telescopio inconspicuas tunc fuerint, ob crepusculi claritatem. Ea de causa, cùm nossem Jovem non attigisse tunc adhuc medium Dodeceteriorii Piscium, vixque esse posse elapsum Stellas maximè orientales constellationis Aquarii, quarum sunt plæræque magnitudinis quintæ: ea, inquam, de causa tum Globum cælestem, tum Tychonis catalogum Stellarum Fixarum consului; & quia noram Jovem habere austrinam latitudinem; idèò attendendum potissimùm censui ad Stellas austrinas fusionis Aquarii. Porro illæ statim eâ formâ, eoque situ, quem hæc appingo, sese in globo exhibuerunt; tuque ipse rem explorare facillimè potes in quolibet globo, neglectis stellis cæteris, in Fusione Aquæ australioribus, ad quas pertingere Jupiter non potest.

X. Mirum autem dictu, quàm promptè sim visus agnoscere eas quinque stellas, de quibus controvertitur; quippe eadem ipsæ sunt visæ, quibus hæc appono easdem literas h, f, g, d, e, quæque in Tychonis catalogo sunt 24. 25. 26. 27. 28. Quod enim reverendus Pater non adnotavit præterea neque remotiorem illam ad occasum, neque propinquiorem aliam ad meridiem; causam esse existimavi prospectum Telescopii, qui cum has quinque ceperit, non potuerit tamen ad illas ultiores extendi. Tu, ut rem clariùs intelligas, diagramma Rever. Patris ita erige supra punctum X, ut linea X Z perpendicularis evadat; sic enim Stellas comparanti manifestum videbitur, non esse aliam b, quàm H: f, quàm F: g, quàm G: d, quàm D: e, quàm E, tanta inter utrasque est analogia. Neque obstare debet, quòd distantia comparatarum inter se stellarum ad unguem non quadrent; id nempe ex eo esse potest, quòd optimus Vir sola visus æstimatione rem peregerit, neque ipsam definire



definire tam exquisitè potuerit, quàm qui organis astronomicis sunt cælum dimensi.

XI. Ne quidpiam tamen dissimulem: cùm ex Ephemeride Elshadiana, Jupiter ea die  $xxix$ . fuerit in gradu  $13$ . min.  $15$ . Piscium; & ex iis stellis promotissima omnium  $F$  non sit (ex abato Tychonis, & motus Fixarum hypothesi) nisi in gradu  $12$ . min.  $14$ . ideo videtur Jupiter excessisse tunc eas stellas, neque potuisse deprehendi in ipsarum medio; & ne inter  $f$  quidem, &  $h$ , quæ est solum in gradu  $9$ . min.  $36$ . Piscium. Quin-etiam, cùm tunc Jupiter sortitus austrinam latitudinem gradus  $1$ . min.  $13$ . potuerit esse infra stellam  $f$ , cujus latitudo est unius præcisè gradus; videtur tamen esse non potuisse infra stellam  $h$ , cujus latitudo est grad.  $1$ . min.  $24$ . neque idcirco apparere inter has duas stellas, & cæteras treis, ut in diagrammate collocatur. Ad hoc autem dici nihil aliud potest, quàm esse posse defectum quempiam aut in calculo, ac hypothese motuum Jovis: aut in designatione earum stellarum tam secundum longitudoinem, quàm secundum latitudinem; quemadmodum sunt aliæ quoque in Tychonis catalogo, quæ indigent emendatione. Unde si hæ ipsæ sunt stellæ, quas reverendus Pater vidit, id saltem fructus colligetur



getur ex illius Observatione, ut loca seu Jovis, seu harum stellarum emendari exinde valeant.

**XII.** Cæterum Jove præter præter, ut in diagrammate vides, constituto, inverte primò ipsum diagramma, ut antè dixi, sursum, deorsum, & ex averſa, seu postica pagina illud inspicere: nempe & Jupiter & stellæ eo repræsentabuntur situ, quo erant reverendo Patri, tum inter occasum, atque meridiem respicienti; ac stellæ F, & G, accedentes magis ad verticem, intelligentur orientiores; stellæ verò H, D, E, accedentes magis ad horizontem, occidentiores. Cogita deinde fuisse Jovem eo tempore motu directum; sive contendisse ab occasu in ortum; ac proinde consiciendo diebus singulis, ex suo motu duodecenniali, minuta decem circiter, progredi debuisse uno proximè gradu intra dies sex; adeò ut, cum die Decembris xxix. ibi circiter fuerit, ubi adscriptus est, debuerit die xv. Januarii accessisse propius ad stellam F, nec procul ab ea deinceps transiisse. Scilicet motus Jovis erat versus eam regionem, in qua dixi me Mediceos tum observasse; sicque potes fingere Jovem aut in P, aut etiam ulterius, & nonnihil ad austrum lineæ Mediceorum, prout earum stellarum situm aut in globo, & apud Tychonem, aut in ipso diagrammate non planè congruum habueris.

**XIII.** Ex his verò intelliges, cur die xv. Januarii duæ stellæ defecerint ex iis, quæ visæ fuerant xxix. Decembris. Nimirum, ut dic xxix. stellula illa, quæ infra E, conspecta non fuerat, quòd capi non posset prospectu Telescopii, Jovem in sui medio habentis; ita die xv. stellæ E, & D, fuere inconspicabiles, quòd Jove existente in P, prospectus Telescopii non patuerit usque ad ipsas. Quare & tres solum superfuerunt, scilicet H, F, G, quæ potuerint unà videri cum Jove. At quorsum nam optimus Vir existimavit tres superstites esse H progressam in I; D progressam in L, E progressam in K; ipsas verò G, & F evanuisse? Nempe quia habuit Jovem immotum, & stellas mobileis circa ipsum; cum stellæ tamen immotæ fuerint, & Jupiter ipsas intercurrenit. Hinc, spectato diagrammate, non H transivit in I, ut esset supra Jovem, sed Jupiter transivit in P, ut fieret sub H; neque D, & E factæ sunt, una lateralis, altera inferior; sed Jupiter accedens ad P, tum eas reliquit distantes, quàm ut possent amplius conspici; tum factus fuit lateralis ipsi G, (quam ille existimavit E) ac superior ipsi F, (quam ille existimavit D.) Agnitu certè facile est situm stellarum H, G, F, eundem esse qui est trium suppositarum

rum I K L; cùm quæ est commensurationis inter utrasque diversitas, ordini facile potuerit ex fallacia æstimationis, quæ insinuata jam ante est.

XI V. Atque ex his quidem sum argumentatus: potuisse illas quinque stellas, quæ fuere, præter Mediceas, Rever. Patri conspectæ, esse non Planetas Urban-octavianos tum primum detectos; sed stellas Fixas jampridem notas, ex constellatione Aquarii. Et quamvis fortè mea conjectura videretur cuiquam non satis ad observationem quadrare; adjeci, licet Jupiter inter eas stellas non fuerit esse tamen potuisse inter alias solo Telescopio conspicuas, eamque cum Jove, ac inter se, dispositionem obtinenteis, quæ in diagrammate exhibetur. Siquidem visum mihi fuit admodum incredibile, potuisse stellas H, E, D, à dextra ad lævam circum-eunteis, ac in eadem à Jove distantia manenteis, superesse post dies sex; Stellas autem G, & F pari ratione circumductas, inque eadem distantia perseveranteis, potuisse, quod ille opinatus est, fugere ad spectum. Profectò sequendo analogiam motuum (quæ nescio an causa fortè fuerit, ut ille existimarit stellam L non esse amplius removendam à stella K, quàm in diagrammate habetur; utque proinde inter utramque exhibita tanta distantia non fuerit, quanta inter F, & G) manifestum evadet neutram, ac F præsertim, debuisse fieri inconspicuam. Quia enim quò unaquæque stella interior est, eò movetur velocius, suumve circulum, ut minorem, brevior tempore percurrit (sic nempe arcus H, I, major est arcu D L, & iste major arcu E K) idcirco debuit stella G promota versus Q, tam perspicua remanere, quàm H, aut I; & saltem ipsa stella F fieri inconspicua non potuit, utpote promota dumtaxat in R, ac in eodem penè loco perseverans.

X V. Dicere enim utramque, vel alterutram versus Apogeiũ disparuisse, tantò minus probabile est, quantò Planetæ sensibili spatio ante, & post sua apogea, non variant sensibilibiter magnitudinem apparentem, manentque perinde conspicui: ut præteream, si Medicei in suis quoque apogeiis perseverant conspicui: non potuisse has stellas, (multo Mediceis majores) fieri evanidas in suis. Dicere quoque hæc stellas ingressas fuisse in umbram Jovis, quam ratione capi potest; cùm propter austrinam Jovis latitudinem umbra ipsius projiceretur averfa à Sole in austrum, & saltem stella F, remanserit ad septentrionem? Potest verò etiam multò minus capi, si orbitæ harum stellarum intersecant ad angulos rectos Medicearum orbitas, quæ vel ex ipso Galilæo sunt ad Eclipticam parallelæ;

K k

ad cō

aded ut proinde planum quoque Eclipticæ interfecari debeat ab illis ad angulos rectos: Nempe hac ratione eæ stellæ circumducerentur Jovi à borea in austrum, neque unquam aut inter Solem, Iovemque interciperentur, aut à tergo ipsius facti, in illius umbra laterent. Quanquam non satis capio quid optimus Pater voluerit, cum censuit plana harum stellarum, tametsi ab ortu in occasum euntium, esse non posse eadem cum ipsis Medicearum planis, sed ea fecare normaliter; cum aliis interiùs, aliis exterioriùs circumductis, neque sibi mutuò occurrantibus, eadem esse plana nihil vetet.

XVI. Quin-etiam non satis percipio, quamobrem putet specialeis motus, diversosque à cæteris convenire hisce suis stellis, dum dicit eas ab occasu in ortum, potius quàm ab ortu in occasum moveri, quatenus ultra Iovem transeuntes, ab occasu in ortum tendunt: Quippe hæc est communis lex circumvolutionum cælestium, observaturque non modò in iis, quæ Soli circumveant, ut in Mercurio, ac Venere; ut in Planetis cæteris, tum juxta Copernicum, quàm juxta Tychohem; ut in ipsiinet Solis Maculis; sed in ipsis quoque Mediceis stellis, quæ circumveant Iovem. Nam, quòd alioquin Vir optimus ex Galilæo desumpsit, stellas Mediceas supra Iovem exeunteis, fieri ut australes, sic remotiores; id ex dimidio solummodò desumptum, atque verum est. Cum hoc enim sit universè verum, stellas Mediceas supra, seu ultra Iovem transeunteis, esse à nobis remotiores; infra, seu citrà propinquiores; non tamen quoties australes sunt, remotiores à nobis sunt; neque quoties septentrionales, nobis propinquiores evadunt. Siquidem cum orbitæ earum sint Eclipticæ parallelæ, efficitur, ut quia nos semper in Eclipticæ plano sumus, si Iupiter quidem in Ecliptica sit, tum ipsæ stellæ neque australes, neque septentrionales sint, sed solummodò superiores, ultiores, remotiores; & inferiores, citiores, propinquiores. At si Iupiter obtinuerit austrinam latitudinem, tum orbitæ illæ, lege optica, sic inclinatæ appareant, ut pars illarum superior, ulterior, remotior in septentrionem deflectatur; si septentrionalem, tum eadem pars deflectatur in austrum.

XVII. Ex quo efficitur imprimis, ut quod ille de remotione, & propinquitate dicit, uno solùm casu sit verum; ta net si is casus non contigerit observationis tempore, quo Iupiter habuit latitudinem austrinam. Deinde, ut id verum non videatur, quod ait Planetas Mediceos nunquam directè suprà, infra, aut penes latera Iovis cerni, sed perpetuò una transver-

fali

fali linea tam suprà quàm infrà. Nam cum id sit obscure dictum; quia vellet tamen videtur Planetarum ductus seu superiores, seu inferiores non esse Eclipticæ ductui parallelos, aut cum ipso coincidentis, sed ipsam transversum, seu cum aliqua obliquitate interfecare; idcirco id verum non esse intelligitur, quatenus, dum Iupiter in Eclipticæ plano est, nullus obliquus ductus est, siue nulla transversa linea; Mediceique directè feruntur suprà, infrà, ad latera; tanquam ipsarum orbiteis coeuntibus in Eclipticæ planum.

XVIII. Quod si requiras unde nam nosse Rev. Pater potuerit suos quinque Planetas versus Saturnum emergenteis exilissimos fieri, ac nullos quoque apparere: dejectos verò Martem versus, ut multò maiores, sic conspicuos evadere; & terræ molem excedenteis, ipsam quoque Martis amplitudinem ænulari? Undenam item circulos ipsorum esse adeò vastos, ut sint majores circulis Lunæ, Mercurii, Veneris, Solis; sicque spatium inter Martem, & Saturnum immensum arguant, & ne tributo quidem Iovi Epicyclo locum relinquunt? Undenam demùm ipsorum motus, orbisque esse inter se admirabili proportionem; ac esse unum, qui revolutionem intra dies 31, cum semisse perficiat; alium, qui intra 67: atque ita de cæteris? Si requiras, inquam, quid sit respondendum, ex jam dictis habes. Nam, quantum opinor, ex eo duntaxat, quòd die Januarii non apparuerint ampliùs duæ ex illis stellis, quæ ante sex dies apparuerant, ratiocinatus est de ascensu, descensu, decremento, incremento, occultatione, apparitione, & mole istarum stellarum, idque persuasus potissimum magnitudine earum apparente. Quanquam non video cur eas agnoscens Mediceis multò majores, putet tamen ipsas nullo modo posse videri, discerni, reperiri vulgari Telescopio, quo videre, discernere, reperire Mediceas licet. Ex eo similiter, quòd agnovit debere has stellas in circulis ferri, quorum diametri minores non sint observatis earum inter se distantis, quæ Medicearum inter se distantias longè superant (quippe cum istæ pauculorum minorum sint: distant illæ, inter se, ex Tychoonis datis, H, & F grad. 2. min. 37. H, & G gr. 2. min. 55. H, & D gr. 3. m. 6. D, & F g. 3. m. 7. F, & E g. 3. m. 12. E, & H g. 3. m. 33. & c.) idèd comparando circulos istarum, cum Medicearum circulis, ipsos mirè amplificavit: tamen si non videas quare intra illos Epicyclum Iovis continendum censuerit, cuius diameter non est decem gradibus minor. Ex eo denique, quòd ubi suum illud diagramma conficit, cernit circino potuit Orbium intercapedines; idèd putavit posse de eorum proportionibus pronunciar;

K k 2

&amp; ex

& ex eo, quod dimetiri potuit quota portio circuli penultimi esset arcus H I, quota medii arcus D L, quota penultimi arcus E K: idèò argumentatus est, si intra sex dies tanti arcus descripti sunt, quot ergo diebus fuerint integri circuli describendi. Alioquin certè quàm sint multæ, quamque longorum intervalloꝝ observationes necessariæ, ut cœlestium motuum periodi investigari valeant, harum rerum experti nōrunt.

XIX. Sed his dimissis, ne esse putes rem admodum insolitam, conspici circa Iovem Fixas, quas proclive sit pro Planetis accipere; posseim quidem rem variis observationibus declarare: at commemorare unam sufficit, quæ memorabilis sanè est, tum ob stationem Iovis demonstratam à stellula; tum ob occultationem Propodis, ad quem Iupiter appulit ante, & post ipsam stationem. Anno igitur M. DC. XXXIV, ac sub medium Febr. versabar Diniz, cum spectatus observatusque oculo nudo Iupiter, nihil omninò promoveretur. Assumpto Telescopio, stellulam detexi præter Mediceas, quæ potuisset tantò facilius pro novo Planeta haberi, quantò existente Iove stationario, habitoque velût immoto, visa est respectu ipsius accedere, recedereque. Sed Iupiter videlicet oculo quidem nudo stetit; at Telescopio deprehensus est tum moveri versus eam stellam ad occasum exsistentem, & ductà per Mediceos lineà australiorem, quousque die decima quinta, ac horà decimà vespertinà factus fuit ipsi penè normalis, distansque ab ea tribus proximè sui diametris; tum ab eadem postea in ortum redire, ea lege, ut vespere diei sextæ decimæ idem rursus situs, eademque distantia apparuerit; vespere autem decimæ septimæ distantia apparuerit trium diametrorum cum semisse, quæ vespere decimæ quartæ visa solum fuerat diametrorum trium.

XX. Tacere autem non debeo, me ipsismet diebus xv. & xvi. venatum fuisse Iovis distantiam à tribus insignibus Fixis, tum ut determinare possem in qua cœli parte constitisset tum Iupiter; tum ut, si quis vellet requirere stellam, indicarem ipsius locum. Distitit ergo tunc Iupiter ab Oculo Tauri, qui & vulgò Albebaram, gradibus 17. ac minutis 17. ab Humero sinistro Orionis, grad. 17. ac min. 32. ab Humero dextro ejusdem, grad. 16. ac min. 10. Ex hisce autem distantis, & ex suppositis stellarum tam secundum longitudinem, quàm secundum latitudinem Tychonicis locis, deductisque inter ipsas intercapedinibus; ex hisce, inquam, triplici comparatione, habui Iovem (ac stellulam proinde) fuisse per id tempus in gradu 21. ac min. 7. Geminorum, cum latitudine austrina gr. o. min. 8.

XXI. Ad

XXI. Ad ipsam verò Propodis occultationem quod attinet; cum hæc stella ad Geminorum constellationem referatur; nescio an ipsa, an alia fuerit, quam Aristoteles testatur se vidisse bis contegi à Iove. Posteros beasset, si eam descripsisset, unaque adscripsisset tempus, quo Iupiter fuit cum ipsa congressus. Quæcumque ea fuerit; ista, de qua loquor, suo se prodit nomine; antecedit enim Geminorum pedes. Stella est magnitudinis quartæ, occupavitque, quo tempore occultata à Iove fuit, gradum Geminorum 25. cum min. 50. obtinens aliundè austrinæ latitudinis minuta solum 13. Ruebat tunc annus antecedens, seu M. DC. XXXIII. Jupiterque regrediebatur, eratque oppositus Soli; ac ideo specie maximus; & ne observationem altius repetam, dies fuit Decembris xvij. vesperi, cum sic fuit Propodi admotus, ut is à Jovis radiis quamproximè attingeretur, nec posset nudo oculo, nisi ægerrimè discerni.

XXII. Die xviij. Vesperi, evasit jam stella penitus occulta nudo oculo: Telescopio autem deprehensa fuit distans adhuc diametris octo. Fuit ea distantia minor quidem, sed insensibiliter tamen, quàm quæ est inter infusam trium in capulo ensis Orionis, & eam, quæ videtur illi ad occasum contigua, quæque ipsa gemella est. Transierat tum hora octava. Die xix. manè, & horâ quartâ cum semisse, distitit Iupiter à stella diametris non amplius quatuor, ac semisse; idque habens stellam ad boream, tametsi nondum constituentem rectos in ipso angulos cum linea ducta per Mediceos. Fuit ea distantia insensibiliter amplior dimidio distantia, quæ est inter secundum Equum, sive mediam trium in cauda Ursæ majoris insignium, & Equitem, seu stellulam ipsi proximè cohærentem. Eadem die xix. vesperi, ac horâ octavâ, transierat jam Iupiter lineam erectam in ipso ad angulos rectos supra memoratam Mediceorum lineam. Et angulus quidem ad ortum fuit nonnihil acutior, quàm ille, qui fuerat manè ad occasum; sed distantia tamen fuit eadem; hoc est diametrorum quatuor, ac semissis: tanta aliundè, aut insensibiliter amplior, quàm quæ est gemellarum sitarum inter Aldebaram, & angulum trianguli Hyadum in latere austrino. Successere deinde nubes, quæ ad Propodis emersionem attendere non permiserunt; sed ex immeritione tamen, ac moræ dimidio intra Iovis radios, facile est colligere fuisse stellam oculo nudo per duos saltem dies invisam: nè memorem ipsissimam Iovis cum stella conjunctionem fuisse sub ipsum meridiem diei illius xix. transeunte Iove ad Austrum stellæ, quatuor circiter sui diametris.

Kk 3

XXIII. In-

**XXIII.** Insequente Aprili (memorati scilicet anni *M. DC. XXXIV.*) cum excurrisset Jupiter ad illum usque stationis locum per gradus 4. & min. 43. remensus deinceps id itineris, pervenit rursus ad Propoda: tametsi illum non amplius texit. Nempè transit illi (verùm jam ad boream) quanta una est ejus diameter, nudo oculo aestimata. Telescopio aestimatae sunt interesse circiter decem, tam vespere xi. diei, quo acutus angulus cum linea Mediceorum in Iove fuit adhuc ad ortum; quàm vespere xii, quo aequalis quamproximè angulus fuit ad occasum. Sed hæc obiter memorata sunt. Possem enim tum circa Iovem similia multa attestare (ut dum transit proximè infra supremam frontis Scorpii, & supra duas minutalas, quæ sunt quasi quædam ejus appendices, diebus xxviii, xxix, xxx. anni *M. DC. xxvii.* itemque post decennium, ac die Martii xxiv. & sequentibus) supra stellam dictam Secundam, & minimulam aliam in sinistra Virginis ala) tum circa alios quoque Planetas, ac potissimum circa Martem (ut dum nocte consequente diem vii. Junii anno *M. DC. xxxiv.* oculuit extremam in eadem ala Virginis, ac Telescopio apparuit transire illi ad Austrum paulò plus horæ dimidio à media nocte & distantia tantulâ, quam tres Martis diametri proximè complerent, quæque major visa non fuerit sexta parte distantie inter Equitem, & secundum Equum.) Possem, inquam hæc, & complura alia non absimilia subjicere; sed excederem argumenti modum.

**XXIV.** Quanquam, unum venit in mentem, quod si non reticuerò, fiet fortassis operæ-premium; quatenus inde intelliges, quemadmodum sit quidem fides gravibus viris adhibenda, dum quid observatum à se memorant; at non sit tamen necessarium, si illi quidpiam inde eliciant, id admittere pari fide. Sic credendum quidem Cardano, cum literis datis ad Regem Christianissimum retulit Iovem delituisset inconspicuum per duos menses; at non accedendum nihilominus, cum id quasi prodigium habuit, & contigisse præter cursum Iovis naturalem fuit ratiocinatus. Si quidem & quo tempore hæc scribo, Jupiter pari modo latet; qui ab uno jam propemodum mense intra Solis radios immersus, ex iisdem nonnisi post mensem emerget; & idem contingit quoties Jupiter congregitur Soli in Signis ascendentibus, quæ, quod oblique exoriantur, continent diutius Iovem horizonti, per ipsam auroræ claritatem, nimis vicinum. Sic non diffidendum quidem Pantalonio, Massobrutto, aliisque viris per Italiam cruditis, dum opusculis editis, narrare Martem, cum anno *M. DC.*

xy. ac

xv. ac mense Augusto deberet proximè appellere ad Venerem quidem, die xx; ad Lunam verò xxvii; nihilominus neque per eos dies comparuisse (distantem licet adhuc à Sole quadraginta plus minùs gradus (neque mense Septembri toto, neque Octobris initio, cum nondum videretur esse heliacè occubiturus: at non iis tamen assentiendum, cum sunt propterea ratiocinati aut evanuisse Martem è cœlo; aut quemadmodum Tycho aliàs deprehenderat illum infra Solem, ita tunc fuisse supra Jovem, & proximè Fixas, in Apogeo adeò sublimi, ut invisibilis evasisset; unde & tinxerunt specialem seu Excentricum, seu Epicyclum, non-nisi intra annos xxv. percurrendum; & soliditati proinde Orbium cœlestium valedixerunt. Scilicet Marti ad occasum, & in descendantibus signis idem contigit, quod dixi de Jove ad ortum, ac in ascendentibus; spectata aliunde ea exilitate, in quam decrefcere Mars solet, dum ad apogium contendit, præ ea magnitudine, qua Venus (ne aliquid dicam de Luna) conspiciundam se tum exhibuit.

XXV. Sanè (ut hoc adhuc boni consulas) Anno memorato M.DC.XXXIV. ac mense Septembri, crepusculi claritas ita jam invaserat Martem, ut vix jam posset conspici, & jamjam esse occasurus heliacè reputaretur. An verò, putas, tum occidit? Haudquaquam sanè; quin potius se à crepusculi splendore subducens, specieque grandescens, heliacè oriri est visus; ac effectum propterea est, ut non-nisi mense Febuario heliacè occiderit: meminique potuisse me illum observare adhuc Die quinta in altitudine decem graduum, distantem à Lucida in cauda Ceti, grad. 27. min. 40. à Markab Pægasi, grad. 22. min. 51. & grad. 7. min. 39. ab ipsa Venere; Quæ consequenter (tantumdem alta) distitit ab eodem Markab, grad. 22. min. 30. à Seheat, grad. 29. min. 2. ab Extrema alæ, grad. 26. min. 53. (Ne addam, cum foret alta gradibus viginti uno, ac semisse, & Sol besse gradus dumtaxat, eam distitisse à superiore, vicinioreque margine Solis, gradibus præcisè viginti, ac uno.) Quorsum verò id contigit in Marte? Non sanè, quòd non fuerit semper, semperque factus Soli viciniore; sed quòd, cum per Septembrii mensem per-quàm obliquè occidisset, occæperit postea rectius, rectiusque occidere, quousque tandem accedens Sol illum suis radiis penitus obduxit. Et, ut de ipsa Venere aliquid non minùs mirabile habeas; cum illa ante unum alterumque mensem sic attenuaretur in cornua, ut multis diebus ante suum cum Sole congressum futura invisa existimaretur; attamen altero dumtaxat ante cum congressum, hoc est decimo-septimo ejusdem



dem Februarii die, non solum mihi conspecta fuit; sed visa est etiam specie increvisse; talis quippe fuit ejus falx, qualis est Lunæ dierum trium. Sed nimirum in causa fuit latitudo ipsius borea octo, aut novem graduum; ob quam etiam statim videri post conjunctionem manere potuit.


XXVI. In viam ut redeam, ac tandem consistam; habes hæc tunc quid rei me moveat, ut subdubitem de consequutione, qua Vir optimus eas quinque Stellas esse Errones statuit, Mediceorum instar, Jovem circumstanteis. Et adderem quidem subvereri me, ne ille, dum sperandas fecit Revolutiones periodicas, Theoriaeque magis exactas, pollicitationi non stet; utpote qui neque duas stellas primum amissas recuperaret; neque diu superstites reliquas treis habuerit; neque Jovem eo satellitio, nisi post annos duodecim, circumstipatum sit revisurus. Verum cohibere aliud me judicium vel ex eo præstat, quod, cum tres sint menses, ex quo ille scripsit eas literas, quarum transmissum ad te exemplum (ut meum, aliorumque explorares judicium) fecisti mihi præ manibus; deinceps tamen nulla conscriptæ (aut communicatæ saltem tecum) sunt, quibus errorem fuisse admissum, fuisseque rem præproperè eventilatam declaretur. Nimirum conjectari licet illum Virorum optimum observare perseverantem tandiù distulisse, quousque perspectos ad unguem motus omnes habuerit; cum, si vera esset mea conjectura de stellis inerrantibus, plusquam verisimile sit fuisse illum statim animadversurum, & ad eosdem amicos literas daturum, qui & lapsus admonerentur, & tibi, aliisque, quid rei foret, significarent.

XXVII. Vides proinde, tametsi videar non absque magna rationis specie ejus sententiæ refragari, quàm non abs te tamen assensum contineam, donec ille aut uberiorem observatis quæsierit fidem, aut literis aliis ingenuam palinodam cecinerit. Hinc certe neque gravatè feram, si hariolationem hanc meam rescire amicos procures (ac eximium illum Puteanum imprimis, qui fiet sanè suæ erga me benevolentiae non immemor, neque lubens modò salutem accipiet à me, sed optimo quoque Fromondo nunciabit) quippe hac ratione eos sollicitabis, ut aut veritatem confirmet, aut falsitatem dedoceat. Quod me attinet, nihil magis cupio, quàm pravè conjiciens refelli, tūque me ampliùs longè beabis, si depellendæ à me rationis dubitandi lætegeris, quàm beare volueris, dum me rei pulcherrimæ participem esse faciendum censuisti. Vale, *N A U D Æ S* doctissime, meque, quod facis, æternum ama. Dabam pridie Nonas Aprilis, An. M. DC. XLIII.

POST-

## P O S T - S C R I P T U M.

*De observata gemina in singulos dies (æstus Martis instar)  
Perpendicularum reciprocatione.*

I.  N debeo, ne nihil reponam, auctarii vice heic attexere aliam quandam Observationem, quam nobilis ille Delphinus, Alexander Calignonus Peirinsus excogitavit, peregitque, &, intercedente communi nostro Jacobo Valetio Franciæ thesaurario, mecum communicatam voluit? Sanè non ausim quidem illam pro indubia divendere (quippe & ipse nondum sum opportunitatem experiundi nactus, & Vir nobilis eo candore est, ut uberiores explorationem potius exigit, quàm assensum) verum & ne prorsus diffidam, facit ejus Viri solertia, industria, eruditio, fides; & qualiscumque tandem res sit, ea digna videtur, quam & ipse nôris, & si quibus præterea significandam censueris. Ut paucis verò illam expediam; prænosse oportet Virum nobilem, dum cogitaret, aliquod-ne de quiete, vel motu Telluris haberi posset experimentum; reputasse forte, ut, si verum sit mare bis in singulos dies fluere, ac refluxere, ob geminatam quotidie in motu Telluris inæqualitatem; debere quoque pendulum, & fluitando natum in aëre plumbum, ubi semel fuerit observatum conquiescere, geminata quadam in singulos dies reciprocatione ita affici, ut duas intra metas exspatians, bis intra horas viginti-quatuor versus utramque eat, ac redeat.

II. Itaque delectis idoneis, & altitudinis variaz locis, perpendiculara varia habuit, brevissimum pedum quinque, longissimum triginta (unum medietatur xxx orgyrum) ac ipsam fili prolixitatem tubo inclusam continens, ab omni prorsus aëris agitatione tutam fecit. Parato plumbo appposito, cumi cuspidula infernè conspicua, expectavit primùm quoúsque illud conquie-vit penitus; ac ipsi deinde supposuit infixam cubo cuspidulam, quæ impendenti alii directe, & quam-proximè responderet. Observavit autem, cum variis temporibus attenderet, non constare cuspidulam plumbi supra biseos cuspidulam, sed senis horis in boream, senis in austrum divergere; idque non sine deflexione aliqua ex borea in ortum, aut ex meridie in occasum. Rem accuratius exploraturus; cum observasset limitem excursus in austrum attingi in ipso meridie, ac præterea in media nocte; ideo libellato

L I

primùm

primùm pavimento, & plumbo ad ipsum proximè demisso, adnotavit horâ meridianâ punctum, cui cuspidula plumbi immineret, ac deinceps duxit traductam per ipsum meridianam lineam. Fixit postea in eodem puncto brevissimam cuspidulam, quam indicem dixit, habuitque tum pro austrino limite, à quo mensuraret digressionem in boream; tum pro centro, cujus respectu, & per ductum proximè arcum, deviationem à meridiano.

III. Ac non perscripsit quidem ad me, quantæ nam digressiones sint seu quibus fiant spatiis itus, reditûsque cujusvis perpendiculari, pro longitudinis ratione: sed interim tamen ista adnotanda ex ejus literis elicio. Primò, quovis die perpendicularum sic excurrere à borea in austrum, & recurrere ab austro in boream, ut ad limitem austrinum perveniat in ipso meridie, ac in media nocte: ad boreum verò horâ sextâ tam matutina, quàm vespertina: ac sit in medio itineris tum excurrendo horâ nonâ, tum recurrendo tertiâ circum meridiem, mediâque noctem. Secundò, esse tam excursum, quàm recursum in medio præsertim velocem, in limitibus potissimum lentum; nam ad austrinum v.g. limitem dum attenditur, ipsam plumbi cuspidulam hærare supra indicem, neque evariari sensibilibiter per unam, alterâve horam. Tertiò, austrinum limitem esse constantiorem, quàm boreum; vix enim unquam ab illo quicquam versus occidentem procurri; at ab isto sæpè versus orientem plurimum; adeò ut nihil adhuc possit de evagatione ista definiri. Denique, spem esse, ut re explorata præalto illo, quod insinuavi xxx. orgyiarum perpendicularo, non id modò, sed etiam alia nondum perspecta innotescant.

IV. Habes hucusque observationem, ac methodum, quo fuit peracta, ac plusquàm per mensem continenter sic repetita, ut quamvis fortè satis probatæ circumstantiæ adhuc non sint; saltem videatur universè talis quispian motus esse concedendus. Prætereo autem demonstrationem, qua Vir ingeniosissimus ostendere aggressus est, si illa quidem velocitatis in motu Telluris inæqualitas marini ætus causa est, non fieri accessum, & recessum maris ab ortu in occasum, ab occasu in ortum, ut Galileus censuit, ipsæque nuper retuli sub finem illarum mearum ad Puteanum Epistolarum; sed potius à borea in austrum, ab austro in boream; planè ut excursus recursusque perpendicularorum memorati fiunt. Addo solum, cum rem exemplis, machinisque variis declararet; tum appositum præsertim videri, quod habet de figuli rota, deque pelvi, aut situla supra eam ita constituta, ut in medium, vel centrum superficiei aquæ intra vas contentæ ipsi rotæ cen-

tro

tro directè respondeat. Nempè, ut, si rota post lentam motionem torqueatur concitatiù, aqua ex ipso medio in quendam velut umbilicum excavato dilabitur, ac versus oram exturbatur; & si rota postea agatur remissiùs, aqua ex ora relabitur, ac se in medium recipit: Ita, cùm in globo Telluris, si circumvolvi admittatur, habeat æquator rationem oræ, & polus uterque rationem medii, seu umbilici; necesse est aquam, crescente motus velocitate, diffuere ex polo versus æquatorem, & decrescente, refluere ex æquatore versus polum.

V. An verò id etiam adnotatu dignum, quod observationes Viri nobilis attestantur, excurrere nempe, & recurrere perpendiculum non directè ex borea in austrum, ex austro in boream; sed quasi ex cæcia in africanum, ex africo in cæciam, ductûve aliàs intermedio; quippe fluxum quoque, & refluxum maris ea ipsa ratione necessum est fieri; cùm & aqua valis, non ex valis medio directè in oram, sed obliquè, & quasi quibusdam factis spiris aufugiat, ac obliquè rursus, paribûsque spiris ex ora in medium refugiat? An proinde congruum putemus, ut quo in parallelo Vir nobilis degit (scilicet æquatorem inter, polumque planè intermedio) perpendiculorum excursus, & recursus obliquitate media fiant; in iis verò parallelis, qui magis ad polum accedunt, iidem accessus, & recessus ad meridianum magis quadrent, in iis qui magis ad æquatorem, magis ad æquatorem congruant; ac eadem ratione evenire, ut accessus quoque, & recessus maris in locis intermediis, obliquitatis sint intermedia; prope polos, magis à borea in austrum, ab austro in boream; prope æquatorem, magis ab ortu in occasum, ab occasu in ortum? Sed, cùm illæ glacierum moles à per-eruditio, ac rever. Patre Georgio Furnerio Societatis Jesu nuper memoratæ inter Norvegiam, & Canadam verno tempore ex borea adveniant; cur non aliquando, imò bis dietim, versus boream remeant? Et, cùm aquæ maris ad Spisbergam sitam ultra octogesimum gradum ex ipso austro insuant; cur non pari modò resiliunt versus austrum? Cur ad insulas etiam Philippinas fluxus, refluxusque in boream ac in austrum est? Cur, tametsi fluxus ab ortu ad æquatorem congruit, Brasiliam inter, & Africam; non tamen refluxus in ortum respondet; cùm etiam vento ab occasu flante (ne quispiam causetur motum aeris in occasum) naves ex Brasilia in Africam trajicere nequiquam contendant?

VI. An etiam præterea est congruum, ut quemadmodum æstus maris in noviluniis, ac pleniluniis, ac per ipsa potissimum æquinoctiorum

tempora, evadunt longè vehementiores; ita perpendiculari quoque ultra limites exspatiuntur; & vigor ille motus Telluris inæquabilitatem passus, tam dum Luna ipsi prorsum versus Solem est, quàm dum retrò, atque remotius veluti coappenditur, non in plumbo minùs, quàm in ipso mari, servata, qua decet, proportionem, exprimitur? At cur, ut in Luna, non ita in plumbo fiunt itus, ac reditus unâ propè horâ singulis diebus retardatiores? An quia plumbum pendulum sequitur faciliùs impressionem motus, quàm mare, ob molem, parteisque pellendas, atque obistenteis, velut contumax? An causa potius alia discriminis hujus requirenda est, & maris æstus, ut fieri solet, referendus ad Lunæ lucem, motum, qualitatem occultam? Sed utcumque tamen qualitas occulta sit suffugium tutum; ipsa lux quorsum advocetur; cum seu Luna satura lucis, seu sitiens fuerit, eadem eveniant? Quorsum ipse motus? Cum aer (æthérve) à Luna ad mare usque interceptus corpus fluxum sit, neque vesicæ, aut utris instar membrana quadam cohibitum, ac proinde pressus à Luna stringente, diffuat potius, quàm urgeat mare, cogatque ipsum in occasum delabi (ac Terra præsertim dietim revoluta) quousque cessante pressione relabatur sponte in ortum? Cum rursus, tamen si fingamus talem quampiam membranam dari, fieri nihilominus non possit, ut si ipsam Luna perigeia urgeat, apogeia quoque urgere sit potis; ut si aer, æthérve, qui est inter Lunam, & Terram prematur, non prematur & reliquum ob fluxilitatem, subingressionemque mutuam omnium partium? ut si aer possit mare premere ea vi, qua dissilire ipsum compellat, non nostra quoque capita urgeat, instar oneris superincumbentis? ut si aeris pressio relaxetur bis intra unum diem in cæteris locis, non relaxetur bis intra unum diem in cæteris locis, non relaxetur tamen in Oceano, ubi aer jugi tenore procuditur versus occasum?

V I I. An præterea, cum semel solum velocitas motus Telluris, juxta suos Authores, dietim increseat (sidque ad noctem mediam) & perpendicularum proinde non videatur debere, nisi semel, dietim excurrere, & recurrere; nihilominus bis id facit; quòd excursu uno vi verticitalis Terræ absoluto, similis alius peragatur prolapsu solo ponderis; & facta velut compulso sub mediam noctem, sufficiat ad alium versus meridiem propagandum, perindeque sit, ac dum pendulo aliàs plumbo imprimimus ictum, quo bis eat, & redeat; & secundo quoque recurso parem ictum imprimimus, ex quo itus, ac reditus continenter ingeminentur: quod idem fiat in motu maris? An dicendum potius perpendicularum bis in die nutare, quòd Terra

Terra bis in die vacillet; & Terram bis in die id pari, non ob ullam sui circumvolutionem; sed quòd fluens, ac refluens mare molem, pondúsque transferat, gravitatisque centrum commutans Terram veluti titubare cogat? Sed quæ erit ergo æstus maris causa? Et, quorsum, si Terra libratur juxta illius periodos, non ipsum quoque perpendiculum talis periodos sequitur, neque perinde retardatur? Cur, si motus maris creetur à motu diurno, aut mobilis primi, aut Solis, aut Lunæ, aut ætheris, aut æris, ac esse proinde ab ortu in occasum debeat; perpendiculi tamen motus est potius à borea in austrum? Et, cum mare apud nos, antecédensque fluens in ortum, fluat eodem tempore apud pericæcos, antipodásque in occasum; aut cum eodem tempore fluat ex utròque polo versus æquatorem, & eodem ex æquatore versus utrumque polum refluat; nõne exinde fit compensatio, Terræque momentis aut prorsus, aut penè paribus librata, redditur omnis mutationis, titubationisque sensibilis expers?

VIII. An exinde rerum cœlestium Observatores monendi sunt de cautione in explorandis altitudinibus adhibenda: cum altitudo Sideris in media nocte culmen tenentis futura non sit eadem, propter mutationem perpendiculi, quæ culminantis sub horam sextam? An ipse proinde sui satis foelix, cum ante annos decem observans, tum Diniensem poli altitudinem, tum Polaris stellæ distantiam à polo, extremos dies anni abeuntis, & primos ineuntis delegi, in quibus stella sub sextam matutinam humillima, fuit alta grad. 41. min. 25  $\frac{1}{2}$  & sub horam sextam vespertinam celsissima, grad. 46. min. 46. sicque bisectione intercapedo & poli altitudinem grad. 44. 5  $\frac{1}{4}$ , & Stellæ distantiam à polo grad. 2. min. 40  $\frac{1}{2}$  exhibuit? An sunt alia præterea multa, quæ heinc deducenda edocebit dies; ubi Observatio semel fuerit, & à suo præsertim Authore, magis comprobata, magisque exculta? An potius ista, quæ verso omnia, inæxæ nugæ sunt, quòd nondum de rei veritate constet; ac præstat proinde non circa hanc minùs, quam circa illam aliam R. Patris observationem tenere assensum? Ita mihi quidem videtur. N A U D Æ E, qui tamen ad illud Epicharmi dictum, *nervos, & atque esse Sapientia nihil temerè credere*, adjici solùm hanc vocem velim, *temerere abnuere*. Vale iterum.

Declaravi postea Gassendus in Apologia adversus Morinum, experimentum non constare; ac errare longè Morinum, qui ipsum ut verum (cum non modò falsum, sed impossibile etiam sit) arripuit, ad ostendendum non motum Terræ motum esse causam Æstus maris; sed Æstum maris causam esse titubationis Terræ.

F I N I S.

L I 3

P A.

## P A R H E L I A,

S I V E

## SOLES QUATUOR SPURII;

Qui circa Verum apparuerunt

R O M Æ,

Die xx. Mensis Martij, Anno 1629.

Et de eisdem

P E T R I G A S S E N D I

A D

HENRICUM RENERIUM.

E P I S T O L A.


*Accessit ex Mathæo Paris descriptio Parheliorum similium  
ante annos quadringentos visorum.*

P E T R U S G A S S E N D U S

HENRICO RENERIO S.

**J**AM Ultrajecto, mi Reneri, in hanc urbem redieram, cum reddita mihi tua litera sunt, quibus me serio admones, ut priusquam discedam longius, & nobili Medici à Wassenæ votis, & promissis meis simul satisfaciam. Scilicet, cum Amsterodamo discederem, pollicitus sum describere ipsi quamprimum liceret, diagrammatis illius exemplum, quo Parhelia ante paucos menses Roma visa exprimebantur, postquam rem dignam judicavi, quam in historiam infereret. Obtestaris ipse tuo jure, ut simul perscribam quæ de hoc Phænomeno, cum me abeuntem deduceres, ac varia rogares, differui: quod non satis habeant memoria, quæ extempore dicta sunt. Ego itaque, qui & viro claro, & tui erga me officii nihil est, quod non debeam, facere satius literis tuis, quantum possum aggredior. Tametsi enim & postredie discessurus sum, & ea est erga me virorum hujus Academia clarissimorum humanitas, ut ab ipsorum sive convictu,

sive





*sive confabulatione vix quicquam otij reliquum fiat : nihilominus breves horas sic emitor succidere, ut non possis in me affectum alacritatem desiderare.*

*Ac primum quidem, qua fide par est, diagramma exscribo ex eo schemate, quod vir ille insignis Nicolaus Fabricius, Petriscei toparcha, & in Parlamento Aquisi Regis Consiliarius, ad me nuper transmissum voluit. Cum illud enim Illustrissimo Cardinali Barberino ab ipso statim Phenomeno observato ostensum fuisset, quoddam ille, etsi negotia semper gravissima sustineat, ad liberales tamen artes, suaviorisque Musas plerumque divertat; factum est, ut unus ex iis literatis, quos vir summus penes se habet, ipsius manu id acceperit, miseritque ad Fabricium, quem omnes norunt omnium & artium, & rerum bonarum esse studiosissimum. Is igitur, qui pro eo, quo me prosequitur amore, pergratum se mihi facturum speravit, si copiam & diagrammatis, & explicationis adjuncta mihi quam-primum faceret. Transmissa ergo charta sic habet.*

# PARHELIA, SIVE SOLES IV.

apparentes circa Solem verum Romæ observavi anno 1629. die 20. Martii, ab hora Astronomica pomeridiana 2. ad 3. seu Italica 20. ad 21. & paulò plus.

## EXPLICATIO FIGURÆ.

A. observator Romanus. B. vertex loco observatoris incumbens. C. Sol verus observatus. A B. planum verticale, in quo & oculus observatoris, & sol observatus existunt, in quo & vertex loci B. jacet : ideoque omnia per lineam verticalem A. B. repræsentantur : in hanc enim totam planam verticale procumbit. Circa solem C. apparere duæ incompletæ Irides eidem homocentricæ, diversicolores, quarum minor, sive interior D E F plenior & perfectior fuit, curta tamen, sive aperta à D. ad F. & in perpetuo canatu sese claudendi stabat, & quandoque clauderat, sed mox denudò aperiebat. Altera, sed debilis semper, & vix conspicibilis, fuit G K I, exterior, & secundaria, variegata tamen, & ipsa suis coloribus : sed admodum instabilis. Tertia, & unicolor, eaque valde magna Iris, fuit K L M N, tota alba, quales sæpe videntur in Paraselinis circa lunam. Hæc fuit arcus excentricus integer, ab initio solis per medium incedens, circa finem tandem ab M versus N debilis, & lacer, imò quasi nullus. Caterum in communibus circuli hujus intersectionibus cum Irade exteriori, G K I, emer-

emerferunt duo parhelia, non usque adeo perfecta, N & K, quorum hoc debilius, illud autem fortius & luculentius splendescerebat. Amborum medius nitor æmulabatur solarem: sed latera coloribus Iridis pingebantur, neque rotundi, ac præcisi; sed inæquales, & lacunosi ipsorum ambitus cernebantur. N inquietum spectrum, ejaculabatur caudam spissam sub igneam NOP, cum jugi reciprocatione. L & M fuere trans Zenith B, prioribus minus vivaces, sed rotundiores, & albi, instar circuli sui, cui inhærebant, lac, seu argentum purum exprimentes: quanquam M mediâ tertiâ jam propè disparuerat, nec nisi exigua sui vestigia subinde præbuit, quippe & circulus ex illa parte defecerat. Sol N defecit ante solem K, illoque deficiente roborabatur K, qui omnium ultimus disparuit. Situm, respectu plagarum mundi indicant lineæ QR, ST, quarum QR æquatoris, ST meridiani cum horizonte sectionem denotat. Sol verus hujus phænomeni tempore incescit per circulos verticales, qui respectu observatoris Montorium, & respectu alioem Basilicam S. Petri, & alia loca versus castrum S. Angeli transeunt. Duratio hujus apparentiz fuit (meo quidem judicio) duarum minimum horarum: nam horâ 20. seu 2. Astronomicâ aliqui in collegio Romano viderunt apparentes soles quatuor, eosque satis vegetos, atque coruscos juxta solem verum. Sed & Tusculi in vinca perpeganda occupati quatuor à se, præter verum, conspectos esse soles valde vegetos perscribunt: quod fieri non potuit, nisi circa horam secundam, aut ante: nam post secundam, sol M obliterari cœpit, nec nisi ab hujus rei perito animadverti potuit. Ita facile mihi persuadeo hanc apparitionem duas minimum horas tenuisse, & sub meridiem, vel non diu post incepisse: nam quando ego post horam secundam superveni, videbatur ad dissolutionem inclinare. In collegio Anglicano (uti postea comperi ex ipsismet spectatōribus nostris) circa horam 19. jam omnes soles perfectos fulgidos aspexerunt. Notandum insuper est circulum album KLMN ultra Zenith, seu verticem transivisse, prout punctum B denotat. Tandem totum phænomenon in nubes candidas resolutum, & abstersum est, circa, vel paulò post horam tertiam. Sol autem verus ferens iterum alluxit, cum durante apparentia subobscurus, & hebes quidem, visui tamen intolerabilis affluisset.

*Sol tibi signa dabit; solem quis dicere falsum*

*Audat? ille etiam cæcos instare tumultus*

*Sæpe monet, fraudemque, & aperta tumescere bella.*

Virg. 1. Geor.

M in

Ha-

Habes huc-usque, mi Reneri, Parheliorum delineationem, & explicationem adeò graphicam, ut videri possis coràm interfuisse. Quamquam enim desideretur & designatio diametrorum in omnibus circulis: & distantia Solium omnium, ac posticorum præsertim, inter se mutuò comparatorum: & eorundem supra horizontem altitudo ad momenta varia: & aëris constitutio præcedente tempore: & regio unde ventus spiraret, cæteraque similia: Attamen hæc Phænomena ejusmodi naturæ sunt, ut vix patiantur Observato res etiam solertissimos captare quidpiam accuratiùs. Siquidem neque expectantur, veluti Eclipses, ut quis ad illa observanda instrumenta comparet; neque consistunt, veluti Cometæ, ut quidvis per otium explorare liceat: sed ex-improvviso contingunt, & evanescent citiùs, quàm ut sedulò quis attendat. Singularissimum nempe est, quod Aristoteles memorat, & Plinius ex ipso, opinor, desumpsit, conspectos duos in Bosphoro Soles, qui à matutino tempore duraverint in occasum. Quod adnoto, ne Observatorem existimes fuisse in culpa, quasi non omnia satis studiosè seu notârît, seu descriperit: & me vel ex hoc capite excusatum habere possis, si pergam rudi adeò Minerva de hoc Meteoro conjicere.

Testatus sum porrò, cùm tu me urgeres, quæ mea esset in pronuncian-do hisce de rebus *scitô*: scito me jam, dum ista perscribo, non esse inverecundior. Etenim, sic semper afficior, ut existimeni nihil scire licere ex rebus naturæ, præter ipsarum historiam. Unde qui multa observârunt ex rebus naturalibus, eos Physicos, Naturæ consultos, peritos, doctos dici non invideo. At tales dici, quasi res ipsas introspectas habeant: quasi germanas, proximâsque causas admirabilium operum nôrint, meo ex Genio nunquam extorqueam. Mihi certè nihil non Magnes, ac Remora est; adeò me vel minimum quodvis animalculum, minima plantula, minimus lapillus, dum seriò contemplor, attonitum facit. Hoc te præmonco, ne si quid videbor interscribendum asserere, factum me propterea dogmaticum putes. Qui nihil enim plusquàm balbutio in cæteris rebus magis familiaribus, absit hoc loco quidpiam definiam circa spectaculum tam rarum. Sufficit mihi conjecturam sequi, quæ vel umbram quandam levem probabilitatis habeat: de re, seu veritate ipsa Deus Maximus viderit, qui præter rerum corticem, quantum mea capit imbecillitas, nihil cognoscendum mortalibus dedit. Sed hæc mittenda nobis jam sunt, tibi que potiùs, quandò tam impensè id efflagitas, obsequendum.

Itaque, ut volegi tibi cantilenam eandem rursus occinam, dicendum esse

esse arbitror primum de Parheliorum genesi; postremum de eorum Præ-  
sagiis. Circa genesis quærendum videtur priore loco de Circulis, poste-  
riore de Solibus ipsis.

Quod attinet ad Circulos, conjector primum vel ex sola inspectione  
Diagrammatis, permutatas hoc loco fuisse Coronæ, & Iridis vices. Quip-  
pe videntur Coronæ fuisse, spectata magnitudine, quæ incompletæ hæc  
Irides coloribus spectatis dicuntur. Etenim sicut vera Iris, quæ scilicet  
conspicitur in regione opposita Soli, habet interdum circumdantem debi-  
liorem Iridem, quæ flaccidis coloribus Coronam, sed potissimum Sola-  
rem quasi imitetur: ita hoc loco vera Corona G K N, circa Solem geni-  
ta circumdatam habuit aliam vegetiorem D E F, quæ colorum vivacitate  
Iridem veram exprimeret. Porro autem Circulus magnus K L M, cum  
colore suo Coronam, ac præcipue Lunarem referret, magnitudine tamen  
sua completa Iris exstitit. Siquidem facta comparatione diametri ipsius  
cum diametro circuli G K N, facile illius ad hanc apparet dupla propor-  
tio, qualis Iridis ad Coronam est. Cum sit enim Iridis diameter commu-  
niter quadrans, seu subtenfa graduum proximè 90. diametrum Coronæ  
observavi sæpius circuli octantem, seu graduum proximè 45. Neque  
verò obstat, quòd in schemate diametrorum proportio tantillum distet ab  
hac præcisione: siquidem observatio non instrumento aliquo, sed solo  
visu peracta est, relatâque *eis vniuersum*: cum & schematis exscriptores hanc  
qualem cumque varietatem inducere potuerint.

Hinc quicquid vulgò de Coronæ generatione philosophantur, accom-  
modandum Circulo illi exteriori censeo, seu tu Iridem, seu Coronam di-  
cas. Ac videtur quidem mihi ex Aristotele usque reddita causa non in-  
concinna, quare Corona circulus fiat, cujus Astrum sit, seu polus, seu cen-  
trum. Quia nempe radii ex vapore sub æqualibus angulis undequaque re-  
flectuntur (quæ refractio hic interveniat, explicabo postea) adeò ut reflexi  
radii concurrentes in oculum, cuspidem in illo exhibeant, cujus basis in  
Coronam, axis in Astrum terminetur. Minus certè probabilis opinio Se-  
necæ apparet, dum sicut lapis in piscinam missus orbeis primùm angustio-  
res, ac deinde laxiores creat; ita circa Solem, & Lunam ex lucis quasi per-  
cussione conformari vult circulos. Etenim Corona est unus, invariatus-  
que circulus; neque circa Solem, aut Lunam ulla similis observatur circu-  
lorum propagatio. Rursus causa reddi videtur omnium vero-simillima,  
quamobrem vapor, qui perindè & in area intercepta, & extra illam fun-

ditur, non perinde ac circulus illustretur, & albescat. Quia scilicet reflexi radii ex locis Astro apparenti vicinioribus citius coeunt in ipsum axem, seu perpendicularem radium, quam attingatur oculus: reflexi ex locis remotioribus præter, seu infra oculum unijuntur; ac reflexi unde Corona, coalitionem in oculo faciunt: adeo ut proinde nec citrà, nec ultrà talis videatur, qualis ibi *λαμπρότης ἀπὸς ἀείνωνος ἡμέρας*.

At Causa, quod sciam, nondum reddita, imò neque tentata est, cur adeo constanter Corona ejus formetur diametri, quæ octavæ proximè parti ambitus cœli subtendatur. Et fortè quidem ea est referenda ad conditionem positus vapidorum corpusculorum, ex quo isti, non alii incidentiæ, reflexionisque exoriantur anguli. Quantum-vis enim corpuscula illa seorsim accepta insensibilia sint, eadem tamen naturæ lege, qua cætera omnia, suæ esse figuræ concipienda sunt, adeo ut suis superficiebus, cùm specularis naturæ sint, creare lucis reflexionem possint. Et cùm prout magis, vel minùs obliquè speculum Soli opponitur, prædicti anguli variantur; constanter fiant similes, ubi similis fuerit positura; Eapropter contingere potest, ut corpuscula illa specularia, ex quibus est vapor, ad talem evecta altitudinem, eam posituram constanter accipiant, ex qua tales, non alii excitari anguli debeant. Veruntamen opus videtur humana magis solertia, nosse & germanam figuram hujusmodi corpusculorum; & causam, quæ talem figuram in illis efficiat; & vim, quæ talem positum tali in loco exprimat; & substantiam, contexturamque, ex qua reflexio consequatur. Ut-cumque sit, oriri videtur ex regulari hoc positu, tum quòd dictum de reflexione ex vapore, qui intrà, qui extrà, qui in ipsa Corona est; tum quòd Coronæ totidem fiant, quot sunt vel oculi, vel loca, in quibus idem oculus translatu cuspidis varias excipit radiorum in conos coeuntium.

Negotium tamen statim facessit interior ille circulus, qui cùm videatur fuisse Corona, apparuit nihilominus diametri ostente minoris. Verisimile porro est, corpusculorum positum, ex quo anguli reflexionis acutiores existerent, ad contradiorem situm spectare. Quippè vividiores colores compressionem quandam ex eo indicant, quòd colorata quò densiora sunt, eò vehementius oculos moveant. Id confirmant qui sentiunt exteriorem Iridem in regione opposita Soli debiliorem fieri propter vaporis diffusorem situm. Hic certè vapor condensatior fieri, & magis roridus, ac magis proinde idoneus repræsentandis coloribus potuit. Eam ob causam, planum ipsius videtur fuisse exterioris circuli plano humilior. Subsidebant enim

enim crassiores vapores, habebantque unde partem hujus circuli inferiorem consummationem facerent. Scilicet pars inferior exterioris mutilatio-  
 erant, cum & regio esset defæciatior. Prætereo autem curvationem  
 circuli utriusque referendam esse ad materiæ penuriam; ut vicissitudo illa,  
 qua interior circulus sese claudebat, aperiebatque, referenda est ad inæ-  
 quales appulsus, expulsusque materiæ, quæ undante vento illuc agebatur.  
 Si perspectum nobis foret colores-ne utriusque Coronæ eodem, an diver-  
 so positi fuerint ordine, rationaremur fortassis ut in Iride, de generatione  
 unius seu ex reflexione, seu ex propagata refractione alterius. Non est in-  
 tereâ quòd hariolemur, sufficitque si non videatur majus esse miraculum  
 gigni interiorem coronam diametri octante minoris, quàm exteriorem  
 Iridem, cujus diameter excedat quadrantem.

Cum verò audis circulum magnum K L M completam quandam Iri-  
 dem dici, intellige videri mihi non fuisse Aristotelem satis instructum ex-  
 perientis, cum fieri posse Iridem negavit majorem semicirculo. Ut præ-  
 teream enim & nostras, & cæterorum, ut Francisci Pici, & Portæi obser-  
 vationes; vel teste ejus Commentatore visa aliàs est, quæ penè foret cir-  
 cularis. Quin-etiam ejus de sectione *circuli ipsius* demonstratio corruit;  
 si Sole non modò collocato in horizonte, sed etiam multum elevato, con-  
 cipias te esse in edito monte, unde non modò pars cœli opposita, sed sub-  
 jecta etiam planities rorida nube offusa videatur; sic enim portio Iridis,  
 quàm ille infra horizontem depressam intelligi vult, & supra terram, &  
 versum te, aut etiam circum apparebit. Intellige etiam non satis instru-  
 ctos quotquot asserunt Iridem semper ita videri è regione Solis, ut centra  
 Solis, Iridisque in eadem recta cum oculo sint: itemque qui existimant Iri-  
 dem semper ad horizonem porrigere seu crura, seu cornua. Etenim illud  
 redarguitur observatione Scaligeri, Liceti, quorundam aliorum, qui cum  
 Sol esset in occidente, Iridem habuerunt ad Austrum. Istud Cardanus, &  
 Gemma convincunt, dum alter visam sibi memorat, quæ formata foret in  
 semicirculum plano terræ æquidistantem, oppositisque Soli cornibus: al-  
 ter in memorat aliam, quæ è contrâ convexam partem ipsi Soli obverteret.  
 Infero proindè circulum hunc magnum completam quandam Iridem fuisse.  
 Nam si vel duas illas Cardani, Gemmæque junctas intelligas, com-  
 pletam quandam, qualis hæc nostra apparuit, intellexeris.

Cæterum concipiendum est totam ejus circumferentiam, simulque  
 centrum ipsius Solis in eodem extitisse plano; ita ut oculus in Sole exis-

stans conspecturus circulum fuisset, quasi rectam lineam. Hinc conformatio videri potest eadem fuisse illi ratione quaesita, qua aurora Sole oriente totum horizontem circum occupat. Ut enim licet matutino tempore vapores illustrabiles, & coloris cujusdam crocei referendi capaces, supra totam Terræ superficiem fusi sint, & à Solis radiis transversum agantur; oculus tamen Spectatoris seu ad verticem, seu procul inde respiciens, tantam ipsorum non colligit copiam, quæ densitatem exhibeat impressioni illi sufficientem; colligit autem propè horizontem, non tam quod vapores ibi densiores reverà sint, quàm quod longiore tractu, alii post alios positi, densiores appareant: Eadem ratione, cum Phænomeni hujus tempore vapor fusus per aërem, supraque Spectatorem in ea esset altitudine, quam Sol transversam agens illustraret; idcirco inconspicuus fuit circa verticem, ob raritatem apparentem; conspicuus autem in ea altitudine, ob densitatem visam majorem. Argumentum porro, quod vapor è regione Solis, & quasi tractu horizonti parallelo dispositus fuerit, videtur, præter cætera, esse, quod & Coronæ deorsum non habuerint, undè perfectè conformarentur, & pars postica circuli hujus fursum adnitens evanuerit.

Sed ut verum fatear, id non sufficit ad exprimendum cur circulus crassitudinis moderatæ, potiusquàm fascia quædam ingens albescere debuerit. An huc igitur etiam advocandus particularis positus vaporosorum corpusculorum, qui in altitudine horizontem inter, & verticem media, seu circiter gradum 45. reflexionem hanc ad oculum faciat? Certè quæ Parhelia tempore Augusti coaluisse in orbem leguntur, & quotquot ferè celebrantur cum similibus circulis, ac nominatim illa anni 1541. Solem verum habuerunt in eadem proximè altitudine. Aded ut quæ partes vaporis sunt verticaliores, videantur lucem reflectere citrà; quæ horizontaliores, ultrà; quæ medio loco, versum nos: tametsi ista reflexio latitudinem habeat luminosi situ subinde variato. Non memoro autem ut Sol hic habuerit prædictam altitudinem exoriente Phænomeno. Qui fuerat enim in ipsa meridie altus gradibus 48. (ut ex loco Solis, & Polari Romæ elevatione perspicuum est) altus fuit circa horam primam gradibus 45. cum nasci Phænomenon debuit. Nec te moretur, quod in schemate vertex distet à circuli seu polo, seu centro: Siquidem quo tempore observator supervenit, putà inter horas secundam, & tertiam, tùm postica illa circuli pars obliterari cepta, subindeque deficiens, potuit utcumque imponere; nūm ut circulus admittatur visus fuisse integer, quia Sol jam descenderat aliquot

aliquot gradibus infra 45. parsque illi opposita totidem ascenderat, ideò vertex non nihil fuit præter illius circuli centrum.

Jam de Circulorum crassitudine, colorationeque dicendum; quam utramque existimo ex refractione proficisci. Cum enim radii incurrunt primum in corpuscula vaporis, partim quidem reflectuntur; sed partim etiam subingressi variè refringuntur, refractique unà in oculum veniunt quasi ex interstitio exhibente crassitudinem circuli, quæ in Corona esse solet sesqui-gradus circiter, in Iride verò duplò propè major. Porro cum Lux sua vivacitate non subingrediatur corpus diaphanum, quin seu penetrans, seu regrediens corradat simul, ac induat, deferatque tincturam ejus subtilissimam, ex qua cujusdam quasi umbræ sumpto amictu corporefeat: hinc fit, ut cum ex sese fulgeat, & si cujusdam sit dicenda coloris, candidissima sit; ex admisione tamen illa vestis heterogeneæ à nativo suo fulgore recedat, colorationemque aliam subeat. Quamobrem, si corpuscula vaporis offendat valdè diaphana, utpotè admodum aquea, tunc illa altius penetrans coloratur vehementius. Ex quo & Iris coloratissima est, & hanc fuisse causam colorum in interiore Corona vivaciorum jam diximus. Sin corpuscula offendat sicciora, neque altum penetrabilia, tunc coloratur remissius: unde communiter Coronæ, ac nominatim nostræ exterior, tinguntur valdè debiliter. Si denique arida inveniat, ita ut nihil subingressa ex superficie ipsa reflectatur, tunc candorem solum appingit, uti in magno nostro circulo, & vulgò etiam in Corona Lunæ, quæ ea de causa solet esse serenitatis indicium: tametsi id quoque ad lucis imbecillitatem pertineat.

Dicere hic de numero, & serie colorum, qui in utràque Corona; sed ii adnotati, ut dixi non sunt. Utcunque tamen de interiore conjectari nihil liceat, nili fortassis ipsum fuisse Iridis instar variegatum; de exteriori nihilominus divinare posse videor, tres illi solitos colores puniceum, flavum, cæruleum adfuisse. Nostri colores Iridis assignari vulgò extimum puniceum, medium viridem, intimum cæruleum, violaceum, purpureum, Aristoteli ἀλουργρον: cum & quartus à plerisque agnoscatur flavus, puniceum inter & viridem, præter alias, quas interiticia mille trahunt varias differentias. At in corona contingit secus. Puniceus enim, seu rubescens color observatur interiùs: succedit flavus satis distinctè; exterius autem duo alii, viridis nempe, & cæruleus in violaceum quidpiam confunduntur. Cumque verisimile putem refractionem in Iride esse ab interiore

limbo,

*Probabilior causa ex luce refracta modificatione visa est auctoritatem in Epistola de apparente magnitudine Solis humilis, & sublimis, tum in Epicuri & Physologia de luce & colore; & Meteorologia de his Phenomenis.*



limbo, probabile est in Corona ab exteriori incipere. Hic variationis est idem modus. Itaque circa Coronam; cum eam ea parte, qua refractionis incipit, color sit debilissimus, ac nihil penè præter pallorem; ubi tamen proceditur, & lux refracta refractæ unitur cum variis umbræ modulis, fit ut color quasi livescens, & cæruleus appareat. Tum addensantibus se magis luculis, umbrisque, succedit color fortior, videlicet flavus. Denique ex majore adhuc condensatione fit color ardentior, puniceus nempe, vel subrubeus. Hunc eo explicandi modum in Iride etiam probabilem puto. Nam quos Cardanus, Scaliger, Maurolycus, alii sequuntur, verisimiles minus sunt. Et hæc quidem de circulis.

Quod attinet ad Soles ipsos, dignum est imprimis consideratione, quòd cum hac tanta circulorum complicatione appaerint. Etenim plurima Parhelia observata legimus, mentione nulla circulorum. Ubi circulorum fit mentio, Authores interdum unum memorant, veluti dum Obsequens scribit fulgentibus tribus Solibus Coronam circa Solem unum emicuisse. Interdum duos, ut dum Cardanus treis illos Soleis sibi visos scribit cum duabus Iridibus, quarum altera veluti Corona, altera ut Semicirculus plano terræ æquidistans foret. Interdum treis, sed eos interdum circa Solem omneis, interdum verò eadem ratione, qua nostros hosce dispositos; nisi quòd Soles geniti fuere interdum in intersectionibus internæ Coronæ, & circuli magni; uti apud Garzæum est. Dubito porrò, an dum Obsequens, Eusebius, & alia scribunt treis Soleis fuisse in unum orbem seu mox, seu paulatim contractos, intellexerint aliquem ejuscemodi circulorum, ac potissimum Coronam; an coalitionem potius spuriorum Solium in verum Solem. Siquidem posterior hic sensus videtur propè colligi ex phrasi ipsa Obsequentis; at prior tamen videtur esse longè probabilior, ut sit sensus, cum spurii Soles inciperent circa verum gigni, erupisse simul Coronam ex eadem materia, cujus ambitu illi tenerentur. Utcumque sit, mirabile videri posset, quòd apparente interdum uno duntaxat circulo, trabs quædam albescens simul visa fuerit, quæ tres Soles connecteret, ita ut duo Spurii in intersectionibus trabis, & Coronæ fulgerent; nisi verisimile foret eam trabem nihil aliud fuisse quàm circuli albi portionem, cum reliqua evanida foret.

In nostro hoc Phænomeno duo alia quædam videntur fuisse admodum peculiararia: unum est Solium numerus; alterum verò appendix illa caudæ quasi Cometicæ, ac instar facis prætervolantis. Sanè quod spectat ad numerum

merum Solium, si id exemplum dempseris, quod memorat Vicomercatus de sex Solibus Regi Poloniæ visis, anno 1625. hinc restabit maximus omnium, quorum historiæ meminerint. Quippe olim interdum duo, sæpius tres visi Soles narrantur: at plureis simul, quàm treis visos ad Plinii ævum proditum non est. Scribit Cardanus idem de suo ævo: sed ipsi nempe Phænomenon illud Regis Poloniæ non innotuerat: quod Papiensis tamen conflictus subsequutus non multò post, fecerat valdè celebratum. Et Seneca quidem contendit nihil impedire quò minus tot spurii sint Soles, quod nubes aptæ fuerint ad exhibendum effigiem veri: attamen perraro contingit taleis nubis ita aptari, ut plureis duobus exhibeant. Hinc nota æquivocationem, quam plerique non satis cavent. Etenim, cum visos legimus duos Soleis, sunt qui utrumque intelligant spurium, cum alter tamen verus fuerit: veluti dum treis legimus, duo tantum spurii habendi sunt, alioquin enim quatuor apparuissent. Occasionem, quantum conjector, Pliniana phrasis præbuit, cum dixit plureis Soleis simul cerni nec supra ipsum, nec infra, sed ex obliquo. Quos ille enim dixit Soleis plureis, poterat clarius spurios, novitios, temporaneos dicere: sed id nimirum intellexit, cum textum Aristotelis eò loci, ut apparet, vertens, iis duobus verbis *ἑπὶ πηγῶν* interpretatus vocem est. Quin-etiā ex versione Gæzæ, Budæique ambiguitas major, dum alter *παρὰ πηγῶν* vertit geminatum Solem, alter Soleis geminos; quasi plures quàm duo Soles non appareant; aut quasi dum apparent duo, uterque simul; & non spurius solus *παρὰ πηγῶν* dicatur Aristoteli! Taceo autem ut Seneca sequutus Aratum dicere *παρὰ πηγῶν*, quàm *παρὰ πηγῶν* maluerit, utque sequuti Latini eam vocem frequentiorē habuerint; fortè quòd hæc adjectivè etiam (ut ex Suida patet) usurpetur.

Ad nostros Soles ut redeamus, Qui duo propinquiore exstiterē vero, cum quidem obtinuerē situm, quem & Aristoteles, & Plinius, & omnes ferè alii, quasi unicum agnoverunt; ut scilicet illi gignerentur *ὅτε ἂν αὐτῶν, ὅτε αὐτῶν, ἀλλ' ὅτε ἑπὶ πηγῶν*: cum tamen duo illi, qui Cassellæ à Rothmanno visi sunt, an. 1586. fuerint unus suprà, alius infra Solem verum, & semper quidem præcisè in eodem verticali circulo. Ubi notandum, quod Aristoteles ait *παρὰ πηγῶν* non fieri *ἑπὶ πηγῶν* & *ἐπὶ πηγῶν*, contradici à Cassellano hoc Phænomeno: quippe in quo duo Soles spurii germanum ita attigerint, ut ad duos etiam digitos illi quasi infererentur. Quin-etiā illi apparuerunt in ipsissimo Solis ortu; cum Aristoteles tamen dicat non

N n

apparere


apparere *αἵματι* 73, non satis opinor advertens illud repugnare Bosphorano suo Phænomeno. At qui ex nostris duo remotiores, ac veluti postici fuere, ii, quoad situm non planè quadrârunt ad Aristotelis doctrinam, dum vir aliàs magnus *παρὰ τοὺς γῆνι ἰσχυρίαις*, noluit. Ipsi certè nisi erant planè ex adverso, non tamen prorsus à perfecta oppositione distiterunt. Et ut non conjiciam Polonum illum sextum vero Soli extitisse è diametro, cùm alii quinque eadem, quæ nostri, occupasse loca videantur: Adnoto solum Gemmam, dum arcum superius citatum describit, memorare partem concavam ipsius stetisse versus Parhelii cujusdam subobscurum typum, scilicet Soli ἰσχυρίαις, cùm convexa arcus pars ipsi Soli obverteretur. Ut taceam quod à Dione scribitur, ante necera Vitellii duos simul Soleis, unum in ortu clariorem (intellige verum) alterum in occasu hebetiorem (scilicet spurium) inspectos fuisse.

Porro autem priores duo genti videntur in intersectionibus Coronæ majoris, & Circuli magni, quod ibi ex coalitione duplicati Phænomeni, facti fuerint veluti nodi, qui ut materia quædam tenacior, & densior splendorem Solis sic exciperent, uti ipsum speculi instar sub angulo eodem reflectere possent. Scilicet ibi concurrerunt corpusculorum positus, qui ad Coronæ, Iridique reflexiones sunt necessarii. Geniti autem non videntur in ambitu Coronæ minoris, quod interior illa materies crassior, turbidiôrque existens, coloribus repræsentandis esset quidem idonea: at non satis apta, quæ conciperet, exhiberétque splendorem, qui color quidam diviniôr est. Hinc Ius quoque dum in regione opposita Soli apparet, pingitur eximie in nube & densa, & admodum fusca; at splendor ibi non gignitur, qualis in vapore & raro, & claro, in quo est Corona. Hac fortè de caussa in Phænomeno supra memorato an. 1541. Soles similes enituerunt non in exteriore, sed in interiore circulo; quod arcus magni circuli interfecans illum variegatus esset instar Iridis, neque materiæ albescentis nostri hujusce instar foret. Quare eadem esse videtur materies Parheliorum, quæ Coronarum; ac dicere etiam quis posset Coronam nihil esse aliud, quàm sortum aliquod contextum ex solis imaginibus, quæ tamen, quod innumerae implicitæ inter se sint, confusum solum alborem exhibeant: adeò ut Solis simulacrum distinctè solum ibi videatur, ubi alia quædam visibilis species, ut intersectionibus illis, materiam Coronæ discretam à reliquo ambitu facit.

Nihil necesse proinde videtur recurrere ad nubeis rotundas, quod  
non-

nonnulli faciunt, dum esse Parhelia contendunt *ἢ π τριγύλα εἶναι, καὶ τῇ ἰσάμεσθαι αὐτῇ τῇ ἡλίῳ*. Siquidem non propterea nubes, aut vapor inde conglobatur, sed reflexio inde, non aliunde fit. Nisi quis dicat eam speculi partem, ex qua Solis effigies reflexa videtur, rotundam esse; cum illa tamen, & reliqua facies speculi æquè plana sit. Quin neque Parhelia etiam memorantur exquisitissimè rotunda, neque etiam illi duo Soles apparunt ejusmodi. Existimo autem ipsos videri debuisse accedentes ad formam quadratam, ob quadratum commune interfectionis circulorum mutue; sed cum anguli ob splendorem non satis exquisitè notarentur, & radiusculi ejusdem splendoris latera ipsa denticularent, ea de causa sic visos fuisse, ut in schemata picti sunt: Unde & medius illenitor ad prædicti quadratuli capacitatem referendus est; ambitus verò inæqualis, atque imbecillus ad radiusculos excurrenteis. Quòd isti autem fuerint quasi Iridis coloribus tincti, ex ipsa lucis natura est, quæ dum in extremum opacum impingitur (opaci verò rationem heic habuit qui vapor limbos circumstitit) & refractiunculas quasdam subit, creat colorationem hanc. Denique Soles fuere formæ aliquantulum oblongæ, quòd quadratula illa, oblique ad Solem, & Spectatorem posita, exhiberent optica lege latitudinem decurtatam. Sic quidem Priores.

At Posteriores duo geniti, & propagati solum videntur ex reflexione duorum priorum, Sol nempe L, ex reflexione Solis N, & Sol M, ex reflexione Solis K. Argumento præsertim sunt loca ipsorum in Circulo magno: siquidem ibi effulserunt, quo reflexionis anguli imagines Solis referre debuerunt, ut puta 60<sup>mo</sup> circiter hinc inde gradu ab altera extremitate diametri. Rem describebam, dum colloqueremur, in schemate ipso; sed capies meliùs ex sequente figura. Suppono



Verisimilior generatio deducta ab auctore est in memorata Meteorologia ex qua du partium mutata alioquin vera Iridis cum circulo albo; adco proxima ut arcus h. m esse debuerit non 120. (scilicet 60.) sed proxime solum 90. enim graduum.

N n 2

enim graduum.

enim circulum  $h n k$ , in eodem esse plano cum circulo  $n k l$ , adeò ut ex  $h$  Sole, ut polo, intelligatur fuisse descriptus in superiore schemate circulus æqualis  $G K N$ , concipiendus scilicet erectus, & hosce duos interfecans, in communi planorum sectione  $k n$ . Porro, cum angulo  $h n v$ , existente recto, nempe in semicirculo, pateat angulos incidentiæ, & reflexionis  $\alpha n h$ ,  $\beta n v$ , & æquales, & utrumque graduum 45. esse: patet etiam angulum  $k n l$ , ut putà recti dimidium, esse etiam graduum 45. Cumque hic insistant circumferentiæ circuli  $k l m$ , ideò arcus  $l k$  valebit duplum, hoc est gradus 90. Et cum recta  $l k$  radius minoris circuli sit dimidium radii circuli majoris  $y c$ , ac proinde sinus arcus  $k c$  graduum 30. efficitur, ut  $z l$  complementum ad semicirculum, sit arcus graduum 60. Quod eodem modo demonstrabitur de arcu  $z m$ . Neque obstat quòd in sup. schemate  $L$ , &  $M$ , non videantur tantundem præcisè distare: descriptio quippe ad oculus facta potuit hanc tantillam aberrationem inducere.

Confirmari potest hæc Solium posticorum generatio tum ex hebetiore eorum nitore, quòd lumen secundarium sit semper primario debilius: tum ex limbo exquisitiore, & rotundiore, quòd minus vivax, & mobilis splendor patiatur extrema pingi accuratiùs. Quo loco duz quædam tacere non possum. Unum est, quod Seneca dixit Parhelia nihil habere ardoris, sed hebetes esse, ac languidos Soles, non esse usquequaque verum, Quippe quicquid sit de posticis istis, vides ut medius priorum nitor æmulatus solarem fuerit, potesque meminisse eorum, quos sibi visos Cardanus dicit, adeò coruscos, & splendidos, ut eos visus acies non ferret. Alterum, quod nonnulli dicunt non Solis effigiem, sed lumen videri in Parheliis, mihi penitus non probare, qui in ea prope sum sententia, ut credam lumen Solis nusquam reflecti sine Solis imagine, Scilicet Sol lucidus totus lumen suum ex se non facit, quin lucidæ suæ faciei emittat luminosam speciem, quæ si incurrat in corpus politum, seu specularem superficiem, haud dubie inde reflectatur: si in corpus scabrum, non propterea non reflectatur, sed contingat solum illam distinctè non cerni, ob confusionem, quam inducunt superficiæculæ infinitæ, à quibus quasi dissecatur, & quatum semper maxima pars versus spectatorem non vergit. Nisi fortè dicas ex aqua non reflecti effigiem Solis, quòd dum movetur, crispaturque, illam distinctè non referat. Sed disquisitionis longioris hoc est.

Superest dicendum de re non postremò admiranda, scilicet de spissa, & subigneâ cauda, quam ejaculatus est Sol. N. Itaque ea potest imprimis vi-

deri

deri ex eo nata fuisse, quòd Sol verus in eam partem, occiduam putà, properans, vireisque suas multiplicans, crearet paulatim effluvium illius materiæ, ex qua Sol N compingebatur. Hac enim de caussa videtur hic Sol disparuisse maturius, quàm Sol K; & non desunt magni viri, quos inter Keplerus præcipuus, qui eadem ratione sentiant & Cometis caudas adnasci, & effluxione simili Cometas demùm interire: cùm aliundè constet Cometarum caudas in eam plagam semper dirigi quæ regioni Solis opponatur. Verùm, quia istud non videtur admodùm satisfacere; idèò assumo conijcere me auram spirasse ab occasu, ac proinde materiam creando, continuandoque Phænomeno ex ea regione appulisse. Argumento est, quòd & Sol M disparuerit maturius, quàm Sol L, & Sol N, quàm Sol K, exhaustà nempe citius materiâ: quodque Sole N deficiente, roboratus fuerit Sol K, quasi scilicet translato in hunc, quod ex illo desiderabatur. Clarum est autem Solem N inquietum spectrum fieri potuisse ex adpulsu continuo delatæ illuc materiæ. Hoc verò posito, probabile est, cùm conferta materies eò appelleret (unde & Sol N maximè omnium splendescibat) effectum fuisse, ut lumen ex superiore parte hujus Solis, ac nodi, refringeretur in proximam, & succedentem ab occasu materiam, ac propagatione quadam hæc refractione continuaretur, quousque extrema debilitatione in acumen desineret, illamque caudæ speciem crearet.

Sed unde illi color igneus? An quòd reverà materies illa ignosceret, ut ignescere creduntur quæ faces interdùm excurrunt per aërem: videtur enim hæc cauda fuisse undulosa perinde, & flammea? Verùm quæ faces prætercurrunt, quantum mihi quidem observare licuit, & ocysimè feruntur, & in eam partem properant, ad quam flammæ basis respectat: hæc verò cauda lentissimè, videlicet ad motum Solis, & in eam partem, in quam cusps dirigebatur, progressa est. Ac non nego quidem, quin Lux creare ibi flammam poterit, qui mihi propè persuadeo nihil esse aliud lucem, quàm ignem rarissimum, nihil aliud ignem, quàm lucem densatam. Ut enim sumum ex aqua ascendentem nihil aliud esse, quàm aquam rarefactam colligimus, quòd si uniatur, in aquam concreseat; ita intelligimus lucem ex Sole diffusam nihil esse aliud, quàm ignem, quòd uniti ejus radii ignescant, occurrentemque materiam inflamment. Attamen plures similes creati videmus ex luce rubores, in quibus flamma nulla sit. Existimârim ergo potiùs lucem, quam dicebam refringi, visam fuisse igneam, quòd cùm supernè illustraret vaporem, vapor inferior, seu visum verius, obsul-

catam exhiberet, eadem ratione, qua notum est ipsum quoque Solem, dum præter vapores densiores videtur, apparere subigneum. Hoc etiam modo fulginosa flamma, qualis est ligni viridis, admodum rubescit, & nubes etiam, cum maturinæ, tum vespertinæ, denso aëre: etsi illic nubilofus, hic crepusculofus vapor interveniat. Causa verò una videtur lux variè refracta, & ut sic dicam, umbrefacta; eo ferè modo, quo dictum est antè de colore puniceo. Atque hæc quidem de genesi.

Circa Præfagia; dicendum videtur de naturalibus primùm, tum de præter-naturalibus. Ad Naturalia quod spectat, non dubitarem imprimis ridiculum me facere, aggredientem divinare quid contigerit, si crederem ex hisce rebus, & similibus quidpiam certi posse prædici. Sed nimirum existimo homines plerumque perabsurdè facere, cum eventus potiùs requirunt plurimarum rerum, quæ neque causæ, neque signa sint, quàm ut ad causas seu coexistentes, seu præexistentes, respiciant. Hic, si Arato credimus, significari procellæ debuerunt.

Οὐ γὰρ ὅτ' ἀμφοτέρωθεν ἐκ τοῦ αὐτοῦ μέγατον ἔχουσιν  
 Ἡλιον καὶ τὴν νεφέλαν, σκληρὸν ἀκραιψίον  
 Ἔγγισται ἀμφοτέρω, διόθεν χειμῶνος ἰόντες.

Saltem ex Aristotele præmonstrari pluvia debuit, quòd vulgò Parhelia colore suo albo indicent τὸν αἶον ἐγγύς ἔχον πρὸς γένεσιν ὕδατος: ac tantò magis, si ad Austrum fuerint, ut hic fuerint Soles præcipui, ὅτι μᾶλλον ἐξ ὅπου αἰὲρ οἱ ὕδωρ μεταβάλλει πρὸς ἄρην. Veruntamen ut negare nolim, quin aliquando post Parhelia aut tempestas excitari, aut pluere poterit: ita conjector eandem inconstantiam succedere posse circa Parheliorum significationem, ac in meteoris cæteris, quæ observare est magis in promptu. Hic præsertim, ubi circumstantiæ diversitatem in effectibus creare insignem potuerunt: cum interlit & tempus anni, & hora diei, & regio, & ventus, & numerus Solium, & multiplicitas circulorum, & situs, & color, & magnitudo, & duratio, & appendices, & pleraque etiam alia, quæ in meteoris cæteris nutare præfagienteis faciunt.

Non hic fluctuarem, si accepissem, aut commotum Tyrrhenum mare, aut irrigatum Romanum solum non longè ab ipsis Parheliis. Vide, ut loquar: existimo enim ejusmodi Phænomena angustioris esse cùm loci, tum temporis, quàm ut proferri longiusculè in suis effectibus possint. Deridiculum

diculum nempe fuerit, si quis ex ineteoro Romæ viso divinare voluerit transmutationem aëris faciendam in Belgio: cum sæpè contingat, ac vere præsertim, ut intra, non dicam milliaria, sed paucos etiam aliquot passus diversissimæ aëris affectiones observentur. Itemque, si ex eo, quod hodiè in aëre apparuerit, pronunciare quis voluerit de effectibus ad plures & dies, & menses, & annos: cum eveniat sæpissimè, ut aer intra paucas horas alterationes diversissimas, & insperatissimas subeat. Attamen, utcumque nihil ea de re compertum habuerim, aut longè fallor, aut serenitas, potiusquàm pluvia est consequuta. Hoc dico, non tam quòd sub finem suprà descriptæ explicationis habeamus & Phænomenon in candidas nubes resolutum fuisse, & Solem serenum rursus alluxisse, (siquidem potuit hæc serenitas sub crepusculum dubia fieri: cum sæpè etiam contingat, ut serenitas matutinas halones sequuta non longè post vertatur in pluviam) quàm quod nonnullæ circumstantiæ fuerint, quæ, tametsi id non fuisset notatum, eò me pellere poterant. Præcipua fuit intertextura illa Coronarum, ex quarum materia fuerunt & ipsa Parhelia. Siquidem ut Coronæ matutinæ, nisi venti Boreales spirent, pluvix plerumque signa sunt: ita perrarum omninò est, ut quæ videntur à meridie (de observatis à me loquor) non præfagiant serenitatem.

De causa Aristoteli assignata non est quòd laboreim: utcumque enim ea pertrahi in partem veritatis possit, necessariò tamen ab illa non stat. Etenim color ille albus aridas sæpè nubes pingit, Sole scilicet suprà incumbente: & nubes pluvix grvida vergit potius in atrum colorem. Hinc & quæ Luna pallida pluit, serenare tamen alba dicitur: & quæ Corona ejus alba est, frequens est, ut suprà dicebam serenitatis judicium. Quin-etiam cum idem sit candor in Cometis, eorumque caudis; longè est Aristoteles, ut pluviam ex illo designet. Profectò & pluviam perpetuam deberet ex Galaxia designare, cujus colorem ex eadem luce, materiæque lactescere vult. Quod de regione Austrina subjungit, faceret probabilitatem, nisi & venti ex Borea, aliis-ve regionibus, possent materiam eò devehere. Coronam certè ad easdem partes quòvis propè vento spirante fornari deprehendimus. Quanquàm me non remoraretur rationis imbecillitas, si experientia me faceret certum. Quippe hæc una est, quam sequor, postposito quòvis ratiocinio, ex quo præsertim novi, ut ipso Aristotele adnuente, τὴν αὐτὴν οὐρανὴν, ἢ τὴν ἀστὴρ περιστρέφει. At vereor multum, ne aut Aristoteles, aut qui primi hæc tradiderunt, experimentis nimis paucis fide-

rint,



rint, & rationi crediderint potius, quàm observationes conquisierint: cum aliunde ratio nusquam desit, at observationum magna sit penuria. Mirum enim dictum, quam multa in hunc usque diem memorentur Parhelia: vix ullum tamen, ex numero tanto, Scriptorem invenire licet, qui tempestates consequutas in commentaria retulerit. Observant omnes, si quid prodigii in rebus humanis contineat: non attendunt, si quid in præclaro naturæ theatro forsan exhibeatur. Sed hæc de præfagiis naturalibus.

Ad Præter-naturalia quod spectat, dicere posse audentius videor, nihil exinde certò prædicti. Ac novi quidem in eo consentire Meteorologos omnes, quod Parhelia inferiorum cladeis, Principum dissidia, populorum factiones portendant. Sic trium-viratum, Augusti, Antonii, Lepidi, & sequuta ex eo mala, ad Parhelia antecedentia vulgò referunt: & Cardanus existimat semper Triumviratum prædicti, cum omnes Soles radiis illustres apparuerint: unde & credit Parhelia illa à se visa præfagium fuisse Triumviratus Henrici II. Gallorum Regis, Caroli V. & Solymanni. Quo eodem modo alii Parhelia visa in Ungaria ante mortem Ludovici Regis præmonstrasse volunt tres Reges, qui de Regno decertârunt, Ferdinandum, Joannem, & Turcam. Sic ad Parhelia observata an. 1157. referre solent dissidium Cardinalium in electione summi Pontificis, cum sequuto schismate, & Electorum Principum in electione Regis Romanorum. Sic ad Polonica illa pertinere volunt cladem Francisci Galliarum Regis apud Papiam; ac præcipuè, inquit Gemma, Milichius, & alii, quod ex illis sex Solibus, is, qui stabat ad occidentem, atro colore fuerit infectus. Singula tamen quid memorem? Novi proinde quod spectat ad nostra, non deesse qui supputent annos ex numero Solium, & ominosum nescio quid circa Ecclesiæ statum augurentur. Novi esse Astrologos, qui quod Sol tum ingressus Arietem, ex nona domo, oriente Leone, successerit in octavam, admiranda vaticinentur de quorundam Principum satis, & iis nationibus præsertim, quas Arieti, & Leoni subjiunt. Attamen, ô hominum curas! ô bonæ frugis penuriam! Pudet me certè humanæ fortis, seu Religionem, seu Rationem audiam. Ut enim paucis de utraque dicam.

Fateor imprimis ter maximum Deum usurpare posse Phænomena hæc ad arbitrium quidpiam præmonstrandum; verum quousque eandem in Parheliis suæ voluntatis expressionem, ac in Iride fecerit, non est quod per illa quidpiam designari divinitus asseveretur. Etenim, si quid hominum salutem attineat, id expressum est literis sacris, illæque propterea consu-

consulendæ sunt, aut sacri ejus interpretes: alioquin enim non ad Prophetas, & Apostolos; sed ad Physicos, & Astrologos, ubi Dei voluntas esset cognoscenda, remitteremur. Hinc finit Deus rerum naturam suas agere vices, & ordinem, quem semel in illa sapientissimè constituit, servare: aut certè, si præter talem ordinem aliquid interdum inolitur, ut cum Solem sistit, aut retroagit; causa statim patet, propter quam id facit. Nisi pateat, tum nihil est, quod præter naturam monstretur. Quippe videntur majori curæ esse Deo res hominum, quàm ut ipsis quasi illudens, proponat quidpiam in signum rerum minimè naturalium; nec declaret interea quidnam significatum velit. Et finè, qui dicendus esset benè mereri de hominibus, si nihil aliud faceret, quàm occasione hariolandis; cum ne homo quidem cordatus, ubi agitur de eorum salute, quibus providet, probare possit ænigmatics hujusmodi admonitiones? Quid, quod etiam Optimus Deus satis declaravit nihil esse in istis rebus præter naturæ ordinem, cum superstitiones gentium circa ipsas damnans, hortatus est nos, ne ob signa cœli consternaremur, אל תחתו, ac manifestè professus est se, qui solus extendit cœlos, irrita facere signa Divinorum, ipsosque etiam hariolos ad insaniam deducere. Certè dum miseri mortales trepidant timore, ubi non est timor, fecisse Deos in orbe videntur; cum & שחתו לכל צבא השמים cervicem dederunt astris omnibus: & dum animos humileis, depressosque ad terram fecerunt, assuefacti sunt, ut de genere illis servirent servitutum.

Tum, si Rationem audire juvat, non possum non dolere vicem humanæ imbecilitatis, quæ mobilior arundine, levissimâ quaque occasione nutat.

*Nam veluti pueri trepidant, atque omnia cœci*

*In tenebris metuunt; sic nos in luce timemus*

*Interdum, nihilo quæ sunt metuenda magis, quàm*

*Quæ pueri in tenebris pavescant, finguntque futura.*

Mihi certè non puerile modo sed stupidum etiam omninò videtur ea pavitare ex istis signis, quæ homines certatim somniant. Quasi verò quædam sit connexio inter res humanas, & istos vapores, qui è terra attolluntur, densantur, illustrantur, hâsque, vel illas species exhibent? Quasi in illis sit aliquis sensus, imò etiam præsenso earum rerum, quæ nondum sunt, quæ nondum nobis venerunt in mentem, quæ faciendæ erunt ex mero arbitrio? O tripodas ergò! ô Pythias! ô oracula! si propheticus halitus

O o

tot

tot jam in locis, totiesque expiret ! Quis risum teneat , si, exempli gratiâ , consideret Polonicos Soles ? Nempè qui ex Polonio solo tunc expiravere vapores , ex variis regnis eò confluerant ; & , qui nominatim ex Gallia , colore atro infici voluit ad exprimendum Principis luctum ? Nempè vapor ille adeò eruditus ex Gallico solo erumpere veritus est , ne cicutâ Socratica frigescendo cohiberetur ? Nempè ipse Poloniæ Rex propterea clare divinavit quid Galliæ Regi impenderet ? Nempè illius , magis quàm hujus interfuit id prospicere ? Nempè Rex Galliæ , potiusquàm Hispaniæ ( cum Hispania tamen Hesperia dicta fuerit ) significari debuit per occidentalem Solem ? O anileis ineptias !

Et volunt nempè Principes , turbationesque maximas per istos Soles significari ? Quorsum id , putas , venit in mentem ? An-non quod , ut Sol in regione ætherea est ,

*Ipsæ quidem superum Princeps, duarumque choreæ*  
sic designare debet in terra summos Principes , ad quorum numeros cæteri mortales

*Accipiant leges , præscriptaque fœdera servent ?*

Scilicet cum ipsius jubar , exortis novis Solibus velut obsidetur , & periculum quasi imminet , ne folio detrusus adigatur iterum ad pacendos Admeti greges ; id turbas præsignificat , in quibus Reges ex bubulcis fiant , & bubulci ex Regibus ? Et quasi Phœbo timendum videatur , ne si alii fuerint Soles , ipse Sol non sit , quod solus non luceat : id præmonstrat hominibus quàm inter ipsos futura sit *οὐκ ἀγαθὴ πολιτεία* ; O malignos adulatores , qui dum tollunt in altum Reges , ut casus tantos pertimescant , faciunt ! Nam profectò quidem negandum non est , quin analogia quædam sit inter Solem , & Principem ; quin summus honor Principi ab hominibus subditis debeatur : Sed hoc non facit , ut sol Principem , potiusquàm subditos respiciat ; & ut homines , sic naturæ membra agnoscant illius imperium . Videmus enim ut Sol , Luna , ignis , aqua , aer , & cæteræ res naturales pro eodem Crœsum , Irumque habeant ; utque pallida etiam ipsa Mors æquo pede & Regum turreis , & pauperum tabernas pulset . Et dicatur Sol ,

*Cum caput obscura nitidum ferrugine textit ; &*

*Lurida sollicitus præbebat lumina terris ,*

significasse Cæsaris casum : id sanè Cæsar ipse risisset , qui , ut erat cordatus Princeps , bona fide noverat non eam sibi esse cognationem cum sideret tanto , ut illud deberet sui causâ luctuosam vestem induere . Ex quo lau-

laudantur Alexander, Antiochus, & alii, quòd generosè reprefferint consimileis assentationes.

At, inquiunt statim creduli isti, nonne vel semper, vel ut plurimum post observata Parhelia insignes eventus contingunt? Id fateor: verum non contingunt, quòd Parhelia præcesserint. Id videlicet casu potius, quàm ex præfensione ulla accidit; nam tametsi effecta illa non contingerent, Parhelia tamen apparerent: & quamvis Parhelia non apparerent, effecta tamen contingerent. Quasi verò in aëre cessare prodigia deberent, nisi homines inter se excitarent tragœdias, aut quasi homines non possent excitare tragœdias, si in aëre prodigia cessarent? Hinc multæ clades observantur, cum nulla apparent Parhelia: si rarò apparent Parhelia sine claudibus, non est longè caussa querenda. Siquidem constat hominum genus instabile esse, novitatisque cupidum: ac nullum esse tempus, in quo alicubi gentium res magnas non moveat. Quare & rarò evenit, ut observentur Parhelia, quin machinationes aliquæ pandantur; verum Parhelia nihil ad illas magis, quàm vapores cæteri, quos terræ sinus continuò fundit. Quid facias tamen ad tantam stultitiam? Infrequentia primùm animos percellit, quasi raritas faciat, ut res minùs sint naturales, & Leo idcirco miraculum sit, quòd longè rariùs, quàm lepus nascatur. Deindè ea est vanitas nostra, ut digni soli nobis videamur, propter quos tanta prodigia appareant. Arbitramur enim res nostras tanti esse aëri, cælo, toti mundo; ut si bella meditemur, si ægrotaturi simus, si nobis casus sinister impendeat; ipsa statim rerum natura commovenda sit, & usurpare penicillum debeat, ut rem totam, quasi emblemata, repræsentet in tabula. Infelices, vel eo nomine, quòd inde nobis accersamus malum! Siquidem ita præposterii sumus, ut nunquàm captemus bona omina. Unus mihi præ cæteris sapuisse videtur Augustus, dum Cometam aliis creditum infausum, ipse sibi faustum esse judicavit, referente Plinio. Quid-ni fecisset, cum nec Parhelia, nec Cometæ obstitent, quò minùs homini fœlici prospera fortuna adveniat: & si infœlix quis fuerit, illi, etiam sine Parheliis, Cometisque, adversa contingat.

Hæc sunt, Reneri charissime, quæ, quantum me memoria juvat, dum ad portum properaremus, nostrumque navigiolum appararetur, edissereram. Testabaris tu, dum prius audires, per jucunda tibi esse; & credidisti, si eadem jam legendo quasi recoqueres, repetitam cramben tibi placituram. At ego vereor, ne quod specie quadam novitatis gratum fuit,

dum inculcatur, fastidium pariat. Quippè sic vulgo comparamur, ut quæ primo gultu avidè forbemus, non resumamus sine nausea. Quæ enim palatum jejunum admittit, eadem oppletum respuit: sed tibi ipsi imputandum. Ego, dum bona obsequor fide, non est quòd me excusatum faciam. Etenim, si tu aliquid præclari sperasti ex me, non ipse tibi occasionem præbui, ut quidpiam tale conciperes. Testatus semper ingenuè sum quàm humilia de me sentirem. Nisi id satis credidisti, non est quòd mihi deprecari veniam. Postulo potiùs ut me ames, dum affectus mei candom agnoscis; & simul dicas Wassenærio salutem multam meo nomine. Tubenè Vale. Cæperam Leydæ, Absolvo Hagæ, in ipso discessu. Prid. Eid. Julias, An. 60 100. XXIX.

### POST - SCRIPTUM.


**O** Bsignaturus literas mox eram, cum ecce Epistolium ab optimo Vofuo accipio, unà cum schemate, ac descriptione eorum Parheliorum, quæ Matthæus Paris inseruit in majorem historiam. Scilicet receperat se, si quid sibi circa Parheliorum argumentum occurreret, occasione statim proxima missurum. Non suppetit tempus, quo rem totam expendam, inque epistolam intexam: attexo heic proinde schedion ipsum-met, ut, nisi illa historia tibi fortè ad manum sit, rem dijudicare sit magis in promptu. Exillimo Parhelia fuisse hisce nostris similia; & schema quale heic habetur, fuisse non tam *ut auresciant*, quàm ex concepta ab aliquo descriptionem legente idea confectum. Nihil tamen immuto ac tibi judicium integrum relinquo. Vale iterum.

*Signum in Cælo admirabile visum in Anglia, Anno Domini  
M.CC.XXXIII, sexto Idus Aprilis, regni verò Henrici III, anno XVI.  
Duravit ab ortu Solis usque ad meridiem.*

**E**odem quoque tempore, sexto scilicet Idus Aprilis, circa horam edici primam, in finibus Herefordiæ, & Wigornia, apparuerunt in cælo qua-

lo quatuor Soles adulterini, præter Solem naturalem, rubei coloris

Quidam magnus circulus  
crystallini coloris, latitu-  
dine quasi bipedali, am-  
plitudine cingens quasi  
totam *Angliam*, à cujus la-  
teribus exhibant semicircu-  
li, in quorum sectionibus  
apparuerunt illi quatuor  
Soles memorati, vero So-  
le existente in plaga O-  
rientali, & aere purissi-  
mo. Et quoniam non po-  
rest illud prodigiale por-  
tentum verbis describi,  
figno demonstrativo figu-  
ratur; ipso cælo sic circi-  
nato existente exemplari  
immediatè, multi simili-



tudinem rei sic apparentis pinxerunt, propter rei novitatem admirandam.  
Hæc visio multis apparuit, ex quibus unus fuit *Johannes Episcopus Here-  
fortensis*; qui figuras coram se non festinanter, sed spatio sufficienti, fecit  
circinari per manum Capellani sui nimis perspicacis & ingeniosi; Domini  
scilicet *Wilhelmi* Canonici. Et ad idem insolitum spectaculum astitit *Jo-  
hannes de Munemve*, & alii innumerabiles: qui de tam incredibili miracu-  
lo testimonium prohibent veritati, & verum est eorum testimonium. Se-  
quuta est autem eodem anno in partibus illis guerra crudelis, strages, &  
humani sanguinis effusio terribilis, & per totam *Angliam, Walliam, & Hy-  
berniam* perturbatio generalis. Circa idem denique tempus, mense  
Junio in parte Australi *Angliæ*, visi sunt à multis secus maris litus imma-  
nissimi duo dracones in aere præliantes; & post diutinam pugnam  
unus alterum superavit, & fugatum usque in profun-  
dum abyssi insequutus est, nec am-  
plius apparuerunt.

F I N I S.

Qo 3

EPIS.

EPISTOLA JO. LAUNOY. Theol. Parif.  
Ad JO. ALB. PORTNERUM.

**A**D IX. Calend. Nov. PETRUS GASSENDUS noster hora post meridiem circiter quarta demigravit ab hominibus, cum annos impleret sexaginta quatuor. Hunc consumpsit lenta & assidua febris, qua menses duos, diesque totidem laboravit. Quo temporis spatio ut doloris multum passus est, ita & patientiæ inultum præ se tulit. Ad magnum illud Christianorum viaticum semel, iterum & tertio sumendum, identidem sese quo decet, ritu & sensu religionis accinxit. Dum oleo infirmorum ungebatur, acri præsentique animo respondit ipse, &, quod mireris tu, nonnihil errantem presbyterum, cujus lingua menti præcurrit, lenissima voce quæ dicenda fuerant repetendo correxerit. Porro mentem sanam in corpore non sano, imò insanabili, ad extremum usque spiritum conservavit. In hoc viro literæ artesque bonæ omnes, & cum primis Philosophia, & Mathematicæ disciplinæ id accipiunt vulneris, quod per diu cicatrices ostendet, id ferunt damni, quod secula duo vix resarcient. GASSENDUM semper cogita & intueri, quem carum omnibus & laudabilem reddiderunt peracre ingenium & iudicium, incredibile studium, labor indefessus, singularis in asserenda veritate methodus, varia eruditio, eaque exquisitissima, tersa & elaborata scriptio, bonitas eximia & pietas, vitæ gravitas, morumque integritas summa, frugalitas prisca, in explicandis rebus arduis facilitas mira, & intelligentia, comitas par, nec minor verecundia affabilitasque sermonis. Mortem igitur obiit PETRUS GASSENDUS, Theologus insignis, Diniensis Ecclesiæ Præpositus, & in Academia Parisiensi Regius Matheseos Professor. Imò verò mortalitatem potius quam vitam deposuit; nam vivit vivetque in sempiternum tempus, & in observationibus Mathematicorum, in scriptis & disputationibus Philosophorum, in ore doctorum omnium versabitur. GASSENDI memoriæ eadem erit conservatio, perpetuitas eadem & constantia quæ mundi. In æde Beati Nicolai Campensis frequentissima celebritate conditus est intra sepulchrum Viri Nobilissimi & Clarissimi HENRICI LUDOVICI HABERTI MONMORI libellorum suplicum Magistri, apud quem ingenue ac liberaliter manebat, mansitque ab anno CIOICLIII quo

quo è Provincia Lutetiam rediit. Non defunt ex amicis complures, qui vitam GASSENDI commentariis illustrent suis, & cum omni posteritate æquent. Sic loqui moris est: Ego dicerem: Non defunt, quorum Commentarii illustrabuntur vita GASSENDI, & consecrabitur ad opinionem mortalium omnium. Enimverò commentariis huiusmodi facile carebimus. Quot enim libros GASSENDUS edidit, ii tot sunt vitæ GASSENDI exemplaria, in quibus qua ratione vixerit, tanquam in brevi quadam tabella, nemo non cognosceret. Enumeras multos doctrina præstantes Viros, quos ætas nostra vidit, & videre desuit. Sed singulis tibi non occurrunt, qui successerint, & annos complures vixerint. Alius alium veluti manu secum duxit ad tumulum, Migrantem JACOBUM SIRMONDUM brevi secutus est DIONYSIUS PETAVIUS. SIRMONDO verè nullus successit. Quis enim successisset? Non is profectò quem tu nominas. Viri tanti non est imago, sed umbra, seu potius umbræ somnium. PETAVIUS longo post se intervallo reliquit eum, qui successor à nonnullis designatur. Sua est ætati cuique eruditorum hominum fertilitas & copia, sua quoque sterilitas & inopia. O virum felicem & beatum, qui seculo illo benigniori vixit! Gaudet cui Deus tempora literatiora fortunârit. Vale, Lutetiæ Parisiorum.

VI Calend. Novembr. An. Chr. CIO IO CLV.

## ISMAEL BULIALDUS

JOANNI ALBERTO PORTNERO S.P.D.

Celeberrimi Viri Petri Gassendi funus die hujus mensis 26. deduximus, quod decentissima pompa illustrissimus Dominus Mommorius, in cujus ædibus ab annis duobus cum unius semisse vivebat, suis impensis ornatum voluit, ipseque adfuit. Sacris ritè procuratus animam die 24. quæ dominica fuit, hora post meridiem tertia, exhalavit, postquam annos 63. cum mensibus novem vixisset. Talem tantumque Virum, doctrinæ æquæ ac morum probitate clarum ac præstantem, non sine magna lugendi causa omnes literarum studiosi desiderabunt. Communes cum cæteris non solum jacturæ illius rationes habeo: verum etiam è graviore mihi illa accidit, quod mutam amicitiam per annos 24. integros sanctè coluerimus; nullaque vel levissima rixa aut discordia ipsam temerari



rari unquam contigerit; etsi de quibusdam eadem semper non esset utriusque nostrum sententia. Testamento de suis nondum editis scriptis, quid fieri vellet, statuit. Nondum illius tabulæ apertæ sunt, quas apud Illustrissimum *Monmorium* deposuit, ejusque fidei credidit. Peripneumonia extinctus est, qua ab annis quindecim continuis laboravit. Paucos superstites habemus Viros qui eruditione ac nominis fama pares ipsi aliquando futuri sint &c. Lutetiæ Parisiorum 29. Octobr. 1655.

## JOANNES ALBERTUS PÖRTNERUS

JOANNI DE LAUNOY

Theologo Parisiensi S. P. D.

**R**emitto Tibi, *Vir Clarissimè*, tuam de obitu *Gassendi* nostri ad me Epistolam, sed alio habitu indutam, & carmine meo auctam. Id ego inter alias occupationes effudi veriùs quam elaboravi, manibusque viri de omni studiorum genere, de me quoque privatim meritissimi consecratum ivi. Nihil in hoc conata meo præter pietatem affectumque erga defunctum commendari debet; cætera quæ hac spectant, quæque & in aliis laudari, vel à me requiri possunt, elegantioribus, quorum tanta apud Vos est copia, ingeniis lubens relinquo. Mihi ad veniam, imò ad gratiam valebit muneri meo qualicunque ratione satisfacisse, quod tunc plenè à me factum existimabo, cum Tibi cæterisque amicis communibus (inter quos Illustrissimos & omni laude cumulatissimos Viros *Hironymum Bignonium* & *Jacobum Puteanum* honoris causa nomino) officium meum non displicuisse intellexero. *Bignonium* valetudinis causa apud Bojos absentem in versibus meis constituo, quandoquidem eum, quo tempore ereptus nobis est *Gassendus*, nondum ad urbem rediisse memorasti; quod idcirco monendum duxi, ne quis fortè mea de Viro Maximo verba incongruo ad præsens tempus sensu interpretaretur. Hic partem tantummodo illam literarum tuarum, quæ de supremis *Gassendi* tractat, inserui; alteram, quæ de editione libelli tui agit, suo tempore scorsim publicabo. Adjunxi Clarissimi & communis amicitiz vinculo utrique nostrum conjunctissimi Viri *Ismaël Bullialdi* ad me de eodem argumento epistolam, fiducia humanitatis, quæ summa in utroque vestrum est, fretus, & perpetua *Gassendi* nostri recordatione eò abreptus, ut nihil præter jucundissimas literas vestras ad manum habeam, quod concepto ex obitu tanti Semonis dolori opponere possim. Vale. *Clarissimè Vir*, ac me Tui studiosissimum amare perge. Dab. Ratisbon. Non. Decemb. An. O. R. 1655 CLV.

I N

# IN OBITUM

## Illustris Viri

# PETRI GASSENDI

Præpositi Dinienſis

Regiſque Mathematicum Profeſſoris,

ELEGIA,

JOANNIS ALBERTI PORTNERI;  
AD V. C. JOANNEM DE LAUNOY  
Theologum Pariſienſem.

**C**Edite vulgares lacrymæ; geminare dolorem  
Res jubet, & motu plectræ ciere novo.  
Si modò ſufficiunt in acerbos carmina queſtus,  
Nec percuſſa gravi vulnere lingua riget.  
Non mirum, ſi diſciles ad vota Camæna  
Sunt mihi, ſi numeros & pia verba negant.  
Ipsa etenim in tanto tenuere ſilentia luctu,  
Viſus & eſt voces exſuperare dolor.  
Infremuitque imo Phæbi cortina reſeſſu,  
Et Muſa poſitis obſupere lyris.  
Pallida cæleſti circumſert lumina Titan  
Axæ, gemit caſum Cynthiæ maſſa gravem.  
Teſta ſub obſcura flammas caligine condunt  
Sidera, nec ſueta luce coruſca micant.  
Non Eoa nitet ſolito Dea Cypria vultu,  
Non veſperinum ſpargit, ut ante, jubar.  
Cretæi Pallas cerebro prognata Tonantis  
Cecropiæ accuſat triſtia fata ſchola;  
Hæc orba & poſthac magno caritura magiſtro  
GASSENDUM fruſtra terque quaterque vocat.  
GASSENDUM nemo omne ſonat, lugetque ſepulchrum  
Porticus & tacitis ſquallet opaca locis.

PP

Zena

Zeno pater, tristisque à paupertate Cleantes,  
 Atque Epicuræ tota cetera gregis.  
 Socraticique senes, & quam formarat Athenis  
 Summus Aristoteles maret amica cohors.  
 Occurrunt anima illustres, quibus integra vita  
 Munere Cassendi fama superstes agit.  
 Huc Tycho Danorum generoso sanguine cretus,  
 Huc quoque Peiresci nobilis umbra venit.  
 Quique solum instabili Copernicus orbe moveri  
 Credidit, in titulis funeris hujus adest.  
 Bellorum exuvias alij, detractaque victis  
 Tegmina, seu dextris Martia signa ferant;  
 Majorum effigies alij, detractaque victis  
 Aut prisca ostentent nobilitatis avos.  
 Quos juvat effuso casorum sanguine pasci,  
 Quosque inopes propria laus aliena capit.  
 Non hac Cassendi spectes pralata feretro  
 Arma, ducum cultus convenit iste rogis.  
 Hoc minimum est quodcumque vides in funere, pompam  
 Posthuma defuncti gloria sola facit.  
 Prasulget series operum, monumentaque chartis  
 Tradita fatorum nec subitura vices.  
 Proxima subsequitur magna Virtutis imago,  
 Cum probitate pudor, cumque pudore fides.  
 Innocui mores, & nulli addicta potentum  
 Libertas, tacito vita peracta late.  
 Mens aqui rectique tenax, & nescia fraudis  
 Simplicitas animi pace quieta sui.  
 Ultima Virtutum claudis Patientia victrix  
 Agmen, in extremis qua comes una fuit.  
 Hac animi totum prostant simulacra per orbem,  
 Nec vitium longi temporis illa timent.  
 Viri adhuc ipsa spirans in imagine virtus.  
 Et docet exemplo secula nostra suo.  
 Sed gracila exigua corpus committitur urnæ,  
 Vespoloque humeris flexibile portat onus.

Suprema

*Suprema hoc pietatis opus Monmotius hospes*  
*Gassendo impensis praeiit ipse suis.*  
*Ad tumulum maesti funus comitantur amici,*  
*Quos vivo Sophies conciliarat amor.*  
*Præses es in luctu, ceu præses in ordine summo*  
*Augusti effigies vera, Thuane, Patris.*  
*Quique tot elatis vivis Puteane superstes*  
*Fratribus, orbata gloria sola domus,*  
*Delicia Aonidum, quo jam custode tuetur*  
*Regia securos Bibliotheca lares,*  
*Tristia Gassendi cineres ad busta secutus*  
*Extincto solvis debita iusta seni.*  
*Tecum docta cohors, Tecum pars magna Senatus*  
*Tendunt purpurea nomina magna toga.*  
*Bignonus Themidos decus ac tutela Minerva,*  
*Quo minor est quisquis summus in orbe fuit,*  
*Bignonus cui Boiorum terra alma salubres*  
*Præbet aquas, absens & procul Urbe dolet.*  
*Tu questus Launæ graves suspiriaque imo*  
*Morte super tali pectore ducta mores.*  
*Qui gemitus Bullialde Tui! cui carior alter*  
*Non fuit, aut docto notus in orbe magis.*  
*Mæsta Valefiada: properant ad limina fratres,*  
*Par, cui rara pares secula ferre solent.*  
*Hic etiam Capellanus adest, facunde Menagi*  
*Huc Tecum Halleum, Nubletiumque trahis.*  
*Famaque jam patulas latè diffusa per auras*  
*Omniibus hanc mortem publicas una locis.*  
*Deformis lacero flet damna domestica vultu*  
*Gallia, & assiduo proluit imbre genas.*  
*Et queritur super indultas inflare tenebras*  
*Artibus, ac densam surgere barbariem;*  
*Scissa comas, confusa oculos, lacrymabilis ora*  
*Arguit heu! sava iussa superba necis.*  
*Tristis in Oceanum descendit Scquana lento*  
*Amne, nec assueto murmure blanda fluit.*

Matrona nec solitum servat Ligerisque colorem,  
 Et cohibet rapidos ipse Garumna sonos.  
 Vicinus Diniae casuque Druentia tali  
 Turbatus Rhodanum decolor intrat aqua.  
 Nec tamen ereptum tantum sua Patria civem  
 Luxit, & inmanes efficiosa fuit.  
 Per medias Alpes celeri ruit impete raptus,  
 Atque Apennini per juga celsa dolor.  
 Eridanum ferit hic clamor, populique moventur  
 Italia, & sinem rebus adesse putant.  
 Euganei colles, cum Tyrrheno Adria ponto  
 Questibus implerunt littus utrumque piis.  
 Romulide Cassendi obitum cunctique Quirites  
 Plorant, & Latij nota per arva gemunt.  
 Iste sed Hesperias rumor non solus ad urbes  
 Pertulit ingentis nuncia verba mali;  
 Hac etiam ad doctos properavit fama Batávos,  
 Et lacrimas Vahalis cultaque Leida dedit.  
 Neptunus pater infremuit, Tritonia pubes  
 In luctu salis ora rigavit aqua.  
 Cis Rhenum & nostras eadem penetravit in oras,  
 Quam Lycus & Bojos alluit Oenus agros,  
 Ipse ego qui gelidum dego submotus ad Istrum,  
 Bavaricique colo Norica castra soli.  
 Indice Te, Launæ, acris primordia morbi  
 Cognovi, & lenta tempora tracta necis.  
 Mox, ubi sublatum terris cæloque receptum  
 Pagella primum me docuere Tuae,  
 Obstupui, riguere coma, vox hæsit in imo  
 Guttore, & in vultu nil nisi pallor erat.  
 Nec verba in numeros toties venere rogata,  
 Et pulsare chelyn non potuere manus.  
 Sed tamen in tanto vocem tenuisse dolore  
 Dedecus, & sædi criminis instar erat.  
 Hinc castis cedunt precibus, pia numina, *Musa,*  
 Annuit & votis lenis Apollo meis.

*Famæ*

Jamque Elegi fluxere satis; jam claudere rivos  
 Poscimus, & versus parca Thalia negat.  
 Cetera posteritas pleno ventura loquetur  
 Ore per Eoas Occiduasque plagas.  
 Tu vero ætherias inter novus advena mentes  
 Cælica cum superis oia latius agis.  
 Tu jam siderios anima complecteris orbes,  
 Cassende, & celsi candida regna poli.  
 Hic oculos explere tuos, hic libera spissis  
 Cernere sublimi nubibus astra licet.  
 Emeritum caput Uranie fulgentibus addet  
 Ignibus, & cælo sidera plura dabit.  
 Interea molli fruere placidaque quiete  
 Elysios inter, pulchrior umbra, choros.  
 Sirmondique tui junctus, magnisque Petavâ  
 Manibus optata secula pacis inis,  
 Te colit, umbrosisque arcte Rigaltius ulnis  
 Hæret, & obverso totus in ore stupet.  
 Te Puteana domus multum de fratre Jacobo  
 Querit, & huic vita tempora longa voyet.  
 Te socio Galilæus ovar, Naudæus amicum  
 Excipit, & secum ad mollia prata vocat.  
 Balzacii ad famam hanc genius caput extulit umbris,  
 Cassendoque cupit proximus esse suo.  
 Longevi senior venit ad loca nota Guyeti  
 Spiritus, & claro vult comes ire seni.  
 Circumstant animæ Heroum mentesque beata,  
 Cælicolæque novo laurea fessa parant.  
 Nos ima tollere sati vestigia tanta  
 Quin sequimur, tunc quò licet usque sequi?  
 Matmore de Pario statuum ponamus, & aris  
 Incisa hæc nostri stent monumenta senis.

HOC. JACET. IN. TENUI. SAPIENTIA. CLAUSA. SEPULCHRO.  
 CASSENDUS. PATRIA. NOTIOR. ILLE. SUA.  
 QUI. MERITIS. TERRAS. STUDIIS. COMPLEXUS. OLYMPUM. EST.  
 HIC. SITUS. EST. ALTER. TOTIUS. ORBIS. ATLAS.

Huic tumulo flores nexaque impone corollas,  
 Ac pius inceptum siste Viator iter.  
 Aspice quot modica dotes condantur in urna,  
 Et dic; Cassendi Molliter Ossa Cubent.  
 Huc violas affer calathis mollesque Hyacinthos,  
 Liliisque & teneras hac seve parte rosas.  
 Cinnama Arabs, dites affundant thura Sabai,  
 Floraque solerti vestiat arte solum.  
 Hoc Natura dabit, nobis sint carmina cura,  
 Et puro effigies are dicanda Viri.  
 Te, Cassende, loquor, quem si modò fama perennat  
 Quam tribuit virtus, non obiisse reor.  
 Venturis illustre decus memorabere seclis.  
 Te præsens atas, Teque futura canet.

*Nobilissimo Viro*  
**DN. JOHANNI ALBERTO PORTNERO**

Salut. & Amorem.

**G**ALLIA Palladijs spectata utrinque triumphis,  
 Artibus illa sagi nobilis, atque toga,  
 Martis ubi in galeâ nidum fecere Columbæ,  
 Usque adeo Marti est semper-amica Venus;  
 Cassendi amisit quod erat mortale: nec ultra  
 Exercere suum jus Libitina potest.  
 Ille sui vivet meliori parte superstes,  
 Dum super in terris doctior orbis erit.  
 In pretio dum laurus erit Parnassia, Fama  
 Hunc pennâ solvi non metuentes rehet.  
 Tu lessum faciens, pariter, Portnerce, Poëtam  
 Quod decet; & memorem legis amicitia,  
 Officium prastat: Qui carpserit, hunc ego dicam  
 Nec Musas, Philinum nec coluisse Jovem.

JOANNES HENRICUS  
 URSINUS.  
 C. QUIL-

C. QUILLETI  
IN OBITU  
PETRI GASSENDI  
LUGUBRE ENCOMIUM.

**L**UGERTE Aonides; tuque ô pulcherrima Pindi  
Uranie largis fletibus ora riga.  
Conspicuas lacerata genas, effusa capillos  
Plange; sonent mœstis sidera pulsa modis.  
Ille tuus Gassendus obit, tua maxima cura  
Gassendus, studij gloria summa tui:  
Gassendus tam fida tibi qui præsstitit usque  
Obsequia, aibereâ mente fidelis amans.  
Ah quoties bisidi vigilem te in vertice montis  
Miratus, noctis frigora dura tulit!  
Sidereos quoties tecum dum suspicit orbes,  
Atque altum-sapiens tollit ad astra caput,  
Immites sensis brum as, vernosque tepores,  
Noctivagæque faciem luminæque uida deæ!  
His crebris tandem studiis succumbit anhelus  
Gassendus tanto victus amore perit.  
Quippe altas rerum causas, mundæque Perennes  
Acri vestigat dum ratione vices;  
Corporea tanto languent conamine vires,  
Pectoraque assiduo fessa labore gemunt.  
Hinc obit, & corpus mens aspernata caducum  
Deferit optato restituenda polo.  
Ergo tuo Uranie nimium dum carpitur igni  
Gassendus, tristi funere fata subit.  
Sed quid ego Aoniam marens incuso sororem?  
Quid querulus Elegis te, Dea amanda, peto.  
Ille Hominum sator omnipotens, vetusque Prometheus,  
Gassendum nobis qui dedit, ille rapit.  
Hunc rapit, & merito felicem donat Olympo;

Huic



Huic dat & aethereo cominus orbe frui.  
 Quas superum aeternas sedes; qua lucida longo  
 Gassendus studio quaesit, astra tenes.  
 Quas rerum causas rebus scrutatus in ipsis,  
 Has demum in summo conspicit Archetypo.  
 O Divum mensis sedeat quis dignior usquam!  
 Quis melior caelum promeruisse queas?  
 Ille indefessus veri servator & equi,  
 Præluxit cunctis simplicitate sopsis,  
 Simplicitate quidem sanctâ, pietate peritâ,  
 Et quam terrenus non violavit honos.  
 Extremas quamvis famâ celebratus ad oras;  
 Doctrinâ quamvis notus ubique suâ;  
 Non ideo insumuit vanus: volitare per ora  
 Dedignans, meritis laudibus erubuit.  
 Otia conjunxit Musis, doctrinamque quietem,  
 Et mores verâ Religione pios.  
 Huic tenuis census, modica gratissima vita  
 Commoda, & insontes huic placere lares.  
 Novi equidem (rabidus quomam potius optima livor)  
 Huic Bavium insanis obstrepuisse modis:  
 Garrulus argutum graviter tulit anser olorem,  
 Et raucos fædo miscuit ore sonos.  
 Haud tamen iratas Gassendus reddere voces,  
 Nec voluit diro bella fovere stylo:  
 Ignovit strepero nebuloni, & temnere vanum  
 Maluit, alternis quàm lacerare probris.  
 Nimirum & calami & lingua mala verba procacis,  
 Gassendo semper displicuere bono.  
 Huic magnos laudare viros fuit unica cura.  
 Huic gratos doctos concelebrare labor.  
 Testis es ô Salya Peiresci gloria terra:  
 Testis es ô Danum lucida stella Tycho:  
 Putbachius testis, testis Copernicus, & qui  
 Monte à regali nobile nomen habet.  
 Illustres anima, sophia cœlestis amantes,  
 Uranies fidi, docta quadriga, proci:

Ut vobis pulchros pius instauravit honores  
 Gassendus ! vita ut vos meliore beat !  
 Vos Gassendæ ventura in secula chartæ  
 Æternum clarâ laude vigere dabunt.  
 Interea nos eximij quicq; cernere doctæ  
 Ora viri licuit, colloquiûque frui:  
 Hujus solemni manes pietate colamus,  
 Hujus & in tumultum flore æ meâs eat.  
 At tu ô MON-MORI vera virtutis amator,  
 Gassendi columen, præsidiumque sophi,  
 Quicum præstantum dulcis consensio morum  
 Firmarat sanctæ fœdus amicitia:  
 Quandoquidem ille tuus dudum spectabilis hostes  
 Sub laribus fudit verba suprema tuis,  
 Consigna tibi pretiosa volumina, nobis  
 Imperti, & cunctis da potiunda sophis.  
 Nobilis hæc te cura manet, te spectat amicus  
 Hic labor, & tanto debita fama viro.  
 Sic tua Gassendi comes addita gloria laudi,  
 Lethæos spernet non peritura lacus.  
 Sic pia posteritas, & amantes pulchra nepotes,  
 Persolvent cura præmia digna tua.  
 Tu verò ô nostra decus immortale Camæna,  
 O Gassendi anima pars rediviva pia,  
 Æterno charum celebra CAPELANE sodalem  
 Carmine, lugubri pectine tange chelyn.  
 Ille inconcussus qui se tibi junxit amore,  
 Hæc animi poscit munera grata tui.  
 Ast ego cui notum sera sub tempore vita  
 Gassendum in felix abstulit interitus,  
 Hæc lugens fundo lachrymæ; & quod mea tristis  
 Musa potest, gemit his officiosa modis.  
 Gassendi duro tegitur sub marmore corpus,  
 Gassendi doctâ simplicitate pii.  
 Mens celsum è terris dudum suspexit Olympum.  
 Nunc eadem è celso despicit axe solum.

*Viro Doctissimo, Sapientissimo & Reverendissimo*

P A T R I

J O A N N I B E R T E T O

è Societate Jesu, Philosophiæ Professori  
eruditissimo:

S A M U E L S O R B E R I U S.

S. P. D.

**A**ccepi Epistolam, humanitate & sincero affectu, non minùs quàm doctrinâ & ingenio plenam, quam ad me Barberio nostro curante scripsisti, Reverendissime Pater, diebus nonnullis post obitum Summi Viri Petri Gassendi, qui contigit 1x. Kal. Nov. Quæ autem eo tempore reddita fuit, quo undiquaque per caput & circa saliebant latus negotia centum molestissima, unde me prorsus extricare nondum potui, ut confestim respondere honori quo me dignatus es, penes me sanè vix fuerit. Spero tamen futurum brevi, ut expeditis rebus urgentioribus redeam cum Musis in gratiam, non solum *Parisiensibus*, sed & exteris, renovato litterarum in Hollandiam, in Angliam, & Italiam commercio, undè perfacile certoque sciam, quid operum struat studiosa cohors, quid eruditi moliantur; & amicis procul hinc diffitis, veluti in præsidii quibusdam litterariis & bonæ mentis, cui plærumque limina majorum frigescent, hybernis commorantibus referam. Quo lubens fungar munere, & tecum præsertim, Vir Eruditissime, quem vicissim non pigebit nos edocere quid Lugduni, quid alibi terrarum paret societas sanctissima doctissimaque, per quam nunc à sæculo in toto orbe terrarum floruerunt humaniores severioresque litteræ, & viguit pietas, quam abiturientem majorum nostrorum culpâ tot sapientissimi Viri, Martyres & Confessores vestri, lacinia retinuerunt. At nunc, quæso, Rev. P. ignoscas velim si in aliud tempus, scilicet oportunius, id quidquid est opellæ differam, qui jam totus in luctu & mœrore positus debeam impendere Epistolam istam lugendo tecum amico nostro communi. Nostrum dico, cujus quidem jactura me peculiari quodam modo spectare videtur; utpote quem ab annis hisce viginti colueram, à quo amari me senseram, & cujus ex ore sæcundissimo sæpius audiveram

audiveram in familiarissimo congressu quicquid reconditoris sapientię excellsa mens illa amicis notę interioris promere solebat. Et revera non aliter ego me in talem virum affectum sentiebam, quā in parentem quemdam optimum, cui acceptam referre debebam cognitionem quam pro modulo ingenii mei eram consequutus, tum nobilioris illius eruditio- nis, quę tota sapientiam spirat, tum defecationis illius Philosophię, quę discussis demum nebulis animum solet verę philosophantium in tam tran- quilla, ut Poëtę verbis utar, & tam clara luce locare. Illuxerat quidem de- bilis olim, veluti per fugatas aliquatenus errorum nebulas, radius quidam hujusce consequendę ex litterarum tractatione serenitatis; & à teneris un- guiculis apud *Sam. Petitem* Avunculum meum humanioribus disciplinis imbutus, ad præclara quęque. & laude digna doctissimi Critici pollice efformatus fueram: Erat enim Vir ille *Peireskio* & *Gassendo* amicissimus, de quo memini ad me rescripsisse anno hujus sæculi quadagesimo Lutetię degentem, cum scilicet significassem benevolentiam, quā me ~~in maximis~~ prosequeretur *Gaudeo te in flagranti esse amicitia cum Petro Gassendo, Vir est optimus, apprimè & sine fuco doctus, à quo numquam nisi doctior & melior re- cedas.* Et varias deinceps in peregrinationibus meis occasiones habueram ex consortio Virorum totius Europę Doctissimorum, ultiores in sa- pientia progressus faciendī, qui cum *Petavio, Mersenno, Campenella, Nau- deo, Salmasio, Vossio, Grotio, Hobbio, Cartesio* (ut superstites præteream) & innumeris aliis versatus fueram. At semper unicum mihi & absolutissi- mum fuit *Petrus Gassendus* exemplar; neque recentiores aut etiam veteres quidquam mihi exhibere potuerunt quod numeris suis omnibus consum- matori sapientia præditum videretur. Animi affectus, in nullis non homi- nibus subinde ferocientes in illius Viri purissimo pectore rationi placidè obsequuti omninò semper fuerant; ex quo scilicet ratio adultior facta im- perium suum consequuta fuerat, adeò ex ephebis senex, & qua cæteri æta- te in errores & libidines facili & proclivi lapsu feruntur, sapientissimus e- vaferit; eademque insitens viā, pede firmissimo intutubanter per abrupta, per lubrica loca, ad extremum usque vitę curriculum æquali gressu perre- xerit. Et illa quidem Ratio, debilis corpusculi hospes divina fœliciter reg- nans functiones suas nobilissimas obeundo (terrestria scilicet & cœlestia, humana, divinaque perscrutando, ultra procedendo flammantia mœnia mundi, atque omne immensum peragrandō mente animoque) eò usque provecta fuerat, quo potis est attingere legendo, meditando, perquirendo,

& indefesso labore vestigando, solis naturæ viribus humanæ, mentis acumen. Neque enim abitor diffitebitur quisquam, cui notus fuerit ore vel scriptis *Gassendus*, nullum ad nostra tempora in tam latè patenti literatorum imperio existisse exemplum ratiocinationis purioris, lucidioris, doctioris, subtiliorisve, vel Judicii limatioris, exquisitoris, subactioris; aut vitæ cum sapientia actæ prudentioris & moderatioris. Quod profectò patebit institutâ comparatione Summi Viri cum Veterum vel Recentiorum sapientissimis: quamquam nolim in præsentiarum hujusmodi parallelum ullum instituire; cum supersint adhuc DEO benè propitio, plurimi, quos æmulatio tantæ virtutis proximè ad *Gassendum* nostrum facit accedere. Verùm sine controversia, nunquam tanta fuit solidæ eruditioni lugendi occasio invec̃ta; nunquam sapientia passa est majus detrimentum, nunquam tanta facta jactura est hominibus qui sese præstare cæteris animantibus doctrinâ & cultu ingenii student, quàm in desiderio tam chari capitis, cui Pudor, Justitiæ soror incorrupta Fides, nudaque Veritas, quando ullum inveniunt parem? Is erat nimirum in tam præclaro proposito dux & viæ monstrator optimus; qui toties iterato cursu cuncta humanæ solertiæ pervia diligentissimè lustrarat; qui non verborum inaniis & sterilibus illecebris, sed præsertim strenuè agendo & præcundo veras vitæ rationes nobis ostendebat. Is erat Philosophiæ vindex & restaurator felicissimus, generis humani primarium decus; atque in ista sæculi, eruditioni & virtutibus infensi, barbarie, prima ille in acie stabat fortiter oppugnans, & scædas adulationes calamo suo vel ingenio abutentium, & vitiorum monstra, & ignorantie deformitatem. Bonis ille omnibus & erectiori genio præditis, quibus læva sub parte mamillæ quid ritè salit, animos dabat, ut opprobrio sapientiâ liberaretur, atque suos illi honos asfereretur: dum scilicet fortuna ludum insolentius ludere pertinax, videtur rerum humanarum Imperium sibi soli vindicare; illud præfractè probare contendens, bonorum & sapientum superbissimo contemptu, nullas esse reliquas in rebus sublunaribus sapientiæ partes. Occubuit igitur *Gassendus* nobili in certamine, calamo seu ense in cæcam illam Deam stricto, acclamationibus verò gentis humanæ incorruptioris in cælum evectus. Qua ovatione Heroëm nostrum, gloriâ proculdubio splendidiori præfulgidiorè existimabis, Reverendissime P. quàm in contrarium prorâ conversâ magnum quid egisse sibi videntur, ubi oppidula quædam expugnarint, militum parvam quandam manum fuderint, vel quædam terræ jugera Imperiis suis addiderint; unde tamen nihilo beatiores

beatiores evadunt & unde nihil aliud consequuntur, nisi ut plebecula aliquandiu certa quadam in regione, angustis limitibus circumscripta, incondite talia concelebrer. Verum mehercule Herois nostri gloria, solidiori innixa fundamento, non Pannucix Baucidis ore stridulo, vel anserum Pannassi rauco clamore resonabit; non in tonstrina, in inacello, lacuque audietur, non à famelico Poëta lucelli cujusdam spe decantabitur, non ineptis legetur in historiis; sed clarescet doctis sapientum sermonibus, & suavi Cygnorum modulatione in omnem transmittetur posteritatem; eaque erit *consentiens laus bonorum, Incorrupta vox, bene judicantium de eccellente virtute*. Ad quæ te voco, Reverendissime P. elogio & versibus quos nunc transmittito, & quorum omnium syllogem facio, ut subjungam vitæ amici nostri; quam ut adornem multi haud renitentem suadere nituntur. Aggrediar enim forsan lubens, ut me ipsum in luctu soleo acerbissimo, atque ut ad imitationem tantæ virtutis in posterum comparatio exiit; non verò quasi possim facundiâ qualicumque meâ ad recte factorum dignitatem assurgere. Vale, & me, vel propter amorem quo me Gassendus complectabatur, deinceps amare perge, qui te semper colam & venerabor. Lutetix Paris. Eid. Nov. A. S. CIO IO CLV.

# EPITAPHIUM

*dicatum Præstantissimo Viro*

PETRO GASSENDO.

HIC JACET,

NON unus è septem Sapientibus,  
Verùm

Tota Sapientum Familia,

Philosophi omnes, Politici, Philologi, Mathematici, Theologi.

Eodem Tumulo teguntur,

Academiæ veteris & novæ, Lycæi, Stoæ, Hortorum

Rudera, Vestigia,

E Quibus

Jam jam reparanda, & multò Splendidius restauranda

Edita doctrinâ Sapientum Tempia Serena.

Q9 3

Ubi

Ubi  
Veluti totidem Oracula  
Sistendi erant Redivivi & Audiendi  
Thales, Anaxagoras, Pythagoras, Hippocrates, Democritus;  
Socrates, Plato, Aristoteles, Zeno,  
Epicurus, Lucretius, Cicero,  
Seneca, Plutarchus,  
Sextus.

Et quotquot hujuscemodi Heroum  
Ad nostra usque tempora existere.

HIC JACENT,

Cum Musis, Pallade, & Apolline,  
Pudor, & Justitiæ Soror Incorrupta Fides,  
Nudaque Veritas.

Quæ Univerſa

Magnum PETRI GASSENDI Nomen  
Complectitur.

Tu Viator Erudite

Luge Sortem Generis Humanis,  
Cui Mors invida eripuit

Fidissimum, Dilectissimum Naturæ Interpretem,  
Virtutis, Solidæ Pietatis, Bonæ mentis  
Cultorem, Vindicem, Propagatorem  
Integerrimum, Acerrimum, Felicissimum.

Vixit

Sine querela, sorte sua contentus,  
Interioris notæ Amicis Jucundissimus,  
Viris Imperio, auctoritate, doctrinâ, sapientiâ præstantissimis  
Acceptissimus, Charissimus,

Non apud Exteros solum,

Sed & in patriâ sua,

Amorem, Venerationem

Meritus, consequutus,

Annos LXIII, Mens. IX. Dies XIII.

Æternum sui desiderium relinquens

Lutetiæ Parisiorum

A. d. IX. Kal. Nov. c. l. d. clv.

ABRAHAMUS PRATEAUS,

THOMAS

THOMAS MARTELLUS,  
SAMUEL SORBERIUS,  
FRANCISCUS BERNERIUS.  
Amico Veteri, Præceptori bene merito,  
Grati animi Monumentum  
M. M. P. P.

---

## HADRIANI VALESII

*De obitu & laudibus Petri Gassendi Dinienfis*

*Ecclesia Præpositi.*

**L**Ugete Astronomi Sophique cuncti.  
Gassendus jacet, ille, qui per artem  
Admovit sibi curiosus Astra :  
Qui fixas numerare, qui vagantum  
Sellarum potuit notare motus,  
Sublimique Polum tenere mente.  
Ajunt hunc superos & inter ignes  
Deprendisse novas in axe flammas  
Hipparcho melius vel Archimede.  
Gassendus jacet, ille, qui Sophorum,  
Thracis Democriti; senisque Graji  
In parvo juvenes docentis horto,  
Laudanda revocavit arte sectam,  
Et corpuscula quadra, vel rotunda,  
Quas dicunt Atomos, resuscitavit;  
Ne vultu tamen ille præferebat  
Cultorem tetricum scientiarum:  
Sed comis fuit, omnibusque notis,  
Ignotis etiam serenus ore  
Arrisit roseo, atque singulorum  
Semones studiis ferebat aptos.  
Humanus, sine felle litibusque,  
Clamorem fugitans, probansque cuncta;  
Nil rursus retinens nec inliciti,  
Tamquam non Dinia vacantis agro  
Ortus, Luteciâ sed esset almâ :  
De se sollicitus, sibi que vivens,

Ac



Ac multum ex Italiæ trahens propinquis,  
Et nunc ille quidem suis libellis:  
(Si curant animæ libros beatæ)  
Ac famæ fruitur calentis aurâ:  
Tam dilecta sibi proculque visa  
Nunc felix propius tuetur Astra:  
Infra se videt emicare stellas,  
Gaudens discere, si qua nesciebat:  
At vos signiferum ducemque vestrum,  
Dignum Nestoræâ virum senectâ,  
Raptum post decimum alterumque lustrum  
Lugete Astronomi Sophique cuncti.

---

H E N R I C I V A L E S I I

Elegia in obitum

P. G A S S E N D I

**T**Ristior Aonios peragrabam mane recessus,  
Gassendi ah nimium funera dura gemens:  
Immitésque fremens doctis haud parcere Parcas,  
Cumque malis æqua forte perire bonos.  
Siccine, dicebam, Musis sua pignora curæ?  
Siccine cultores servat Apollo suos?  
Quid juvat Aonidas Phœbumque arcessere Pindo,  
Quid prodest artes excoluisse bonas?  
Doctos indoctosque simul mors obruit atra:  
Omnibus ad manes una terenda via est.  
Tunc subito ante oculos consistere visus Apollo  
Divino tales protulit ore sonos.  
Quid vanis pergis Superos onerare querelis?  
Quid cassis vates ætibus ora rigas?  
Non ea nunc primùm mortalibus edita lex est,  
Ut nati mortis tela cruenta ferant.  
Verùm nascentis jam prima ab origine mundi  
Legem fatales hanc posuere Deæ,  
Diis etiam genitos rapit inclementia fati:  
Nec quemquam immunem Pluto manere sinit.

Occidit

Occidit Ismariis Orpheus celebratus in oris,  
 Natus Calliope quamlibet ille Deâ,  
 Quid magnum Alcidem, fortem quid Thesea dicam?  
 Neptuni hic soboles occidit, ille Jovis.  
 Ipse ego divino quantumvis numine pollens  
 Servare haud potui pignora cara Linum.  
 An mirum est homines fato concedere, quando  
 Nec Superi natos eripuissè valent?  
 Ipsa quoque occasum patiuntur sidera, & ignes  
 Æther reslingui conspicit ipse suos.  
 Ergo tu Astrologos mirari deline posthæc  
 Æqua sideribus conditione premi.  
 Neu querere humana Cassendum sorte peremptum  
 Fatales rigida mortis inisse vias.  
 Occidit Hipparchus Bithynæ gloria gentis,  
 Eximiûsque Conon quem tulit alma Sarnos:  
 Qui Bereniceum dispexit in æthere crinem.  
 O felix oculus tam procul ista notans!  
 Quid memorem reliquos ætas quos proxima vidit  
 Sidera claros cognitione viros?  
 Occubuit leto Ticho, & Copernicus, & qui  
 Regali à montis vertice nomen habet:  
 Nec tamen indoctos idèd, mihi crede, peritis  
 Exquare valent fata, malosque bonis.  
 Sors longè diversa manet post funus utrosque:  
 Et sua pro meritis præmia quisque refert.  
 Ingenio vitam sibi namque parare secundam,  
 Et fati vires exsuperare licet.  
 Quin-etiam virtus doctis comes addita Musis  
 Immortale valet conciliare decus.  
 Talibus in terris animum qui dotibus auxit,  
 Illum post cineres altera vita manet.  
 Illi Pierides cingentes tempora lauro,  
 Purpureis fundent lilia mixta rosis.  
 Et Fama immensum latè diffusa per orbem  
 Perfonat ærata cuncta theatra tuba:  
 Facta viri & nomen referens doctosque labores:  
 Nec sinit invidiæ moribus esse locum.

R r

Illius

Illius effusi in laudes sacra turba Poëtarum  
Certatim ad tumultum carmina docta ferunt;  
Nunc quoque Gassendo tales debentur honores,  
Æquavit laudem qui Ptolomæ tuam,  
Qui varios cursus Astrorum ortusque notavit,  
Sive ea fixa Polo, seu vaga fortè meant.  
Arcanas rerum causas qui protulit orbi:  
Occultas Sophiæ qui patefecit opes.  
Atque Epicuræ contexens dogmata sectæ  
Reddidit Eloquio splendidiora suo.  
Nec jam Gargetti infamis censetur alumnus;  
Postquam Gassendi Musa tulisset opem.  
Moribus hic etiam doctrinam ornavit honestis,  
Candidus & veræ simplicitatis amans.  
Principibusque viris pariter dilectus & imis,  
Innocuos vestro duxi in orbe dies.  
At nunc cœlestes tandem translatus ad oras,  
Sublimis spretâ sidera calcât humo.  
Atque alium Solem majoraque suspicit astra  
Haud ulli in terris conspicienda viro.  
Illic cum Superis degit felicius ævum,  
Virtutis referens præmia digna suæ.  
Parce igitur Vates cœlum pullare querellis  
Adque boni tumultum dic bona verba senis.  
Ite procul viles plebeia ad funera luctus  
Totum ubi mors hominem vindicat atra sibi.  
Gassendi tumulo flores Helicone petiti,  
Sertaque Musarum pollice texta levi:  
Et vario scriptæ debentur carmine laudes.  
Sic doctis fas est solvere iusta viris.  
Hæc ubi dicta dedit, subito dilapsus Apollo  
Adventus liquit signa videnda sui.  
Protinus ex animo fregit dolor ac mihi versus  
Jam faciles vena limpidiore fluunt.

Elen-

**Elenchus Operum edendorum Cl. Viri Petri Gassendi.**

*Syntagma Philosophicum.*

**Liber Proemialis in Philosophicum Synt. seu de Philosophia universè.**

**Syntagmatis Philosophici Pars Logica.**

**Partis Physicæ Sectio I. de Rebus naturæ universè.**

**Partis Physicæ Sectio II. de Rebus Cœlestibus.**

**Sectiois III. Membrum prius de Rebus Terrenis inanimis.**

**Sectiois III. Membrum posterius de Rebus Terrenis viventibus.**

**Syntagmatis Philosophici Pars Ethica.**

*Opera alia Philosophica.*

**Philosophiæ Epicuri Syntagma.**

**Exercitationum Paradoxicarum adv. Aristoteleos libri priores duo.**

**Fluddanæ Philosophiæ Examen.**

**Disquisitio Metaphysica adversus Cartesium.**

**Epistola I. ad librum Herberti illustris Angli de Veritate.**

**Epistolæ IV. de apparente magnitudine Solis humilis & sublimis.**

**Epistolæ II. de motu impresso à motore translato.**

**Epistolæ IV. de Proportionem, qua gravia decidentia accelerantur.**

**Epistola I. de Parheliis, seu Solibus IV. Spuriis Romæ visis an. 1629.**

*Opera Astronomica.*

**Institutio Astronomica.**

**Observationes cœlestes ab An. 1618. ad An. 1655.**

**Mercurius in Sole visus & Venus invisâ.**

**Nova Stellæ circa Jovem visæ.**

**Solstitialis altitudo Massiliensis, &c.**

*Opera Humaniora, ac Miscellanea.*

**Diogenis Laertii Liber X. qui est de Vita, moribus, Placitisque Epicuri,  
cum nova interpretatione, & notis.**

**Vita Epicuri.**

**Vita Peireskii.**

**Vita Tychonis Brahe.**

**Vita N. Copernici.**

**Vita Peurbachii & Regiomontani.**

**Abacus Sestertialis, seu de valore antiquæ monetæ ad nostram redactæ.**

**Romanum Calendarium compendiosè expostum.**

**Notitia Ecclesiæ Dinienfis.**

**Manuctio ad Theoriam Musices.**

**Epistolæ familiares ad amicos ab An. 1621. ad An. 1655.**

*Ejusdem Opera edita.*

- E**xercitationum Paradoxicarum adversus Aristoteleos Liber. 1.  
Gratinopoli apud Verderium, 1624. in 8°. Amstelodami apud  
Lud. Elz. in 8°. Hagæ-Comitis, apud Vlacq, An. 1656. in 4°.
- Epistolica Exercitatio adversus Fluddanam Philosophiam. Parisiis,  
apud Cramoisy, an. 1630. in 8°.
- Parhelia, sive Soles quatuor Spurii circa verum visî Romæ, Anno  
1629. Parisiis, apud Vitré, 1630. in 4°. Hagæ-Comitis,  
apud Vlacq, Anno 1656. in 4°.
- Mercurius in Sole visus, & Venus invisâ, An. 1631. Parisiis, apud  
Cramoisy, in 4°. Hagæ-Com. apud Vlacq, Anno. 1656. in 4°.
- Vita Peireskij Senatoris Aquisensis, Parisiis apud Cramoisy Anno  
1641. in 4°. Hagæ-Com. 1650. in 12°. & 1656. in 4°. ap. Vlacq.
- Epistolæ IV. de apparente magnitudine Solis humilis & sublimis,  
Parisiis apud Heuqueville 1642. in 4°.
- Epistolæ II. de motu impresso à motore translato, ibidem in 4°.
- Novem Stellæ circa Jovem visæ, Parisiis apud Cramoisy, An. 1643?  
in 4°. Hagæ-Comitis apud Vlacq, An. 1656. in 4°.
- Disquisitio Metaphysica adversus Cartesium, Amsterodami, apud  
Blæu, An. 1644. in 4°.
- Oratio Inauguralis habita Parisiis in Collegio Regio, Parisiis, apud  
Heuqueville; An. 1645. in 4°. Hagæ-Comitis apud Vlacq.  
An. 1656. in 4°.
- Epistolæ IV. de proportionem qua gravia decidentia accelerantur,  
Parisiis apud Heuqueville, An. 1646. in 4°.
- Institutio Astronomicâ, Parisiis apud Heuqueville, 1647. in 4°.  
Londini apud Flescher, An. 1654. in 8°. Hagæ-Comitis,  
apud Vlacq, An. 1656. in 4°.
- Philosophia Epicuri, seu Animadversiones in decimum librum  
Diogenis Laertii, Lugd. apud Barbier An. 1649. in Fol. 3. vol.
- Vita Epicuri, Lugduni apud Barbier, An. 1647. in 4°. Hagæ-Co-  
mitis apud Vlacq. An. 1656. in 4°.
- Vita Tychonis Braheii. } Parisiis, apud Vid. du Puys,  
Vita N. Copernici. } 1654. in 4°. Hagæ-Com.  
Vita Peurbachii & Regiomontani. } ap. Vlacq. An. 1656. in 4°.
- Calendarium Rom. compendiosè expolitum, } Parisiis ap. Vid. du  
Notitiæ Ecclesiæ Dinientis. } Puys. 1654. in 4°.
- Proportio Gnomonis ad Solstitialem Umbram observata Massi-  
liæ, 1636. Hagæ-Com. apud Vlacq. 1656. in 4°.

F I N I S.

AD 1461574











C29.

